



32

9 · B

17





DE LIBATIO AFRICANÆ HISTO-

RIÆ ECCLESIASTICÆ,

SIVE

*Optati Mileuitani libri VII. ad Parme-
nianum de Schismate Donatistarum.*

Victoris Vtricensis libri III. de Persecutione
Vandalica in Africa,

Cum annotationibus ex Fr. Baldui-
ni I. C. Commentariis rerum
Ecclesiasticarum.



PARISIIS,

Apud Claudium Fremy, via Iacobæ, sub
diui Martini insigni.

1569.

CVM PRIVILEGIO REGIS.

EXTRAICT DV
Priuilege.

PA R grace & Priuilege du Roy, est permis à Claude Fremy, marchand Libraire en l'vniuersité de Paris, d'imprimer ou faire imprimer, mettre en vente, & distribuer vne fois ou plusieurs, vn liure intitulé, Delibatio Africanæ hiltoriæ Ecclesiasticæ, Siue, Oprati Mileuitani, &c. Et fait ledict seigneur defence à tout autres de quelque qualité qu'ils soient, de non imprimer, ou faire imprimer, vèdre ny distribuer en ses pais, terres, & seigneuries ledict liure, sans le congé & consentement dudit Fremy, iusques au tēps & terme de six ans finis & accomplis, à compter du iour & date qu'il sera acheué d'imprimer, sur les peines contenues és lettres patentes dudit Seigneur. Donnees à Paris le treizieme iour de Feurier, l'an mil cinq cens soixante sept.

Ainsi signé, Par le Roy.

ROBERT ET.

Et scellees du grand seau.

FR. BALDVINVS, CASPA-

RO BARCHINO I. C.

& causarum criminalium Iudici

Mediolanensi, viro Clariss.

S. D.



ACCÉPI hisce diebus
literas ad me tuas, qui-
bus me valde hortaris
ad edendos historiæ
Ecclesiasticæ Cōmen-
tarios, quorum ais in
Italia magnam, prædicatione tua, expe-
ctationem cōcitata[m] esse. Ego verò mi
Barchine vereor, ne, si velim quidem,
præstare, quod pro me nimium liberali-
ter sponondisti, facile possim: & tamen si
in te amem & agnoscam illam, quæ pau-
corum est huius ordinis Iurisconsulto-
rum, cordatam constantemque pietatē:
tamen vide, ne amor erga me tuus offi-
ciat luminibus iudicij tui de studiis no-
stris: qui quidem in hoc genere multò
plus mihi fortasse tribuis, quàm agno-
scere ipse possim: præsertim cùm in li-
teris tuis confirmes, sponsonem illam

tuam cò processisse, vt non dubites me
Romam inuitatum vocatúmque iri, ve-
teris historiæ Ecclesiasticæ causa, cuius
illic institui aliquam descriptionem in-
tegram, veram, & eruditam, iam pridem
etiam ab aliis audio. Iampridè (fateor)
oportuit illam non institutam modò
fuisse, sed & perfectam: neque ignoro,
quid quantúmque industria alicuius Iu-
risconsulti in sua arte excellétis, hoc est,
diuinarum humanarúmque rerum sciën-
tia præstantis, conferre possit ad tale tã-
túmque Opus. Sed non is ego sum, do-
ctis. Barchine: neque si quid in eo gene-
re forte aliquando, nō dicam, potui, sed
volui (nam saltem voluisse me, & valde
quidem voluisse, non dissimulo) non de-
bilitatum est, ex quo in Galliam reuer-
sus sum, tam & longa & funesta tristissi-
morum temporũ intemperie: & ex quo
à nobis discessisti, noua quadam & indi-
gniori ingratorum hospitum (sed qui
clam merebant Vesanae Factioni: habet
enim & hæc suos Beneficiarios) siue bar-
baric, siue iniuria, quæ me etiã, iis, quos
ad id, quo de nunc agis, magno labore
comparaueram, indicibus commenta-

riisque spoliauit. Quid moror? Et si ausus
aliquando sum tibi spondere, quàm iam-
pridem neglecta fuere ab iis, à quibus
Ecclesia minimè olim putasset, monu-
menta veterum Actorum, tam quando-
que aliis, à quibus id minimè illa aut spe-
rasset aut expectasset, cordi fore curam
huiusce rei: tamen res deinde ipsa fecit,
vt negare non possim, vix fieri satis pos-
se, quod in ea necesse est, si vel nihil ista
curant ij, quorum magis interest, vel e-
tiam obturbant, qui scriniis Ecclesiasti-
cis incubant. Verum age: si quos debet
potèstque Roma reuocet ad officium,
sitque tandem (quod polliceri vidèris)
ἐσθδωκτης, rursus spondebo, non defu-
turos quosdam nostri ordinis, qui archi-
tectis optimi maximi Operis multa mi-
nime protrita suppedient. Et verò, quia
in hunc sermonem ingressus sum, iam ti-
bi etiam familiariter narrabo, quod non
ignorare te non nolo. Audiebam hisce
diebus amicum quendam meum, quem
si tibi nominauero, & doctissimum & a-
cerrimum bonarum partium patronum
esse confiteberis, virum profecto corda-
tum & sapientem, grauitè differere de

facili liquidâque diiudicatione Eccle-
siasticarum huius temporis controuer-
siarum, si quæstionem facti veteris, quæ
definita & illustrata vix vllam deinde iu-
ris in eo genere dubitationē relinquet,
ipsa historia definiat. Deplorare autem
aliam actionem nostrorum temporum
& veluti fatalem quandā confusionem:
denique indigne ferre causam qua de,
toto hoc orbe, tanto motu agitur, etiam
bonam male agi, & quæ ad eam bene a-
gendam necessaria sunt, nō suppeditari
ab iis, quorum imprimis interest: sæpe
etiā ineptos homines (ne quid grauius
dicatur) ambitiose in hac contentione
suscipere, quod sustinere neque possunt
neque volunt: denique nonnullos præ-
uaricari videri. qua ille indignitate ad
indignationem commotus exclamabat
illud vetus,

Tradite signa viris, ignaui signa Quirites.

Conquerebatur autem potissimum de
neglectione veteris memorię Ecclesi-
asticæ, cuius recordationem bene restitu-
tam, optimam fore vel aduersariorū re-
futationem, vel controuerſiarum defini-
tionem, & mecum & tecum sentiebat.

Ego cùm multa illi responderem , quæ
querimoniam illam minuerent, tùm ve-
rò de studiis & laboribus Onufrij vestri
(quorum multo maior hic concitata in
hoc genere fuit expectatio, prædicatione
mea, quàm istic meorum, tua) narrare
cœpi, quod merito speraueram, cùm eũ
audirem iampridem Romæ, quod requi-
rimus , sedulo agere , multis magnisque
monumētis instructum, & præfidiis au-
xiliisque plurimus adiutum. Nam & cu-
ius viri egregios labores in illustrāda hi-
storia Romana & ciuili optime positos
laudabā & admirabar , eius viri, qui sese
Eremitā ordinis Augustiniani esse pro-
fitebatur, diligentiam multò etiam ma-
iorem fore in historiæ Ecclesiasticæ de-
scriptione, minime dubitabā. Cùm mul-
ta, cur id confirmarem, dixissem : ecce,
allatum tandem ad nos est, eius Chroni-
con (vt inscribit) Ecclesiasticū: quod ille
pluribus annis in maxima optimorum
monumentorum copia Romæ sese ela-
borasse præfatur. Vis, nihil vt apud te dis-
simulem? Accidit mihi, quod, tibi de me
spondenti vt accidat, vereor. Cùm illud
inspectum est, non potui satis respōdere

iis, qui nō modo expectationi suā, spon-
sioniq; meā minime id respōdere que-
rebantur, sed etiam carbones (quod di-
citur) p thesauro, & aridū modo quod-
dam sine anima cadauer (tametsi intē-
perans mihi visā sit tam acerba Cēsura)
esse causabantur. Scis, me hominis do-
ctissimi studiis & honori, vehementer,
sicuti debeo, fauere: cū & ille mihi in
illo suo chronico, multò plus tribuat,
quā debeat. Sed cū exciperem, indi-
cem modo aliquem temporis ab illo in-
stitutum fuisse in Chronico, & si eius te-
stimonia iam non adiecerit, expectāda
illa esse in Commentariis integræ histo-
riæ, in quibus rē totā exponet: ne sic po-
tui quidē satisfacere nonnullis morose
replicantibus, multum quoque esse *ἀνι-
στορίας* in illa breui Chronologia Eccle-
siastica: & cū in nominibus temporib;
que Consulū & Imperatorū, de
quibus minus laborabamus, magna sit
Indicis illius diligentia: in rebus Eccle-
siasticis, quibus de queritur, indicandis,
non modo adhibitam non esse, quæ de-
buit potuitue: sed etiā in indicatis mul-
tum esse erroris. Cū id illi obiicerent,

forte placuit in historia Donatistarum,
de qua hoc tempore hic frequens quæ-
stio est, & cuius aliquā partem propterea
ad te mitto, periculum facere, in qua do-
ctissimum hominem Ordinis Augusti-
niani minus dubitabam ex Augustino
suo repetere, quod ad eam pertinet. Sed
ea tota de re nihil aliud in Onufriano
Chronico reperimus, quàm, anno sexto
Imp. Constantini, Donatum fuisse, à quo
hæresis Donatistarum, quā Augustinus
exagitauerit: annóque sequēti schisma
Donatistarum in Africa fuisse: & altero
rursus anno sequenti fuisse Romanam
Synodum in causa Cæciliani Episcopi
Carthaginensis, & Arelatēsem primam,
& Carthaginensem in causa Cæciliani.
Hic ego aut inficiari aut dissimulare nō
potui, quantum in tam breui indice er-
roris & præposteri inesset: neque non id
multò magis intelliges ex libello, quem
nunc ad te mitto. Sed magis deinde
miratus sum, quod in eo Chronico, Op-
tati nostri mentio demum fieret anno
Christi trecētesimo nonagesimo nono.
Atqui Optatus ipse profiteatur sese suos
libros scripsisse circa annum Christi

trecentessimum sexagesimum tertium.
Vt autem serius Optati Onufrius memi-
nisse videbatur, sic citius, synodi Mileui-
tanæ: quam quidem annotat contra Pe-
lagium coiuisse anno Christi quadrin-
gentesimo secundo: Carthaginensem
verò contra eundem Pelagiū anno qua-
dringētesimo decimo tertio. Atqui ipse
Augustinus vtrunque eodem tempore
conuenisse sepe indicat: & responsum
Innocentij Papę ad Patres Mileuitanos
datum est vj. Kal. Februar. Honorio A.
xj. Constantio ii. Coss. quos quidē Cō-
sules fuisse anno Christi quadringente-
simo decimo tertio Onufrius ipse alio-
qui agnoscit. Et quanuis in vulgari Pro-
speri Chronico mendose annotatū sit,
quod & Onufrius in suo sequitur, anno
ptiori mortuum esse illum Innocentiū,
tamen ne hic quidem error alterū Onu-
frij errorem de anno Mileuitanæ syno-
di excusauerit: & quod dixi, Innōcentij
responsum, conuincit, verius esse quod
est in Marcellini Chronico, mortuum
esse Innocentium, iis, quos dixi, Consu-
libus, v. Kal. Augusti, hoc est, sex mensi-
bus posteaquam Mileuitanis Patribus

respondisset. Multum autem interesse in
tota hac historia viciosam falsamue non
esse Chronologiam, nemo est, qui non
sentiat. Itaq; & illud miratus sum, quod
Onufrius, vbi præterita Collationis Car
thaginensis mentione annotat nescio
quam Synodum Carthaginensem con
tra Donatistas conuenisse anno Christi
quadringentesimo decimo quarto, ad
dit, eodem anno fuisse Donatistarum
Synodum Cebarfussensem in Africa.
Credo eum significare velle, quod ab
Augustino commemorari memini Cu
bursussitanum Concilium Donatista
rum. Atqui Augustinus non obscure si
gnificat id cōuenisse ante annum Chri
sti trecentessimum nonagesimum quar
tum, cū quidem libr. 3. contra Cresc.
cap. 56. testetur id habitum esse ante al
terum illud Donatistarum Concilium
Bagaitanum, quod vno ante Theodosij
mortem anno cōiit.

Hæc, mi Barchine, & huius generis
plura obiter notabantur, cū, ea, quam
dixi, occasione forte inspiceretur Ecce
siasticum ex Italia ad nos missum Chro
nicon viri doctissimi, cum literis illis ad

me tuis: quibus veluti exoptulando at-
que exprobrando hortaris & vrges, vt
quos, cum hic esses, videbas à me colligi
Indices maiores antiquitatum Ecclesia-
sticarum, & cum Iuris nostri Ciuilis Cō-
mentariis coniungi valde probabas, ali-
quando edam. Non vtar vlla aut depre-
catione aut excusatione, quæ non facile
probari optimis tuique similibus Iudi-
cibus possit. Tempora, quæ nunc sint, vi-
des: & ex isto tuo portu prospicis, quibus
hic fluctibus iactemur. Occupationes
quæ præterea meæ sint, non nescies, cū
audies, me, vt oculos & aures auerterem
abs conspectu & auditione tristissimo-
rum tumultuū, quibus iam pridem hoc
Regnum concutitur, ita abditum in bi-
bliotheca esse (quid enim in Repu. me-
lius agerē!) vt tamē quotidianis duabus
prælectionibus, quæ ciuilibus studiis, in
quibus ætatem consumpsi, magis conue-
niunt, & quarum memoria fortasse exta-
bit, auditorium meum assidue exerceā.
Interea, vt veluti extraordinē suscipiam
maius illud, quod imponis, onus (etsi au-
ctore te nihil nō facturum sim) an auctor
rursus sis, vide. Non obiicio, verendum

esse, ne aliquo tãquã interdicto, finium-
ue regundorum iudicio, vel denique ali-
qua veluti noui operis nuntiatione im-
pediamur. Non enim historiæ vllius fa-
ctiue veteris quæstiones abs Iuriscõsulti
officio alienæ sunt. Sed etsi aliorũ olim
fuerit hæc cura, sic iampridem ab iis de-
serta est, vt laboriosæ occupationi faci-
le pateat : metuendum vt non sit, quod
potius esset optandum, aliquando eos
velle (quod apud Ciceronem ex Iuris
nostri formulis dicitur) nō modò inter-
dicto recuperare amissam possessionē,
sed etiam tanquam furculo defringen-
do vsurpare. Illud potius vereor, ne qui
necessariis præsidiiis, sedulo abutendo,
eãque ociose retinendo, officium suũ in
alios interea suauiter reiiciunt, officio-
forum hominum, qui minime stupidi
sunt, studia, quæ hoc modo irridentur,
infringant. Certè tam stupidi non sunt,
quamuis mercenarij non sint, Iuriscon-
sulti, quin reiiciãt Leoninam (vt vocãt)
societatem, qua fiat, vt alij, nihil agen-
do, in Rep. honores & commoda omnia
percipiant præripiãtue : alij ex suis la-
boribus nihil referant præter onera &

incommoda, & ærumnas. Scilicet, quia
premio & pœna contineri Remp. dixit
olim magnus ille Legislator, iusticia hæc
geometrica (vt Aristoteles vocat) pro-
portionis est, vt pœna, bene meriti: pre-
mio, male meriti afficiantur. Cæterum
alia sunt, quæ magis me mouêt, vt in eo,
quo de nûc mecum agis, Opere, malim
mihi (quod dicitur) & Musis domi hoc
tempore priuatim canere, quandiu
experior, quod aliquot iam annis nimiû
expertus sum in veteris Ecclesiæ aduer-
sus Bezam prouocantē suscepta defen-
sione. Equidem antea solebam, cum im-
pios profanosque leguleios, quos Iuris-
consultorum numero nunquam habue-
ro, odissè me non dissimularè, neque vn-
quam dissimulabo, alios ad id hortari,
ad quod tu me nunc reuocas: & exem-
plum, ne longius repetatur, scio in istius
tuæ nobilissimæ ciuitatis memoria ve-
teri maximum extare coniungendæ cû
religionis scientia & defensione Iuris-
prudentiæ: dico Ambrosium illum ve-
strum quondam Antistitè, & paulò antè
Pratorè. Itaque scito te etiamnum hoc
nomine maximè mihi placere, & Iuris-

consultum verum propterea videri multò magis: cuius & alterum exemplum leges in hoc libello, Marcellinū dico Præfidem Carthaginensem. Sed hoc mihi vicissim dato, vt quādiu hic inclusus aliud ago, & quā sit (vt ille olim dixit) *δυσμεταχείριστον* negotium, quod mādās, sentio, differre possim editionem, quā vrges. Et tamen ne literæ tuæ nihil abs me nunc impetrasse videantur, quibus petis, saltem vt recudatur Constātinus noster, quē à me multò etiam seuerius, quā fecerint quidam censores, castigatum atque ita recognitum esse non ignoras, vt si prodeat, facilè inducturus illum sit, qui olim me absente in Germania infelicitè & mendose & mutilate editus fuit ante annos duodecim: equidem prolixè tibi spondeo, statim atque maioribus libris edendis per hæc tempora operam dare licebit, facturum esse me, & desideras & diutius negligere integrum mihi non est: idque etiam cumulate facturum esse me spero. Nam cū Constantino Theodosium coniungere institui. Interea, quod abs Constantini historia minime alienum est, accipies

quos nunc ad te do libellos, tumultua-
riè, vt ex re ipsa iudicabis, & collectos
& editos, cum & Optatum nostrum re-
cognoscerem, & de Onufriani Chro-
nici parte illa, de qua dixi, quæsitum es-
set, & tuis aliqua saltem ex parte literis
satisfacere me velle, hoc testimonio cõ-
firmare vellem. Vale, Lutetiæ Parisio-
rum, Idibus Martiis.

Lectori.



D historia Africana historiam veterem
pertinent Optati Mileuitani & Victoris
Vrscensis libelli. Neque negaui in eorum
lectione tenendam quoque esse uniuersa
Africa Geographiam sed ut ex illa eius descriptione,
quam Strabo, Mela, Plinius, Ptolomaeus olim edidere,
fateor aliquid lucis accedere hisce libellis, sic ex his
vicissim dico illam ipsam eiusque & fines & vrbes
rursus illustrari. Adde etiam non modo ipsum Oro-
sum lib. 1. cap. 2. sed & nostrum postremo Iustinia-
num in l. 1. & 2. C. de offic. Praef. Prat. Afr. ubi cum
nouum & proprium Africa regenda, quam Vanda-
lis eripuerat, Praefectum Pratorio daret, cuius sedes esset
in vrbe Carthagenensi, enumerat. quas esse vult septem
illius prouincias, & singularum veluti metropoles.
Ac quidem in Concilio Mileuitano non nisi quinque
enumerata fuerant. Sed Iustinianus primo loco ad-
iungit, quam vocat Zeugitana. Vulgo impressum est men-
dose Tingitana propterea dicitur. Zeugitana autem
prouincia in Africa saepe etiam meminit Victor Vr-
scensis: ut & Plinius. Secundam autem Africa Pro-
uincia Iustinianus vocat simpliciter Carthagenensem:
quam & antea vocatam esse Proconsularem admonet.
Certè Optatus & Victor Proconsularem appellare so-
lent: atque ita quoque saepe nominatur in Codice Con-
stitutionum. Reliquas Africa prouincias, quae nominan-
tur in Synodo Mileuitana, & sparsim in hisce libellis
Optati et Victoris, nominat similiter Iustinianus, Tri-

politānam, cuius Ducem in Lepti magna sedere vult:
Byzacenam, cuius Dux in Capsa & Lepti altera se-
deat: Numidiam, cuius Dux in Vrbe Constantinensi:
Mauritaniam, cuius Dux in Casariensi: postremoque
Sardiniam Insulam, quam Africana quoque dice-
scos esse iubet. Nam & hanc cum Corsica Vandalus
Africa Tyrannus antea occupauerat, vt Victor li. I.
narrat.

Caterum factum est ignorantia geographia Afi-
cana, vt cum noster Optatus dicitur Mileuitanus, qui-
dam non modo dubitarint, cuius esset, sed & sinxerint
esse insularem. Equidem cum Donatum illum, qui à
casis nigris dicitur, fuisse Numidam admonui, sic &
Optatum Donati aduersarium, Numidia Episcopum
intelligi, cum Mileuitanus dicitur, adieceram: neque
quēquam hominem literatum id negasse putabam. Et
ecce audio, quibusdam etiamnum videri (quo nihil
stultius fingi potest) potius fuisse Melitensem. Nā Quin-
tinus Hedius, qui superioribus annis docebat Tus (vt
vocat) Canonicū in ea Schola, in qua nunc doceo Tus
ciuile, doctōr profecto Canonum minime illiteratus, cū
Melitam Insulam describeret, & (vt in ea educatus
cum Rhodiis, vt appellantur, Equitibus aliquādo fue-
rat) laudare vellet, scripsit, Concilium, quod Mileui-
tanum dicitur, fuisse Melitense. & Mileuitum urbem
nescio quam dici à Melita. R. si, cum id legi, visumque
mibi est tam monstrosū, quam si quis diceret Conci-
lium Sardicense fuisse Sardinienſe: propterea que ne-
mini probari id posse putabam. Sed tanto magis mira-
tus sum, cum audiui nostrum Quintinum non modo
multis suis auditoribus persuasisse, sed & illi Conci-

litorum Conſarcinatori Colonienſi : qui ſimiliter præ-
monet Concilium Mileuitanum habitum eſſe in Inſu-
la, quæ nunc Malta dicitur. Itane verò? Ego navi-
gando nūquam ad littus Africa tam propè acceſſi, quàm
Doctor Quintinus ſuorum Equitum claſſem ſecutus.
Et tamen ſcio non poſſe eum euincere, quod affirmat,
niſi ſi euincat & probet, vel Numidiam eſſe in Meli-
ta inſula, vel Melitam inſulam eſſe in Numidia. Ve-
reor etiam ne quis naſutus hic obiciat, quod Lucianus
faſe ſcripſit, ſeſe imperitia cuiuſdam partim Geogra-
phi, partim historiographi, repente ex Græco factum
eſſe Babylonium, patriamque ſuam ab Hellesponto
auulſam cum ipsis mœnibus & turribus tranſlatam
eſſe in mediam Meſopotamiam Sed quid diceret Opta-
tus, quid Patres Mileuitani, ſi iam audirent: ſeſe ex
Mileui Numidia deportari in Inſulam Melitam, ut
olim damnati, in Sardiniam. Sanè, ut Optatus, cum
Concilium Numidia vocat, intelligit quoddam Cir-
tenſe : ſic Auguſtinus Mileuitanum ſolet appellare
Concilium Numidia, veluti in epiſt. 47. & 92. &
94. & 95. atque ut Mileuitani Patres proſitetur ſeſe
ex Concilio Numidia ſcribere ad Innocentium Pa-
pam, ſic Innocētiſ in ſuo ad eos reſponſo ait ſibi ſcri-
ptum eſſe ex Concilio Mileuitano. Equidem hæc ſi ali-
quando, cum quererem locum in Numidia, cuius ap-
pellatio propius etiam quam Melita, accederet ad Mi-
leit. anum. Tandem commode incidi in Auguſtini
epiſt. 168. qui Mileuim oppidum vocat. Sed & cum
in Carthagenſi Synodo Cypriani, ubi Episcopi Nu-
midia dicunt ſuam ſententiam de anabaptiſmo, lege-
rem inter eos numerari & nominari quēdam Pollia-

num à Mileo, sicuti impressum legitur in libris Cy-
priani: & suspicarer de aliquo mendo, coicceremque
legendum potius esse. Pollianus à Mileui: consului
alteram scripturam Actorum illius Concilij, quæ si-
militer recitantur ab Augustino, libr. vj. de Baptis-
reperi que apud eum ita scriptum esse, ut scribendum
esse diuinari: & cum illo Polliano à Mileui, in eodem
Concilio paulò antè nominari alios duos eiusdem Nu-
midia antistites, Felicem à Bagai, & Crescentem à
Cirta. Credo, ne Quintinum quidem dubitare de Cir-
ta Numidia. Si de Bagai aliquis dubitat, legat Dona-
tistarum Concilium Bagaitanum apud Augustinum
lib. 3. contra Crescon. cap. 53. & 56. & Mileuitanum
à Mileui, ut Bagaitanum à Bagai dici, agnoscat. Sed
neque Mileuim aut Bagaim quisquam magis miretur
a nobis referri inter oppida Numidia, quam Tubur-
bim aut Curubim inter oppida Africa, a Plinio, lib.
5. cap. 4. Denique notum est quod idem Plinius ait,
populorum Africa oppidorumque nomina vel ma-
ximè ineffabilia esse præterquam ipsorum linguis. Id
verò magis dixerit, qui Optati & Victoris libellos,
quos edimus, legerit. Equidem non dubito facile pro-
bari omnibus, quod in Possidio de vita Augustini ob-
seruari Ecclesiam Cirtensem pro Cirtensem
mendose legi: ut & in nostris Pandectis Flor. sit
mentio Reip. Cirtensium, cum in aliis libris viciosè
scriptum sit, Cyrenensium. l. ix. De iur. & facti ignor.
Quis propterea ferat Cirtam ex Numidia transferri
in Cyrenaicam? Iure profecto ipse Quintinus expli-
cans Zonaram de Canon. Apost. irridet eos, qui ex
Carchedone, id est, Carthagine, finxerunt aliquando

Calchedonem: neque negabit eadem reprehensione di-
gnos esse, qui Byzaciū, quod est in Africa, somniant
esse Byzantium in Thracia: & tali mendo libros quo-
que Iuris contaminarunt. Nunc iudicet, plausum an
risum in auditorio Iuris, mereatur, qui Mileum in
Melitam transformat. Tot hac de re verba non face-
rem, nisi si auditoribus Quintinianis error tam ridi-
culus verbo vno eripi non posset, minus licet coloris ha-
beat, quam si quis dicat. Mileuitanum Concilium dici
abs Melitena illa Armenia metropoli, quam tanto pe-
re predicat noster Iustinianus in Nov. 31. Nam &
cuiusdam Synodi Melitensis meminit Sozomenus
lib. 4. cap. 24. Melitensis alicuius aliquem olim memi-
nisse nusquam legi. Et quid tandem mentis fuisset A-
fris Patribus, si relicta tota sua Africa, ubi longe al-
liud habebāt, & agerent, periculosa per medias Sirtes
navigatione traiecissent in illam aridam & angu-
stam insulam, ut ibi tanquam in carcere inclusi, &
toto diuisi orbe, deliberarent de rebus ad Ecclesiam
Africanam pertinentibus, & in medio mari trans-
marinas appellationes (nam eas reprimat Synodus Mi-
leuitana) inhiberent. Ergo neque nobilissima illi Syno-
do, neque Optato nostro hanc iniuriam ridicula fictio-
ne fieri patior. Ut autem Optato dem successorem: Au-
gustinus in epist. 34. ad Paulinum laudat beatissimū
(ut vocat) Senerum, suum condiscipulum, antistitem
Ecclesie Mileuitanae, bene (inquit) apud eandem ciui-
tatem fratribus cognitum. Idem Augustinus libr. 3.
contra Petil. cap. 38. meminit damnati cuiusdam Ho-
norij Mileuitani in Africana Ecclesia. Denique Fau-
stus illum Manichaeum, gente Afrum, xinitate fuisse

Milenitanum ait, hominem (inquit) acuti ingenij, & expolita lingua, sed nequissimum calumniatorem Christianae religionis.

Si ferre non potui Optatum nostrum ex Milenitano fieri Melitensem, aut ex Numida insularem, multò minus ferre debeo confundi cum aliis Optatis. Mitto illum Optatum Donatistam, quem in Synodo Bagaitana, & Optatum Catholicum, quem in Cirteni celebrari audio ab Augustino. Celebrior fuit & famosior Optatus Gildonianus, cuius & sapius meminit Augustinus. Sed quis non indigne ferat, quosdam hodie Gildonianum à Milenitano non discernere, cum inter eos tantum interfuerit, quantum inter Donatistarum ducem sceleratissimum, & Catholicæ Ecclesiæ sanctissimum antistitem. Si quis roget, cur ille alter dicatur Gildonianus, respondebo quod Augustinus lib. 2. contra Petil. cap. 92. scribit, Optatum illum de satellitio Gildonis accusatum, penas dedisse terribili mortis genere extinctum: sicuti & leges nostra non modo Gildonem illum tyrannum, qui in Africa aduersus Imp. Honorium arma sumpsit, sed & eius satellites persequi se profitentur. L. 19. C. Th. de pen. l. 19. C. Th. de bon. proscript. Sic & in l. 7. C. Th. de metat. dicuntur confiscata prædia Gildonis hostis publici, & satellitum eius: estque lex Honoriana ad Pompeianum Proconsulem Africa data Me-
diolani.

Qualem autem ipse Claudianus elegantissimè versibus describit fuisse Gildonem illum in Africa tyrannum & latronem, talem & Augustinus Optatum quendam Donatistam, eius satellitem, quem propte-

rea plerunque Gildonianum vocat. Verum etsi interdum non addat Gildonianum, & simpliciter vocet Optatum, tamen tam nefarium nebulonem fuisse testatur, ut ipsos etiam Donatistas eius puderet. Quam valde autem talem Optatum, ut debet, detestatur, tam etiam vehementer Optatum nostrum Milenitanum laudat: quem quidem lib. 1. contra Parmen. ait, & venerabilis memoria esse & Catholica communionis. Idem in lib. post Collat. vocat Catholicum Episcopum, & in libro de Vnit. cap. 16. videtur eum cum ipso Ambrosio comparare: sicuti & deinde Fulgentius lib. 2. ad Monimum, Optatum hunc nostrum, quem sanctum vocat, iudicat tam fidelem Pauli interpretem fuisse, quam aut Ambrosium aut Augustinum. Et tamen nolim tali comparatione Lectorem impediri, quin discernat, quantum intersit: sicuti & ubi quod attinet ad literarum eruditionem, Augustinus lib. 3. de doct. Christ. cap. 40. videtur eum conferre cum Cypriano, Lactantio, Victorino.

Porro ut ubi desinit Optatus, cepi ex Augustino repetere quod sequitur in historia Africana Ecclesie: sic ubi Augustinus desinit, visum est subiungere quod Victor Vticensis deinde narrat. Sed de Utica, ut de Milevi, nihil est necesse ut nunc addam quicquam. Onitto etiam quod in Pandectis nostris lego, Uticam non minus quam Carthaginem, Iuris Italici fuisse, l. ult. De Censib. Sed ut Milenitano siue Numida gratior sit vicinus hic Collega Vticensis, dicam ipsam Cirtensem Coloniam in Numidiam ex Vticensi Conuentu deductam videri, cum quidem illam Sittianorum vocatam fuisse Plinius testetur. P. autem Sittianorum

cium Equitem Rom. de Conuentu Picensi fuisse Hir-
tius scribat.

Reliqua de Optato & Victore ex nostris deinde
annotationibus petantur. Quam autem priori Optati
editioni ante sex annos praefixeram prolixam prae-
fationem, non de Optato modo, sed & de multis aliis ca-
pitibus rerum Ecclesiasticarum, de quibus ut tunc a-
gerem, cogebat me conditio eius contentionis, ad quam
vel inuitus pertractus eram, & acerrimi aduersarij
cum quo mihi res erat, refellendi quaedam necessitas:
eam (inquam) vehementiorem praefationem in hac
editione nolui inculcari: quam satis superque est edi-
tam suo tempore semel fuisse.

Lutetia Parisiorum, Idib. Martij. 1569.

OPTATI AFRI,
MILEVITANI

EPISCOPI,

DE

SCHISMATE DO-
natistarum, aduersus Par-
menianum,

LIBER PRIMVS.



Vñctos nos Christianos,
charissimi fratres, omnipo-
tenti Deo fides vna com-
mendat. Cuius fidei pars
est, credere Filium Dei,
Deum, iudicem sæculi esse
venturum, cum qui iam-
pridem venerat, & secundum hominem suum,
per Mariam virginem natus est, passus, mortuus
& sepultus, resurrexit: Et antequam in cælum
ascenderet, (vnde descenderat) Christianis no-
bis omnibus suam per Apostolos pacem dereli-
quit. Quam ne videretur solis Apostolis dimi-
fisse, ideo ait, *Quod vni ex vobis dico, omnibus dico.*
Deinde ait, *Pacem meam do vobis: pacem meam re-
linquo vobis.* Sic igitur pax Christianis omnibus
data est. quam rem Dei esse constat, cùm dicit,
meam: Cum autem dicit, *do vobis*, non solum suã
voluit esse, sed & vniuersorum in se credentiũ.

Quæ pax, si, ut data erat, sic integra inuiolatâ-
 que mansisset, nec ab autoribus schismatis tur-
 baretur: inter nos & fratres nostros hodie non
 esset vlla dissensio: Nec illi inconsolabiles Deo
 lachrymas facerent, quod Esaias testatur: nec fal-
 forum vatium nomen & actus incurrerept: nec
 ruinosum ac dealbatum extrueret parietem: nec
 minus alturas, sed simplices euerterent mentes:
 nec malè imponendo omnibus captiuis manû,
 euerfionis velamenta obtenderent, nec maledi-
 cerent Deo: nec rebaptizarent fideles: nec nos
 euerfas aut occisas innocentium animas dolere-
 mus: quas prius doluit Deus, per Ezechielē pro-
 phetam, dicens: *Va faciētibus velamen super omne
 caput, & super omnem etatem, ad evertēdas animas.
 Anima euerfa, sunt populi mei: & maledicebāt mi-
 hi in populo meo, ut occiderent animas, quas non opor-
 tuit mori: dum adnunciant populo meo vanas sedu-
 ctiones,* Et tamen admissa sunt hæc ab iis, qui no-
 stri sunt fratres. Sed ne quis dicat, me inconsi-
 deratè eos fratres appellare, qui tales sunt: ab E-
 saiæ prophetæ vocibus increpati exorbitare nō
 possumus. Quamuis & illi non negēt, & omni-
 bus notum sit, quòd nos odio habeant, & exe-
 crentur, & nolunt se dici Fratres nostros: tamen
 nos recedere à timore Dei non possumus, quos
 hortatur spiritus sanctus per Esaiam Prophetā,
 dicens: *Vos qui timetis nomen Domini, audite nomen
 Domini: hi qui vos odio habent & execrantur, &
 nolunt se dici fratres nostros, vos tamen dicite eis, fra-*

tres nostri estis: Sunt igitur sine dubio fratres, quâuis non boni. Quare nemo miretur, eos me appellare fratres, qui nō possunt nō esse fratres.

Est quidem nobis & illis vna spiritualis natiuitas, sed diuersi sunt actus. Nam & Cham, qui patris sui risit impiè nuditatem, frater innocentium fuit: & pro merito suo iugum seruitutis incurrit, vt esset fratrib⁹ frater addictus. Ergo hoc nomen fraternitatis, nec interueniente peccato deponitur. Sed de istorum fratrum delictis dicam alio loco: Qui sedentes aduersus fratrem, detrahunt, & contra nos scandala ponunt: & cū illo fure concurrunt, qui Deo furtum faciunt. Et cum mæchis, id est, cum hæreticis, partem suam ponunt: & peccata sua laudant: & conuitia contra nos Catholicos meditantur.

Omnes quidem per singula loca maledicis vocibus perstrepunt: sed vnum quidem vix inuenimus, cum quo per literas, vel hoc modo loquamur. Parmenianum scilicet, fratrem nostrum: si tamē se à nobis vel hoc nomine nuncupari permittit. Et quia collegium Episcopale nolunt nobiscum habere cōmune, non sint collegæ, si nolunt: tamen (vt supra diximus) fratres sunt. Frater meus igitur Parmenian⁹, ne ventose ac nude, vt cæteri, loqueretur, quicquid sentire potuit. non solum dixit, sed etiam in scriptura digessit: Cuius dictis, cum respondere, veritate cogente. compellimur: erit inter nos absentes quoquomodo collatio. Eodem modo & satisfiet deside

2 riis aliquorum. Nam à multis desideratum est, ut ad eruendam veritatem, ab aliquibus defensoribus partium cōflictus haberetur: & fieri potuit. Sed quoniā & accessum prohibent, & aditus intercludunt, & confessum virant, & colloquium denegant: vel tecum mihi, frater Parmeniane, sit isto modo collatio: ut quia tractatus tuos, quos in manibus, & in ore multorum esse voluisti, non aspernatus sum, neque contempsisti, sed omnia à te dicta patienter audiui: audias & tu humilitatis nostræ responsa. Nam & ego intelligo, & tu non negas, & quiuis sapiens peruidet, te nulla alia ratione tā prolixè tractasse, nisi ut Ecclesiam Catholicam tuis tractatibus indignè pulsares. Sed, ut intelligi datur, aliud habet animus, aliud resonat sermo. Denique omnia te video dixisse cōtra Catholicam: imo multa pro Catholica, cū Catholicus non sis, ut & nobis necesse non fuerit tractatibus tuis respondere: nisi, quod dum malè instructus es, ut quod non vidisti, sed falso audieris, loquereris, cum in Epistola Petri Apostoli legerimus: *Nolite per opinionem iudicare fratres vestros: ut inter aliqua, quæ ad nos non pertinent (licuti probaturi sumus) diceret, à nobis contra vos militem esse postulatū.* Ceterum à te in aliis partibus tractatus tui, aliqua pro nobis dicta sunt, & contra vos: ut diluij & circumcisionis comparatio. Quædam & pro nobis, & pro vobis, ea, quæ in laude dixisti baptismatis, præter illud quod carnem Christi

male tractaueris: ideo & pro vobis : quia quamuis foris sitis, tamen ex nobis existis. Nam & illud pro ambobus, quod demonstraſti hæreticos extraneos eſſe Catholicis Sacramentis: ſi tamen voſipſos non eis adiungeres, quos eſſe ſchiſmaticos conſtat. Quædam pro nobis ſolis, vt cum vnus Eccleſiæ commemorationē faceres. Quædam contra vos per ignorantia, (quia peregrinus es) vt traditorum & ſchiſmaticorum accuſationem. Etiam illud eſt contra vos, quod dixiſti de oleo & ſacrificio peccatoris. Ac per hoc nihil contra nos à te dictū eſt, niſi quod ignoranter dixiſti, à nobis militem poſtulatū. Quod calumnioſe à te dictū eſſe, probationibus veriſſimis demonſtrabimus. Tolle hanc calumniam, & eris noſter. Quid enim magis dici pro nobis & noſtrū eſſe poteſt, quàm quod dixiſti, in comparationem Baptiſmatis ſemel factū eſſe diluuiū? Et ſingularem circumciſionem ſalubriter profeciſſe populo Iudæorum, magis pro nobis, quaſi noſter locutus es : Hæc enim noſtra vox eſt, qui in Trinitate Baptiſmatis vnionem defendimus : Non pro vobis qui Baptiſma, in cuius imagine ſunt illa duo, audaciter, & quod contra leges eſt, iteratis: iij. quamuis & vos ipſi non negetis, quia non debet iterari, quod ſemel iuſſum eſt fieri. Sed dum ſubtiliter laudaſti, quod omni laudis præconio dignum eſt: callidè veſtram ſuppoſuiſti perſonam, vt quaſi, quia ſemel licet, vobis liceat, aliis denege-

tur. Si Traditoribus non licet : vobis licere non debuit, quorum principes probamus fuisse Traditores. Si Schismaticis non licet: adæquè vobis licere non debuit, apud quos origo schismatis inuenitur. Si peccatoribus non licet: etià peccatores vos esse testimonio diuino cōuincimus. Et tamen quia licet, non per electum hominē, sed per quod semel licet: ideo post vos non emendamus, quia & apud nos & apud vos, vnum est Sacramētum. Cuius Sacramenti ratio, tota quinto libro demonstrabitur. A te quidem, frater Parmeniane, multa tractata sunt. Sed video mihi non eo esse respondendum ordine, quo à te dicta sunt singula. Tu enim primo loco dixisti comparationes laudēsque Baptismatis, & præter carnem Christi à te malè tractatam, cætera bene dixisti. Hoc enim magis pro nobis te dixisse, suo loco demonstrabitur. Secundo autem loco, exclusis hereticis, vnam dixisti esse Ecclesiam : sed eam, vbi sit, agnoscere noluisti. Tertio loco, traditores nullis certis personis aut nominibus accusasti. Quarto à te vnitatis lacerati sunt operarij. Quinto, vt minima prætermittam, dixisti de oleo & sacrificio peccatoris. Sed mihi videtur primo loco traditorum & schismaticorum indicandas esse ciuitates, personas, & nomina: vt quæ à te de iis dicta sunt, veros autores & certos reos suos agnoscant. Deinde mihi dicendum est, quæ, vel vbi sit Ecclesia, quæ est vna : quia præter vnam altera non est. Tertio, à nobis mi-

litem non esse postulatam, & ad nos non pertinere, quod ab operariis vnitatis dicitur esse commissum. Quarto loco, qui sit peccator, cuius sacrificium repudiat Deus, vel cuius oleum fugiendum sit. Quinto, de Baptismate. Sexto, de inconsideratis præsumptionibus & erroribus vestris. Sed priusquàm de rebus singulis aliquid dicam: quod carnem Christi male tractaueris, breuiter ostendam. Dixisti enim, carnem illam peccatricē, Iordanis demersam diluuiο, ab vniuersis sordibus esse mundatam. Meritò hoc diceres, si caro Christi pro omnibus baptizata sufficeret, vt nemo pro se baptizaretur. Si ita esset, ibi esset totum genus hominum: Illic omne, quod corporaliter natum est: nihil esset inter fideles & vnumquenque gentilē: quia in omnibus caro est. Et dum nemo non est qui non habeat carnem, sicut dixisti, caro Christi diluuiο Iordanis demersa est, omnis caro hoc beneficiū consequeretur. Aliud est enim caro Christi in Christo, Aliud vniuscuiusque in se. Quid tibi visum est, carnem Christi dicere peccatricem? vtinā diceres, *Caro hominum in carne Christi*. Nec sic probabiliter dixeris. Quia vnusquisque credens, in nomine Christi baptizatur: nō in carne Christi, quæ specialiter illi⁹ erat. Addo, quod ei⁹ caro de spiritu sancto cōcepta, inter alios nō potuit inremissam peccatorū tingi, quæ nullum videbatur admisisse peccatum. Addidisti, & Iordanis diluuiο demersam: satis incōsideratē hoc vsus es

verbo. Quod verbum soli Pharaoni, & eius populo debebatur, qui pondere delictorum, tanquam plumbum, ita merfus sit, ut ibi remāserit. Christi autē caro, dum in Iordane descendit & ascendit, demersa à te dici non debuit. Cuius caro ipso Iordane sanctior inuenitur, ut magis aquam ipsa descēsu suo mundauerit, quā ipsa mūdāta sit. Etiam illud præterire nō possum: quod te subtiliter egisse considero, ut ad inducendos vel decipiendos animos auditorum, post circūcisionis & diluuij descriptionē, & post laudem Baptismatis, hæreticos cum erroribus suis mortuos, & obliuione iam sepultos quodāmodo resuscitare voluisti, quorum per prouincias Africanas, non solum vitia, sed etiam nomina videbantur ignota. Marcion, Praxeas, Sabellius, Valentinus, & cæteri, temporibus suis à Victorino Pictauiensi, & Zepherino Urbico, & Tertulliano Carthaginensi, vsque ad Cataphrygas: & ab aliis adsertoribus Ecclesiæ Catholicæ superati sunt. Ut quid bellū cum mortuis geris, quod ad negotium tēporis nostri non pertinet? Sed quia schismatis hodie aliquid, quod probare possis in Catholicos, non habes, ideo ad prolixitatē scripturæ tuę augendā, tot hæreticos cum erroribus suis cōmemorare voluisti. Nunc alia quæstio est. Ut quid à te memorati sunt illi, apud quos non sunt Sacramenta, quæ nobis & vobis videntur esse cōmunia? Sanitas non flagitat medicinā. De se secunda virtus, forinsecus non quærit auxilia:

Veritas non desiderat argumenta: ægroti est, remedia quærere: inertis & imbecillis est, auxilia comparare: Mendacis est, argumenta conquirere. Interea dixisti, apud hæreticos dotes Ecclesiæ esse non posse. Et recte dixisti: scimus enim hæreticorum Ecclesias singulorū, prostitutas, nullis legalibus Sacramētis, & sine iure honesti matrimonij esse: Quas non necessarias recusat Christus, qui est sponsus vnius Ecclesiæ. Sicut in Canticis Canticorum ipse testatur. Qui cum vnam laudat, cæteras damnat: Quia præter vnam, quæ est vera Catholica, cæteræ apud hæreticos putantur esse: sed non sunt. Secundum quod indicat (vt supra diximus) in Canticis Canticorum, vnā esse columbam suam: Eandem sponsam, electā, Eandem, hortum conclusum, & fontem signatum: Vt hæretici omnes neque claues habeant: quas solus Petrus accepit, nec anulum, quo legitur fons esse signatus: nec aliquem illorum esse, ad quem hortus ille pertineat, in quo Deus arbusculas plantat. De quibus hæreticis, quamuis ad præsentem non pertineat causam, quod diu locutus es, & suffecerat & abundabat. Sed miror, quid tibi visum est, etiam vos ipsos eis adiungere, quos esse schismaticos cōstat, dum Ecclesiæ dotes & hæreticis ipsis, & vobis schismaticis denegasti. Dixisti enim inter cætera, schismaticos à vite, velut sarmenta, esse concisos: destinatos pœnis, tanquam ligna arida, gehennæ ignibus reservari. Sed video te adhuc ignorare

schisma apud Carthaginem à vestris principibus factum. Quære harum originem rerum, & inuenies hanc te in vos dixisse sententiam, cum schismaticis hæreticos sociasti. Non enim Cæcilianus exiuit à Maiorino auo tuo: sed Maiorinus à Cæciliano. Nec Cæcilianus recessit à Cathedra Petri vel Cypriani, sed Maiorinus: Cuius tu Cathedram sedes, quæ ante ipsum Maiorinum originem non habebat. Et cum hæc ita gesta esse manifestissimè constet, & vos hæredes esse Traditorum & schismaticorum euidenter appareat: satis te miror, frater Parmeniane, cum schismaticus sis, schismaticos hæreticis adiungere voluisse: aut si sic tibi videtur, & ita placet, contra illa quæ à te paulo ante sunt dicta. Dixisti enim fieri non posse, ut in falso Baptismate inquinatus abluat, immundus emundet, supplantator erigat, perditus liberet, reus veniam tribuat, damnatus absoluat. Bene hæc omnia poterunt ad solos hæreticos pertinere, quia falsauerunt Symbolum, dum alter dixerit duos Deos, cum Deus vnus sit: alter patrem vult in persona filij cognosci, alter carnem subducēs filio Dei, per quam Deo reconciliatus est mundus: Et cæteri huiusmodi, qui à Sacramentis Catholicis alieni esse noscuntur. Quare pœniteat te talibus hominibus etiā schismaticos adiūxisse. In te enim conuertisti sententiæ gladium, dū æstimas, quia alteros appetebas. Et non attēdisti inter schismaticos & hæreticos, quam sit magna

distantia. Inde est, quod ignoras, & quæ sit sancta ecclesia: & sic omnia miscuisti.

Catholicâ facit simplex & verus intellectus, intelligere singulare ac verissimum Sacramentum, & vnitas animorum. Schisma vero, sparso coagulo pacis, dissipatis sensib⁹ generatur, liuore nutritur, æmulatione & litibus roboratur, vt deserta matre Catholica, impij filij dum foras exeunt, & se separant (vt vos fecistis) à radice matris Ecclesiæ, inuidiæ falcibus amputati, errando rebelles abscedunt. Nec possunt nouum aliquid, aut aliud agere, nisi quod iamdudum apud suam didicerunt matrem.

Hæretici vero, veritatis exules, sani & verissimi Symboli desertores, de sinu Ecclesiæ sanctæ impiis sensibus deprauati contempto quod bene fuerant geniti, vt ignorantes & rudes deciperent, de se nasci voluerūt. Et qui iam dudum vitalibus pasti fuerant cibus, corrupte la malæ digestionis, in perniciæ miserorum, disputationibus impiis venena mortifera vomuerunt. Vides ergo, frater Parmeniane, hæreticos à domo veritatis extorres, solos habere varia & falsa baptismata: Quibus inquinatus non posset ablui, immundus emundare, supplantator erigere, perditus liberare, reus veniam tribuere, damnatus absolui. Bene clausisti hortum hæreticis, bene reuocasti clauēs ad Petrum, bene abstulisti colendi potestatem, ne arbusculas colerent ij, quos ab hortulo & paradiso Dei cō-

stat alienos. Bene subduxisti anulum iis, quibus aperire non licet ad fontem. Vobis verò schismaticis quāuis in Catholica non sitis, hæc negari non possunt, quia nobiscum vera & communia Sacramenta traxistis. Quare cum hæc omnia hæreticis bene negētur: quid tibi visum est, hæc & vobis negare voluisse, quos schismaticos esse manifestū est? Vos enī foras existis, quātū in vobis est: Volebā, vt soli dānarētur hæretici: quātū in te est, & iam vos ipsos, cum eis vna sententia ferire voluisti. Sed iam, vt ad propositum singularum rerum ordinem redeamus, Primo loco audi, qui fuerint Traditores, & plenius autores schismatis disce. In Aphrica duo mala & pessima admissa esse constat: Vnum in Traditione, alterum in schismate: sed vtraque mala, & vno tempore, & iisdem autoribus videntur esse commissa. Debes ergo, frater Parmeniane, discere, quod intelligeris ignorare. Nam ferme ante annos lx. & quod excurrit, per totam Aphricam persecutionis est deuagata tempestas: quæ alios fecerit martyres, alios confessores, nōnullos funesta prostrauit in morte, latentes dimisit illæfos. Quid commemorem Laicos, qui tunc in Ecclesia nulla fuerant dignitate suffulti? Quid ministros plurimos? Quid Diaconos in tertio? qđ p̄sbyteros in secūdo sacerdotio cōstitutos? Ipsi apices & principes omniū, aliqui Episcopi illis tēporibus, vt damno æternæ vitæ, istius incertæ lucis moras breuissimas compararent, Instrumenta diuinæ legis impiè tradiderunt. Ex

quibus erāt Donatus Masculitanus, Viſtor Ruſſicadienſis, Marinus ab aquis Tibilitanis, Donatus Calamendiſis, & homicida Purpurius Limatenſis: Qui interrogatus de filiis ſororis ſuæ, quod eos in carcere Milei necaſſe diceretur, cōfeſſus eſt, dicens: *Et occidi, & occido non eos ſolos, ſed & quicumque contra me fecerit.* Et Menalus, qui ne thurificaffe à ſuis ciuibus probaretur, oculorum dolorem fingens, ad cōfeſſum ſuorum procedere trepidauit. Hi, & cæteri, quos principes tuos fuiſſe paulo poſt docebimus, poſt perſecutionem apud Cirtam ciuitatem, (quia Baſilicæ necdum fuerant reſtitutæ) in domum Urbani Cariſi conſederunt die Iduum Maiarum, ſicut ſcripta Nundinarij tūc Diaconi teſtātur, & vetuſtas membranarum teſtimonium perhibet, quas dubitantibus proferre poterimus. Harum nanque plenitudinem rerum, in nouiſſima parte iſtorum libellorum, ad implendam fidem adiunximus. Hi Epifcopi interrogante Secundo Tigifirano, tradidiſſe cōfeſſi ſunt. Et cum ipſe Secundus à Purpurio increparètur, quod & ipſe diu apud ſtationarios fuerit, & nō fugerit, ſed dimiſſus ſit. Non ſine cauſa dimiſſum fuiſſe, niſi quia tradiderat, iam omnes hæretici cœperunt murmurare. Quorum ſpiritum Secundus metuens, conſilium accepit à filio fratris ſui Secundo minore, vt talem cauſam Deo ſeruaret. Conſulti ſunt, qui remanſerunt, id eſt, Viſtor Garbiéſis, Fœlix à Rotario Centurion. Ij dixerunt talē

causam domino debere referuari. Et dixit Secundus, *Sedete omnes*. Tunc dictum est ab omnibus, *deo gratias*, & federunt. Habes ergo Parmeniane frater, qui manifestò fuerint Traditores. Deinde non post longum tempus, iidem ipsi, tot & tales, ad Carthaginem profecti Traditores, coniurati homicidæ, Maiorinum (cuius tu Cathedralis sedes) post ordinationem Cæciliani ordinauerunt, schisma facientes. Et quoniam Traditionis reos, principes vestros fuisse monstratum est: consequens erit, eosdem fuisse autores schismatis. Quæ res, ut clara & manifesta esse omnibus possit, ostendendum est, ex qua radice sese usque in hodiernum, erroris protenderint rami. & ex quo fonte riuulus iste maligni liquoris, occulte serpens, usque in tempora nostra manauerit. Dicendum est, unde & ubi & à quibus ortum constet hoc alterum malum: quæ conuenierint causæ: quæ fuerint operatæ personæ: qui autores huius mali: qui nutritores: à quibus sint inter partes ab Imperatore postulata iudicia: qui federint iudices: ubi sit actum Concilium: quæ sint prolata sententiæ. De diuisione agitur: & in Africâ, sicut & in cæteris prouinciis, una erat Ecclesia, antequàm diuideretur ab ordinatoribus Maiorini: cuius tu hæreditariam Cathedralis sedes. Videndum est, quis in radice cum toto orbe manserit: quis foras exierit: quis Cathedralis federit alteram: quæ antè non fuerat: quis altare contra altare crexerit: quis ordinationem fece-

rit, salvo altero ordinato: quis iaceat sub sententia Ioannis Apostoli, qui dixit multos Antichristos foras exituros: *quia non erant (inquit) nostri: nã si nostri essent, mñsissent nobiscũ.* Ergo qui in vno cũ fratribus manere noluit, hæreticos secutus, quasi Antichristus foras exiuit. Hoc apud Carthaginem post ordinationem Cæciliani factum esse, nemo est qui nesciat: per Lucillam scilicet, nescio quam, fœminam factiosam, quæ ante concussam persecutionis turbinibus pacẽ, dum adhuc in tranquillo esset Ecclesia: cum correptionem Archidiaconi Cæciliani ferre non posset, quæ ante spiritalem cibum & potum, os nescio cuius martyris, si tamen martyris, libare dicebatur, & cùm præponeret calici salutare os nescio cuius hominis mortui, & si martyris, sed necdum vindicati, correpta, cum confusione, irata discessit. Irascenti & dolenti, ne disciplinæ succumberet, occurrit subito persecutionis enata tempestas. Iisdem temporibus Fœlix quidam Diaconus, qui propter famosam, nescio quam, de Tyranno Imperatore tunc factam Epistolam, appellatus est, periculum timens, apud Mensurium Episcopum delituisse dicitur. Quem cùm postulatam Mensurius publicè denegaret, relatio missa est: Rescriptum venit, vt si Mensurius Fœlicem Diaconum non reddidisset, ad Palatium dirigeretur. Conuentus non leues patiebatur angustias. Erant enim Ecclesiæ ex auro & argento quam plurima ornamenta, quæ nec defodere terræ,

5 nec secum portare poterat. Quasi fidelibus, Senioribus commendauit, commemoratorio facto, quod cuidam aniculæ dedisse dicitur: Ita ut si ipse non rediret, reddita pace Christianis, anicula illa illi daret, quem in Episcopali cathedra sedentem inueniret. Profectus causam dixit. Iussus est reuerti Carthaginem: peruenire non potuit. Tempestas persecutionis peracta, & definita est: Iubente deo, indulgentiam mittente Maxentio, Christianis libertas est restituta. Botr⁹ & Celesius, ut dicitur, apud Carthaginem ordinari cupientes, operam dederunt, ut absentibus Numidis, soli vicini Episcopi peterentur, qui ordinationem apud Carthaginem celebrarent. Tunc suffragio totius populi Cæcilianus eligitur. Et manus imponente Fælice Aptungitano Episcopus ordinatur. Botrus & Celesius de spe sua deiecti sunt. Breuis auri & argenti sedenti Cæciliano, sicut delegatum à Mensurio fuerat, traditur, adhibitis testibus. Conuocantur supra memorati Seniores, qui faucibus auaritiæ commendatam ebiberant prædam. Cum reddere cogerentur, subdixerunt communioni plebem. Non minus & ambitores, quibus & ordinari non contigit: necnon & Lucilla, quæ iam dudum ferre non potuit disciplinam, cum omnibus suis potens & factiosa femina, cõmunioni misceri noluit. Sic tribus conuenientibus causis & personis, factum est, ut malignitas haberet effectum. Schisma igitur illo tempore confusæ mulieris iracundia

dia peperit, ambitus nutriuit, auaritia roborauit: ab iis tribus personis contra Cæcilianum causæ cōfictæ sunt, vt vitiosa eius ordinatio diceretur. Ad Secundum Tigisitanum missum est, vt Carthaginem veniretur: proficiscuntur omnes supra memorati Traditores: suscepti hospitio ab avaris, ab ambitoribus, ab iratis: non à catholicis, quorum petitione Cæcilianus fuerat ordinatus. Interea ad Basilicā, vbi cum Cæciliano tota ciuitas in frequentia fuerat, nullus de supradictis accessit. Tunc à Cæciliano mandatū est, *si est quod in me probetur, exeat accusator & probet*. Illo tempore à tot inimicis nihil in illum potuit confingi. Sed de ordinatore suo, quod ab iis falso Traditor diceretur, metuit infamari. Iterum à Cæciliano mandatum est, vt si fœlix in se, sicut illi arbitrabantur, nihil contulisset, ipsi tanquam adhuc Diaconum ordinarent Cæcilianum. Tunc Purpurius solita malitia fretus, quasi & Cæcilianus filius sororis eius esset, sic ait: *Exeat huc quasi imponatur illi manus in Episcopatu, & quassetur illi caput de pœnitentia*. His rebus compertis, tota Ecclesia Cæcilianum retinuit, ne se latronibus tradidisset. Illo tempore aut reus debebat expelli, aut communicari debuit innocenti. Conferta erat Ecclesia populis plena: erat Cathedra Episcopalis: erat altare loco suo, in quo pacifici Episcopi retro tēporis obtulerūt, Cyprianus, Lucianus & cæteri. Sic exitum est foras, & altare contra altare erectum est, & ordinatio illicitè cele-

brata est: & Maiorinus, qui Lector in diaconio Cæciliani fuerat, domesticus Lucillæ, ipsa suffragante, Episcopus ordinatus est à Traditoribus, qui in concilio Numidiæ (vt superius diximus) crimina sua sibi confessi sunt, & indulgentiam sibi inuicem tribuerunt. Manifestum est ergo, exisse de Ecclesia & Ordinatos qui Tradiderunt, & Maiorinum, qui ordinatus est. Interea de suorum criminum fonte, qui apud eos multorum flagitiorum venis exuberauerat, unum Traditionis conuictum in Ordinatore Cæciliani deriuandum esse putauerunt: prouidentes quod fama duas res similes vno tempore loqui non possent: vt crimina in silentium mitteret sua, vitam infamare conati sunt alienam: Et cum possent ipsi ab innocentibus argui, innocentes arguere studuerunt, mittentes ubique literas Liliore dictate conscriptas: quas inter cæteros actus habemus in posterum. Adhuc Carthagine positi præcesserunt se epistolis suis vt rumoribus falsis cunctorum auribus infereret mendacium, sparsa fama per populos. Et dum de vno celebrata sunt falsa, supradictorum verissima crimina sub silentio latuerunt. Frequenter solet erubesci de crimine, sed illo tempore non fuit cui erubesceretur: quia præter paucos Catholicos, peccauerant vniuersi: & quod imago fuerat innocentie inter multos nephas admissum, paruum erat Traditionis facinus, quod per Donatum Masculitanum & cæteros supra dictos constabat admissum: Etiam ingens flagitium schismatis traditioni iunxerunt.

Vides ergo Parmeniane hæc duo crimina tã ma-
la tam grauia Traditionis & schismatis ,ad tuos
Principes pertinere. Agnosce vel sero incurrisse
te in tuos, dũ insectaris alienos. Et cũ priores cõ-
stet operatos esse hoc alterum nefas, & vos iam
eos sceleratis vestigiis sequi laboratis : vt quod
illi priores in titulo schismatis fecerant, & vos iã
dudum fecisse & nunc facere videamini. Illi ru-
perũt suis tẽporibus pacẽ: vos exterminatis vni-
tatem. De parentibus vestris & de vobis merito
dici potest, *Cacus cacum si duxerit, vtrique in fine cadunt.* Oculos patrũ vestrorũ furiosus excæca-
uerat liuor, & æmulatio vestros orbauit. Schis-
ma summum malum esse & vos negare minime
poteritis. Et tamen Dathan & Abyron & Cho-
re, perditos magistros vestros, sine trepidatione
estis imitati : nec ponere ante oculos voluistis,
hoc malum & verbis Dei esse prohibitum , &
admissum grauitè vindicatum. Deinde esse di-
stantiam delictorum , aut remissio testatur aut
pœna . Denique inter cætera præcepta etiam
hec tria iussio diuina prohibuit, *Non occides, Non
ibis post Deos alienos :* & in capitibus mandato-
rum, *Non facies schisma.* Videamus de iis tribus,
quid oportuit puniri , & quid meruit relaxari.
Parricidium principale delictum est : & tamen
Cain nec re⁹ à Deo percutitur, sed occisus insup
vindicatur. In Niniue ciuitate hominũ numero
centũ viginti millia sacrilega, quæ deos alienos
sequi videbantur: post iracundiam Dei, & nun-

cium Ionæ Prophetæ, Ieiunium parui temporis & oratio indulgentiam meruit. Videamus si aliquid tale consecuti sunt ij, qui populos Dei primitus ausi sunt scindere. Tot millibus virorum Israel, quorum à cervicibus diuina prouidentia iugum seruale deiecerat, Aaron sanctum vnum præfecerat sacerdotem. sed cū ministri eius sacerdotium non sibi debitum cōcupiscentes, seducta parte populi illicite inuaderent, ritum imitati sacrorum, ducentos, & quod excurrit, ministros secum perituros, cum thuribulis in fronte seducti populi posuerunt. Deus cui displicet schisma, hoc libenter videre non potuit. Indixerant quodammodo Deo bellum, quasi esset alter Deus, qui alterum acciperet sacrificium. Igitur Deus pro neglectis mandatis iratus est ira magna. Et quod in sacrilegos & parricidam nō fecerat, in schismaticos fecit. Stabat ministro-
rum acies & multitudo sacrilega, cum interd-
ctis sacrificiis suis ilico peritura: negatum & sub-
ductum est pœnitentiæ tempus, quia non talis
erat culpa quæ veniam mereretur. Mandata est
terræ fames: statim fauces suas in populi diuiso-
res aperuit, & contemptores mandatorum Dei,
auido ore absorbuit. Intra momenti spacium, ad
transglutiendos prædictos terra patuit, rapuit,
clausa est. Et ne beneficium de mortis compen-
dio consequi viderentur, dum non essent digni
vivere, iis nec mori concessum est: tartareo car-
cere subito clausi, ante sunt sepulti quā mortui.

Et miramini vobis aliquid tale asperere factū, qui schisma aut facitis aut colitis, cum videatis quid magistri primi schismatis pati meruerunt: An quia cessat talis modo vindicta, ideo tibi cū tuis vindicas innocentiam? Deus in singulis rebus exemplorum posuit formam, vt sit quod imputet & imitantibus prima peccata: ad exemplum præsens pœna compressit, secunda iudicio reserua-bit. Quid ad hæc dicturi estis, qui schisma, vsurpato Ecclesiæ nomine, & occultè nutritis, & impudenter defenditis? Sed quia audio aliquos de societate tua, litigandi studio chartas habere nescio quas: quærendum est, quibus sit accommo-danda fides: quæ cum ratione concordent: quæ cum veritate confabulentur. Vestræ, si sunt aliqua, mendaciis fortè videantur aspersæ. Nostras chartas probant & conflictus causarum, & contentiones partium, & exitus iudiciorum, & epistolæ Constantini. Nam quod de nobis dicitis, *Quid Christianis cum regibus? aut quid episcopis cum palatio?* Si nota est, nollē reges, vos tota perfundit inuidia. Nam maiores vestri, Lucianus, Dignus, Nassutius, Capito, Fidentius, & cæteri Imperatorem Costantinum, harum rerum adhuc ignarum, his precibus rogauerunt: quarum exemplum infra scriptum est: *Rogamus te o Constantine optime Imperator, quoniā de genere iusto es, cuius pater inter ceteros Imperatores persecutionē nō exercuit, & ab hoc facinore immunis est Gallia. Nā in Aphrica inter nos & ceteros Episcopos contēiones sunt. Pe-*

timus, ut de Gallia nobis iudices dari precipiat pietas tua. Data à Luciano, Digno, Nassium, Capitone, Fidentio, & ceteris Episcopis partis Donati. Quibus lectis, Constantinus pleno liuore respondit. In qua responsione & eorum preces prodidit, dum ait: *Petitis à me in seculo iudicium, cum ego ipse Christi iudicium expectem.* Et tamen dati sunt Iudices, Maternus ex Agrippina ciuitate, Rheticius ab Augustoduno ciuitate, Marinus Arelatenfis. Ad urbem Romam ventum est ab iis tribus Gallis: & ab aliis quindecim Italici. Cõuenerunt in domum Faustæ in Laterano, Constantino iij. & Licinio iij. Coss. vj. Non. Octob. Die sexta feria. Cum consedissent Miltiades Episcopus vr̃bis Romæ, & Rheticius & Maternus & Marinus Episcopi Gallicani: & Merocles à Mediolano, Florianus à Cæsena, Zoticus à Quintiano, Stemnius ab Arimino, Fœlix à Florentia Tuscorum, Gaudētiū à Pisis, Constantius à Fauentia, Proterius à Capua, Theophilus à Beneuento, Sauinus à Terracina, Secundus à Præneste, Fœlix à tribus tabernis, Maximus ab Ostia, Euandrus ab Vrsino, Donatianus à Foro Claudij. His decem & nouem confidentibus Episcopis, causa Donati & Cæcilianiani in medium missa est à singulis. In Donatum sunt hæ sententiæ latæ: *Quod confessus sit se rebaptizasse, & Episcopis lapsis manum imposuisse: quod ab Ecclesia alienum est.* Testes inducti à Donato, cõfessi sunt, se nō habere quod in Cæcilia-

num dicerent. Cæcilianus omnium supra memoratorum sententiis innocens est pronunciat: etiam Miltiadis sententia, qua iudiciū clausum est his verbis. *Cum constiterit, Cæcilianum, ab iis qui cum Donato venerunt, iuxta professionem suam non accusari: nec à Donato conuictum esse in aliqua parte constiterit: sua communioni Ecclesiastica integro statu retinendum merito esse censeo.* Sufficit ergo & Donatum tot sententiis esse percussum, & Cæcilianum tanto iudicio esse purgatum. Et tamen Donatus appellandum esse ab Episcopis credidit. Ad quam appellationem Constantinus Imperator sic respondit, *ô rabida furoris audacia: sicut in causis gentiliū fieri solet, appellationem interposuerunt.*

Eodem tempore idem Donatus petiit, vt ei reuerti ad Carthaginem contingeret. Tunc à Filumino, suffragatore eius, imperatori suggestum est, vt bono pacis Cæcilianus Brixia retineretur: & factum est. Tunc duo Episcopi ad Africam missi sunt, Eunomius & Olimpius, vt remotis duobus vnū ordinarent. Venerūt apud Carthaginē: fuerūt per dies quadraginta, vt pronūciarent vbi esset catholica. Hoc seditiosa pars Donati fieri passa nō est. De studio partiū strepit^o quotidiani sūt habiti: nouissima sentētia eorū Episcoporū Eunomij & Olīpij talis legitur, vt dicerēt illā esse Catholicā, quæ esset in toto orbe terrarū diffusa: & sentētiā decē & nouē Episcoporū, iā dudū datā, dissolui non posse. Sic com-

municauerunt clero Cæciliani, & reuerſi ſunt. De iis-rebus habemus volumina actorū. Quod ſi quis voluerit, in nouiſſimis partibus legat. Cū hæc fierent, Donatus vltro prior ad Carthaginē redit. Hoc audito, Cæcilianus ad ſuam plebem properauit. Hoc modo iterum renouellatæ ſunt partes. Conſtat tamen Donatum tot ſentētiis eſſe percuſſum, & Cæcilianum innocentem totidem ſententiis pronunciatum. Sed quia in ipſa cauſa, iam dudum in catholica duorum videbantur laborare perſonæ, & Ordinari & Ordinatoris: poſtquam Ordinatus in vrbe purgatus eſt: purgandus adhuc remanſerat Ordinator.

Tunc Conſtantine ad Ælianum Proconſulem ſcripſit, vt remotis neceſſitatibus publicis, de vita Fælicis Autungitani publice quæreretur. Inducti ſunt Claudius Saturianus, curator Reipublicæ, qui fuit tempore perſecutionis in ciuitate Fælicis, & curator præſentis tunc temporis, quādo cauſa flagitabatur, Callidius Gratianus, & Magiſtratus Alſius Cæcilianus: ſed & Superſtationarius perductus, & Ingētius ſcriba publicus. pependit ſub metu imminentium tormentorum. Reſponſis omnium nihil tale inuentū eſt, quod vitā Fælicis Epiſcopi ſordidare potuiſſet. Habetur volumina actorū, in quibus continetur præſentium nomina, qui fuerant in cauſa, Claudij Saturiani curatoris, & Cæciliani Magiſtratus, & Superſtationarij, & Scribæ Ingētij, & Solonis Officialis publici ipſius temporis. Poſt

quorum responsa, à supra memorato Proconsule hæc pars sententiæ dicta est: *Fælicem autem religiosum Episcopum, liberum esse ab exustione instrumentorum deificorū manifestum est, cum nemo in eum aliquid probare potuerit, quod religiosissimas scripturas Tradiderit vel exusserit. Omniū enim interrogatio supra scripta manifesta est, nullas scripturas deificas, vel inuentas, vel corruptas, vel incensas fuisse. Hoc actis continetur, quod Fælix Episcopus religiosus, illis temporibus, neque præsens fuerit, neque conscientiam accommodauerit, neque aliquid tale fieri iusserit. Vnde pulsa atque extersa infamia, cum ingenti laude illo iudicio recessit. Iam dudū opinionis incertæ, & inter caligines, quas liuor & inuidia exhalauerat, latere veritas videbatur. Sed etiam omnis scriptura memorata, & actorū voluminibus, & epistolis commemoratis aut lectis renouata est. Vides frater Parmeniane, in Catholicos Traditorum nomine falso obiecto, frustra esse inuentum: mutans videlicet personas, & transferens merita clausisti oculos, ne parentes tuos reos agnosceres: aperuisti eos, ut innocentes & indignos crimini copulares. Omnia pro tempore, nihil pro veritate: ut & de te dixerit beatissimus Apostolus Paulus: *Quidam autem conuersi sunt in vaniloquium, volentes se esse legis doctores, non intelligentes quæ dicunt, neque de quibus adfirmant.* Paulò antè docuimus, vestros patres fuisse schismaticos & Traditores: & tu ipsorum hæres, nec schismaticis, nec Traditoribus parere volui-*

sti. Iam igitur documentis supra memoratis, omnia tela, quæ falso in alienos iactare voluisti, veritatis clipeo repulsa, in tuos parentes reciproco ictu vertuntur. Omnia igitur, quæ à te in Traditores & schismaticos dici potuerunt, vestra sunt. Nam nostra non sunt, quia in radice manemus, & in toto orbe terrarum cum omnibus sumus.

LIBER SECVNDVS.



Noniam & qui fuerint traditores ostensum est, & schismatis origo ita monstrata est, vt pene oculis perspecta videatur: etiam hæresis ab schismate quid distet, ostendimus: Illud demonstrare iam proximum est (quod nos promissimus secundo loco esse dicturos) quæ sit vna Ecclesia, quâ columbâ & sponsam suâ, Christus appellat. Ergo Ecclesia vna est, cuius sanctitas de sacramentis colligitur: non de superbia personarum ponderatur. Ergo hanc vnam columbam & dilectam sponsam suam, Christus appellat. Hæc apud omnes hæreticos & schismaticos esse non potest. Restat vt vno loco sit. Eam tu frater Parmeniane, apud vos solos esse dixisti: nisi forte quia vobis specialem sanctitatem de superbia vindicare contenditis, vt vbi vultis, ibi sit Ecclesia: & non sit, vbi non vultis. Ergo vt in particula Aphricæ, in angulo parue regionis, apud vos esse possit: apud nos in alia parte Aphri-

cæ non erit. In Hispaniis, in Italia, in Gallia, vbi vos non estis, non erit. Si apud vos tantummodo esse vultis, in tribus Pannoniis, in Dacia, Misia, Thracia, Achaia, Macedonia, & in tota Græcia, vbi vos non estis, non erit. Vt apud vos esse possit, in Ponto, Galatia, Cappadocia, Pamphilia, Phrygia, Cilicia, & in tribus Syriis, & in duabus Armeniis, & in tota Ægypto, & in Mesopotamia, vbi vos nō estis, nō erit. Et per tot innumerabiles insulas, & ceteras prouincias, quæ numerari vix possunt, vbi vos nō estis, nō erit. Vbi ergo erit proprietates Catholici nominis, cū inde dicta sit Catholica, quod sit rationabilis & vbi-que diffusa? Nam si sic pro volūtate vestra in angustū coarctatis Ecclesiam: si vniuersas subducitis gēres, vbi erit illud, quod filius Dei meruit? vbi erit, quod libenter ei largitus est Pater, in secundo psalmo dicēs, *Dabo tibi gentes hereditatē tuam, & possessionē tuā terminos terræ.* Vt quid tale infringitis promissum, vt à vobis mittatur quasi in quendam carcerem latitudo regnorū? Quid tantæ pietati obstare contenditis? Quid contra Saluatoris merita militatis? Permittite filium possidere concessa. Permittite patri promissa complere. Cur ponitis metas? Cur figitis limites? Cum à Deo patre Saluatore tota terra promissa sit, non est quicquam in aliqua parte terrarum, quod à possessione eius videatur exceptum. Tota est donata terra, cum gentibus totius orbis, Christo vna possessio est.

Hoc probat Deus, qui ait, *Dabo tibi gentes hereditatem tuam & possessionem tuam terminos terra.* Et in septuagesimo primo Psalmo, de ipso Salvatore sic scriptum est, *Dominabitur à mari usque ad mare: & a fluminibus usque ad terminos orbis terra.*

[Pater dum donat, nihil excipit: vos ut cedatis vnciam, totam libram auferre conamini. Et adhuc nitimini suadere hominibus, apud vos solos esse Ecclesiam, auferentes meritum Christo: negantes præstitutum à Deo. O vestra ingrata & stulta præsumptio! Christus vos cum cæteris in societatem regni cælestis inuitat, & ut cohæredes sitis, hortatur: & vos eum in hæreditate sibi à patre concessa, fraudare laboratis, dum Africæ partem conceditis, & totum terrarum orbem, qui ei à patre donatus est, denegatis.

Quid mendacem videre vultis spiritum sanctum? qui in quadragésimo octauo Psalmo, Omnipotentis Dei beneuolentiam nartat, dum dicit: *Deus Deorum Dominus locutus est, & vocauit terram, ab ortu solis usque ad occasum.* Vocata est ergo terra, ut caro fieret, & sicut legitur, facta est, & debet laudes creatori suo.

Denique commemoratur, spiritu sancto hortante, & dicente, in CXII. Psalmo, dum dicit, *Laudandum nomen domini ab ortu solis usque ad occasum.* Et iterum in XC V. Psalmo: *Cantate domino canticum nouum.* Si hunc versum solum diceret, possetis dicere, quia vos solos hortatus est spiritus sanctus. Sed ut ostenderet, quia non ad

vos solos dictum est: sed & ad Ecclesiam, quæ
vbique est, secutus est, dicens: *Cantate Domino
omnis terra: pronunciate in gentibus gloriam ipsius, in
omnibus populis mirabilia eius. Pronunciate*, inquit,
*in gentibus: non dicit in particula Aphrica, ubi
vos estis. Pronūciate*, inquit, *in omnibus populis: Qui
omnes populos dixit, neminem excepit. Et vos
solos ab omnibus populis, de quibus hoc man-
datum est, separatos vos esse gratulamini. Et
vultis vos solos esse totum, qui in omni toto nō
estis. Laudandum*, inquit, *nomen domini, & à tota
terra, & ab ortu solis vsque ad occasum. Nunquid
Pagani extra legales possunt cantare Deo, aut
laudare nomen Dei: & non sola Ecclesia, quæ in
lege est? quam si apud vos tantummodo esse di-
citis, fraudatis aures Dei. Si vos soli laudatis, to-
tus tacebit orbis, qui est ab ortu solis vsque ad
occasum. Clausistis ora omnium Christianarum
gentium: Indixistis silentium populis vniuersis,
Deum per momenta laudare cupientibus. Igi-
tur si & Deus debitas sibi laudes expectat, & ut
sonent spiritus sanctus hortatur, & totus orbis
quod debet, paratus est reddere, ne fraudetur
Deus: etiam vos ipsi laudate cum omnibus: aut
quia nolulistis esse cum omnibus, soli conticesci-
te. Ergo quia probamus eam esse Ecclesiam Ca-
tholicam, quæ sit in toto terrarum orbe diffusa,
eius iam commemoranda sunt ornamenta: &
videndum ubi sint quinque dotes, quas tu sex
esse dicis: inter quas Cathedra est prima: ubi nisi*

federit Episcopus, coniungi altera dos non poterit: qui est annulus: Videndum est, qui & ubi prior cathedra federit: si ignoras disce: si nosti erubescere. Ignorantia tibi ascribi non potest. Restat ergo ut noueris. Scientem errare peccatum est. Nam ignorantibus nonnunquam solet ignosci. Igitur negare non potes, scire te in urbe Roma Petro primo Cathedram Episcopalem esse collatam: in qua federit omnium Apostolorum caput Petrus: unde & Cephas appellatus est: in qua una Cathedra, unitas ab omnibus seruaretur, ne ceteri Apostoli singulas sibi quisque defenderet: ut iam schismaticus & peccator esset, qui contra singularem Cathedram, alteram collocaret. Ergo Cathedra unica, quæ est prima de dotibus, sedit prior Petrus: Cui successit Linus, Lino successit Clemens, Clementi Anacletus, Anacleto Euaristus, Euaristo Sixtus, Sixto Thelesphorus, Thelesphoro Iginus, Iginio Anicetus, Aniceto Pius, Pio Soter, Soteri Eleutherius, Eleutherio Victor, Victori Zepherinus, Zepherino Calixtus, Calixto Urbanus, Urbano Pontianus, Pontiano Antherus, Anthero Fabianus, Fabiano Cornelius, Cornelio Lucius, Lucio Stephanus, Stephano Sixtus, Sixto Dionysius, Dionysio Felix, Felici Eutychianus, Eutychiano Caius, Caio Marcellinus, Marcellino Marcellus, Marcello Eusebius, Eusebio Miltiades, Miltiadi Syluester, Syluestro Marcus, Marco Iulius, Iulio Liberi, Liberio Damasus, Damaso Siricius hodie, qui noster est so-

cuius: Cum quo nobis totus orbis cōmercio formatarū, in vna cōmunionis societate cōcordat. Vestrę Cathedrę vos originę reddite, qui vobis vultis sanctā Ecclesiam vindicare. Sed & habere vos in vrbe Roma partem aliquam dicitis. Ramus est vestri erroris, protētus de mendacio, nō de radice veritatis. Denique si Macrobio dicatur, vbi illic sedeat, nūquid potest dicere, in Cathedra Petri? quam nescio si vel oculis nouit, & ad cuius memoriam non accedit quasi schismaticus, contra Apostolū faciens, qui ait, *memoriis sanctorum communicantes*. Ecce pręsentes sunt ibi duorum memorię Apostolorū. Dicite si ad has ingredi potuit: ita, vt obtulerit illic, vbi sanctorū memorias esse constat. Ergo restat, vt fateatur socius vester Macrobius, se ibi sedere vbi aliquādo sedit Encolpius. Si & ipse Encolpius posset interrogari, diceret, se ibi sedere vbi ante sedit Bonifacius Ballitanus. Deinde si & ipse interrogari potuisset, diceret, vbi sedit Victor Garbiēsis, a vestris iā dudū de Africa ad paucos erraticos missus. Quid est hoc quod pars vestra in vrbe Rom. Episcopū ciuē habere non potuit? Quid est, quod toti Afri & peregrini in illa ciuitate sibi successisse noscūtur? non apparet dolus? nō factio, quę mater est schismatis? Interea Victor Garbiēsis, vt hinc prior mitteretur (nō dico lapis in fontē: quia nec valuit puritatē Catholicę multitudinis perturbare) sed quia quibusdam Afris Urbica placuerat commoratio: & hinc à

vobis profecti videbantur, ipsi petierunt, vt aliquis hinc, qui illos colligeret, mitteretur. Missus est igitur Victor. Erat ibi filius sine patre, tiro sine principe, discipulus sine magistro, sequens sine antecedente, inquilinus sine domo, hospes sine hospitio, Pastor sine grege, Episcopus sine populo. Non enim grex aut populus appellandi fuerant pauci, qui inter quadraginta, & quod excurrit, basilicas, locum, vbi colligerent, non habebant. Sic speluncam quandam foris à ciuitate, gradibus sepe serunt, vbi ipso tempore conuenticulum habere potuissent: vnde Montenses appellati sunt. Igitur quia Claudianus Luciano, Lucianus Macrobio, Macrobius Encolpio, Encolpius Bonifacio, Bonifacius Victori successisse videntur: si Victori diceretur, vbi sederit, nec ante se aliquem illic fuisse monstraret: nec Cathedram aliquam, nisi pestilentiae ostenderet. Pestilentia enim morbis extinctos homines ad Inferos mittit. Qui inferi portas suas habere noscuntur, contra quas portas, clauces salutare accepisse legimus Petrum, principem scilicet nostrum: Cui à Christo dictum est, *Tibi habeo clauces regni caelorum, & Porta inferorum non vincunt eas.* Vnde est ergo, quod clauces regni vobis usurpare contenditis, qui contra Cathedram Petri, vestris praesumptionibus & audaciis, sacrilegio militatis? Beatitudinem repudiantes, qua laudari meruit, *Qui non abiit in consilio impiorum, & in via peccatorum non stetit, & in Cathedra pe-*
stilentiae

silentie non sedit. In consilio impietatis itum est à maioribus vestris, vt diuiderent Ecclesiã. Iuerunt etiam peccatorum viam, dum Christũ partiri conati sunt, cuius Iudæi nec vestimenta scindere voluerunt : cum Apostolus Paulus clamet & dicat, *Nunquid diuisus est Christus?* & vtinam si iam malam viam intrauerant, agnito peccato, super se reuerterentur, id est emendarent, quod errauerant: reuocarent, quam fugauerant pacem: hoc erat de via reuerti. In via enim ambulatur, non statur: Sed quia parentes vestri. reuerti noluerunt, ipsos constat in via peccatorum steterisse. Quorum gressus impulerat furor, retentos ligauit pigra discordia: Et ne regredi ad meliora potuissent, ipsi sibi schismatis compedes posuerunt, vt in errore suo pertinaciter starent, ne ad pacẽ, quam deseruerant reuerti potuissent. Nec audierunt spiritum sanctum, dicentem in Psalmo tricesimo tertio: *Diuerte à malo, & fac bonum: inquirere pacem, & sequere eam:* Sed steterunt in via peccatorũ suorũ. Sederunt etiã in Cathedra pestilentie, quæ (vt supra diximus) seductos mittit ad mortem. Sed & dum vos parentum errorem colẽtes, studiose defenditis, hæredes sceleris esse voluistis, cum filij pacis vel serò esse possẽtis: cũ in Ezechiele Propheta scriptum sit, *Extolle vocẽ tuam super filium peccatoris, ne vestigia patris sui sequatur. Quoniam anima patris mea est, & anima filij mea est. Anima quæ peccat, sola punitur.* Si displiceret vobis quod parentes vestri peccauerunt,

de admissu suo soli redderent rationem. hoc modo vel vos beati esse possitis, & laudem de ore Prophetæ percipere, qui ait in Psalmo primo, *Beatus vir qui non abiit in consilio impiorum, & in via peccatorum non stetit. & in Cathedra pestilentiae non sedit: sed in lege domini fuit voluntas eius.*

Quid est aliud in lege habere voluntatem, nisi diuina præcepta & religiose discere, & cum timore complere? In qua lege scriptum est, *Pax hominibus in terra bonae voluntatis.* Et alio loco, *Ponam fundamenta pacis in Sion* Et alio loco, *Videamus quid loquatur dominus: Quoniam loquetur pacem in plebem suam.* Et alio loco, *Venit filius Dei, & factus est in pace locus eius.* Et alio loco, *Suscipiant montes pacem populo, & colles iustitiam.* Et in Euangelio, *Pacem meam do vobis, pacem meam relinquo vobis.* Et Paulus ait, *Qui pacem ferit, pacem & metet.* Et in omnibus epistolis suis: *Pax vobis abundet in nomine patris & filij & spiritus sancti.* Et alio loco, *Quare pacem & consequaris eam.* Fugata recesserat pax à patribus vestris, vos eam, sicuti à Deo mandatum est, non quæritis, quam nec ultro voluistis quærere, non oblatam libenter accipere. Quis enim in tot prouinciis, quibus nati estis, audiuit? Et si aliquis audiuit, quis non vestrum miretur errorem? quis non vestrum facinus damnet? Igitur cum manifestum sit, & ipsa luce sit clarius, nos cum tot innumerabilibus populis esse, & tot prouincias nobis-

cum: iam videtis vos in parte vnus regionis positos, & ab Ecclesia vestris erroribus esse separatos, frustra vobis solis hoc nomen Ecclesiæ cum suis dotibus vindicare: quæ magis apud nos sunt, quàm apud vos: quas constat ira sibi connexas & indiuiduas esse, vt intelligatur vna ab altera separari non posse. Etenim numerantur in nomine, sed vno intellectu suo iunguntur in corpore: vt in manu digiti, quos intervallis singulos videmus esse distinctos. Vnde, qui tenet vnum, totos teneat necesse est, cum vnusquisque à paribus separari nõ possit. Adde quod non vnâ solam, sed omnes proprie possidemus. Igitur de dotibus suprà dictis Cathedra est (vt supra diximus) prima quam probauimus per Petrum nostram esse, qui ducit ad se angelum. Nisi forte cum vobis vindicantes, habetis in oculis clausum. Mittite illum si potestis, excludat septem angelos, qui sunt apud socios nostros in Asia, ad quorũ Ecclesias scribit Apostolus Ioannes. Cum quibus Ecclesiis nullum communionis probamini habere consortium. Vnde vobis angelum, qui apud vos possit fontem mouere, aut inter cæteras dotes Ecclesiæ numerari. Extra septẽ Ecclesias, quicquid foris est, alienũ est: Aut si inde habetis aliquẽ vnũ, per vnũ communicatis & cæteris angelis, & per angelos memoratis Ecclesiis, & per ipsas Ecclesias nobis. Si ita est, litigiũ perdidistis. Ecce iã apud vos dotes esse non possunt. Non enim spiritũ Dei soli vo-

bis vindicare potestis, aut includere, quod intelligitur & non videtur. Sic enim in Euangelio scriptum est, *Nam spiritus Deus est, & ubi vult aspirat, & vocem eius audis, & nescis unde veniat & quò eat.* Permittite Deum vnde velit ire, & quò velit accedere: habeat libertatem, qui audiri potest, & videri non potest. Et tamen studio criminandi libenter blasphemare voluisti, ut diceres, Nam in illa Ecclesia quis spiritus esse potest, nisi qui pariat filios gehennæ? Vomuisti de pectore tuo conuitium, & putasti adiungendum esse de Euangelio testimonium, ubi lectum est: *Va vobis hypocrita, qui circuitis maria & terras, ut faciatis unum proselytum, & cum inueneritis, facitis eum filium gehennæ dupliciter, quàm vos estis.* Si hoc conuitium faciendum erat, quod non licet: quamuis sine causa fiat, utinam aliquis ex vestro numero hoc dixisset: & tamen te hoc dixisse satis admiror, id falso in alterum dicere, ex quo, si ordinationem tuam consideres, possis & crubescere.

Commemorasti enim lectum esse in Euangelio, *Va vobis hypocrita, qui circuitis maria & terras, ut faciatis unum proselytum,* hoc est, ut mureris alicuius sectam. Tu quidem cuius sectæ fueris nescio: Tamen importune à te dictum esse existimo, quod te iam forte huius dicti pœniteat. Nunquid nos aliquas peragrauimus terras? Nunquid nos aliqua circumuiuimus maria? Nunquid nos ad peregrinos accessimus portus? Nunquid

nos aliquem adduximus Hispanum & Gallum? Aut nos ordinauimus ignorantibus peregrinū? Nam & fontem constat vnā esse de dotibus, vnde hæretici non possunt vel ipsi bibere, vel alios potare. Quia soli, sigillum integrum (id est Symbolum Catholicum) non habentes, ad fontem verum aperire non possunt. Nam cum in Canticis canticorum scriptum est, *Sit umbilicus tuus, vt crater tornatilis*: Umbilicum altare affirmare conatus es. Si umbilicus membrum est in corpore, inter dotes esse nō potest, quod membrum est. Si ornamentum est, pars corporis non est.


Restat iam vt dotes quinque esse videantur. Quæ dotes, cum sint Ecclesiæ Catholicæ (quæ est in tot prouinciis supra memoratis) etiā apud nos hīc in Aphrica deesse non possunt. Intelligite vel sero, vos esse filios impios, vos esse ramos fractos ab arbore, vos esse abscissos palmites à vite, vos esse riuum concisum à fonte. Non enim potest esse origo riuus, quia paruus est, & non de se nascitur: aut arbor à ramo concidi, cum arbor fundata suis radicibus gaudeat, & ramus si fuerit exectus arescat. Iam ne vides frater Parmeniane, iam ne sentis, iam ne intelligis, te argumentis tuis contra te militasse? Cum probatum est, nos esse in Ecclesia sancta Catholica, apud quos & Symbolum Trinitatis est: & per Cathedram Petri, quæ nostra est, & cæteras dotes apud nos esse, etiam sacerdo-

tium, quod in nobis annullare visus es in excusatione erroris & liuoris vestri, dum post nos rebaptizaris: & post socios vestros in peccato detectos, hoc non facitis. Dixisti enim, quod si sacerdos in peccato sit, solæ possint dotes operari. Igitur, quia docuimus & quid sit hæresis, & quid sit schisma, & quid sit Ecclesia, & quid sancta Ecclesia: & huius sanctæ Ecclesiæ est constituta persona, & hanc sanctam esse Catholicam, quæ in toto sit orbe terrarum diffusa: Cuius membra & nos inter alios sumus: Cuius dotes apud illam vbique sunt. Deinde in primo libro probauim⁹, ad nos non pertinere traditionis inuidiam, & hoc crimen etiam à nobis esse damnatum. Iam illud mihi volo respōdeas, Cur de solis Ecclesiæ dotibus loqui voluisti, & de sanctis eius membris ac visceribus tacuisti: quæ sunt procul dubio in Sacramentis & in nominibus Trinitatis. Cui concurrit fides credentium, & professio, quæ apud acta conficitur Angelorum, vbi miscentur cælestia & spiritalia semina, vt sancto germine noua possit renascentium indoles procreari: vt dum Trinitas cum fide concordat, qui natus fuerat sæculo, renascatur spiritaliter Deo. Sic fit hominum pater Deus, sancta sic fit mater Ecclesia. Hæc omnia intelligo à te ideo non esse nominata, ne in iis omnis ratio Baptismatis agnosceretur. Vbi nihil sibi operarius, qui homo est, vindicet: quod vos facitis. Ideoque ad solas dotes te conferre

voluisti, quas velut manu apprehensas, aut aqua conclusas, Catholicis denegans, vobis solis eas frustra vindicare conatus es. Cum agatur de regeneratione, cum agatur de homine innovando, nulla à te credentium fides, nulla professio nominata est. Dum vis de solis dotibus loqui, omnia hæc, sine quibus spiritualis illa natiuitas reparari non potest, in silentio remisisti. Et cum dotes ad sponsam, non sponsa ad dotes pertineat: sic ordinasti dotes, quasi ipsæ videantur generare: non viscera, quæ intelliguntur plus posita in Sacramentis, quam in ordinamentis. Nec illud prætereo, quod ore tuo & sensu nostro Ecclesiam Paradisum esse dixisti: quæ res sine dubio vera est. In quo horto Deus plantat arbusculas. Et tamen Deo diuitias suas denegatis, cuius hortum in angustias cogitis, dum vobis solis immerito omnia vindicatis. Vtique plantationes Dei sunt diuersa semina per diuersa præcepta. Iusti, continentes, misericordes, & virgines, spiritualia sunt semina: harum rerum arbusculas in Paradisum deus plantat. Concedite deo, ut hortus eius sit longe lateque diffusus. Quid illi negatis Oriëtis & Septëtrionis, etiam Occidëtis Prouinciærû omnium, & innumerabilium Insularû populos Christianos? Contra quos, vos soli pauci, rebelles estis, & cum quibus nullum cõmunions consortium possidetis. Iam & mendacium vestrum hoc loco iuste damnari potest, quo quotidie à vobis sacrificia condiuntur. Nam

quis dubitet, vos illud legitimum in Sacramen-
torum mysterio præterire non posse? offerre vos
Deo dicitis pro Ecclesia, quæ una est: hoc ipsum
mendacij pars est, unam te vocare, de qua fece-
ris duas. Et offerre vos dicitis pro una Ecclesia,
quæ sit in toto terrarum orbe diffusa. Quid si
unicuique vestrum dicat Deus, *Quid offeres pro
tota, qui non es in tota?* Si nos vobis displicemus,
quid vobis fecit Antiochia ciuitas? quid Arabia
prouincia? Vnde probamus venientes, à vobis
esse rebaptizatos. In vno tibi solo, Parmeniane
frater, ingrati esse non possumus, Quod Eccle-
siam nostram, id est Catholicam, quæ contine-
tur toto orbe terrarum, quamuis ab ea sis alienus,
laudare voluisti, numerando dotes: In quarum
tamen numero errasti, & in dicendo, quia ipsa
est hortus conclusus, & fons signatus, & vnica
sponsa. Hoc nos de nostro dicimus. Nam tu de
alieno locutus es. Quicquid de laudibus Eccle-
siæ dicere potuisti, nos priores eadem loquimur.
Traditores vobiscum & ipsi damnamus, eos
videlicet, quos si meminis, in primo libro
demonstrauimus: & cum sit nobis cum vni-
uerso orbe communio, & cum vniuersis pro-
uinciis nobiscum, sic iam dudum duas Ecclesias
comparare voluisti, quasi sola habeat Africa
Christianos, in qua vitio vestro due videtur par-
tes effectæ. Et dum immemor factus es Christi,
dicentis, *Vnam esse sponsam suam*: tu in Africa non
dixisti duas esse partes, sed duas Ecclesias

Certe vna est, quæ voce Christi meruit indicari, qui ait: *Vna est columba, vna est sponsa mea*. Et tu huius vocis oblitus, ad inuidiam Catholicis faciendam, his locutus es verbis, *Neque enim Ecclesia dici potest quæ cruentis morsibus pascitur, & sanctorum sanguine & carnibus opimatur*. Certa membra sua habet Ecclesia, Episcopos, Presbyteros, Diaconos, ministros, & turbam fidelium. Dicitur cui generi hominum in Ecclesia nostra hoc possit adscribi, quod obiicere voluisti? Specialiter nomina aliquem ministrum, ostēde aliquem Diaconū nomine suo. Indica hoc ab aliquo factū esse presbytero. Proba hoc Episcopos admisisse. Doce aliquē nostrū cuiquā insidiatū esse. Quis nostrū quēquā persecutus est? quē à nobis persecutū esse, aut dicere poteris aut pbare? Sed quia tibi vnitas displicet: Hoc si crimē putas, arguenos Thessalonicensibus, Corinthiis, Galatis, Septem Ecclesiis, quæ sunt in Asia, cōmunicasse. Si nefas tibi videtur, aut si reatum putas memoriis Apostolorum & sanctorum omnium communicasse: hoc nos fecisse, non solum non negamus, sed etiam gloriamur. Sed vt ostendā, partē vestram (vt dixisti) cruentis morsibus pastam, Christianorum sanguine opimatam: à principio suo vester rabidus commemorandus est furor: iam vestra retexēda impietas, iam stultitia demonstranda. In quo prius est ostendere, erubescendam lætitiā vestram, & gaudia criminosa, quod vobis à pristini erroris libertate redisse



cōtulerit. Recēsete tēpora, discutite rationes rerū, dissimilia vota, & personas diuersas attēdite. Redeat in memoriā Cōstantinus imp. Christianus: quē famulatū exhibuerit Deo, quē habuerit vota, vt remotis schismatibus, inter mortua omni dissensione, sub toto cōlo filios suos gaudēs, in vno videret sancta mater Ecclesia. Reddiderat vnā communionem, maritis vxores, parentibus filios, fratribus fratres. Quibus rebus Deus se laetari testatur, dum dicit, *Ecce quam bonum & quam iocundum, habitare fratres in vnum*. Etenim cū Africanos populos & Orientales, & ceteros transmarinos, pax vna cōiungeret & ipsa vnitas, repræsentatis omnibus membris corpus Ecclesiæ coagularet: dolebat hoc diabolus, qui semper de fratrum pace torquetur. Illo tēpore sub Imperatore Christiano, desertus in Idolis, tāquā inclusus, latebat in templis. Hoc eodem tempore duces & principes vestros merita relegauerāt sua. In Ecclesia nulla fuerant schismata, nec Paganis licebat exercere sacra sacrilega: Pax Deo placita apud omnes Christianos populos habitabat: diabolus mœrebat in templis, vos in regionibus alienis.

Deinde alter vt omnibus notum est, secutus Imperator, vobiscum vota sinistra concipiens, ex famulo Dei factus est minister inimici, Apostatā se edictis suis testatus est. Quem precibus rogastis, vt reuerti possetis. Quas preces, si vos negatis misisse, nos legimus. Nec difficultatem

præbuit, quem rogastis. ire præcepit pro voto suo, quos intellexerat ad disturbendam pacem cum furore esse venturos. Erubescite si vllus est pudor. Eadem voce vobis libertas est reddita, qua voce Idolorum patefieri iussa sunt templa. Eisdem pene momentis vester furor in Africam reuertitur, quibus diabolus de suis carceribus relaxatur. Et nõ erubescitis, qui vno tempore cum inimico communia gaudia possidetis! Venistis rabidi, venistis irati, membra laniantes Ecclesiæ: subtiles in seductionibus, in cædibus immanes, filios pacis ad bella prouocantes. De sedibus suis multos fecistis extorres, cum conductâ manu venientes, Basilicas inuasistis, multi ex numero vestro per loca plurima (quæ sub nominibus dicere longum est) cruentas operati sunt cædes, & tam atroces, vt de talibus factis, ab illius temporis iudicibus relatio mitteretur. Sed interuenit & occurrit iudiciũ Dei, vt ille, qui vos iam dudũ redire iusserat, Imperator prophanus & sacrilegus, moreretur, qui persecutionẽ, vobis prouocantibus, iam miserat aut mittere disponebat. Operata est apud loca supradicta in Catholicos trucidatio. Memoramini per loca singula, qui fuerint vestri discursus. Nõne de numero vestro fuerunt Fœlix Diabensis, Ianuarius Flamen Pistensis, & cæteri, qui tota celeritate cucurrerunt ad castellum Lemellense: vbi cum contra importunitatem suam viderent Ba-

filicam clausam, præsentibus iusserunt comites
 suos, ut ascenderent culmina, nudarent tecta, ia-
 ctarent tegulas. imperia eorum sine mora com-
 pleta sunt: & cum altare defenderent Diaconi
 Catholici tegulis plurimi cruentati sunt, duo oc-
 cisi sunt. Primus filius Ianuarij, & Donatus fi-
 lius Nini, yrgentibus & præsentibus Coëpisco-
 pis vestris supra memoratis: ut sine dubio de vo-
 bis dictum sit, *Veloces pedes eorum ad effundendum*
sanguinem. De qua re Primosus, Episcopus Ca-
 tholicus loci supra memorati, in concilio vestro
 apud Theuestinam ciuitatē questus est, & que-
 relas eius dissimulanter audistis. Ecce à vobis
 factum est, quod dixisti, Ecclesiam non esse, quæ
 cruentis morsibus pascitur: & aliud sunt, milites
 missi, aliud Episcopi ordinati. Quod contra nos
 inuidiose loquimini, ab aliis factum est, non à
 nobis. Quod dicitis non debuisse fieri, vos feci-
 stis. Commemorastis & B. Apostolum Paulum
 dixisse, *sine ruga & sine sorde Ecclesiam esse debere*.
 Episcopis vestris iubentibus & præsentibus, su-
 per altare Catholici diaconi occisi sunt. Simili-
 ter & apud Carpos nō tibi videtur inexpiabiles
 sordes? In Mauritaniæ ciuitatibus, vobis instan-
 tibus, quassatio populi facta est. Mortui sunt in
 vteris matrum, qui fuerant nascituri. Non tibi
 videtur ruga, quæ non possit syllis satisfactioni-
 bus tēdi aut explanari? Quid tale à nobis admis-
 sum est? nos expectamus vindicem Deum. Et
 inuidiā facitis Macario, qui si aliquid asperè fe-

cit pro vnitare, leue videri poterit: dum vos pro
dissensione tanta mala, acerba, cruenta & hosti-
lia feceritis. Quid commemoré Thipasam Cæ-
sariensis Mauritaniæ ciuitatem? Ad quam de
Numidia Urbanus Formensis, & Fœlix Idicren-
sis, duæ faculæ, incensæ liuoribus, cucurrerunt:
qui & eorum in pace positorum animos pertur-
bantes: nonnullorum officialium & fauore &
furore iuuante, & Athenio præside præsentē cū
signis, Catholica frequentia exturbata & cruen-
tata, de sedibus suis expulsa est: lacerati sunt viri,
tractæ sunt matronæ, infantes necati, abacti sūt
partus. Ecce vestra Ecclesia, Episcopis ducibus,
cruentis morsibus pasta est. Post hoc etiam aliud
addidisti, *quantum vult consumat edacitas vultu-
rum, tamen maior est numerus columbarum*. Vbi
est, quod vulgo dicitur, *Memoriam custodem habe-
re oportet mendacem*? Oblitus es, quod paulo ante
dixisti, Ecclesiam vnā columbam Christi in
Canticis canticorum dictā. Si vna est apud vos
Ecclesia, vna est columba: Quid est, quod di-
cere voluisti, *Numerus maior est columbarum*? Et
quod vobis leue videtur, facinus immane com-
missum est. Vt omnia sacrosancta supra memo-
rati vestri Episcopi violarent, iusserunt Eucha-
ristiam canibus fundi: non sine signo diuini iu-
diciij. Nam iidem canes accensi rabie, ipsos do-
minos suos, quasi latrones, sancti corporis reos,
dente vindice, tanquam ignotos & inimicos la-
niauerunt. Ampullam quoque Chrismatis per

fenestram, ut frangerent, iactauerunt. Et cum casum adiuuaret abiectio, non defuit manus angelica, quæ ampullam spirituali subiectione deduceret proiecta casum sentire non potuit. Deo muniente, illesa inter saxa consedit. Et possent ista non fieri, si mandata Christi in memoria haberetis, qui ait, *Ne dederitis sanctum canibus, neque miseritis margaritas ante porcos, ne conculcent pedibus suis eas, & conuersi elidant vos.* Quid tale ab operariis Unitatis fieri potuit? unde nobis Catholicis vanam inuidiam facere laboratis. Inde reuertentes Urbanus Formensis & Felix Idicrensis, inuenerunt matres, quas de castimonialibus fecerunt mulieres. Ecce quales, frater Parmeniane, Episcopos celas: & cum pro tuis erubescere debueras, Catholicos innocentes accusas. Interea supra memoratus Felix inter crimina sua, & facinorosa nephanda, ab eo compressam puellam, cui mitram ipse imposuerat, à qua paulo antè pater vocabatur, nepharie incestare minime dubitauit. Et quasi de peccato sanctior fieret, inde velociter properauit. Sic Donatum annorum septuaginta Episcopum hominem, innocentem spoliare ausus est Episcopali nomine & officio & honore. Venit schismaticus ad Catholicum: ad innocentem reus, ad Dei sacerdotem sacrilegus, incestus ad castum, ad Episcopum iam non Episcopus: sed de placito & de coniuratione vestra securus, vestris legibus & decretis armatus: manus, quas paulo antè peccata graua-

uerant, capiti innocentis iniecit: & de illa lingua ausus est ferre sententiam, quæ iam nec ad pœnitentiam agendam vel idonea videbatur. Ecce, quales, frater Parmeniane defendis: ecce, pro qualibus iam dudum dotes operari dixisti. Eriam vos ipsi, qui sancti & innocentes videri ab hominibus vultis, dicite, vnde est ista sanctitas, quam vobis licentius vsurpatis? quam Ioannes Apostolus profiteri non audet, qui ait, *Si dixerimus, quia peccatū non habemus, nos ipsos decipimus, & veritas in nobis non est.* Hoc qui dixit, sapienter se ad Dei gratiam reseruauit. Est enim Christiani hominis, quod bonum est, velle: & in Deo, quod bene voluerit, currere: sed homini non est datum, perficere: vt post spacia, quæ debet homo implere, restet aliquid Deo, vbi deficienti succurrat: quia ipse solus est perfectio, & perfectus solus Dei filius Christus. Cæteri omnes semi-perfecti sumus. Quia nostrum est velle, nostrum est currere: Dei, perficere. Vnde Beatus Apostolus Paulus ait: *Neque volentis neque currentis, sed ad Dei gratiam pertinentis.* Nam & à Christo saluatore nostro, perfecta sanctitas non est data, sed promissa. Denique sic ait, *sancti eritis, quia & ego sanctus sum.* Solus est sanctus & perfectus. Deniq; nō dixit, *sancti estis:* sed, *sancti eritis,* dixit. Vnde est ergo, q̃ vobis perfectā sanctitatē de superbia vindicatis? nisi vt appareat, quia vos ipsos decipitis, & veritas in vobis nō est. Ioānis

socij esse noluitis. Cum enim seducitis aliquos,
 promittitis, vos indulgentiam peccatorum esse
 duros: & cum vultis donare peccata, vestram
 profitemini innocentiam: & remissionem pec-
 catorum sic datis, quasi nullum habeatis ipsi pec-
 catum. Non est ista præsumptio, sed deceptio:
 nec veritas, sed mendacium. Etenim inter vici-
 na momenta, dum manus imponitis & delicta
 donatis, mox ad altare conuersi, dominicam o-
 rationem prætermittere non potestis. Et vtrique
 dicitis, *Pater noster, qui es in cælis, dimitte nobis de-
 bita & peccata nostra.* Quid vocaris, dum pecca-
 ta confiteris tua? Si sanctus es, cum dimittis alie-
 na? hoc modo & vos ipsos decipitis, & veritas in
 vobis non est. Sed vt apparet, hoc vobis dicat
 nutrix vestra Superbia: quam Christus in Euan-
 gelio testificatur: qui & si nomina vestra non
 dixit, per similitudinem tamen vestros mores o-
 stendit. Sic enim scriptum est: *Dicebat Iesus hæc
 similitudinem, propter eos qui se sanctos putant, &
 contemnunt ceteros.* Hoc de vobis dictum esse, ip-
 sa res euidenter ostendit: dum vos quasi sanctos
 extollitis, & nos manifeste aperteque contem-
 nitis. *Duo (inquit) ascenderunt in templum adora-
 re, vnus Phariseus, & alter Publicanus.* Phariseus
 tumidus, superbus, inflatus, talis, quales & vos
 videmus. Non humiliato corpore, non inclina-
 ta ceruice: sed erecta facie, & tumentem pectore,
Gratias tibi (inquit) Deus, quia nihil peccaui. Hoc
 est dicere Deo, *non habeo, qd ignoscas.* Hò insanus
 furor,

furor, hò puniēda & damñāda superbia. Deus paratus est ignoscere, & reus festinat indulgentiam recusare. Publicanus humilis, hominem se esse cognoscens, sic rogauit, dicens, *Propitius esto mihi peccatori*: Sic iustificari meruit. Sic superbia in Phariseo, magistro vestro, de templo, damnata descendit. Meliora inuenta sunt peccata cū humilitate, quàm innocentia cum superbia. Deinde cum vobis traditionis & schismatis graui peccata non desint, insuper & superbos esse gratulamini. Nunc quoniam erubescenda gaudia vestra probauimus, & furor vester tot locis ostensus est: restat de profunda impietate vestra aliquid dicere. Nam omnia, quæ à vobis aut facta sunt, aut dicta, quis poterit explicare? Sic cūcta malignitate quadam ordinasse vos constat, vt in vna specie operis, species alias impleretis: vt dum presbyter aut Episcopus deiicitur, sic populus caperetur. Quomodo posset turba hominum stare, quæ rectorem suum elisum esse conspiceret? Non aliter, quam quocumque casu, pastore occiso, lupi grassantur. Exorcizastis & lauistis sine causa parietes: vt hoc nequitiae genere subrueretur simplicissimorum hominum mentes, Talibus consiliis vestris, nonnullorum animi iugulati sunt. Et sub nube simplicitatis, obæcaro lumine, vt miseros sterneretis, sagittas de pharetra pectoris vestri, seductionibus pramissistis: vt de vobis spiritus sanctus per Dauid Prophetam in Psalmo x. prædixerit, *Quoniam*

*ecce peccatores intenderunt arcum: parauerunt sagittas in pharetra, ad sagittandos in obscuro rectos corde. Quid à vobis minus factum est? Vestris consiliis sagittati sunt innocentes, exarmati fideles, honore nominis sui spoliati sunt Sacerdotes. O impietas inaudita, quem iugulaueris inter pœnitentiam & tormenta seruare. In comparatione operis vestri, latronum leuior videtur immanitas. Vos viuum facitis homicidium: latro iugulans dat de morte compendium. Paupertate sensus sui circumuenti sunt, quos decipere potuistis. Perfecti enim fuerant illi, opere scilicet Dei, qui in eius nomine fuerant ordinati. Et vos contra opus Dei hostiliter militantis, diuinum opus malitiæ vestrâ destruentes. Apparet ergo de vobis dictum esse in x. Psalmo. *Quoniam quæ tu perfecisti, ipsi destruxerunt.* Fecit vos superbos impietas vestra: sed accusat vos prospiciens de cœlo iustitia. Et iniqua vos gerentes error hominum laudat, vt de vobis in ix. Psalmo dixerit spiritus sanctus, *Quoniam laudatur peccator in desideriis animæ suæ: & qui iniqua egerit, benedicetur.* Quid iniquius, quam exorcizare spiritum sanctum? altaria frangere? Eucharistiam animalibus proijcere? Et vt in errorem vos vester populus mittat, laudando fœlices appellat: & bene nominant, & per vos iurant, & personas vestras iam pro Deo habere noscuntur. Soler Deus ad probandâ fidem in iuratione ab hominibus no-*

minari. Sed cum per vos iuratur, iam apud vestros de Deo & Christo silentium est. Si ad vos diuina migrauit de cælo religio, quia per vos iuratur nemo vestrorum langueat: nolite mori: imperate nubibus: pluite, si potestis: vt per vos plenius iuretur, & de Deo fileatur. Nam & prioribus sæculis, vt templa fabricarentur, & Idola fierent, quid vestro populo diabolus potuit ampli⁹ facere? Nihil aliud, nisi vt de Deo taceretur, dum per errorem homines de solo diabolo loquebantur. O sacrilegium impietati commixtum, dum homines per vos iurantes libenter auditis, & vocem Dei auribus non admittitis vestris. Qui in ciiiij. psalmo sic ait, *Ne tetigeritis vinctos meos neque in prophetas meos manum miseritis*. Vinctos autem esse & reges & sacerdotes, & libri Regnorum indicant. Et Dauid in Psalmo cxxij. sic ait, *Sicut vnguentum quod descendit in barbam Aaron*. Et tamē vos contra easdem vires conati estis præcepta contemnere: quibus, qui dominum timent, mandata conantur implere. Docete, vbi vobis mandatum est radere capita sacerdotum, cum econtrario sint tot exempla proposita, fieri non debere. Saul antequam peccaret, vngi meruit: post vñtionem non leuiter offendit. Hoc Deus cum videret, propter oleum non tangendum, volens exemplum proponere, pœnitentiā suā professus est. Sic enim legitur dixisse dominum, *Pœnitet me vnxisse Saul in Regem*. Et vtrique potuit Deus oleum quod dederat auferre.

Sed cum voluit docere non debere contingi o-
 leum etiam in peccatore, ipsi qui dederat, pœni-
 tentiâ gessit. Igitur Deus, si, vt te doceret, quod
 dedit auferre non potuit, per quod noluit: tu
 quis es, qui auferas quod non dedisti? & qui pa-
 rare debebas aures ad audiendum, parasti noua-
 culam ad delinquendum. Et cum possetis esse fi-
 lij Dei, filij hominum esse voluistis: & ad infigē-
 dum morsum honoribus alienis, dentes vestros
 in sagittas & arma vertistis: linguas acuis-
 tis in gladios. Implestis quod de vobis in Psalmo lvi.
 scriptum est, *Filij hominum, dentes eorum arma &
 sagittæ, & lingua eorum gladius acutus.* Ergo lin-
 guas vestras acuis-
 tis in gladios, quas mouistis in
 mortes, non corporum, sed honorum. Jugula-
 stis non membra, sed nomina. Quid prodest,
 quia viuunt homines, & occisi sunt honores à vobis?
 valent quidem membris, sed erepta portant fu-
 nera dignitatis. Extendistis enim manum, & su-
 per omne caput mortifera velamina præendi-
 stis: vt cū sint (sicut supra dixi) quatuor genera
 capitum in Ecclesia, Episcoporum, Presbytero-
 rum, Diaconorum, & fidelium: nec vni parcere
 voluistis: euertistis animas hominum. Hos actus
 vestros dolet Deus, in Ezechiele propheta cum
 dicit, *Va facientibus velamen*, hoc est, imponenti-
 bus manum *super omnem aetatem ad euertendas a-*
animas. Inuenistis pueros: de pœnitētia saucia-
 stis, ne aliqui ordinari potuissent. Agnoscite vos a-
 nimas euertisse. Inuenistis fideles antiquos, feci-

stis pœnitentes. Agnoscite vos animas euertisse. Inuenistis Diaconos, Presbyteros, Episcopos: fecistis Laicos. Agnoscite vos animas euertisse. Socius & comes vester iam dudum fuerat, cui nunc manus inferre conatus es. pariter currebatis: fac illum peccasse, cum peccatum non esse constet. Iacebat ut æstimas: si Apostolum legisti, tu vide cui stes, & ille cui iaceat: Si seruus es, dominum recognosce, & intellige, quia non tibi iacebat, qui tecum paulo ante currebat. Quid in potestate alienam irruis? Quid temerarius Dei tribunal ascendis? Et cum ipse sis reus, in alterum audes ferre sententiam? Et legisti, Qui stat, domino stat suo: Et qui iacet, domino suo iacet. Potens est autem dominus eius, suscitare eum. Tu qui es, qui de seruo alieno iudices? Oleum sacerdoti à Deo collatum, non debuisse vos tangere, à puero Dei Dauid discere debuistis, qui sic per Samuel vngitur, ut Sauli quod iam dudum datum fuerat, minime tolleretur. Denique vel cum Deo iubente vel euentu procurante, vna eos spelunca concluderet. venerat in potestatem pueri Dauid Saul, qui peccauerat. Videtur non videns, ideo quod à maiori lumine (ut fieri assolet) in caligine clausi aeris, alterum iuxta se videre non potuit. Innumerabiles antiquum Regem sequebantur exercitus: sed ipse rex in potestatem venerat alienam. Occasionem victoriæ Dauid habebat in manibus: incautum & securum aduersarium, sine labore poterat iugulare: & sine sanguine & conflictu multorum, poterat bellum mu-

tate in cædē. Et pueri eius & occasio suadebāt:
 Ad victoriā opportunitas hortabatur. Stringe-
 re iam cœperat ferrū: ire iā cœperat armata ma-
 nus hostiles in iugulos. Sed obstabat plena diui-
 norum memoria mandatorum: hortantibus se
 pueris & occasionibus contradicit, tanquam &
 hoc diceret: *sine causa me victoria prouocas: frustra
 me occasio in triumphos inuitas*. Volebam hostem
 vincere: sed prius est diuina præcepta seruare.
Non, inquit, *mittam manus in unctum domini*. Re-
 pressit cum gladio manum: & dum timuit oleū,
 seruauit inimicum. Et cum compleret obseruan-
 tiam, vindicauit occisum. Vos nec Deum time-
 tis, nec fratres agnoscitis: in corde lioris acui-
 stis nouacula linguæ: & diuina præcepta calcā-
 tes, miserorum properastis in capita: vt in capti-
 uitatem cæcos & imperitos populos, iugulatis
 ducibus, traheretis. Esuritis honores innocentium
 sacerdotum. Vnde furori vestro tanta fames in-
 nata est, vt guttura vestra sepulchra patentia fe-
 ceritis. Vnicuique sepulchro sufficit vnum fu-
 nus, & clauditur: gutturi vestro honorum func-
 ra minime sufficiunt, & adhuc patent, dum ali-
 quos quæritis deuorare. Vt merito de vobis di-
 ctum sit: *sepulchrum patens est guttur eorum*. Nam
 & de maledictione præsumitis, cum scriptum
 sit, *Benedicite & nolite maledicere*. Quisquis cō-
 tra vestram voluntatem aliquid fecerit, intentatis
 terrores, maledicta prætenditis. Et quia ali-
 qui homines, plus mali mereri possunt, quam

boni : quicquid iudicium Dei aut peccati meritum fecerit , amaris vestris maledictionibus vindicatis : merito^o , quia de vobis dictum est, *Os eorum maledictione, & amaritudine plenum est.* Gloriamini, quod vobis maledicentibus, aliqui homines mori potuerunt. Certe non licet occidere. An ideo vos putatis innocentes, quia ferro vñ non estis ? Innocentem se & venenarius iudicet, si in solo ferro est homicidium. Non sibi videatur reus, qui alterũ subducto cibo necauerit. Innocentem se iudicet , qui spirandi prohibita facultate , suffocauerit viuere cupientem. Necis multa sunt genera, sed vnum nomen est mortis. Maledictionibus tuis cum fiducia hominẽ mortuum protestaris. Quid interest an gladio ferias, an lingua percutias ? indubitanter homicida es, si per te mortuus fuerit qui vivebat. Quisquis talis ex vobis est, frustra se Christianũ aut sacerdotem Dei profitetur: qui lenitatem Dei non curat cum scriptum sit , Deus mortem non fecit, nec lætatur in perditione iustorum. Credo vos obliuisci non posse, quid per loca aliqua feceritis, cũ eos, qui legem Dei prædicabant, id est, Prophetas , velleris occidere contra iussionem Dei dicentis, *Et in Prophetas meos manum ne miseritis.* Deuterium, Partenium, Donatum, & Getulicũ, Dei Episcopos , linguæ gladio iugulastis , fundentes sanguinem non corporis , sed honoris. Vixerũt postea homines, sed à vobis occisi sunt in honoribus Dei sacerdotes . Multis notum

est & probatum, persecutionis tempore Episcopos aliquos, inertia à confessione Dei delapsos thurificasse, & tamen nullus eorum qui euaserunt, aut manum lapsis imposuit, aut ut genua figerent, imperauit. Et facitis vos hodie post vnitatem, quod à nullo factum est post thurificationem: quia scriptum est, *Ne tetigeritis vnctos meos, neque in Prophetas meos manum miseritis.* Oleum suum defendit Deus: quia si peccatum est hominis, vnctio est tamen diuinitatis. *Ne tetigeritis* (inquit) *vnctos meos.* Ideo, ne dum peccatum hominis percutitur, & oleum, quod Dei est, feriat. Iudicio suo Deus seruauit rem suam, & tamen vos passim irruistis in alienam, corrumpentes omnium felicitatem. Nā quæ maior infelicitas, quam Dei sacerdotes viuere, nec, esse quod fuerant? matronæ, pueri simul & virgines, à vobis coactæ, nullo interueniente peccato, salua innocentia & pudicitia, vobis docentibus pœnitentiam gerere didicerunt. Nunquid minor est infelicitas? contritas sexu vexastis ætates? Vere de vobis dictum est, *Contritio & infelicitas in viis eorum, & viam pacis non cognouerunt: Non est timor Dei ante oculos eorum.* Indixistis pœnitentiam plebibus. Nec enim acta est ab aliquo, sed à vobis exacta: nec æqualibus spatiis temporum, sed egistis omnia pro personis, alter anno toto, alter mense, alter vix tota die, imperatibus vobis pœnitentiā gessit. Si vnitati consentire (ut vultis) peccatum est, si

est similis culpa: quare non est æqualis pro eodē reatu pœnitentia? Dubium non est, esse vocatū populum credentium, Israel, id est, qui mente Deum videat, & tamen has plebes coëgistis flectere & inclinare ceruices, Et serie capitem iuncta, massam pœnitentium facere. Has plebes dolet Deus per Ezechielē, dicens, *Va filiabus Israel, quæ sarcinunt cervicalia*, vt supponant sub cubito & sub manu. Vtique sub cubito & sub manibus vestris, cum super earum capita velamina pœnitentiæ tenditis. Quæ impietas vestra & furor ostensus est, & superbiā demonstrata: etiam stultitia fuerat reuelanda: sed hanc in sexto libro demonstrabo.

LIBER TERTIVS.



Scitis, vt arbitror, in secundo libello de Ecclesia quæ sponsa est Christi, & de eius dotibus, & de hæreditate diximus Saluatoris: consequens est, primo schismaticorum errores ostendere. Deinde, quæ fuerit causa, vt vnitas fieret. Tertio, quæ fuerit, vt miles mitteretur armatus. Ab operariis vnitatis multa quidem asperè gesta sunt, sed ea ad quid imputatis Lentio, Macario, vel Taurino? imputate maioribus vestris: qui (sicut in Propheta scriptū est) vt vobis stupefcerent dentes; ipsi vvas acidas comede-

runt. Illis primo, qui populum Dei diuiserunt, & Basilicas fecerunt non necessarias. Deinde Donato Carthaginis, qui prouocauit, ut vnitas proximo tempore fieri tentaretur. Tertio Donato Bagaiensi, qui insanam collegerat multitudinem, à qua ne Macarius violentiam pateretur, ad se, & ad ea, quæ ferebat tutanda, armati militis postulauit auxilium. Venerunt tunc cum pharetris armigeri, repleta est vnaquæque ciuitas vociferantiū: nunciata vnitate, fugistis oēs. Nulli dictū est, *nega Deū*. Nulli dictū est, *incēde testamētū*. Nulli dictū est, *aut th^o pone*, aut *Basilicas dirue*. Istæ enim res solent Martyria generare. Renunciata est vnitas sola: fuerāt hortamēta, ut De^o & Christ^o eius, à populo in vnū cōueniente, pariter rogaretur. Nullus erat primit^o terror. Nemo viderat virgā: nemo custodiam: sola (ut supradiximus) fuerant hortamēta. Timuistis oēs, fugistis, trepidastis: ut pro certo de vobis dictū sit, quod in Psalmo scriptum est, *Trepidauerunt ubi non erat timor*. Fugerunt igitur omnes Episcopi cum Clericis suis, aliqui sunt mortui. Qui fortiores fuerunt, capti longe relegati sunt. Et tamen horum omnium nihil actum est cum voto nostro: nihil cum consilio, nihil cum conscientia, nihil cum opere. Sed gesta sunt omnia in dolore Dei, amare plorantis, & in vltionem aquæ, quam cōtra interdictum iterum mouistis: traducentes ad vos aquam antiquæ piscinæ: sed nescio an cum illo pisce, qui Christus intelligitur: qui in le-

ctione Patriarchæ legitur in Tigride flumine præhensus, cuius fel & iecur tulit Tobias, ad tutelam fœminæ Sarre, & ad illuminationem Tobie non videntis: Eiusdem piscis visceribus Hasmodeus dæmon à Sara puella fugatus est (quæ intelligitur Ecclesia) & cecitas à Tobia exclusa est. Hic est piscis, qui in baptismo per inuocationem fontalibus vndis inseritur, vt quæ aqua fuerat, à pisce etiam piscina vocitetur. Cuius piscis nomen secundum appellationem græcam, in vno nomine per singulas literas turbam sanctorum nominum continet, Ἰησοῦς, quod est Lathinè, IESVS CHRISTVS DEI FILIVS SALVATOR. Hanc vos piscinam, quæ in omni catholica per totum orbem terrarum, ad vitæ generis humani, salutaribus vndis exuberat: traduxistis ad voluntatem vestram, & soluistis singulare Baptisma, quo Baptismo homines muri facti sunt ad tutelam: & fecistis quasi alteros muros, nullum nouum ædificium facientes: non potuistis construere, nisi dirueretis. Et quale potest esse ædificium, quod de ruina construitur? Hanc rem per Esaïam Prophetam Deus dolet, cum dicit filiam sui generis esse contritam: genus Dei est, non habere genus, qui ex se est, & manet in æternitate. Similis est & aqua, quâ legimus. in cuius aquæ iniuria, indicat Deus lachrymas suas quas vos fecistis: quas testatur nulla posse consolatione sicari, cum ad vos loquitur, dicens, *Missum me facite, amare plorabo*: Nema

poterit consolari in contritione filie generis mei. Hoc loco defenditur innocentia nostra, cum Deus cum dolore iracundiam vobis indicat suam: dum & causas prodit, & rationes ostendit. Denique non ait, in Sion, sed in una eius valle sunt celebrata: Non in illo monte Sion, quem in Syria Palestina à muris Hierusalé parvus determinat riuus. In cuius vertice, est non magna planities, in qua fuerant septem Synagoge, ubi Iudæorum populus conueniens, legem, per Moysen datam, discere potuisset: ubi nulla lis audita est, nec ab aliquo celebratum iudicium, nec aliqua est illic ab ullo iudice lata sententia: quia locus erat doctrinæ, non controuersiæ. Post doctrinam, si quid agendum erat, intra muros Hierusalem agebatur. Inde scriptum est in Esaia Propheta, *Ex Sion prodiet lex, & verbum domini de Hierusalem.* Non ergo in illo monte Sion Esaïas aspicit vallem, sed in monte sancto, qui est Ecclesia: qui per omnem orbem Romanum, caput tulit sub toto cælo. In quo monte à Deo pater filius Dei regem se constitutum esse, gratulatur in Psalmo secundo, dicens, *Quoniam regem constituit me super Sion montem sanctum suum:* utique super Ecclesiā, cuius rex & sponsus & caput est. Non in illo monte, ubi non illæ sunt portæ, quas diligit Deus, sed in monte Ecclesiæ, qui Sion spiritualiter appellatur. Cuius Ecclesiæ portas introeunt innocentes, iusti, misericordes, continent, & virgines. Quas portas commemorat spiritus sanctus

in Psal. lxxxv. dum dicit, *Fundamenta eius in montibus sanctis: diligit dominus portas Sion: non illius corporalis montis, ubi iam nullæ sunt portæ: & post victorias Vespasiani Imp. vix antiquarum restant indicia ruinarum.* Est ergo spiritalis Sion Ecclesia, in qua à deo pater rex constitutus est Christus: quæ est in toto orbe terrarum: In quo est vna Ecclesia Catholica. Nam Sion Ecclesiam esse & alio loco sanctissimus Dauid Propheta testatur, dicens, *Lauda Deum tuum Sion, qui confortauit seras portarum tuarum, benedixit filiis tuis in te.* Per singulas prouincias totius orbis valles singulas intelligimus montis. & dum non in toto monte videt Esaias, sed in vna valle, hoc est, in sola Africa. In qua sola cum sufficerent templa Dei quæ fuerant, alia facere voluerunt principes vestri. in qua sola deiecti sunt muri vt fierent muri: & aqua sanctæ piscinæ transuersa est, & nouitas contra antiquitatem à vobis instituta est. Hoc totum Deus in vallem montis Sion, & interrogat & increpat, dicens, *Vt quid hoc factum est vobis? ideo, quoniã ascendistis in tecta supernacanea. Vnaquæque ciuitas repleta est vociferantiũ. Vulnerati in te non vulnerati gladio: & mortui in te, non mortui in bello: in errore sunt à minimo vsque ad maximum. Errantes in montibus omnes principes tui, in fugam conuersi sunt: Et qui capti sunt, grauiter alligati, & fortiores tui longe fugati sunt. Missum me fuisse, amare plorabo. Nemo me poterit consolari in contritione filia generis mei. Et ascen-*

dent Elamita cum Pharetris : Elamitæ latina lingua dicuntur chori castrorum. & secutus est dicens, *Penetralia vestra deferentur ad publicum, & secreta domus Israel nudabuntur.* Hoc in Africa factum est, & totum hoc quare factum est, indicauit Deus, dum vobis imputat dicens, *quoniam conuertistis aquam antiquæ piscine ad ciuitatem vestram, & deiecistis muros Hierusalem, ut faceretis alteram munitionem, & constituistis aquam inter duas munitiones: & ad piscinam antiquam attendere nolulistis, nec ad eum, qui ab initio creauit illam.* Iam vides frater Parmeniane, ad vos redundare omnia, à quorum principibus harum rerum omnium seminata est causa. Deinde ad Donatum Carthaginensem, cuius beneficio videtur vnitatis negotium esse commotum. In quo ostendam operarios eius non pro voluntate nostra, nec sua malitia aliquid fecisse, sed prouocantibus atque impellentibus causis, quas Donatus Carthaginis leuitate sua cōstituit, dum magnum se videri contendit. Quem enim latet præter te, quia peregrinus es, & potuerunt tibi falsa narrari: aut quis negare potest, rem, cui tota Carthago principaliter testis est, Imperatorem Constantē, Paulum & Macarium primitus non ad faciendam vnitatem misisse, sed cum eleemosynis: quibus subleuata per Ecclesias singulas possit respirare, vestiri, pasci, gaudere paupertas. Qui cum ad Donatum, patrem tuum, venirent, & quare venerant, indicaret: ille solito furore succensus,

in hæc verba prorupit: *Quid est Imperatori cum Ecclesia?* & de fonte leuitatis suæ, multa maledicta effudit: non minus quam in Gregorium aliquando, ad quem sic scribere minime dubitauit: *Gregori macula Senatus, & dedecus Præfectorum,* & cætera talia: cui Donato. Præfectus patientia Episcopali rescripsit. Harum epistolarum exemplaria multorum ore vbique cantantur. Iam tunc meditabatur, contra præcepta Apostoli Pauli, Potestatibus & Regibus iniuriam facere, pro quibus, si Apostolum audiret, quotidie rogare debuerat. Sic enim docet B. Apostolus Paulus, *Rogate pro Regibus & potestatibus, ut quietam & tranquillam vitam cum ipsis agamus.* Non enim Respu. est in Ecclesia, sed Ecclesia in Rep. est, id est, in Imperio Romano. Quod Libanum appellat Christus in Canticis Canticorum, cum dicit, *Veni sponsa mea, veni, à Libano,* id est, de Imperio Romano, vbi & sacerdotia sunt, & pudicitia, & virginitas, quæ barbaris Gentibus non sunt: & si essent, tuta esse non possent. Merito Paulus docet, orandum esse pro Regibus & Potestatibus: etiam si talis esset Imperator, qui gentiliter viueret. Quantò quod Christianus, quantò quod Deum timens, quantò quod religiosus, quantò quod misericors, ut ipsa res probat? Miserat enim ornamenta domibus Dei, miserat pauperibus eleemosynam, nihil Donato. Cur ergo insaniuit? cur iratus est? cur quod missum fuerat, repudiavit? Et cum illi qui missi fuerant,

dicerent, se ire per prouincias singulas, & volentibus accipere, se daturus: ille dixit, vbique se literas premisisse, ne id quod allatum fuerat, pauperibus alicubi dispensaretur. O, consulere miseris! O, prouidere fuerat pauperibus! O, peccatoribus subuenire! Clamat Deus, dicens: *Ego sum qui feci pauperem & diuitem*: Non quia non potuit & pauperi dare. Sed si ambobus daret: peccator, quâ sibi succurreret, inuenire non posset. Denique sic scriptum est: *Quemadmodum aqua extinguit ignem, sic eleemosyna extinguit peccatum*. Certe iam apud deum sunt ambo, & qui dare voluit, & qui obstitit, ne daretur. Quid si iam dicat Deus Donato, *Quid vis fuisse Constantem? si innocentem, quare ab innocente accipere noluisti? si peccatorem, quare non permisisti dare, propter quod feci pauperem?* Sub hac interrogatione qualis futurus est? quid de leuitate & furore laborauit tantis pauperibus impedire? Carthagini principatum se tenuisse crediderat, & cum super Imperatorem non sit nisi solus Deus, qui fecit Imperatorem, dum se Donatus super imperatorem extollit, iam quasi hominum excesserat metas, ut se, ut Deum, non hominem aestimaret, non verendo eum, qui post Deum ab hominibus timebatur. Denique eum per Ezechielem increpat spiritus sanctus dum ad Principem Tyri, id est, Principem Carthaginis, per prophetam his loquitur verbis, *Fili hominis, dic aduersus Principem Tyri, hac dicit dominus Deus, quia exaltatum est cor tuum?*

tuum, & dixisti; *Ego sum Deus*. Tyrum Carthaginem esse, primo Eſaias probat, in quo legitur viſio ſuper Tyrū. Et ſequitur. *Plulate naues Carthaginis*. Deinde Tyrum Carthaginem ipſam eſſe etiam mundanæ literæ proteſtantur: & ſi ſit alia ciuitas, quæ hoc nomine nuncupetur, nihil in alia videtur factum, quod apud Carthaginem cōſtat admiſſum. *Loquere* (inquit Deus) *aduerſus Principem Tyri*. Dum Deus ad Principem Tyri loquitur, non aduerſus ſecularem aliquem regē dicit eſſe loquēdum, nec ad multos, ſed ad vnū, hoc eſt, ad Donatum Epiſcopum. Neque enim fas erat Prophetam Ezechielem, quem proximè nominaui, niſi Epiſcopo cum comparare, qui ſibi (vt diximus) principatum Carthaginis vindicabat: qui exaltauit cor ſuum, & ab hominibus ſibi ſuperior videbatur: & ſub ſe omnes etiam ſocios ſuos, habere voluiſſet: de quorum oblationibus nunquam eſt dignatus accipere. In qua re media eſt fides, & deus Chriſtus eius, & querelæ multorum, quibus in ipſa ſocietate hanc iniuriam faciebat: vt ſolus ſecretò nescio quid ageret, & poſtea cæteris perfunctorie miſceretur. Hoc modo exaltatū eſt cor eius: vt ſibi iam non homo, ſed Deus fuiſſe videretur. Deniq; in ore populi raro eſt appellat⁹ Epiſcopus, ſed Donat⁹ Carthaginis dicebatur. Et merito princeps Tyri, id eſt, Carthaginis, appellari & increpari meruit, quia prim⁹ Epiſcoporū, quaſi plus eſſet ipſe quā ceteri: & dum nihil humanū voluit habere,

exaltauit cor suum : non sicut hominis, sed sicut cor Dei: dū à ceteris hominib⁹ aliquid plus esse cupiebat. Ad quem Deus sequitur dicens, *Dixisti, ego sum Deus*. Ideo, quāuis non sit vsus hac voce: tamen aut fecit aut passus est, quod defectū huius vocis impleret. Extulit cor suū, vt nullum hominem sibi comparandum arbitraretur: & de tumore mentis suæ altior sibi visus est esse. quia quicquid est supra homines, iam quasi Deus est. Deinde cū Episcopi Deo debeant famulari, tantum sibi de episcopis exigit, vt eum non minori metu omnes vincerentur, quā Deū. Hoc est, quod sibi Deus visus est. Et cum per solum Deū soleant homines iurare, passus est homines per se sic iurare, tanquam per Deū. In quo si vnusquisque hominū errauerat, ipse prohibere debuerat: cum non prohibuit, Deus sibi visus est. Deinde cum ante ipsius superbiā, omnes, qui in Christo crediderāt, Christiani vocarentur, ausus est populum cū deo diuidere: vt qui illum secuti sunt, iam non Christiani vocarētur, sed Donatistæ: & si quando ad eum aliqui ex aliqua Africana provincia veniebāt, nō querebat illud, quod humana semper exigit cōsuetudo, de pluuiis, de pace, de prouentu anni aliquid interrogare: Sed illico ad singulos quosque venientes hæc erant verba, *Quid apud vos agitur de parte mea?* Quasi iam verè populum cum deo diuiserat, vt intrepidè suam diceret partem. Nam à temporibus eius, & vsque in hodiernum, si quando

de rebus Ecclesiasticis in iudiciis publicis aliqua celebrata est actio: Interrogati singuli, sic apud acta locuti sunt, vt dicerent se de parte esse Donati: de Christo tacuerunt. Et quid de Clericis dicam, cum legantur preces (quarum in primo libro fecimus mentionem) iam dudum ad Constantinum missę & subscriptę, quę Episcoporum nomina continebant, sic, *data à Capitone & Nasucio, Digno, & ceteris Episcopis partis Donati.* Et postulabant vtique contra Episcopos, qui dum non erant in parte Donati, in Christi Catholica habitabant. Et dum Episcopus inter coëpiscopos suos non fuit, nec homo inter homines esse voluit, constat, quod extulit cor suum, & Deus sibi fuisse videbatur. Nam cum & ordinatores tui, quorum nomina frater Parmeniane, bene nosti, & vbi fuerint non ignoras, & quid vel à quo petiuerint, & qualem rogauerint vt redirent, & tecum venire potuissent, & nos didicimus cùm easdem preces quas dederunt, apud Africanos iudices allegarent: in quibus infra scriptum est, *Data ab Episcopis partis Donati.* Hic iam quid responsuri sunt in illo imminenti diuino iudicio, qui in hoc sæculo alio modo confessi sunt, non se esse de Ecclesia Christi? qui libenter professi sunt de parte fuisse se Donati: cum in Euangelio scriptum est, Christo dicente, *Qui me confessus fuerit coram hominibus, confitebor eum coram patre meo:* Isti Donatum confessi sunt, non

Christum. Et ne parua sit ista probatio quam ad ipsius personam pertinere manifestum est, accedit ad illud testimonium, quo supra memorata increpatio clausa est, *Quod dixit illum deus non in terra moriturum*. Et ita factum esse omnibus notum est. Habitabat in domo Dei, & erat in corde maris. Ubique mare, seculum legimus, cum esset ipse non tantum in amore aliquorum Christianorum, sed propter scientiam mundana-
 rum literarum, erat etiam in corde maris, id est, in amore seculi. Sed & de scientia sua sapiens sibi visus est. Sed hanc sapientiam eius euacuavit Deus, dum dicit, *Nunquid sapientior tu quam Daniel?* Merito & bene eius sapientia humiliata est, qua putavit, se Daniele esse sapientiore, in repudiandis muneribus Regis, dum accipere noluit, quod ab Imperatore Christiano missum esse videbatur. Et visus est sibi aut Daniel novus, aut sapientior Daniele: quia & ipse Daniel aliquando à Baltassar Rege, cum cogeretur accipere munera, id est, anulum, torquem & cetera, dixisse legitur, *Donata tua tecum sint Rex*. Et sapienter respondit, & conuitia Regi non fecit, & quod offerebatur non damnavit, sed distulit: Non quo modo Donatus, qui & conuitia Constanti, quanta potuit, dixit, & quod ab eo pauperibus missum fuerat, repudiavit. Sed Daniel sanctus sapiens inuentus est, ut munera oblata illa die non acciperet. Illud enim quod ab eo petebatur, adhuc in cœlo erat: & insipientis esset,

huius rei quasi mercedem accipere , quam nondum habuit in potestate. Idcirco munera oblata, illa die ad tempus accipere noluit. Denique cum ei Deus ostenderet, quod Regi supra dicto indicaret Baltassari retulit. Et quod iam dudum repudiasse visus est, postea libenter accepit. Merito increpat Deus Principem Tyri, Donatum, cum dicit: *Nunquid tu sapientior quam Daniel?* Sed ô quam longe est præsumptio Donati à persona Danielis? Quod enim Baltassar dabat, Danieli dabat, non pauperibus: quod Constans Christianus Imperator tunc miserat, pauperibus transmiserat, non Donato. Denique ait, *Sapientes te non docuerunt sapientiam suam*, quia illud à Salomone discere noluisti, quod ait, *Absconde panem in corde pauperis, & ipse pro te rogabit.* Quia etiam illud ab ipso Daniele discere noluit quod dedit Nabugodonosor consilium, quo modo satisfaceret qui offenderat Deum. *Et tu (inquit) audi Rex consilium meum, & placeat tibi. Peccata tua eleemosynis redime & iniustitias tuas in miseratione pauperum.* Daniel Regi peccatori & sacrilego faciendas eleemosynas suadet: Donatus, qui increpari meruit, Constanti Imperatori Christiano, ne misericors esset, obstitit. Ideo increpatur, quod cum sapientes non docuerunt sapientiam suam. Quicquid à Rege missum fuerat, per se dari passus non est. Vnde constat, Donatum omnium malarum fontem fuisse causarum. Quicquid

itaque in vnitate facienda asperè potuit geri, vides frater Parmeniane cui debeat imputari. A nobis Catholicis petitum militem esse dicitis. Si ita est, quare in prouincia Proconsulari tunc nullus armatum militem vidit? veniebant Paulus & Macarius, qui pauperes vbique dispungerent, & ad vnitatem singulos hortarentur. Et cum Bagaiensem ciuitatem proximarent, tunc alter Donatus (sicut supra diximus) eiusdem ciuitatis Episcopus, impedimentum vnitati & obicem venientibus supra memoratis oppondere cupiens, præcones per vicina loca & per omnes nundinas misit Circumcelliones, Agonisticos nuncupans, ad prædictum locum vt concurrerët, inuitauit: Et eorum illo tempore concursus est flagitatus, quorum dementia paulo antè ab ipsis Episcopis impie videbatur esse succensa. Nam cum huiusmodi hominum genus ante vnitatem per loca singula vagarentur: Cum Maxido & Fasir, ab ipsis insanientibus *sanctorum duces* appellarentur: nulli licuit securum esse in possessionibus suis: debitorum chirographa amiserant vires: nullus creditor illo tempore exigendi habuit libertatem. Terreabantur omnes literis eorum, qui se sanctorum duces fuisse iactabant: Et si in obtemperando eorum iussionibus tardaretur aduolabat subito multitudo insana, & præcedente terrore, creditores periculis vallabatur. Et qui pro præstitis suis rogari meruerat, metu mortis humiles impellerentur in preces.

Festinabat vnusquisque debita etiã maxima perdere : Et lucrũ cõputabatur, euasisse ab eorũ iniuriis. Etiam itinera nõ poterant esse tutissima. Quot dñi de vehiculis suis excussi ante mǎcipia sua dominorũ locis sedentia, seruiliter cucurrerũt? Illorũ iudicio & imperio inter dños & seruos conditio mutabatur. Vnde cũ vestræ partis Episcopis tunc inuidia fieret, Taurino tunc Comiti scripsisse dicũtur, huiusmodi homines corrigi in Ecclesia nõ posse: mǎdauerunt, vt à supra dicto Comite acciperent disciplinã. Tunc Taurinus ad eorum literas, ire militem iussit armatũ per nundinas, vbi Circumcellionum furor vagari consueuerat. In loco Oëtauensĩ occisi sunt plurimi, detruncati sunt multi: Quorũ corpora vsque in hodiernũ, per dealbatas aras aut mēsas poterunt numerari. Ex quorum numero cum aliqui in Basilicis sepelire cœpissent, Clarius presbyter in loco Subbulensĩ, ab Episcopo suo coactus est, vt insepultam faceret sepulturã. Vnde proditum est, mandatum fuisse fieri, quod factum est quando nec sepultura in domo Dei exhiberi cõcessa est. Eorũ postea cõualuerat multitudo. Sic inuenit Donatus Bagaiēsis, vnde cõtra Macariũ furiosam conduceret turbã. Ex ipso genere fuerunt qui sibi percussores sub cupiditate falsi martyrij in suã perniciẽ conducebãt. Inde etiam illi, qui ex altorũ montium cacuminibus viles animas proiicientes, se præcipites dabant. Ecce ex quali numero sibi Episcopus

alter Donatus, cohortes effecerat. Hoc metu deterriti illi, qui prope thesauros ferrent, quos pauperibus erogarent: inuenerunt in tanta necessitate consilium, ut à Syluestro Comite armatum militem postularent: non per quem alicui vim facerent, sed ut vim, à Donato supra memorato Episcopo dispositam, prohiberent. Hac ratione factum est, ut miles videretur armatus. Iam quicquid subsequutum est, videte, cui debeat ac possit ascribi. Furebant illic vocatorum infinita millia populorum: pro quibus & annuam competentem constat fuisse præparatam: de Basilica quasi publica fecerunt horrea: expectantes ut venirent, in quos furorem suum exercere potuissent: & facerent quicquid illis demētia sua dictasset, nisi præsentia armati militis obstitisset. Nam cum ante venturos milites, metatores (ut fieri solet) mitterentur, contra Apostoli præcepta competenter suscepti non sunt: *Qui ait, Cui honorem, honorem: Cui vectigal vectigal: Cui tributum tributum. Nemini quicquam debueritis.*

Qui missi fuerant, cum equis suis præoccupati sunt ab iis, quorū nomina stabello inuidiæ ventilasti. Ipsi magistri fuerant iniuriæ suæ: & quid pati possent, ipsi prærogatis iniuriis docuerūt. Reuersi sunt vexati milites ad numeros suos, & quod duo vel tres passi fuerant, vniuersi doluerunt. Commoti sunt oēs: iratos milites retinere

nec eorum præpositi valuerunt. Sic admissum est, quod inuidiam vnitati factam esse memorasti. Hæc & cætera gesta & suas causas habent, & quas ostendi personas obnoxias. Hoc nos nec vidimus quidem, sed vobiscū audiuiamus. Si auditus facit reos: tenemus vos socios, quia similiter audiuiamus. Si à facto auditus immunis est: quod ab aliis, vobis prouocantibus, factum est, nobis non debet imputari. Querelam per ordinem deponitis sub Leontio, sub Vrsatio, iniuriatos esse quàm plurimos sub Paulo & Macario: aliquos necatos à sequentibus: nescio quos ad tempus esse proscriptos. Quid hoc ad nos? quid ad Ecclesiā catholicā pertinet? Quicquid obicistis, vos fecistis. A Deo commendatā noluitis libenter excipere vnitatem, chariorem æstimantes hæreditatem schismatis, quam præcepta præpositi saluatoris. Arguistis operarios vnitatis: ipsam vnitatem improbate si potestis. Nā æstimo vos nō negare, vnitatem summū bonum esse. Quid nostra, quales fuerint operarij, dummodo quod operatum est, bonum esse constet? Nam & vinum à peccatoribus operariis & calcatur & premitur: Et sic inde Deo sacrificiū offertur. Oleum quoque à sordidis, & nōnulis male viuentibus, & immunda loquētibus conficitur: Et tamen in sapore, in lumine, etiam in sancto Chrismate simpliciter erogatur. Operarios vnitatis malos fuisse dicitis: Forte cum voluntate Dei, cui nonnunquam placet etiam quod ab

ipso potuit prohiberi. Nam quædam mala male fiunt: Quædam mala bene fiunt. Malum male latro facit: malum bene iudex facit, dum vindicat quod latro peccauit. Nam hæc Dei vox est, *Non occides*. Et ipsius vox est: *Si inuentus fuerit homo, dormiens cum muliere habente maritum, occidetis utrosque*. In primo libro Regnorum vnus Deus, & duæ diuersæ voces. Denique dum Phinees, filius sacerdotis adulterum cum adultera inueniret, leuauit cum gladio manū, & inter duas voces dei dubius stetit: Hinc ad illum sonabat, *Non occidas*: Inde sonabat, *occidetis utrosque*. Si feriret, peccaret: Si non feriret, delinqueret. Elegit melius peccatum, vt percuteret. Et forte non defuerāt, qui huius rei vindicem quasi homicidam notare voluissent. Sed vt ostenderet Deus, aliqua mala bene fieri, Locutus est dicens, *Phinees mitigauit iram meam*, & placuit Deo homicidiū, quia vindicatū est adulteriū. Quid si & modo Deo placuit, q̃ passos vos esse dicitis, q̃ vnitatē cū toto orbe terrarū, & cū memoriis Apostolorū quæ Deo placita est, habere nolulistis. Inuitus cogor hoc loco etiā illorum, quorū nolo, hominum facere mentionem, quos vos inter martyres ponitis: per quos, tāquam per vnicam religionem, vestræ communionis homines iurant. Quos quidem velem silentio præterire, sed ratio veritatis se siliari non patitur: Et ex ipsis nominibus contra vnitatem inconsiderate latrat inuidia, & aspernantes aliqui accusandam aut

fugiendam æstimant vnitatem, quod Marcus & Donatus dicantur occisi & mortui.

Quasi omnino in vindictam Dei nullus mereatur occidi. Nemo erat lædendus ab operariis vnitatis, sed nec ab Episcopis mandata diuina contemni debuerant: Quibus præceptum est, *Quære pacem, & consequaris eam.*

Et iterum, *Quam bonum & quam iocundum habitare fratres in unum.* Et iterum, *Fælices pacifici, quia ipsi filij Dei vocabuntur.* Hoc qui nec libenter volebant audire, nec deuotè facere voluerunt, quicquid potuerunt pati, si occidi malum est, mali sui ipsi sunt causa.

Sed arguendus (vt dicitis) vobis videtur esse Macarius, quod sine voluntate Dei æstimatis eum hoc facere non potuisse. Habetis huiusmodi reos antiquos: Accusate primo Moysen, ipsum legislatorem: Qui cum de Syna monte descenderet, propè, nec dum propositis tabulis legis, in quibus scriptum erat, *Non Occides*, tria milia hominum vno momèto iussit occidi. Macarium differte paulisper, Phineem filium sacerdotis, quem paulo antè memorauimus, in iudiciũ prouocate: si tamẽ inueneritis præter deũ aliquẽ iudicẽ. Nã q̃ accusatis in p̃sona ipsi⁹, à deo laudatũ est q̃ in zelo Dei factũ est. Supprime interim voces, quib⁹ in Macariũ dictat inuidia. Recurrite primò ad Heliã, p̃phetã, q̃ in riuo Cyslõ, cũ pareret volũtati Dei, quadraginta & quadringẽtos occidit. Sed forte dicitis, illos

merito occisos: istos indigne. Nunquam sequitur vindicta, nisi eius antecesserit causa. Vindicauit (vt diximus) Moyses, vindicauit Helias, vindicauit Phinees.

Vindicauit Macarius. Si nihil offenderant, qui occisi esse dicuntur, fit Macarius reus, in eo quod solus nobis nescientibus, & vobis prouocantibus fecit. Quare nobis fit inuidia, cum aliena sint facta? Et in vobis est causa, quia propter vos, qui foris fuistis, quamquam & nunc foris esse videamini, venisse dicitur: non propter nos, qui intus habitamus, & nunquam de radice recessimus. Sed quia supra memoratas personas per ordinem diximus, videamus quare Moyses tria milia hominum iussit occidi: quare Phinees duos, & quare Elias quadringentos & quinquaginta: quare Macarius duos, quorum nomina quotidie (vt supra dixi) flabello inuidie ventilatis. Omnes constat in eos vindicasse, à quibus iussio diuina contempta est. Nam, *Non tibi facies sculptile*, Dei vox est: Et, *non facies adulterium*, eiusdem Dei vox est: *Non sacrificabis Idolis*, Idem Deus locutus est. Et non *facies schisma*: & quare pacem, & consequaris eam: eiusdem præceptum est. Temporibus Moysi populus Israel caput vituli coluit, quod illis sacrilega flamma conflauit: ideo tria milia hominum occidi meruerunt, quia Dei vox videbatur esse contempta. Phinees adulteros vno ictu percussit: laudari à Deo meruit: quoniam diuinorum præceptorum contemptores occidit. Et

quadringenti & quinquaginta, quos Elias occidisse legitur, ideo occisi sunt quia contra iussionem Dei, per quod falsi vates erant, Dei præcepta contempserant.

Et illi, quorum nominibus Macarium criminatis, nec à falsis vatibus longe sunt. Quia vos Deus dixit futuros esse falsos vates, quod proximo loco probaturi sumus: & dum pacem noluerunt recipere, nec in vno cum fratribus habitare, contra præcepta & voluntatem Dei pertinaciter obstiterunt. Ergo videtis à Moyse, & Phinee, & Elia, & Macario, similia esse facta, quia ab omnibus vnus Dei præcepta sunt vindicata. Sed video vos hoc loco tempora separare, vt alia fuerint ante Euangelium, alia post Euāgeliū: In quo potestis dicere, quia scriptum est, vt à Petro iam gladius conderetur, quo auriculam serui sacerdotis abstulerat, quo seruum poterat quasi deuotus Petrus occidere: sed Christus pati venerat, non defendi. Et si cogitatum suum Petrus impleret in passione Christi, videtur seruus vindicari, non populus liberari. Nam & Macarius, gladium à Petro vagina conditum non eduxit. Hoc probat Deus, dum ad vallem Sion loquitur dicens, *Vulnerati in te, non vulnerati gladio.* Aut probate aliquem illo tempore gladio esse percussum. Deinde ait: *mortui in te, non mortui in bello.* Quare debetis attendere, ne temerariū sit, eos martyres appellare, qui Christianorum nullum senserunt bellum. Non

enim tale aliquid factum aut dictum est, quod in bello Christianorum dici aut fieri solitum est. Quod bellum persecutio dicitur, quæ operata est sub duabus bestiis ex illis quatuor, quas Daniel de mari ascendentes aspexit. Prima fuit ut Leo. Hæc erat persecutio sub Decio & Valeriano. Secunda ut Vrsus, alia persecutio, quæ fuit sub Diocletiano, & Maximiano. Quo tempore fuerunt & impij iudices, bellum Christiano nomini inferentes. Ex quibus in prouincia Proconsulari (ante annos lx. & quod excurrit) fuerat Annulinus, in Numidia Florus. Omnibus notum est, quid eorum operata sit artificiosa crudelitas. Sæuiebat bellum Christianis indictum: in templis dæmoniorum diabolus triumphabat: immundis fumabant aræ nidoribus. & quia ad sacra sacrilega venire non poterat, ubicunque thus ponere cogebatur. Omnis locus templum erat ad scelus. inquinabantur prope morientes senes: ignorans polluebatur infantia: à matribus parui liberi portabantur ad nefas: parentes incruenta paricidia facere cogebantur. Alij cogebantur temple Dei viui subuertere, alij Christum negare, alij leges diuinas incedere, alij thura ponere. Horum aliquid à Macario factum esse, nec vos ipsi cõfingere poteritis. Sub persecutore Floro, Christiani Idolorum cogebantur ad templa. sub Macario pigri compellebantur ad Basilicam. Sub Floro dicebatur, ut negaretur Christus & Idola rogarentur. Contra sub Macario com-

monebantur omnes vt deus vnus pariter in Ecclesia ab omnibus rogaretur . Si supra memoratos videri martyres vultis , probate illos amasse pacem , in qua prima sunt fundamenta martyrij : aut dilexisse deo placitam vnitatem , aut habuisse cum fratribus charitatem . Nam omnes Christianos , fratres esse & in primo libello probauimus , & in quarto procul dubio probaturi sumus . Quos dicitis debere appellari martyres , quia noluerunt fratres agnoscere , nullam habuerunt charitatem . Nec dicatur ad excusationem , quia Traditoribus communicare noluerunt : cum manifestissime probatum sit eosdem ipsos filios fuisse traditorum . Nulla igitur est excusatio , quia charitatem illos non habuisse manifestissime constat , sine qua nullum vel nominari potest , vel esse martyrium : sine qua maxima & imperiosa virtus caret effectu : sine qua nihil valet omnium scientia linguarum : sine qua nihil potest etiam societas angelorum , Apostolo Paulo dicente , *si habeam in me potestatem imperandi montibus* , vt transferat se de locis in loca , & loquar omnium gentium linguis , etiam angelorum , & corpus meum flammis tradam , & charitatem in me non habeam , nihil sum : sed ero aramentum tinniens in deserto , vt pereat vocis opus , vbi nullus occurrit auditus . Si tanta res , si B. Paulus , si vas electionis , quauis cum imperiosa virtute & angelorum societate , pronunciat se nihil esse , nisi charitatem habuerit : videte , an non dicantur martyres ,

sed aliquid aliud appellari mereantur, qui charitatis desertores pro eadem desertione pati aliquid potuerunt. Gaudet totus orbis de vnitatem Catholica, præter partem Africæ, in qua incendium de scintilla conflatum est. Ab operariis Vnitatis querimini nescio quæ esse commissa. Hoc non queritur Italia, non Gallia, non Hispania, non Pannonia, non Galatia, non Græcia, non cum tot prouinciis suis Asia. Quia nihil illic fuerat emendandum, nullus illuc missus est emendator: quia nihil illis fuerat scissum, nullus illuc missus est (vt ita dixerim) sartor. & hic in Africa iam dudum populo in vnitatem manente, vestis fuerat sana: æmula manu inimici discissa est. Pendebant quodammodo panni de vna vestis origine, & de vna radice venientes. Vt quid se pars parti anteponebat? aut quid supra alterum pannum alter pannus extollit, cum meliorem se probare non poterit? Quid enim, si dicat contemptus pannus, *Quid te tantum extollis? Inoue pares creuimus: In manibus conficientium simul fuimus? apud lotorem, pariter mundati sumus? Inimicus nos voluit ab inuicem scindere. Adversarius pulchritudinem nostram voluit deformare. In parte vestis adhuc vnum sumus, sed in diuersa pendemus.* Quod enim scissum est, ex parte diuisum est, non ex toto concisum. Et merito, quia nobis & vobis Ecclesiastica vna est cōuersatio: & si hominum litigant mentes, non litigant Sacramenta. Denique possumus & nos dicere, pa-

res credimus, & vno sigillo signati sumus: Nec aliter baptizati quam vos. Nec aliter ordinati quam vos. Testamentum diuinum legimus pariter: vnum Deum rogamus. Oratio dominica apud nos & apud vos vna est, sed scissura (vt supra diximus) facta partibus hinc atque inde pendentibus, sartura fuerat necessaria. Et tamen huius rei artifex aut operarius, dum vult vestem in antiquam faciem reuocare, vicina fila compungit. Displicet tibi sartor, qui scissuram, dum sanat, vulnerat. Ille tibi magis displiceat, qui fecit, vt sartor peccare potuisset. Et, Quę in vos ab operariis vnitatis dicitis esse commissa: aut ad parētes vestros pertinent, quorum causa facta sunt: aut ex voluntate dei descendunt. Nos tamen inde alieni sumus. Quid si quamuis aspera, tamen (vt dixi) cum voluntate dei videntur esse commissa? Legimus enim in Ezechiele Propheta Parietem dealbatum, cui Deus comminatus est tempestatem, pluuiam & lapides petrobolos, & accusationes. *Erunt* (inquit) *falsi vates qui edificent ruinosum parietē, dicentes, pax pax: Et ubi pax?* Recordamini, quo modo à vobis iā dudum matris Ecclesię membra ab inuicem distracta sunt. Non enim vnāquamque domum semel seducere potuistis. Sed aut iuit vxor, & reſedit maritus: aut parentes seducti sunt, & filij sequi noluerunt: aut stetit frater, sorore migrante: persuasionibus vestris diuisa sunt corpora & nomina pietatis. Et non potuistis prætermittere, quod legitimum est. Vtiquē dixistis, *pax*

vobiscum: Cum Deus contra, *pax*, & ubi *pax*? hoc est dicere, *quid salutas, de quo non habes? quid nominas?* Quod exterminasti, *salutas de pace qui non armas*, Hi (inquit) *adificant ruinosum parietem*, Domus Dei una est. Qui foras exeuntes, partem facere voluerunt, parietem fecerunt, non domum: quia non est alter Deus, qui alteram domum inhabitet. Ideo parietem fecisse dicuntur falsi vates, in quo si ianua fuerit collocata: quicumque intrauerit, foris est. Nec lapidem habere angularem vnus paries potest, qui lapis est Christus, duos in se suscipiens populos: vnum de gentibus, alterum de Iudæis: qui nodo pacis iungit vtrunque parietem. Nam quot comoda habet domus, tot incommoda paries. Domus inclusa custodit, tempestatem retundit, pluuiam diffundit, latronem aut furem aut bestiam non admittit: Sic & Ecclesia Catholica omnes filios pacis gremio & sinu suo complectitur. Cōtra paries, qui est ædificatus ruinosus, nec lapidē angularem sustinet, & ianuam sine causa habet, nec inclusa custodit: pluuiā vdat, tempestatibus cæditur: nec potest arcere latronem, nec venientem prohibere furem. Paries enim res de domo est sed domus non est. Et pars vestra quasi Ecclesia est, sed catholica non est. *Et dealbant* (inquit) *eum*, hoc est, quod vos solos sanctos æstimatis. Querimini vos sine nobis aliqua esse passos. ergo constat vos solos aliqua passos. Quia aliud est tempus pacis, aliud persecutionis. Si persecu

tionē putatis: dicite, quid vobiscum passæ sunt vniuersæ prouinciæ, in quibus est Ecclesia Catholica? Sed quia vindicta fuit, non persecutio, solus paries passus est. Cui Deus interminatus est tempestatem, pluuiam, & lapides petrobolos & accusationes. Sic enim locutus est, *Quid adificastis ruinam? quid dealbastis? quid lauistis? Hoc contra voluntatem meam est, dicit dominus.* Displicent vobis tempora nescio cuius Leontij, Vrsatij, Macarij, & cæterorum. Emēdate voluntatem Dei, si potestis: *Qui dixit, contra parietem exurgam cum ira mea, & immittam tempestatem nimiam, & pluuiam diluentem, & lapides, petrobolos, & percutiam parietem ruinosum, & dissoluentur compages eius.* Sed ne quis vestrū dicat, si vnitas bonum est, quare totiēs facta durare nō potuit? quia sic res ipsa à Deo est ordinata, qui comminatus est tempestatem, pluuiam, lapides & accusationem. Et istæ quatuor res non poterant vno tempore fieri. Fuit primo tempestas, agitatus est paries, sed nō cecidit, vt haberet pluuiam, vbi operaretur. Secuta est pluuiam, vdatus est paries, sed non maduit, vt haberent lapides, vbi operarentur. Post pluuiam secuti sunt lapides, dispersus est: sed fundamentis suis se iterum reparauit. Iam tria peracta sunt: debētur vobis accusationes. Sed quomodo & quādo, nouit ille, cui placuit de vobis ista nunciare. Et ne aliquis de hoc intellectu dubitaret, deus addidit, dicēs, *Non sunt qua dico de luto aut de pariete, sed de falsis*

Prophetis, qui seducunt populum meum. Hoc verbo, *seducunt*, videte cui parti competat. Nobiscum erant omnes, nobis absentibus irruistis: & ut haberetis quos habere desiderastis, non potuistis nisi seducere. Et quæ sint verba seductionis vestræ, omnibus notum est. Vestrum est dicere: *Attendite post vos*: vestrum est dicere, *redimite animas vestras*: vestrum est dicere hominibus fidelibus & Clericis, *estote Christiani*. Sed cum dicitis, *Attendite post vos*, contra Euangelium facitis, ubi dictum est, *Nemo tenens manicam aratri, post se attendens, intrabit regna calorum*. Et vultis scire quid meruit, qui post se attendit, & qui ante se? Recordamini Sodomorum fugitivos, Loth & uxorem eius, quæ post se attendit, in stateruam salis mutata est: Qui ante se prospexit, eua-
 . fit. Quid est ergo quod dicitis, *Attendite post vos*? Nam & cum dicitis, *Redimite animas vestras*: unde illas emistis, ut vendatis? Quis est nescio qui angelus, qui nundinas facit animarum? Cum dicitis, *Redimite, animas vestras* redemptori renunciatis, cum solus Christus sit redemptor animarum quas ante eius aduentum diabolus possidebat: has sanguine suo Christus saluator noster redemit, Apostolo dicente, *Empti estis precio magno*. Constat enim sanguine Christi omnes redemptos. Christus non vendidit quos redemit. Animæ emptæ a Christo non potuerunt vendi, ut possint, sicut vultis, a vobis iterum redimi. Aut quomodo potest una anima duos do-

minos habere? At nunquid est alter redemptor? Qui prophetæ nunciauerunt alterum esse venturum? quis Gabriel iterum ad alteram Mariam locutus est? Quæ virgo iterum peperit? Quis vir tutes nouas aut alteras fecit? Si nullus est præter vnum qui redimit animas omnium credētium, quid est quod dicitis, *Redimite animas vestras*? Iā illud quale est, quod hominibus Christianis etiā Clericis dicitis, *Estote Christiani*? Et cum miraculo quodam vnicuique dicere. Cai Sei aut Caia Seia, adhuc paganus es aut pagana? Eum, qui ad Deum, se conuersum esse professus est, paganum vocas? Eum qui a nobis vel a vobis in nomine nostro vel vestro, sed in nomine Christi tinctus est, paganum vocas? Sunt enim qui a vobis baptizati sunt, ad nostram communionē postea trāsierunt. Paganum vocas eum, qui Deū patrem per filium eius ante aram rogauerit?

Quicumque enim crediderit, in nomine patris & filij & spiritus sancti credidit. Et tu eum Paganum vocas post professionem fidei? Si aliquid Christianus (quod absit) vnusquisque deliquerit, peccator dici potest. Paganus iterum esse nō potest. Sed hæc omnia vultis nullius esse momenti. At si tibi consenserit, quem seducis: vnus consensus & manus tuæ porrectio, & pauca verba, iam tibi Christianum faciunt de Christiano: & ille vobis videbitur Christianus, qui quod vultis fecerit, non quem fides adduxerit. Et si seductioni vestræ Paulo tardius

fuerit accommodatus ad sensus, etiam illa vobis argumenta non desunt: quibus facile etiam nolentibus, quod vultis, suadere possitis: dum dicitis, auditum esse ex ore eorum, qui iam dudum in vestro collegio fuerant, *Quod qui gustaret aut acciperet de sacrificio aduentus unitatis, de sacro gustare videretur.* Non negamus ab aliquibus esse hæc dicta, quos constat postea tota securitate fecisse, unde paulo ante populos deterrebant: sed alia ratio exegit has voces, alia inuitavit in factum. Nam ut hæc dicerent qui feruntur ista dixisse, opinio falsa, eorum aures & omnium populorum opleuerat. Dicebatur enim illo tempore venturos esse Paulum & Macarium, qui interessent sacrificio, ut cum altaria sollemniter aptarentur, proferrent illi imaginem, quam primo in altari ponerent: sic sacrificium offerretur. Hoc cum acciperent aures, perculsi sunt & animi, & vniuscuiusque lingua in hæc verba commota est, ut omnis qui hoc audierat, diceret, *Qui inde gustat, de sacro gustat.* Et recte dictum erat, si talem famam similis veritas sequeretur. At ubi ventum est à supradictis, nihil tale visum est, ex eo quod fuerat paulo ante mentita fama: nihil viderunt oculi Christiani quod horrerent. Nihil probauit aspectus ex iis quibus perturbatus erat auditus. Visa est puritas, & ritu solito solennis consuetudo perspecta est. Cum viderent diuinis sacrificiis, nec mutatum quicquam, nec additum, nec ablatum, Pax à Deo commedata, volentibus placuit. Quare nullus

eorum debet argui, qui de collegio vestro ad pacem transitum fecit. Qui fuerant sinistra opinione turbati, simplici ac pura veritate firmati sunt. Nec dicantur de amaro fecisse dulce, aut de dulci amarum. Amaritudo, quæ de falsitate videbatur fuisse nūciata, in sinu opinionis resedit ac remansit: veritas perspecta oculis, dulcedinem suam in se habens, à falsæ opinionis limitibus separata est. Ergo nec de amaro factum est dulce, nec de dulci amarum: quia & aliud & extra est, quod est visum. Et longe fuerat, quod videbatur auditum.

LIBER QVARTVS.



Te nobis, frater Parmeniane, de petito milite frustra calūniā factam esse, aperte dilucidēque monstratum est. Etiā illud discere quod dixisti de oleo & sacrificio peccatorū, ad vos potius pertinere. Nō enim ille debet esse peccator, quem vos volueritis. Nam & nos vestram præsumptionem possumus imitari, & dicere, vos esse peccatores. Sed facite, vt ex vtraque parte nullus nostrum humano iudicio alterum damnet. Dei est, nosse reum, illius ferre sententiam. Taceamus omnes homines. Solus Deus iudicet peccatorem: cuius sacrificium sit Canina victima, & cuius oleū vngi desideranti ingerat metum. Huius rei apertissi-

mam veritatem, Parmeniane frater, agnosce:
 si tamen hoc nomen fraternitatis, frequenter a
 me dictum, libenter audire dignaris: fac, ut
 tibi sit fastidiosum, tamen nobis est necessa-
 rium: ne forte iuxta tot probationes huius
 nominis, tacendo rei esse videamur. Si enim
 tu non vis esse frater, ego esse incipio impius,
 si de nomine isto tacuero. Estis enim fratres
 nostri, & nos vestri, Propheta dicente, *Nonne
 vos unus Deus creauit, & unus pater genuit?* Non
 enim potestis non esse fratres, cum omnibus
 dictum sit, *Dei estis, & filij altissimi omnes.* Et
 vos & nos sumus qui præceptum accepimus, in
 quo dictum est, *Ne vocetis vobis quenquam pa-
 trem in terris. quia unus est pater vester in cælis,
 saluator noster Christus.* Solus natus est filius
 Dei: sed & nos & vos filij vno modo facti
 sumus, Sicut in Euangelio scriptum est, *Venit
 filius Dei: quotquot eum receperunt, dedit eis potestatem,
 ut filij Dei fierent.* Nos & facti sumus & dicimur:
 vos & facti estis & non dicimini, quia pacifici
 esse non vultis, nec audire ipsum filium Dei di-
 centem, *Fælices pacifici, quia ipsi filij Dei vocabun-
 tur.* Christus veniens, Deum & hominem reuocauit
 in pacem, & fecit ambos vnum: tollens medium sepem
 parietis. Vos nobiscum, id est, cum fratribus vestris,
 pacem habere non vultis. Non enim potestis non es-
 se fratres, quos iisdem Sacramentorum visceri-
 bus vna mater Ecclesia genuit: quos eodem mo-
 do adoptiuos filios Deus pater excepit. Vnde

huius temporis præscius Christus, quia futurum erat, vt à nobis hodie discordaretis, talia dedit orandi mandata, vt vel in oratione vnitas remaneret, vt preces iungeret, quos discrepaturæ fuerant partes. Oramus pro vobis, quia volumus & vos pro nobis: & cum non vultis, aut dicat vnusquisque vestrū, *pater meus, qui in cælis es: & panem meū quotidianū da mihi hodie: Et dimitte mihi peccata, quomodo & ego debitori meo.* Igitur si quæ mandata sunt mutari nō possunt, Videtis nos non in totum ab inuicē esse separatos, dum & nos pro vobis oramus, volentes: & vos pro nobis oretis, & si nolentes. Vides, frater Parmeniane, sancta germanitatis vincula inter nos & vos, in totum rumpi non posse. Iam peccator querendus est, cuius potuit vel oleū timeri, vel sacrificiū repudiari. Cesset humana suspicio: vtriusque partis præsumptio sileat: quis sit peccator, solus iudicet Deus. Legimus quadragesimo nono Psalmo sub secundo diapsalmate, Spiritum Sanctum dixisse, *Peccatori autem dixit Deus.* Hoc loco aduertenda est tota mentis intentio, & videndum, quis sit peccator. Si enim postquam lectum est, *Peccatori autem dixit Deus*: verba huiusmodi sequerentur, vt diceret, *Tulisti arma, processisti de castris, stetisti contra hostes in acie*: timendum erat niliti, quia potuit ipse videri peccator. Aut si diceret, *cōparasti merces, peregrinatus es, egisti nundinas, lucri causa quod emeris, vēdidisti*: timendū erat negociatori, quia potuit ipse videri peccator. Aut si

diceret, *fabricasti nauem instruxisti funibus, ornasti velis, opportunos, ut nauigares captasti ventos: timendum erat nautæ, quia potuit ipse videri peccator. Aut postquam lectum est. Peccatori autem dixit Deus: si sequerentur hæc verba, dissensio & schisma tibi displicuit. Concordasti cum fratre tuo, & cum vna Ecclesia quæ est in toto orbe terrarum. Communicasti septé Ecclesiis & memoriis Apostolorum: amplexus es vnitatem. Si hæc subsequens lectio contineret, nobis timendum erat, nos esse potius peccatores. Cum autem dicit Deus, *Ad quid exponis iustitias meas, & assumis testamentum meum per os tuum? Tu autem contempsisti disciplinam, & abiiecisti sermones meos retro: Sedens aduersum fratrem tuum, denotabas, & aduersus filium matris tuæ ponebas scandalum. Videbas furem, & currebas cum eo, & cum adulteris portionem tuam ponebas.* Hæc ad vos dicta sunt omnia. Excusate vos ab his omnibus, si potestis. A vobis enim contempta est disciplina. ut quid recitas testamentum, qui testamentum non seruas, in quo descripta est disciplina, quam seruare non vultis? Non enim potestis dicere, vos eam seruare, contra quam militatis. Deus dicit, *Quære pacem, & consequaris eam.* Tu repudiasti pacem, Non est contemnere disciplinam? Item in Psalmo cxxxij. legitur, *Ecce quam bonum est & iocundum, habitare fratres in vnum.* In vnum habitare cum fratribus non vis, Non est contemnere disciplinam? Christus dicit in Euangelio, *Qui semel**

locutus est, non habet iterum necessitatem lauandi. Tu rebaptizando iterum lauas. Non est contemnere disciplinam? Deus dicit, *ne tetigeritis Christos meos, neque in prophetas meos manum miseritis:* vos tot sacerdotes Dei honoribus expoliastis. Non est contemnere disciplinam? Christus dicit, *inde scio quia discipuli mei estis, si vos inuicem diligatis.* Vos odio nos habetis, fratresvique vestros. Nec Apostolos imitari voluistis, à quibus etiam negator dilectus est Petrus. Non est contemnere disciplinam? exponis iustificationes Dei, & assumis testamentum per os tuum. Quomodo disputas, *Quere pacem,* cum tu non habeas pacem? Testamentum recitas, & testamentum non seruas.

Electi estis, qui sedentes populum doceatis, & detrahitis nobis, utique fratribus vestris: quoniam (sicut supra dixi) vna nos mater Ecclesia genuit, vnus nos Deus pater excepit. Et tamen scandala contra nos ponitis, mandando singulis ne nos salutent, ne à nobis dignationem accipiant. Considerate verba superbiæ vestræ. Considerate tractatus, considerate mandata, actus quoq; vestros reuoluite. Inuenietis oleum vestrum timuisse, qui rogabat. Nullus vestrum est, qui non conuitia nostra suis tractatibus misceat, Qui non aliud initiet, & aliud explicet. Lectiones dominicas incipitis, & tractatus vestros ad nostras iniurias explicatis. Proferitis Euangelium, & facitis absenti fratri conuiuium. Auditorum animis infunditis odia, inimi-

citias docendo suadetis. Hæc omnia dicendo,
 contra nos scandala ponitis. Ergo unicuique ve-
 strum dictum est; *sedens aduersus fratrem tuum*
denotabas, & aduersus filium matris tue ponebas
scandalum. Dum peccatorem arguit, & seden-
 tem increpat Deus, specialiter ad vos dictum es-
 se constat, non ad populum, qui in Ecclesia non
 habet sedendi licentiam. Vides ergo procul-
 dubio vobis imputari debere, cum dicit Deus:
sedens aduersus filium matris tue, ponebas scandala.
 Vnam matrem nos habere iam toties compro-
 bavi. Nec vos negare potestis, qui contra nos
 scandala ponitis, dum aliqui vestrum & non in-
 tellectas proferunt lectiones: vt auferant etiam
 illud, quod inter omnes homines solet esse cõ-
 mune, salutationis videlicet officium. Nam &
 vos ipsi aliqui in perfunctoria salutatione oscu-
 la solita denegatis. Et docentur multi, ne *Aue*
 dicant cuiquam nostrum. Et videntur sibi hoc
 de lectione, sed non intellecta, mandare: Igno-
 rantes, de quibus Apostolus hoc dixerit, *Cum his*
nec cibum capere, Aue illi ne dixeritis. Scripsit enim
 eorum sermo velut Cancer. Dixit hoc de hæreticis,
 quorum cœperat illis temporibus vitiosa esse
 doctrina: Qui subtili seductione verborum, mor-
 bis obscure serpentibus corrumpere fidei sa-
 nitatem. Vt Marcion, qui ex Episcopo Apostata
 factus, inducebat duos deos, & duos christos.
 Vt Hebion, qui argumentabatur patrem passum
 esse, non filium. Vt Valentinus, qui conabatur

carnem Christo subducere. Horum est sermo, qui habuit Cancrum ad fidei membra vexanda. Talis sermo est & Corpiani hæretici, qui negabat debere esse martyria: sed venena sua sibi seruet, ne eorum relatio auditorum intellectus simplices vel leuiter vexet. Huius igitur sermo est, qui vitandus est, ne serpat sicut cancer. Dictum est hoc & de Arrio, qui conabatur docere filiū dei ex nullis substantiis factum esse, non ex deo natum: cuius doctrina, nisi Nicæno Concilio à trecentis decem & octo Episcopis dissiparetur, pectora multorum sicut Cancer intrauerat. Dictum est hoc & de Photino præsentis temporis hæretico, qui filium dei ausus est dicere, tantummodo hominem fuisse, non Deum. Potuit hoc & de vobis dici, quia vester sermo animis & auribus aliquorum non leuem intulit Cancrum. Vester enim sermo est, quem ad pacis filios habetis: dum dicitis, *periiistis: attendite post vos*, periiit anima vestra quam diu vos tenetis? Sic fecistis de fidelibus pœnitentes: Sic mortificastis in sacerdotibus honores. Ecce & vester sermo est, qui serpit velut Cancer hodie, vt salutationes & conuictus prohibeatis. Noster sermo quid tale facere potuit? qui simplici doctrina filios pacis retinemus: Non alienos seducimus, nec ququam exterminamus. Manifestum est igitur, vos contra nos quotidie scandala ponere: & longū est, percurrere omnes modos, quibus nobis detrahitis, & omnia genera quibus scandala poni-

tis. Nam & cum dicit, *Videbas furem, & currebas cum eo*: de qua re hoc putatis dictum esse? Nunquid de subducto vestimento, aut de inuolato gremio, aut de aliquibus rebus, quæ ablata vel lucra vel damna inter homines faciunt? Equidē sunt & ista prohibita: sed in hac lectione illa furta increpat deus, quæ sibi sunt facta. Quæritis quæ furta sint Deo facta? apud vos inueniuntur. Possessio Dei, est turba fidelium, ex qua quotidie fur diabolus cupit aliquid inuolare: In quouis Christiano aut Christiana vult vel mores ex aliqua parte corrumpere, & si non totum hominem, sed quodcunq; de homine rapere. Talem furem cum videatis contra nos vim facere, vestris operibus adiuuistis. Nam neminem fugit, quod omnis homo qui nascitur, quamuis de parentibus Christianis nascatur, sine spiritu mundi esse non possit, quem necesse sit ante salutare lauacrum, ab homine excludi & separari. Hoc exorcismus operatur, per quem spiritus immundus depellitur, & in loca deserta fugatur. Fit domus vacua in pectore credentis, fit domus munda: intrat Deus & habitat, Apostolo dicente, *Vos estis templum Dei, & in vobis Deus habitat*. Et cum Deo vnusquisque plenus sit, de quo fur diabolus aliquid inuolare contendit: vos rebaptizando exorcizatis hominem fidelem, & dicitis Deo habitanti, *Maledicte exi foras*: vt compleatur quod à Deo dictum est, per Prophetam Ezechielem, *Et maledicebant mihi in populo meo, pro-*

pter plenam manum hordei & bucellam panis, ut occiderent animas, quas non oportuit mori. Audit ergo Deus iniurias non sibi debitas, & huiusmodi habitaculum deserit: Et homo, qui Deo plenus in Ecclesiam intrauerat, egreditur vas inane. Diabolus qui volebat quasi fur aliquid inuolare, adiutus operibus vestris, videt totum suum factum esse, vnde volebat paululum aliquid tollere. Ergo de vobis dixit Deus, *Videbas furem & currebas cum eo*. Denique in Euangelio sic scriptum est, *Cum autem Deus deseruerit hominem, remanet vas inane: spiritus autem immundus errans per loca deserta, ieiunus dicet, Domus mea vacua est: hoc est dicere, qui me excluderat, exclusus est. Reuertar illuc & habitabo*. Et adducit secum alios septem sauiiores, & habitabit illic, & erunt hominis illius peiora nouissima, quam quae fuerunt prima: Hoc est, *videbas furem, & concurrebas cum eo, Et cum mæchis particulam tuam ponebas*. Hæreticos dicit mæchos, & mæchas Ecclesias illorum: quas aspernatur & repudiat Christus, in Canticis canticorum, quasi dicat, *Quid mihi colligitis non necessarias? una est dilecta mea, una est sponsa mea, una est columba mea, id est, Catholica: In qua & vos cum esse possetis, rebaptizando inter mæchos particulam habere voluistis*. Et quoniam vos esse peccatores, diuino testimonio manifestissime comprobatur: etiam illud ostensum est, tua auxilia contra te militasse. In auxilium enim adduxeras prophetam, in quo lectum est, *sacrificium peccatoris, quasi*

qui victimet canem. Iam peccatores vos esse, si pudor est ullus, cum dolore cognosce. Etiam illud disce, cuius vox sit, *Oleum peccatoris non unget caput meum.* Tu enim non intellexisti, cuius hæc vox sit, utiq; Christi, qui necdum unctus fuerat, cum rogaret, ut oleum peccatoris non impingeret caput eius. Hæc tu non intelligens, dixisti, Quia Propheta timuit oleum peccatoris, à Samuele iam dudum puer unctus fuerat. Qui cantabat, non fuit ratio ut iterum ungeretur: Ergo vox est Christi dicentis, *Oleum peccatoris non unget caput meum.* Preces sunt, non iussiones: Desideria sunt, non præcepta. Nam si iussio esset, diceret, Oleum peccatoris non unget caput meum. Vox est ergo filii Dei iam tunc metuentis oleum peccatoris, incurrere, id est, cuiusque hominis: quia nemo non est peccator, nisi solus Deus. Ideo filius eius timuit oleum hominis, quia fædum erat, ut deus ab homine ungeretur. Ideo deprecatur patrem, ut non ungetur ab homine, sed ab ipso Deo patre. Petit ergo filius: videamus an concesserit pater. Hoc spiritus sanctus indicat & manifestat in Psalmo xliiij. ubi ait ad ipsum filium, *Unget te dominus deus tuus oleo exultationis aliter à consortibus tuis.* Consortes fuerant Iudæorum Sacerdotes & Reges, quos singulos unctos ab hominibus constat. Sed quia filius à patre, Deus à Deo, erat ungetus, secundum quod filius petiit, & spiritus promissa nunciauit, compleuit pater in Iordane. Quod, cum venisset filius

Dei,

Dei, saluator noster, à Ioanne ostensus est his verbis, *Ecce agnus Dei. Hic est, qui tollit peccata mundi.* Descendit in aquam, non quia erat quod in Deo mundaretur, sed venturum oleum, aqua debuit antecedere, ad mysteria initianda & ordinanda, & implenda baptismatis lotus cum in Ioannis manibus haberetur, secutus est ordo mysterij, & compleuit pater, quod rogauerat filius, & quod nunciauerat spiritus sanctus. Apertum est cœlum Deo patre vngente, spiritale oleum statim in imagine columbæ descendit, & insedit capiti eius, & perfudit eum, vnde cœpit dici Christus, quando vnctus est à Deo patre. cui ne manus impositio defuisse videretur, vox audita est Dei de nube dicentis, *Hic est filius meus, de quo bene sensi, hunc audite.* Hoc est igitur quod lectum est, *Oleum peccatoris non vnget caput meum.* Rationem veritatis, frater Parmeniane, vel sero addisce, quoniam nunc tempus est inuenisti discēdi. Et illud quod in Salomone Propheta lectum esse dixisti: *Filios adulterorum inconsummatos,* & spuria vitulamina altas radices dare non posse. Hoc & simpliciter dictum esse intelligi potest. Vnde si figuram facias, veros adulteros excusasti. Sed fac, vt figuraliter dictum sit, hoc de hæreticis dictum est, apud quos sunt Sacramentorum falsa cōnubia: & in quorum thoris iniquitas inuenitur: vbi in exterminium fidei corrupta sunt semina. Dum Valentinus filiū Dei in phantasmate, non in carne fuisse conten-

dit, fidem suam suorúmque corrumpit. Natiuitatis eorum semen exterminatum est, qui non crediderunt filium Dei in carne natum de virgine Maria, & passum in carne. Nam & illud quod in Hieremia Propheta te legisse commemorasti, exhorruisse cœlum quod duo maligna populus Dei fecerit, vt dereliquerent fontem aquæ vitæ, & foderent sibi lacus detritos, qui nō possent aquam continere. Legisti quidem, sed vt se res habet, intelligere noluisti: studio criminandi ad conuitium Catholicorum cuncta cōponens, multum ad arbitrium tuum declinare conatus es. Si enim putas per Prophetas sic dicta esse omnia, vt ad tempora nostra pertineant: excusatu Iudæos, de quibus hæc dicta esse constat, qui dimiserunt Deum viuum, Deum verum, Deum qui illis beneficia præstitit. Et fecerunt sibi Idola, hoc est, lacus detritos, qui non possunt aquā continere. Ideo perennis maiestas exundat. Sicut in fontē, aqua largiter defluentibus venis exuberat. Idola vero si non fiant, non sunt, & lacus nisi fodiatur, sinus capaces habere non potest. Lacus sine arte & ferramenti cauari non potest: Nec Idolum sine artifice fieri potest: In Idolis virtus naturalis nulla est, sed hominum errore adiungitur & applicatur, Estimatur in Idolo virtus. Quæ illic nata non est, lacus est arte detritus: cuius fabrica vexatio est. Hoc est quod dixit Deus, Duo mala fecisse populum suum, quia se reliquerat fontem aquæ viuæ, &

effossos & detritos sibi fecerat lacus. Etenim Iudæorum populus deseruerat veram, quam nō nouerat maiestatem : & Idolorum inquinatam secutus fuerat religionem. Hoc est quod dolet Deus. Hoc est quod dicit cælum exhorruisse. Nam & per Esaïam idem Dei dolor est , dum in hoc duo testatur Elementa, dum ait, *Audi cælum & percipe auribus terra. Filios generavi, & exaltavi: ipsi autem me dereliquerunt.* Quare non de hac lectione aliquid, frater Parmeniane, dixisti? An quia hic non est aqua nominata? Intelligeris enim studio criminandi sic palpassse legem , vt vbicunque aquam scriptam legeris , præstigiis quibusdam ad inuidiam colligeras, & euerriculo quodam malitiæ argumentorum intexto , ad te omnia quæ sunt bona traxisti. Nam qualis est tuus intellectus in hoc capitulo Hieremiæ, cum clamaret Deus se desertum esse, & sic effossos lacus? pro se irascitur, non pro re sua. Aqua enim Baptismatis res Dei est, non Deus. Quare vides, te sine causa fecisse conuitium : & fingens pro arbitrio tuo, quod voluisti, vt Taurinum & Macarium lacerares, perdidisti , quod sapiens videris, dū sensus tuos inuidia deprauauit, & intelligendi tibi aditus clausit. Probatum est ergo, te non contra nos, sed contra vos dixisse, quod ante dictum est de oleo & sacrificio peccatoris.

OPTATI AFRICI MILEVIT.
LIBER QVINTVS.



Vi fuerint Traditores & auctores schismatis, in primo libro manifestissimis documentis ostendimus. & apud nos esse vnam & veram Ecclesiam catholicā secundo monstrauimus. Tertio verò probauimus, quæ aspere facta esse dicuntur, ad nos minime pertinere, & vos magis peccatores esse, indicio diuino docuimus. Iam de baptismo hoc loco dicendum est: in qua re, quæ nunc agitur quæstio, tota consistit, quod baptisma vestra violauit audacia, dū id voluistis iterare, quod semel mandauit Christus. Quod nec tu negas, frater Parmeniane, quia in principio tractatus tui, multa contra vos pro nobis, quæ sunt nostra, dixisti. Commemorasti enim in comparatione baptismatis, semel factū esse diluuium. Et vnam Circumcisionem fuisse apud populum Iudæorum.

Et cum hæc initio dictionis tuæ latè tractaueris, in processu tractatus tui horum immemor factus es, inducendo duas aquas, & de aqua vera & falsa dicturus, principium sermonis tui insipienter perstruens ordinasti: Infirmādo, confirmas sancti Baptismatis vñionem. De Circumcisione Iudaica, quasi fundamenta iactare voluisti, quod baptisma Christianorū in Hebræorum Circumcisione fuerat adumbratum. Defendisti Catholicā dum impugnas. Etenim in pro-

gressu tractatus tui, alterum te inanire professus es, vt alterum replere videreris. Extra hæreticorum baptismata, dum dicis alterum & alterum, licet diuersa ostendere conatus sis, non possis negare: quia duo sunt, ex quibus dum conaris auferre alterum, laborasti vt de secundo quasi primum facere videreris. Circuncisio ante aduentum baptismatis in figura præmissa est, & à te tractatum est, apud Christianos duas esse aquas. Ergo & apud Iudæos duas Circuncisiones ostende, alteram meliorem, peiorem alteram. Hoc si quæras, non poteris inuenire. Abrahæ profapia, qua Iudæi censentur, hoc sigillo se insigniri gloriatur. Ergo talis debet veritas sequi, qualis eius imago præmissa est. Nam & Deus, qui voluit ostendere rem singularem postea esse debere, non de auricula, non de digito voluit aliquid tolli: sed ea pars corporis electa est deperire, vt semel ablatum, salutare in illis faciat signum, quod non potest iterum fieri. Semel enim factum seruat salutem: Si iterum fiat, potest afferre perniciem. Sic & Baptisma Christianorum, Trinitate confectum, confert gratiam: Si repetatur, facit vitæ iacturam. Quid igitur tibi placuit, frater Parmeniane, rem singularem proponere, & contra hanc, licet diuersa, duo baptismata comparare: Vnum verum, alterum falsum? Sic enim postea disputasti, duas aquas esse, cum vobis vnā vindicans veram, nobis mendacem ascribere voluisti.

Post hoc & Cataclysmi fecisti mentionem.
 Erat quidem imago baptismatis, vt inquinatus
 totus orbis, demersis peccatoribus, lauacro in-
 terueniente, in faciem pristinam mundaretur.
 Sed qui postea dicturus eras, extra hæreticorum
 morbidos fontes esse, etiam aliam aquam, id est,
 mendacem, contra veram: vt quid Cataclysmum
 (quod semel fuit) commemorare voluisti? Si ita
 est, ostēde prius duas Arcas non similes, & duas
 Columbas dispares, diuersos ramos ore suo por-
 tantes, si aquam veram & falsam probaturus es.
 Aqua igitur sola & vera illa est, quæ non de lo-
 co, non de persona, sed de Trinitate condita est.
 Et quia dixisti, & aquam esse mendacem, etiam
 hoc disce, vbi eam poteris inuenire. Apud Pra-
 xeam Patripassianum, qui ex toto filium negat,
 & patrem passum esse contendit: cum sit filius
 Dei veritas, sicut ipse testatur dicens, *Ego sum i-
 nua & via, & veritas*. Ergo si filius Dei est ve-
 ritas, vbi ipse non est, mendacium est. Cum apud
 Patripassianos non est filius, non est nec veri-
 tas: Et vbi veritas non est, ibi est aqua mendax.
 Quare vel sero desine confingere crimina, &
 quod in Patripassianos dictum est, in Catholi-
 cos noli transferre. Nunc quoniam manifeste
 monstratum est, à nobis & pro nobis dici po-
 tuisse, quod de diluuiio & Circuncisione locutus
 es: Consequens est ostendere, quomodo laudem
 baptismatis ita dixeris, vt in ea multa pro nobis
 & pro vobis, aliquid tamen & contra vos. Pro

vtrisque illud est, quod & nobis commune est: ideo & vobis, quia ex nobis existis. Denique & apud vos & apud nos vna est Ecclesiastica conuersatio, communes lectiones: eadem fides: ipsa fidei Sacramenta, eadem mysteria. Bene igitur laudasti baptismum. Quis enim fidelium nesciat, singulare baptismum, virtutum esse vitam, criminum mortem, natiuitatem immortalem, cœlestis regni comparationem, innocentiae portum, peccatorum (vt & tu dixisti) naufragium. Has res vnicuique, non eiusdem rei operarius, sed credentis fides & Trinitas præstat. Deinde queris, quid in laude baptismatis contra vos dixeris? Audi, sed prius est fatearis, quod omnes negare minime poteritis. Dicitis enim Trinitatem pro nihilo haberi, vbi non interfuerit vestra præsentia. Si nobis derogatis, vel deum reueremini, qui in Trinitate prior est: Qui cum filio suo & spiritu sancto omnia operatur & complet, etiam & illic vbi non fuerit humana persona. Tu vero, frater Parmeniane, in laude aquæ de Genesiorum lectione dixisti, aquas primum viuas animas ædidisse: nunquid sua sponte eas generare potuerunt? nunquid non & illic fuerat tota Trinitas? vtiq; & illic fuerat Deus pater, qui iubere dignatus est, qui dixit, *Educant aqua natantia & volatilia &c.* Quod si sine operante fieret quod factum est, diceret Deus, *Educite aquæ.* Ibi erat ergo filius Dei qui operabatur. Ibi erat spiritus sanctus, sicuti lectum est, *Et spiritus Dei superfere-*

batur super aquas. Nihil illic video quartū, nihil minus à tribus, & tamen natum est quod Trinitas operata est: Et non ibi fuistis: aut si sine vobis nihil debet licere Trinitati, reuocate pisces in originē: iam volātes aues fluctibus mergite, si vobis absentib⁹ nihil debet Trinitas operari. Cū ergo dixeris & vnū fuisse diluuiū, & Circumcisionē repeti nō posse: Et nos docuimus cœleste munus vnicuiq; credēti à Trinitate cōferri, non ab homine: Et quid vobis visum est, nō post nos, sed post Trinitatem, Baptisma geminare? Cuius de Sacramento non leue certamen innatum est, & dubitatur, An post Trinitatem in eadem Trinitate hoc iterum liceat facere. Vos dicitis, *licet*: Nos dicimus, *non licet*. Inter *licet* vestrum, & *non licet* nostrum, nutant & remigant animæ populorum. Nemo vobis credat, nemo nobis: omnes contentiosi homines sumus.

Quærendi sunt iudices: Si Christiani, de vtraque parte dari non possunt: quia studiis veritas impeditur. De foris quærendus est iudex: Si paganus, non potest nosse Christiana secreta. Si Iudæus, inimicus est Christiani baptismatis: Ergo in terris de hac re nullum poterit reperiri iudiciū, de cœlo quærendus est iudex. Sed vt quid pulsamus ad cœlum, cum habeamus hic in Euāgelio testamētum? Quia hoc loco recte possunt terrena cœlestibus cōparari: tale est, quod quiuus hominum habēs numerosos filios. His, quamdiu pater præsens est, ipse imperat singulis: non

est adhuc necessarium testamētum. Sic & Christus, quam diu præsens in terris fuit (quamuis nec modo desit) pro tempore quicquid necessarium erat, Apostolis imperauit. Sed quo modo terrenus pater, cum se in confinio senserit mortis, timens ne post mortem suam, rupta pace, litigent fratres, adhibitis testibus, voluntatem suā de pectore morituro trāsferat in tabulas diu duraturas, Et si fuerit inter fratres contentio nata, non itur ad tumultum, sed quæritur testamentū: Et qui in tumulto quiescit, tacitis de tabulis loquitur viuus. Is, cuius est testamentum, in cælo est. Ergo voluntas eius, velut in testamento, sic in Euangelio inquiratur. Etenim præsentia, quæ modo facitis, iam futura conspexerat Christus. Denique cū lauaret pedes discipulis suis, sic ait: Petro filius Dei, *Quod ego facio, tu nescis, Scies autem postea*. Dicendo, *Scies postea*, hæc tempora designabat. Ergo inter cæteros testamenti titulos, hunc titulum de aqua constituit. Cum lauaret pedes discipulis suis, tacentibus ceteris, si taceret & Petrus solam fecerat formam humilitatis nihil pronunciauerat de Sacramento baptismatis. Sed cum Petrus recusat, nec pedes sibi lauari permittit, negat illi Christus regnum, nisi accepisset obsequium. Sed cum cælestis regni mentio fieret, à quo pars corporis petebatur ad obsequium, totum corpus obtulit ad lauacrum. Nunc adestote omnes turbæ, & singuli Chri-

stiani populi, Quid liceat, discite: dum prouocat Petrus, Christus docet: Qui dubitat, discat. Christi enim vox est, *Qui semel lotus est, non habet iterum necessitatem lauandi*: Et de eo lauacro pronūciauit, quod de Trinitate celebrandum esse mādauerat: nō de Iudæorum aut hæreticorum, qui dum lauant, sordidant: sed de aqua sancta, quæ de trium nominum fontibus inundat. Sic enim ipse dominus Christus præcepit dicendo, *Ite, baptizate omnes Gentes in nomine patris & filij & spiritus sancti*. De hoc lauacro dixit, *Qui semel lotus est, non habet iterum necessitatem lauandi*. Qui semel dixit, prohibuit iterū fieri. Et de re locutus est non de persona. Nam si esset distantia, diceret, *Qui semel bene lotus fuerit*. Sed dum non addidit verbum, *bene*, indicat quia quicquid in Trinitate factum fuerit, bene est. Inde est, quod simpliciter à vobis venientes excipimus, cum dicit. *Non habet necessitatem iterum lauandi*. Hæc sententia generalis est, non specialis. Nam si Petro hæc dicerentur, diceret Christus: *qui semel bene lotus est non habet necessitatem iterum lauandi*. Ideo quotiens à vobis baptizatus aliquis, ad nos transitum voluerit facere, venientem hoc magistri exemplo tota simplicitate suscipimus. Absit enim, ut iam lotum reuocemus ad fontem: Absit, ut in spiritum sanctum peccemus: cui facinori & præsentī & futuro sæculo indul-

gentia denegatur: Absit, vt iteremus, quod semel est: aut duplicemus quod vnum est. Sic enim scriptum est, Apostolo dicente, *Vnus Deus, vnus Christus, vna fides, vna tinctio.*

Denique vos, qui baptisma quasi libenter Duplicare contenditis: si datis alterum baptisma, date alteram fidem: Si datis alteram fidem date & alterum Christum. Si datis alterum Christum, date alterum Deum. Vnum Deum esse negare non potestis, ne in Marcionis foueas incidatis. Ergo Deus vnus est: de vno Deo vnus est Christus. Qui rebaptizatur, iam Christianus fuerat, Quomodo dici potest iterum Christianus? Vna fides hoc loco, ab hæreticorum erroribus & ab eorum varia fide, fides vnica separatur. Et iam vobis præscribitur, qui post semel, iterum facitis, totum ponendo in dotibus, nihil in Sacramentis. Cum hoc nomen fidei pertineat ad credentem, non ad operantem; Quocunque enim interrogante, qui credidit, Deo credidit: Et post illius vnum *credo*, tu exigis alterum *credo*. Deinde sequitur vnum baptisma, vt quia quod vnum est, sanctum est, per quod vnum est: non solum ab hæreticorum prophanis & sacrilegis baptismatibus separetur, sed ne duplicetur quod vnum est, aut iteretur quod semel est. In hoc Sacramento baptismatis celebrando, tres esse species constat, quas & vos, nec augere, nec

minuere, nec prætermittere poteritis. Prima species est in Trinitate, Secunda in credente, Tertia in operante. Sed non pari libramine ponderandæ sunt singulæ. Duas enim video necessarias, & vnâ quasi necessariam. Principalem locum Trinitas possidet, sine qua res ipsa non potest geri: hanc sequitur fides credentis. Iam persona operantis vicina est, quæ simili autoritate esse non potest. Duæ priores permanent semper immutabiles & immotæ: Trinitas enim semper ipsa est: fides in singulis vna est: vim suâ semper retinēt ambæ. Persona vero operantis, intelligitur duabus priorib⁹ speciebus par esse nō posse, ideo quod sola esse videatur mutabilis. Inter nos & vos vultis eiusdē personæ esse distantia: & sanctiores vos æstimantes, superbiâ vestrâ non dubitatis anteponeere Trinitati: cum persona operantis mutari possit, Trinitas mutari non possit.

Et cum ab accipientibus baptisma desiderari debeat, vos desiderandos esse proponitis. Cum operantes inter alios sitis, ostendite qualem in eodem mysterio locum habeatis, & an ex eodē corpore esse possitis: Baptismatis vnicum nomē est: cui subest proprium corpus: cui corpori certa sunt membra: quibus nec addi nec auferri aliquid potest. Inter quæ membra: si & eligendus operarius inuenitur, totum corpus ad operantem pertinet. Hæc omnia huius corporis membra, & semper & semel secum sunt, & mutari nō

possunt. Operarij vero quotidie mutantur & locis, & temporibus, & personis. Neque enim vnus homo est, qui semper aut vbique baptizat in hoc opere. Iam dudum alij fuerunt, Modo alij, Postea alij futuri sunt: Operarij mutari possunt, Sacramenta mutari non possunt.

Cum ergo videatis, omnes qui baptizant, operarios esse, non dominos, & Sacramenta per se esse sancta, non per homines, quid est, quod vobis tantum vindicatis? Quid est quod apud vos solos munus principale esse dicitis? Quid est, quod Deum muneribus suis excludere contenditis? Concedite Deo præstare quæ sua sunt. Non enim potest munus ab homine dari, quod diuinum est. Si sic putatis, & prophetarum voces, & Dei promissa inanire contenditis, quibus probatur quia Deus lauat, non homo.

Adest contra vos Dauid Propheta, qui ait in Psalmo. 50. *Lauabis me & super niuem dealbabor.* Item in eodem Psalmo. *Deus laua me ab iniustitia mea, & à delicto meo munda me.* *Laua me*, dixit: nō dixit *elige per quem lauer*. Et Esaias Propheta sic dixit, *Quoniam abluet dominus sordes filiorum & filiarum Sion.* Non dixit: *lauabunt me, qui se sanctos putant.* Dignamini vt vel Prophetæ vos vincant, vel sic agnoscite quia non lauat homo, sed Deus.

Quam diu dicitis, qui nō habet quod det, quomodo dat? Videte Deum esse datorem: Videte Deum vnumquemque mundare. Sordes enim

& maculas mentis lauare non potest, nisi qui eiusdem fabricator est mentis. Aut si putatis, quia lauacrum vestrum est, dicite, qualis est ipsa mens, quæ per corpus lauatur: aut quam habet formam: aut quo loco in homine habitet. Hoc homini scire negatum est. Ergo quomodo putas, quia lauas qui nescis quale sit quod lauas? Dei est munda-
re, non hominis: ipse per Prophetam Esaïam promisit se loturum, dum ait, *Et si fuerint peccata vestra velut coccum, ut niuem in albabō. In albabō dixit, non dixit, faciam in albari.* Si hoc deus promisit, quare vos vultis reddere, & vobis nec pmittere licet, nec reddere, nec habere? Ecce in Esaïa se promisit deus in albare peccatis affectos, non per hominē. Reuertimini ad Euāgelium: Videte, quid in salute generis humani sit pollicitus Christus. Cui cum mulier Samaritana aquam negaret, tunc à filio Dei dictum est, quod præscribat præsumptionibus vestris, *Aquam (inquit) quam ego dō, qui biberit, non sitiet in æternum. Aquam quam ego dō, inquit, non dixit, quam dederint qui se sanctos putant, sicut vos vobis videmini: sed se dixit daturum.* Ipse est ergo qui dat: ipsius est, quod datur: Quid est quod vobis tota importunitate vindicare contenditis?

Cum hanc rem cumulet Ioannes Baptista, qui præcursor venerat saluatoris, cum multos tingeret in pœnitentia & remissa peccatorum, nunciavit filiū Dei esse venturum. Cuius verba hæc sūt, *Ecce venit qui vos baptizat.* Et tamē non legi-

m^o post Ioānē Christū aliquē baptizasse. Quod ergo dixit, *qui vos baptizat*, & veniēs Christus illo tēpore post Ioannē neminē tinxit: promissū erat tēporibus nostris, vt ipse daret, quod hodie datur: secundum quod ait, *Aquam quam ego do qui biberit, non sitiet in aeternum*. Nam & discipuli Ioannis, cum dicerent magistro suo, Ecce quem baptizasti, baptizat? Baptizabat quidem, sed per manus Apostolorum, quibus leges baptismatis dederat. Denique lectum est alio loco, *Nam ipse neminem baptizauit, sed discipuli eius*. In hac re omnes discipuli eius sumus, vt nos operemur, vt ille det qui se daturum esse promisit. Et tamen cum Ioannes infinita milia hominum baptizaret, iam Christo præsente operabatur seruus, & vocabat dominus, antequam baptizandi daret formam. Peractum est non modicum tempus, milia hominum in pœnitentia & remissione tincta sunt peccatorum. Sed nemo tinctus fuerat in trinitate: nemo adhuc nouerat Christum: Nemo audierat esse Spiritum sanctum. At vbi venit tempus plenitudinis, certo tempore dedit leges baptismatis filius Dei, Et dedit viam qua iretur ad regna cœlorum, Dum præcepit dicens, *Ite, docete omnes gentes, baptizantes eas in nomine patris & filij & spiritus sancti*. Ex ea die oportuit fieri quod mandatū est. Antē tēpus noluit emendare quod operatū est, ne licentiā rebaptizādi daret. quāuis alterū fuerit baptisma Ioannis, & alterū sit Christi

baptisma Ioannis ante leges plenum voluit esse, quod non erat plenum. Et tamen supra memorata millia hominum, quia in Deo crediderant, quamuis ignorarent filium Dei & spiritum sanctum, regnum cælorum eis denegari nō potuit. Inde est vox filij Dei dicentis, *A diebus Ioannis usque in hodiernum, regnum dei vim patitur. Et qui vim faciunt, diripiunt illud*: Ideo dixit, vim patitur, quia adhuc baptizabat Ioannes. Denique, quia alterum tempus erat ante præcepta, alterū post præcepta. Qui post præcepta in nomine saluatoris baptizati sunt, in regnum legibus intraverunt: Qui ante præcepta, sine lege vim fecerunt, sed exclusi non sunt. Ergo ante præcepta, baptisma Ioannis, cum esset imperfectum, pro perfecto iudicatum est ab eo, cui nemo iudicat. Et quia quasi limes quidam fixus esset iussionis inter tempora antecedentia & sequentia: Cum apud Ephesum baptizarentur aliqui baptismo Ioannis post præcepta, hos videns Beatissimus Paulus interrogavit, An acceperant spiritum sanctum: Dixerunt se illi nescire, an esset spiritus sanctus. Et dixit illis, ut post baptisma Ioannis acciperent spiritum sanctum. Sic enim baptizati erant, quemadmodum multi à Ioanne fuerant baptizati. Sed qui ante leges baptizati sunt, ad indulgentiam pertinuerunt, quia præsens fuerat, qui indulgentiam daret: & non erant ex toto rei, qui legibus non fuerant occupati. Hi verò, qui apud Ephesum post leges, Ioannis baptismo bapti-

zati

zati fuisse leguntur, post leges in Sacramēto errauerāt: quia iam introductū fuerat baptisma Domini, & exclusum fuerat serui. Et ideo, quia post mandata diuina, legibus debuerāt ire in regnū, non per violentiam (iam enim terminū temporis fixerat Christus, dicendo, *Ad diebus Ioannis usque in hodiernum.*) Post hodiernum iam non licebat q̄ heri licuerat. Quare nolite vobis blādiri de dicto Apostoli Pauli, qui non post personā operarij interrogauit, sed post rem: cui res non persona displicuit: Denique baptisma saluatoris iussit, vt discerent, qui non nouerant, quia nō ipsum sed aliud acceperant. Vos vero quid imitamini? si res potuistis mutare, recte feceritis: si tamen de lege aliquid faceretur. Paulus dixit, *in quo baptismo baptizati estis?* Et dixerunt, *Ioānis:* persuasit eis, vt baptisma Christi acciperent. Vos non dicitis, quid accepistis, sed à quo accepistis: Et insectamini in personas hominum, & vultis iterare quod semel est. Qui baptizati erāt apud Ephesum, crediderant in pœnitentia & remissione peccatorum: Recte illis dictum est, vt baptizarentur in nomine patris & filij & spiritus sancti. Vos vero quid mutatis in hominibus, qui iam dixerunt se credidisse in nomine patris & filij & spiritus sancti: Siue ipsum interrogatis, siue aliud, conuincamini, necesse est peccare vos: Siue aliud interrogetis quod iussum non est, siue hoc velitis facere, quod iam factum est. Re-
deo nunc ad illud vestrum quod dicitis, Qui nō

habet quod det, quomodo dat? Vnde hæc vox est? De qua lectione recitari potest? Vox est de vico, nō de libro collecta. Qui non habet quod det, quomodo dat? Hæc verba scripta in lege non sunt. Nam si (vt vultis) homo dat, Deus vacat. Et si Deus vacat, & apud vos est omne q̄ dandum est, ad vos sit conuersio: quos baptizatis, in nomine vestro tingantur. Erubescite, Beato Paulo clamante, & suam gratulationem profitente: *Nunquid in nomine meo baptizati estis?* Ille gaudet quod duos solos & vnam domum baptizauerit. Et vos populos rebaptizare cōtenditis, & peccasse vos & peccare gaudetis, dicentes, *Quid dat, q̄ nō habet q̄ det?* cui creditur ipse dat q̄ creditur nō per quē creditur. Deniq; sub Ioāne infinita multitudo hominū baptizata est, probate Ioannem aut accepisse aut habuisse quod daret. Illo autem operante dabat deus, qui dando non deficit. Et nunc operantibus cunctis humana sunt opera, sed Dei sunt munera. Iā illud quā ridiculum est, quod quasi ad gloriam vestram à vobis semper auditur, *Hoc munus baptismatis, est dantis, non accipientis:* Et vtinam hoc de Deo diceretis, qui huius rei dator est. Sed quod stultū est, vos dicitis esse datores. Si ita est, & nos & vos teneamus singulos Gētiles: vos, qui vos sanctos dicitis, interrogate cū quē tenetis, an renūtiat diabolo & credat domino: Et ille dicat, *Nolo.* Contra, nos peccatores (vt vultis) interrogemus alterum Gentilem an renunciet diabolo &

credat Deo &c. Et dicat, *renuncio & credo*. Cum vos tingatis nolentem, nos volentem: dicatur, quis eorum possit ad Dei gratiam pertinere. Vtique sine dubio ille consequitur qui credit, nō ille, pro cuius voluntate (vt dicitis) sanctitas vestra succedit. Operarios vos vel sero cognoscite. Aut si in operatio est res ipsa, & non in se, hoc sibi vindicent & aliqui homines in artibus suis, vt quia sic prouocatis ad res diuinas, etiam artes comparemus humanas. Cum preciosus inficitur color, natura sæpe cōuertitur. Dum conuēctione vellus candidū purpurascit, Sic alba lana regalem transit in purpurā. Quomodo Catechumenus in fidelem? Vtique dū incipit esse quod non erat, desinit esse quod fuerat: Lana & colorem mutat & nomen. Et homo & vocabulum mutat & mentem. Considerata sunt effecta, retractanda sunt efficientia. Dicis à te datum esse, q̃ homo fidelis effectus est. Si hoc totum meum est, dicat & operarius purpure, quod preciosum colorem in suis manibus habeat: non proçuret preciosa pigmēta ex Oceano multis ignota, quibus tincta vellera, per colorem promoueantur in admirabilē dignitatē: non admixto sanguine piscis, purpurā solo tactu conficiat. Igitur vt operarius iste per tactū solū dare colorē non potest, sic nec operarius baptismatis, ex se sine Trinitate dare aliquid pōtest. tale est hoc, vnde modo certamen est. Nam in quo baptizarentur gē-

tes, à saluatore mandatum est: per quem baptizetur, nulla exceptione, discretum est. Non dixit Apostolis, *vos facite alij non faciant*. Quisquis in nomine patris & filij & spiritus sancti baptizauerit, Apostolorum opus impleuit. Denique lectum est in Euangelio, Ioanne dicente, *Magister, vidimus quendam in nomine tuo expellentem damonia, & prohibuimus eum, quia non sequitur nobiscum*. Sic Christus ait, *Nolite prohibere, qui enim non est contra vos, pro vobis est*. Nam & ipsis mandatū est sic vt opus esset illorum sanctificatio Trinitatis, nec in nomine suo tingerent, sed in nomine Patris, & filij, & Spiritus sancti. Ergo nomen est quod sanctificat, nō opus. Intelligite vos vel sero operarios esse, non dominos. Et si Ecclesia vinea est & vites sunt homines & ordinati cultores. Quid in dominium patrisfamilias irruistis? Quid vobis, quod Dei est, vindicatis? Quid vultis vestrum esse totum, vbi nec partem poteritis habere? Nā propter tumorē vestrum, quo in nos intumescitis, increpat Corinthios Beatissimus Paulus: in se & Apollo actus nostri temporis conformat, *Ne alter in alterum (inquit) intumescat*. Vt ostenderet, quia hoc totum Sacramentum Baptismatis Dei est, vt illic sibi nihil vindicet operarius, sic ait: Ego plantaui, Apollo rigauit. Id est, de Pagano catechumenum feci, Ille catechumenum baptizauit: Sed vt cresceret quod plantatum aut irrigatum est, Deus fecit. Nam & quiuis hodie volens vi-

neam pascinare, operarium placita mercede
conducit: qui curuato dorso & desudatis late-
ribus, sinus terræ faciat, vbi deponat electa
plantaria, & aquam calcatis scrobibus su-
perducat: Scrobem fodere, & plantaria ponere
potest: aquam inducere potest, imperare, vt te-
neat non potest. Est enim hoc solius Dei, de
medullis palmitum producere radices coales-
centes in terram, & gemmantes oculos, incre-
menta frondium prouocare. Denique Beatus
Apostolus Paulus, vt vestram præsumptionem
tumorémque compesceret, ne se æstimer ope-
rarius baptismatis, aut habere dominiũ, aut de
tanto isto munere particulam sibi aliquam vin-
dicare: indicans, quia totum Dei est, sic ait: Ne-
que qui plantat, neque qui rigat, est aliquid,
sed solus Deus, qui ad incrementa perducit.

Operarij inter alios estis intrante sole, hoc est,
finito sæculo potestis, in die retributionis, no-
biscum de mercede contendere. Nolite vo-
bis Maiestatis dominium vindicare. Nam si
ita est, vindicent sibi & ministri, qui mensæ
Dominicæ famulantur, vt pro humanitate exhi-
bita, ab inuitatis gratulatio eis referatur. Christi
vox est inuitantis, *Venite benedicti patris mei: ve-
niunt gentes ad gratiam.* Exhibet ille qui in-
uitare dignatus est: ministeriũ exercet turba fa-
mulorum. Non famulantibus, sed pascenti re-
ferendæ sunt gratiæ. Vos nobiscum communi-
stri sitis: inuerecunde totum vobis conuiuij do-

minium vindicatis: cum se & ceteros beatissimus Paulus famulos cum humilitate fateatur. Ne quis putaret, in solis Apostolis aut Episcopis, spem suam esse ponendam, sic ait, *Quid est enim Paulus, vel quid Apollo? Vtique ministri eius, in quem credidistis*. Est ergo in vniuersis seruientibus non dominiū, sed ministerium. Vides ergo frater Parmeniane, ex tribus speciebus supra memoratis, illam primò tripartitam esse immotā, inuictam & immutabilem: & operantis temporariam esse personam. Restat iam de credentis merito aliquid dicere: Cuius est fides, quā filius dei & sanctitati suæ anteposuit & Maiestati. Nō enim potestis sanctiores esse, quā Christ⁹ est. Ad quē cū mulier illa veniret, cui⁹ filia erat mortua & rogaret vt suscitaretur, nihil p̄misit de virtute sua, sed post fidem interrogat alienā, vt si mulier crederet, pro matris credulitate, filia su: geret. Si non crederet, virtus filij Dei feriata cessaret. Interrogatur mulier: Respondit se credere fieri posse quod rogabat. Iubetur ire, redit ad domum mulier, inuenit puellam viuam, quam dimiserat mortuam. Non ruit in oscula, non properauit in amplexus, sed redit vt saluatori gratias ageret. Et vt ostenderet filius Dei, se vacasse, fidem tantum modo operatam esse, *Vade* (inquit) *mulier in pace, fides tua te saluauit*. Vbi est quod dicis, *Dantis est, non accipientis*? Quid vobis videtur & Centurionis fides? cuius puer cum male haberet, saluatorem petiit, vt ab eo mortem repelleret. Iam Christus pereuntem ve-

niebat ad puerum, sic eum Cēturio tenuit, indignitatem tecti sui confessus, quod filius Dei totus non deberet intrare, sed suam virtutem nittere, qua puer fugata morte, reuiuiscere potuisset. Non fortitudo Centurionis, & non sapientia laudata est, sed fides. *Et curatus est puer in illa hora.* Certe dantis est, non accipientis. Multa sunt huiusmodi in Euangelio de fide perfecta, sed vel tria complenda sunt fidei testimonia.

Quid vobis videtur & illa mulier, quæ de secreto causæ fœminarum, cum per annos duodecim laboraret, & omnem substantiam suam in medicos erogasset: cum videret à filio Dei tantas celebrari virtutes, processit in turbam, videt medicum, videt & populum: cogebat illam dolor, vt medicinam peteret: pudor impediabat ne causam suā corā masculis indicaret. Inuenit consilium tacita fides: *Mittam (inquit) manum meam, & tangam simbriam vestimenti eius, & sana fiam.* Nemine vidente inter turbas, manum misit, tetigit & sanata est. Nec ausa est indicare, quod ausa non fuerat petere. Sed ne fructus fidei apud ignorantes latere videretur, sic saluator ait, *Quis me tetigit?* Mirati sunt discipuli eius, dicentes, *Turbæ te comprimunt: & dicis quis me tetigit?* Et Christus, *Quis me (inquam) tetigit? sensi enim à me exisse virtutem.* Sic mulier cōfessa est, se tetigisse, & sanatā esse. Iā dudum pro filia mater petiit, pro puero Cēturio postulauit: Hoc loco nec mulier petiit, nec Christus promisit, sed

fides tantum quantum præsumpsit, exegit: Certe dantis est, non accipientis. Nam quod ad amplificandos tractatus tuos, frater Parmeniane, Naaman Syrum, quasi immaturam quandã durissimorũ nascentium vulnerũ massam, diu describere voluisti, quid hoc ad præsentem pertinet causam? Bene hoc diceret, & longa oratione recte uti potuisses: si inuenires aliquem catechumenum scabrosissimis moribus, qui gereret durissimam mentem: qui lenissimam gratiam aquæ salutaris accipere detractaret. Bene hominis innouationem verbis à te dictis ostenderes. Bene veterinosam naturalem duritiam in infantilem carnem immutari ac molliori posse monstrares. In hoc vero negotio, quod inter partes, tempore præsentem tractatur, ut quid à te talis commemorata est lectio? In qua non legitur aliquis illum leprosum Syrum vel iussione Helisæi lauisse, ut merito denuo melius lauaretur. Quod & si fieret, nec sic vobis occurreret, quod recte imitari possetis. Non enim legitur ille prius lauisse in fluminibus Syriæ, aut ab aliquo lotus esse, & nihil profecisse. Nã & si hoc legeretur, non ad Helisæi laudẽ, qui non lauit, sed consiliũ dedit, sed ad Iordanis gloriã pertineret, illi homini in eo flumine primitiuã gratiã puenisse, in quo postea sub Ioanne per confessionẽ in pœnitentia populorũ peccata fuerant moritura. Postremo, qualis est illa pars tractat⁹ tui de cœlestibus, nuptiis, ubi spẽ amputas futurorũ, totũ in præsentem

tempore posuisti dicēdo, à societate vestra pro-
iectum esse cum , qui ianitores & ministros fe-
fellerit vestros , vt à communione fidelium fo-
ras cum iniuria mitteretur. Si ita est , nihil est
quod speret fides: Nihil, quod resurrectio repre-
sentet, nihil quod in cœlis amplius expectetur.
Nihil quod rex ille & paterfamilias Deus , in
suo conuiuio agnoscat, cum præsencia multorū
gaudeat, & de aliquorum absentia contristetur.
Et multos dicat vocatos, & paucos electos. Ni-
hil erit, quod irascatur vestem nuptialem nō ha-
benti, Cum filius Dei ipse Christus sit sponsus.
Et vestis & tunica natans in aqua , quæ multos
vestiat, & infinitos expectet, nec vestiendo defi-
ciat. Sed ne quis dicat, temerè à me filium Dei
vestem esse dictum, legat Apostolum dicentem,
Quotquot in nomine Christi baptizati estis, Christum
indulistis. O tunica semper vna & innumerabilis,
quæ decenter vestiat, & omnes ætates & formas,
nec in infantibus rugatur, nec in iuuenibus tēdi-
tur, nec in fœminis immutatur. Aderit profecto
ille dies, vt cœlestes nuptiæ incipiant celebrari.
Illic qui baptismum singulare seruauerint , securi
discumbent. Quicumque à vobis se rebaptizari
consenserit, huiusmodi homini non denegatur
resurrectio, Quia credidit in resurrectione car-
nis: resurget quidem, sed nudus. Sed quia nu-
ptiali veste à vobis se expoliari permisit , hanc
patrisfamilias auditurus est vocem, *Amice, Hoc*
est dicere, cognoscete, cum aliquando renunciaueras

diabolo, & ad me conuersus fueras, Et dederam tibi vestem nuptialem? vt quid sic venisti non habens vestem nuptialem? Hoc est dicere, Quare non habes, quod tibi dedi? Nemo enim potest irasci non habenti rem, quæ data non sit: Vestem nuptialem inter istos acceperas, & solus non habes: Quare nudus & lugubris venisti? Quis tibi detraxit spolia? quas fraudulentas adisti fauces? Quot incurristi latrones? Quot quot tales vêturi sunt, locum in illo conuiuio non habebunt.

LIBER SEXTVS.

Ndubitanter & liquido demonstratum est, in diuinis Sacramentis quid nefarie feceritis. Iam illa ostēdenda sunt, quæ crudeliter ac stulte vos fecisse, negare minime poteritis. Quid enim est tam sacrilegum, quam altaria Dei (in quibus & vos aliquando obtulistis) frangere, radere, remouere? In quibus vota populi, & membra Christi portata sunt: Quo Deus omnipotens inuocatus sit. Quo postulatus descendit spiritus sanctus: vnde à multis pignus salutis æternæ, & tutela fidei, & spes resurrectionis accepta est. Altaria, inquam, in quibus fraternitatis munera non iussit saluator poni, nisi quæ essent de pace cōdita. *Depone inquit munus tuum ante altare, & prius concorda cum fratre tuo, vt possit pro te sacerdos offerre.* Quid est enim altare, nisi se-

des & corporis & sanguinis Christi? Hęc omnia furor vester aut rasis, aut fregit, aut remouit. Hoc igitur inexpiabile nefas, si de aliqua ratione descēdit, vno modo fieri debuit. Sed, vt æstimo, alio loco copia lignorum frāgi iussit alio vt altaria raderēt lignorū inopia, imperauit vt remouerentur: ex parte verecundia iussit: vbique tamen nefas est, dum tantæ rei manus sacrilegas & impias intulistis. Quid perditorum conductā referam multitudinem, & vinum in mercedem sceleris datum? Quod vt immundo ore sacrilegis haustibus biberetur, calida de fragmentis altarium facta est. Si liuoris iudicio non vobis sordidi videbamur, quid vobis fecerat Deus, qui illuc inuocari consueuerat? Quid vos offenderat Christus, cuius illic per certa momenta corpus & sanguis habitabar? Quid vos offendistis etiam vos ipsi, vt illa altaria frangeretis, in quibus ante nos per longa temporum spacia, sancte (vt arbitramini) obtulistis? Dum impie persequimini manus nostras illic, vbi corpus Christi habitabat, feristis & vestras. Hoc modo Iudæos estis imitati. Illi iniecerunt manus Christo in cruce: à vobis percussus est in altari. Si Catholicos illic insectari voluistis, vel vestris illic antiquis oblationibus parceretis. Ibi modo superbus inuentus es, vbi iam dudum humilis offerebas? Ibi libenter peccas, vbi pro multorum peccatis orare consueueras. Hoc faciendo in numerum sacrilegorum sacerdotum libenter intrastis,

fociati sceleribus prophanorū. De quibus apud Dominum Helias propheta querelam deponit. His enim locutus est verbis, quibus & vos inter alios ab ipso accusari meruistis. *Domine* (inquit) *altaria tua confregerunt*. Dum dicit *tua*, indicat quia res est Dei, ubi Deo aliquid à quocunque oblatum est. Sufficeret insanix vestræ, quod membra laniastis Ecclesiæ, quod Dei populos iam dudum in vnitatem positos, vestris seductionibus diuifistis. Inter hæc omnia vel altaribus parceretis. Cur vota & desideria hominum cum ipsis altaribus euertistis? Illæ ad aures Dei ascendere populi solebat oratio. Cur concidistis precibus viam? & ne ad Deum supplicatio de more solito ascensum haberet: impia manu quodammodo scalas subducere laborastis? Et tamen cum omnium vestrum vna sit coniuratio, in hoc titulo simili errore dissimiliter deliquistis. Si suffecerat remouere, non licuit frangere: Si oportuit frangere, rasisse peccatum est. Si enim non licuit, sicut inter vos placuit, recte videtur fregisse, qui fregerit: iam reus est, qui maiorem partem radendo seruauit. Quæ est ista noua & stulta sapientia, nouitatem quærere in visceribus maiestatis, & remota quasi quadam corporis cute, in latente corpore cutem quasi alteram quærere: Vnde cum aliquid fuerit ablatum, minui potest, mutari non potest. Rasisti equidem quod tibi visum est: sed adhuc ibi est quod odisti? Quid, quod si sic coniurastis, ut quæ à nobis in

nomine Dei in ipso mysterio tacta sunt, immunda viderentur: Quis fidelium nescit, in peragendis mysteriis ipsa ligna linteamine cooperiri? Inter ipsa Sacramenta velamen potuit tangi, non lignum. Aut si tactu possit penetrari velamen, ergo penetrantur & ligna. Si penetrari possunt ligna, penetratur & terra. Si à vobis lignum raditur, & terra, quæ subter est, fodiatur: Altam facite scrobem, dum pro vestro arbitrio quæritis puritatem. Sed obseruate: ne veniatis ad inferos, & illic inueniatis Core, Datan & Abiron schismaticos, magistros scilicet vestros. Ergo & fregisse vos & rasisse constat altaria. Quid est, quod in hac re subito vester quasi languere visus est furor? Videmus enim vos postea mutasse consilium, & altaria à vobis iam non frangi, sed radi tantummodo aut remoueri. Si hoc sufficiebat, illa quæ prius facta sunt iudicatis, quia fieri minime debuerunt à vobis. Hoc tamen immane facinus geminatum est, dum fregistis etiam calices, Christi sanguinis portatores: Quorum species reuocastis in massas, mercem nefariis nundinis procurantes, ad quam nec emptores eligere voluistis sacrilegi, dum inconsideratè vendidistis. Passi estis etiam comburi manus vestras, quibus ante nos, eosdem calices tractabatis. Eam rem tamen passim vendi iussistis. Emerunt forsitan in vsus suos sordidæ mulieres. Emerunt Pagani, facturi vasa, in quibus incenderent Idolis suis. O scelus nefarium! ô facinus inaudi-

tum! auferre Deo quod Idolis præstes. Subducere Christo, quod proficiat sacrilegio. Sed video vos hoc loco inuidiam nobis falso conflantes, ad Aggeum prophetam velle confugere, vbi scriptum est, *Qua tetigerit pollutus, polluta sunt*. Liore interueniente facile est iratis iactare conuiuium. Sed semper dum intenditur crimen, necessaria est manifesta probatio. Quis enim nostrum intrauit templa? Quis vidit sacra sacrilega? pollui homines possunt fumis sacrilegis nidoribus, sacrificiis sanguine. Sed in hac causa quis ingressus est templum? Quis incendit idolis? Quis immundis nidoribus maculatus est? Quis sanguinem vel pecudis immundæ vel hominis, fundi aspexit? Quem probatis ad aliquod facinus commodasse consilium? In societate alicuius sceleris vel vnum Episcopum conuincite, si potestis, sicut supra diximus. In hac causa quicquid asperere fieri poruit, dum illa res in origine vocatur, ad principes vestros pertinere monstrauius. Vnde est quod Catholicos quasi pollutos appellas? An quia voluntatem & iussionem Dei secuti sumus, amando pacem, communicando toto orbi terrarum, sociati Orientalibus: Vbi secundum hominem suum natus est Christus, vbi eius sancta sunt impressa vestigia, vbi ambulauerunt adorandi pedes, vbi ab ipso factæ sunt tot & tante virtutes: vbi cum sunt tot Apostoli comitati: vbi est septiformis Ecclesia: à qua vos concisos esse, non solum non doletis, sed

quodammodo gratulamini. Quia vnitatē Deo placitam amauimus pollutos vocas, quia Corinthiis, Galatis, Theſſalonicenſibus aſſenſum accommodauimus, communionēque coniunximus. Pollutos vocas, quia ſurtiuas vobiſcum nō legimus lectiones, aut negate vos alienas lectiones legere, ſi poteſtis. Vt quid auderis Episto- las, ad Corinthios ſcriptas, legere, qui Corinthiis communicare noluiſtis? Vt quid ad Galatas, ad Theſſalonicenſes ſcripta recitatis, in quorum communionē non eſtis? Cum hęc omnia ita eſſe conſtet, intelligite vos ab Eccleſia ſancta eſſe conciſos, & nos non eſſe pollutos. Vbi eſt ergo quod tibi putas Aggæum Prophetam poſſe ſuccurrere? Igitur altaria & vaſa ſupra memorata, & in manibus veſtris iamdudum fuerant & in noſtris. Si infamatis manus noſtras, quare illic damnatis & veſtras? Sed dicitis lectum eſſe, *quod tetigerit pollutus, pollutum eſt*. Fac aliquem pollutū eſſe, vt poſſint ab eo tacta videri polluta: eſto, ſolus tactus ſit, & non interueniat inuocatio nominis Dei, *quę tetigerit pollutus, polluta ſunt*, inquinari poſſunt, ſi de Deo taceatur. Nam ſi ſit inuocatio nominis Dei, ipſa inuocatio ſanctificat & quod pollutum eſſe videbatur. Denique cum ducenta & quinquaginta thuribula, quę ſacrilegorum & peccatorum manibus portabatur, cum eoſdem peccatores abſorberet terra, remanſerunt de manibus eorum excuſſa thuribula. Et dum dubitaret Aaron ſanctus ſacerdos,

quid nam de his faceret, audiuit vocem Dei dicentis, *Tolle Aaron hæc vasa, & fac inde laminas, & pone in angulis arce testamenti. Quoniam licet illi peccauerint qui ea ferebant, tamen vasa illa sancta sunt: quia nomen meum illic inuocatum est, dicit Deus. Et utique plus est portare, quàm tangere.*

Ergo iam liquido apparet, ex inuocatione nominis Dei posse aliquid sanctificari, etiam si peccator inuocet Deum. Non enim tantam vim potest habere tactus, quantam habet diuini nominis inuocatio. Nam & vos, qui vobis de vestra sanctitate præsumitis, dicite, si tactus sanctificat aut inuocatio? utique inuocatio, non tactus. Aut si de solo tactu præsumitis, tangite tabulam, lapidem, vestem: videamus an sancta esse possint, si de Deo taceatur. Iam illud quàm stultum, quàm vanum, quod ad voluntatem, & quasi ad dignitatem vestram reuocare voluistis, ut virgines Dei agerent pœnitentiam, ut iam dudum professæ, signa voluntatis capitibus, postea vobis iubentibus immutarent: ut mitrellas alias proiicerent, alias acciperent. Primo dicite ubi vobis aliquid de mitrella mandatum est? virginitas enim voluntatis res est, non necessitatis. Denique Stabularius ille Paulus Apostolus, cui confossus peccatorum vulneribus populus commendatus, duos denarios, quos erogaret, acceperat, duo scilicet testamenta: hæc per doctrinam quasi sumptus impendit: docuit quomodo conjugales Christiani debeant viuere: A quo cum
quere-

quæreretur quid de virginibus preciperet? Respondit sibi de virginibus nihil esse mandatum. confessus est, se duo testamenta, hoc est, duos denarios erogasse, explicati erant quodammodo sumptus. Sed quia qui saucium commendauerat, promiserat se redditurum, quicquid in curam amplius erogasset post impensores duos denarios: non præcepta, sed consilium erogat Paulus ad virginatatem. Nec impedimento est voluntati, nec nolentes impellit aut cogit. *Qui dederit* (inquit) *virginem suam, bene facit: & qui non dederit, melius facit.* Hæc sunt verba consilij: Nec vlla sunt præcepta coniuncta, vel de qua lana mitrella fieret, aut de qua purpura pingeretur. Non enim panno hoc potest virginitas adiuuari: Non enim inde compescuntur ætus animi, quos interdum etas accendit: Non inde subleuatur mens, quæ nonnunquam desideriorum ponderibus premitur. Nam si ita esset, non vna sed plurimæ virginis capiti imponderentur: ut quotiescunque animum carnis desideria pungerent, contra impugnationem mentis mitrellarum numerus dimicaret. Res inuenta est ad signum capitis, non ad remedium castitatis. Denique talis pannus & deturbari, & rodi, & perire potest: Et tamen virginitas, si inlæsa sit, sine mitrella tuta esse potest. Spiritale nubendi hoc genus est. in nuptias sponsi iam venerant voluntate & professione sua, & ut sæcularibus nuptiis se renunciasse monstrarent, spiritali sponso

soluerant crinem, iam cælestes celebrauerant nuptias. Quid est quod eas iterum crines solvere coëgistis? Quid (inquam) quod ab ipsis per vos exacta est professio secunda? Quis est alter spiritalis sponsus, cui iterum nubarent? Quando mortuus est, cui nupserant, ut iterum nubant? Nudastis denuo capita iam velata: de quibus professionis detraxistis indicia: quæ contra raptos aut petitores videntur inuenta. In mitrella indicium est voluntatis, non castitatis auxilium, ut rem iam Deo deuotam ne qui sponsabar, perseueret petere, aut ne raptor audeat violare signum est ergo, non Sacramentum. Inuenistis igitur huiusmodi virgines, quæ iam spiritaliter nupserant: quasi secundas coëgistis ad nuptias, ut crines iterum soluerent, imperastis. Hoc nec mulieres patiuntur, quæ carnaliter nubunt: Ex quibus si alicui maritum mutare contigerit, non repetitur illa temporalis festiuitas: Non in altum tollitur: Non populi frequentia procuratur. Detraxistis igitur non capitis ornamenta, sed (ut supra diximus) bonæ voluntatis indicia. Iam consecratas Deo aspersistis immundis cineribus: crines iussistis, etiam falsa aqua perfundi.

Et utinam vel id quod tulistis, velociter reuocare velleris. Interposuistis moras, ut retractæ in pristino habitu, aliquæ diutius remanerent, retractis signis, quibus se iam dudum contra petitores & raptos munierant. Qui cum viderent, præscriptionem sibi iam dudum oppositâ,

à vobis esse sublatam, de sponſis raptores effecti ſunt. Nec viſus eſt ſibi vnusquisque peccaſſe, dū talem rapuit, qualem viderat, quando vt vxorem acciperet poſtulabat.

In hoc genere tanta damna feciſtis Deo, quanta lucra diabolo procuraſtis. Conſlaſtis impie calices, crudeliter fregiſtis, & inconſulte caſiſtis altaria: Puellas miſeras non ſine opprobrio, vt ſecundam mitrellam acciperent, coëgiſtis. Et illud prætermittere nequeo, quod nec Deo eſt placitum, nec à veſtris cultoribus excuſari, nec ab aliquo homine defendi poteſt. Per iudicia ſæcularia & leges publicas, diuinæ legis inſtrumenta, executione officiorum à plurimis eripiēda eſſe dixiſtis, volentes ſoli habere, quod pax in communione poſſederat. Non vereor Chriſtianus dicere, quod vobis poſtulantibus, Gentilis executio non potuit ignorare: velamina & inſtrumenta Dominica extorſiſtis, quæ iam dudū fuerant in communione poſſeſſa. Extorſiſtis cum codicibus pallas: iudicio ſuperbiæ veſtræ vtraque arbitrati eſtis eſſe polluta. Niſi fallor, hæc purificare properaſtis: lauiſtis proculdubio pallas: Indicate quid de codicibus feceritis: in omnibus iudicium prouidentiae veſtræ debet eſſe æquale. Aut vtrunque laua, aut vtrunque dimitte. Quod ſi aliter facias, corrupiſti: diligentiā tuam pallam lauas, codicem non lauas: Si in vna parte bonum, in altera malum eſt. non potes negare offendere in vna, ſi in altera promereris. Et

si gaudes, quod in vna videaris religiosus, debes
 & plangere : quia teneris in altera parte sacrile-
 gus. Iam illud quale est, quod in multis locis
 etiam parietes lauare voluistis, & inclusa spacia,
 falsa aqua & spargi precepistis. O aqua, quæ dul-
 cis à Deo creata es, super quam ante ipsius nata-
 lem mundi sanctus spiritus ferebatur ! O aqua,
 quæ vt purum faceres orbem, lauisti terram ! O
 aqua, quæ sub Moyse, vt naturalem amaritudi-
 nem perderes, indulgata ligno, tot populorum
 pectora suauissimis haustibus faciaſti ! Restabat
 tibi post promotionem non leuiter degradari.
 Præſentia Moyſi in te amaritudo moritur, & à
 schismaticis hodie cum Catholicorū turba dul-
 cedo tua vexatur. Pares patimur bellum, pares
 expectamus vindicem Deum. Dicitur frater Par-
 meniane, quid vobis fecerat locus? quid ipsi pa-
 rietes, vt ista paterentur? An quia illic rogatus
 est deus? An quia illic laudatus est Christus? An
 quia illic inuocatus est spiritus sanctus? An quia
 vobis absentibus illic Prophetæ & sancta Euan-
 gelia recitata sunt? An quia illic fratrum, iam
 dudum litigantium concordauerāt mentes? An
 quia vnitas Deo placita in qua habitabat, inue-
 nerat domū? Indicate, quid illic lauare potuistis?
 Si Catholicorum vestigia: & in vico & in platea
 calcauimus, Quare nō omnia emēdatis? Nam &
 fouendorū corporum causa, eadem nos & vos
 lauacra pariter abluerunt. Et ante vos frequen-
 ter nostrorum loti sunt multi. si post nos purifi-

canda putatis? omnia lauate, & aquā si potestis. Aut si vestigia (vt supra dixi) nostra esse vobis videntur polluta, sufficeret terra: quid & parietes lauare voluistis, in quibus humana non possunt poni vestigia? parietes non calcare, sed tantum videre potuimus. Si & quod tangit aspectus, lauandum esse censetis, cur cætera dimisistis inlota? Videmus tectum, videmus & cælum, hæc à vobis lauari non possunt, si illa lauando promeriti estis Deum: Ista non lauando, inexpiabile videmini incurrisse peccatum. Cum igitur alibi quasi diligentes videri vultis, alibi negligentes estis inuenti: si tamen diligentia dicenda est stultitia, & (vt vero nomine appelletur) vanitas vestra, nisi forte quia hoc faciendo, in pauorem misistis populos imperitos, vt quia lota est columna, lauarentur & corpora. Si in his rebus consilium latet, miseros subtiliter decepistis: Si talis res sine cōsilio gesta est, manifesta est vestra hebetudo. Hæc vos stulte fecisse, & à vobis seducti cognoscunt: Nec vos ipsi negare poteritis. Quid referam etiam illam impietatem de vestra coniuratione venientem, quia ad hoc Basilicas inuadere voluistis, vt vobis solis Cimiteria vindicetis, non permittentes sepeliri corpora Catholica, vt terrereatis viuos, male tractatis & mortuos, negantes funeribus locum. Si inter viuentes fuerat certamen, odia vestra vel mors aliena compescat: Iam tacet cum quo paulo ante litigabas. Quid insultas funeri? quid impetis sepul-

ruram? quid cum mortuis litigas? perdidisti ma-
 litie fructum. Et si corpora non vis in vñ quie-
 scere, animas tamen in vno apud Deum positas,
 non poteris separare. Omnia denique, quæ à vo-
 bis geruntur, ex toto narrari non possunt. Sed
 concedatur vobis, qui erroris huius magisteriũ
 possidetis. Iam & de vestris silere, quis possit de
 illis, scilicet, quos aut factione aut subtilitate, vt
 vestros faceretis, seducere potuistis: non solum
 masculi, sed etiam fœminæ, ex ouibus subito fa-
 cti sunt vulpes, ex fidelibus perfidi, ex patienti-
 bus rabidi, ex pacificis litigantes, ex simplicibus
 seductores, ex verecundis impudentes, feroces
 ex mitibus, ex innocentibus malitiæ artifices,
 Post quod ad vos delapsi sunt aut delapsæ, do-
 lent alios ibi esse, vbi nati sunt: Bene stantes in
 lapsus suos inuitant: Si scirent se gloriam conse-
 cutos, fœlicitate sua tacite fruerentur. Nunc au-
 tem perdit transitus suos consolari cupientes,
 cæteros vt similiter labantur, inuitant: Et resi-
 dentes in sinu matris Ecclesiæ, quasi pigros &
 tardos accusant. His enim verbis loqui non eru-
 bescunt, Cai Sci, Caia Seia, quãdiu te tenes? Hoc
 est dicere, iam meum debes sequi errorem, iam
 debes deferere veritatem. *Quandiu tu tenes*, hoc
 est dicere, imitare lapsus meos, imitare transitus
 turpes. *Quandiu fidelis vocaris? iam fidem desere,*
iam pœnitentiam disce. Vos estis aucupes, & illi
 aut illæ sunt aues. Sed quia non est vnum aucu-
 pum genus: alij sunt qui arte simplici, altis fun-

datas radicibus in faciem nemoris diffusas arbores petunt, vbi aues simplici volatu naturalibus ramis insidunt: Non illic numerantur fraudes, non artificiosa consilia: Ars vna est & sola capiendi. Illi vos aucupi similes dico, qui post discessum noctis, ante lucis aduētum, non aliorum more naturales vadit ad arbores: sed ipse arborem portans, futurum nemus stringit in fascem, aridam arborem, nullis radicibus fultā, multiplici fraude componit. Cui adulterinos inserit ramos, & quæ suas iam dudum succisa perdidit, alienas accipit frondes. Alias aues clausas portat in cauea viscerata, alias ad imaginem viuērium, olim extinctas, fallacibus ramis, quasi viuentes imponit. Aliæ latent in caueis: Aliæ quasi viuentes videntur in ramis. Iungitur vna geminata fraude calliditas, & vt decipi auium volantium simplicitas possit: quas mortuas esse constat, videntur tendere colla cum vocibus, & quæ latent in carcere suo, quasi de gutture cātant alieno. Inter alterius imaginem, & alterius vocem dolus vnus operatur. Captiæ liberas capiunt, & mortuæ viuentes occidunt. Tales sunt, quos aut rebaptizatione, aut pœnitentia sociastis, ne soli aut solæ perisse videantur, alios vel alias secum perire, magno labore & studio contendunt.

LIBER SEPTIMVS.



Ost Traditores ostensos, & sanctā
 Ecclesiam demonstratam: post re-
 pulsas quas ingerebatis calumnias:
 & post peccata vestra, quæ à Deo
 increpari meruerunt: ordine suo,
 & ratio sacramentorum, & præsumptiones ve-
 stræ, & errores ostensi sunt. Iam responsum
 dictorumque nostrorum finis esse debuerat: sed
 quoniam post inuidiæ siluam securibus verita-
 tis abscissam, video adhuc vestras, prouocatio-
 nes pullulare posse, quibus potestis dicere, vos
 ad vnā communionem non oportuisse quæri:
 cum filios traditorum vos esse constiterit, ad ea
 pauca respondeam. Reuera sufficiebat sibi Ec-
 clesia, habens innumerabiles populos in pro-
 uinciis vniuersis. Sufficiebat & in Africa, li-
 cet in paucis: sed Deo vestra separatio non pla-
 cebat: quoniam diuulsa fuerant vnius corporis
 membra: & contra voluntatem Dei, fratres à
 fratribus errabatis: quamuis domesticum iudi-
 cium in parentibus vestris operatum sit, vt vltro
 recederent, qui pro admissa traditione abiici de-
 buerant: nullum iudicium celebratum est, sed
 sententiæ est operatus effectus. Pellendi fuerant
 post traditionem, de qua sibi in concilio Numi-
 diæ confessi sunt. Sed ne inuidiæ essent, excusata
 est iudicandi seueritas, dum maiores vestri vltro
 inuenerunt de reatu consilium vt cooperto cri-
 mine suo, quasi superbi discederent, quibus &
 dolere & erubescere debebatur. Illi namque si

illo tempore, bono pacis vnitatē facere debuerant, etiam & ipsi ab Ecclesia non fuerant repellendi, in quibus necessitas excusauerat voluntatē. Non enim aliqui illorū sponte tradiderat, aut hoc peccatum cum cæteris delictis poterit cōquari. Quicquid enim Deus fieri noluit, ore suo prohibuit, quo modo dixit, Non occides, non mæchaberis &c. Potuit etiam hoc prohibere quod à parentibus vestris admissum est: sed quoniam aliud est quod facit animus, aliud est quod operatur euentus, quicquid dē voluntate potest ab homine fieri, hoc meruit prohiberi, Quicquid necessitas peccat, non potest magnis viribus accusari: Denique voluntas habet pœnam, necessitas veniam homicida scelus, dū nemo cogit potest & facere, potest & non facere: adulterium mæchus, dum de foris nemo cōpellit potest admittere, potest & nō admittere, & cætera huiusmodi in quibuis liberum habetur arbitrium. Ideo prohibita dum geruntur, iudicio destinantur nō interdicta dum aliqua necessitate fiunt, fortē facile dignetur ignoscere, qui noluit prohibere. Denique hoc delictum q̄ quasi capitale potuit obijci parentibus vestris, si illo in tempore nudarentur, aut in iudicium vocarentur, possent sibi exemplo non vno succurrere, vbi primis temporibus aut tabulæ legis fractæ, aut libri traditi esse leguntur vel incisi & incensi, & nemo damnatus est. Si (vt supra dixi) parentes vestri illo tempore nudarentur, si

accusari potuissent, sine dubio dicerent, se nihil amplius fecisse à Moyse legislatore, quamnis nō sibi funilent, sed inter se repugnent necessitas & voluntas, cum eodem nomine legis parentum vestrorum & Moyfi vna fuerit causa. Possent dicere patentes vestri illud se de necessitate fecisse, quod Moyfes prior fecerit de voluntate. Qui cum populo indignaretur, non considerauit, quia Deus digito suo scripsetat: Et plus est quod scriptum est in celo, quàm quod in terra: Et non est vnum quod fecit dei digitus, & quod scripsit calamus humana manu cōpositus. Moyfes ferebat, quod per nubem acceperat, & parentes vestri tradiderūt quod data mercede confecerant recte se parentes vestri defenderent, docētes capitale crimen non esse, si id fecisse vnusquisque eorum magno metu perterritus, quod Moyfes fecisset iratus: Et non legimus dominū indignatum esse Moyfi, nec vindicasse confractas tabulas quas manu sua perscripsetat, nec peccator appellatus est, nec punitus. Sic lex à Deo perfecta est, vt aqua de fonte dilabitur, aut poma quæ de arbore salua radice carpuntur. Non perit quod etogatum est, si in origine sua saluū est. Denique Moyfes post tabulas sparsam legē & cōminutam nō damnari metuisset, Syna postea montem reuocatus ascendit, & loqui cum Deo iterum meruit, & secundum legem innouatā accepit, quā p̄diit titulus libri ꝓ Græcō vo-

cabulo Deuteronomos scribitur, Ecce nō perit in lege, quod saluū fuerat in origine, Sed ne cui videatur Moyſes habuiſſe meritum, vt de colloquio quandam apud deum fiducia, & ideo Deū non iratum eſſe, & hoc ſi ita eſſet ſemper amicitia meritum ſuum & fructum exigere debebat. Quare in eum poſtea vindicatum eſt, quod offendit, non vt oſtēderetur leue fuiſſe illud, quod iratus admiferat. Lex in deo ſana fuit & poſtquā ab homine cū tabulis lapideis facta eſt deuotio quæ ab homine debebatur, vbi exhibita nō eſt, Moyſes illa pœna meruit, vt medio itinere moreretur ne terram promiſſionis intraret: vnde conſtat non magnum peccatū poſſe computari, quod in præceptis exemplo patuit impunè cōmitti. Hæc ſi à parentibus vſtris dicerētur, quis eis communionem negare potuiſſet? Quid ſi & illa conſequentia exempla proponerent, in quibus legitur, innouata lex cum haberetur in arca, & populus Iſrael in prælio vinceretur. Lex quæ in arca conſilio populorum in hoſtes allata eſt, quæ ab ipſis præſbiteris & cæteris filiis Iſrael defendi non potuit, & inimicis eſt tradita, dum minus eſt reportata tradita lege qui ad ferendam dixerant, fugerunt timidi, & non leguntur poſtea in vindicta aliquid paſſi. Si à parentibus vſtris hæc ratio redderetur, quis eos à communionem ſua repellere potuiſſet? Quid ſi nec illa exempla tacuiſſent Principes vſtri?

quibus legitur Baruch librum legis quem ex ore Hieremiæ Prophetæ exceperat tradidisse scribæ Iudin & à principibus Regis iussu esse ut & ipse Baruch qui exceperat, & Hieremias per quem Deus locutus erat fugerent & laterent, Hieremias dictabat, Baruch tradidit, fugerant ambo, ad Ioachim regem: liber allatus est, qui Rex cum ante se pro qualitate temporis frigidi aridam habuisset ardentem & librum à Iudin scriba recitatum non libenter audiuiisset, subinde concisum minutatim ignibus imponebat. Et non iratus est Deus vel Hieremiæ qui fugerat, vel Baruch qui cum eo fugiens tradiderat, Quibus si Deus iratus esset, ad Prophetam aliquem alterum loqueretur, non ad alterum sed ad ipsum Hieremiam locutus est sic enim legitur, & factus est sermo domini ad Hieremiam postquam combussit rex capitulum libri, & sermones quos scripsit Baruch ex ore Hieremiæ, dixit Deus ad Hieremiam, Accipe tibi chartam alteram & scribe omnes sermones tuos qui tunc erant scripti in libro quem combussit Ioachim rex Iudæ Ecce nec Deus iratus est, nec qui arcerat perit, nec Baruch punitus est, nec Hieremias à Deo contemptus est, unde apparet, quod in hac re grauis nunquam fuerit culpa quam nunquam potuit sequi vindicta. Si hæc parentes vestri allegarent, quis illos à communione reuocare potuisset? Denique cum videret Deus & à Moyse legis tabulas fractas, & arcam hostibus derelictam & post tra-

ditionem Baruch librum legis & incisum esse & combustum, indicauit prouidentiam suam, & promisit se legem iam non immutabilis scribere, nec in libris, sed in ipso interiori homine, hoc est, in mente & in corde vniuscuiusque credentis: Quomodo scripserat in corde Noë, Abrahamæ, Isaac, & Iacob, & cæterorum Patriarcharum quos constat legitimè sine lege vixisse. Quam rem probat & Beatus Apostolus Paulus dicens, Scripta nõ attramento, sed spiritu Dei viui nõ in tabulis lapideis, sed in tabulis cordis carnalibus. Post legem à Moyse fractam & à filiis Israel hostibus derelictam, & offerente Baruch ad Ioachim regem, & concisam & incensam ante tempora Christiana, vbi postea melius scripturus erat, legem indicauit Deus per Prophetam dicēs. Quoniam hoc est testamentum meum, quod disponam domui Israël & domui Iudæ, & post dies illos dicit dominus, dans leges meas in corda eorum & in mentibus eorum scribam eas. Promisit hoc iam dudum & proximè reddidit temporibus christianis. Ergo iam secundo loco est charta, secundo loco membranæ. Si à Deo lex ibi scripta est vnde tradi non possit, vt parentes vestri qui iam in trinitate crediderāt, quamuis libros tradiderint, nec corda nec mentes tradiderint suas in quibus Deus legē suam scripsit, sicuti se scripturum esse promiserat. Vbi est ergo frater Parmeniane quod dixisti penitus exustam à Traditoribus legem? Ecce nec penitus

exusta est, nec ex toto sublata, dū & in cordibus
 credentium manet, & librorum milia vbique re-
 citantur, vnde apparet te parentes tuos quam-
 uis per ignorantiam frustra accusare voluisse. I-
 gitur si parentes vestri ad tempora vnitatis oc-
 currerēt tot exemplis rationabiliter redditis, &
 ipsi à cōmunionē repellī nō possent, quantō vos
 quos constat nō traditores esse, sed filios tradi-
 torum, cum patrum & filiorum & personæ di-
 scernantur & nomina, inter quas personas si nō
 sit cōmunis culpa, non potest vna esse sententia:
 Quamquam & si illorū vnitas fieret ad Eccle-
 siā catholicā sponte venirent: non sicut vos,
 quos non sine volūtate Dei adiutos esse cōstat,
 vt rediretis vnde erraueratis (quāuis adhuc erre-
 tis) si ad catholicā (vt dixi) spōte venissent, quia
 traditores fuerunt. De talibus recipiēdis dubita-
 rēt forsītā nostri maiores, sed nobis letandū est,
 q̄ tales vsque ad nostra tēpora minimē duraue-
 runt. Ergo hodie negotiū nouum est, dum vo-
 biscum res non cum illis agenda est? Quamuis
 ab ipsis ad vos videatur hæreditaria macula esse
 trāsmissa: tamē in hoc titulo nō potestis rei esse
 cum patribus vestris, secundum iudicium Dei,
 qui locutus est per Ezechielem Prophetam di-
 cēs: Anima patris mea est: & anima filij mea est.
 Anima quæ peccat, sola punietur. Quæ res iam
 & antiquis seculis in ipsis natalibus mundi cō-
 probata est, nam non pertinuit ad Seth filiū A-
 dæ, patris admissum. Sed ne quis dicat alio loco

scriptū esse, dicente Domino, mala patrum vsq;
in quartā progeniem redditurū: Illius sunt pro-
culdubio ambæ voces: sed nō ad vnum populū
sonat vtraque. Prima est per Moysen ad certum
genus hominū. Secunda per Ezechielē ad alterū
gen⁹ hominū. Sed cū sciret De⁹ Iudeos apud
Pontiū Pilatum professuros, vt dicerēt: Sanguis
huius super nos, & super filios nostros: de præ-
scientia Deus vidit pro magnitudine culpæ pa-
rum fuisse quod dicturi erant. Et vt competēti-
bus pœnis lueretur offensio, ipsis Iudæis cōmi-
natus est, dicens se mala patrum vsque in quartā
progeniem redditurum. Ergo hæc vox ad solos
Iudæos specialiter pertinet. Cæterū, illa ad Chri-
stianos, qua Deus dignatus est promittere non
vindicare in filios, siquid peccatur à patrib⁹, nec
in patribus si quid à filiis forsitam delinquatur.
Cū & tēporibus Moysi sine cuiusquā pœna lex
iterata sit, & arca testamēti ab hostibus ultro sit
reddita, & ab Hieremia Deo præcipiente char-
ta sit altera scripta, Quare putatur apud maio-
res vestros solos capitale fuisse peccatum, in
quo per tot exēpla nemo damnatus est. Nam si
lex ideo data est vt homines docerentur, nō vt
ipsa lex quasi p Deo coleretur, post factū patrū
vestrorū nullū dānum passa est turba credentiū
vnusquisque eorum sub metu codices suos per-
didit. Nam lex quæ necessaria fuerat, valet apud
doctores populorū & cultores dei. Bibliothecę
refertæ sunt libris, nihil deest Ecclesiæ, per loca

singula diuinum sonat vbique præconium, Non
 silent ora lectorum, Manus omnium codicibus
 plenæ sunt, Nihil deest populis doceri cupien-
 tibus, quamuis lex nõ magis pro doctrina quam
 pro futuro iudicio scripta esse videatur : vt sciat
 peccator, quid pati possit, si minus iustè vixerit.
 Denique scriptum est & legitur, Quod iustis lex
 data nõ sit, quia vnusquisque iustus ipse sibi lex
 est. Et alio loco idem Beatus Apostolus Paulus
 dicit, quia lex non facit iustos, sed ipsa amat iu-
 stitiam. Semper in omnibus rebus efficientibus
 effecta quæruntur. Vacat lex quæ efficit, si per
 compendium paratum est, quod efficitur. De-
 nique Abraham non dictum est, Crede, sed vltro
 credidit, in quo sine lege, legis effectus impletus
 est. Non legitur audiuit Abraham legem & cre-
 didit, sed legitur: Credidit Abraham Deo & re-
 putatum est illi ad iusticiam. & primis temporibus
 Noë patriarcha nihil legit, vnde iustus fie-
 ret, & iustus electus est, qui fabricata arca felici-
 ter in diluuiò nauigaret. Longum est ire per sin-
 gulos qui sine lege inuenti sunt iusti. Hæc si à ve-
 stris parentibus suo tēpore dicerentur quis eos
 à communione sua repelleret? Qui si dicerent,
 non debere silentio prætereri quod Apostolus
 de extralegalibus ait, gentes legem nesciunt, ea
 quæ legis sunt, faciunt, habent enim legem scri-
 ptam in cordibus suis. Nam & multi probantur
 in lege peccasse, & multi bene sine lege vixisse.
 Lex & homo duæ res sunt, sed pares esse non
 possunt

possunt. Non enim homo factus est propter legem, sed lex data est propter homines. Nusquā video damnum illatum Deo, dum & origo legis apud eum manet & postquam scriptura vestris parentibus tradita esse dicitur, nihil deest, omnia membra legis sana sunt, salua sunt, Recitantur, Nihil minus est de lege & docere, & docere cupientibus. An illud erat magis necessariū vt occideretur homo, ne scriptura aliqua tradere tur. Quid quod nec homines occisi sunt, & omnes scripturæ non desunt. Non est vnum lex & Deus. Si pro Deo moriendū fuerat, qui & resuscitare mortuos, & reddere præmium potest, liber non traditus de duobus his nec alterum potest. Impedit igitur necessitas vires suas. Non minus videmus negligentiam frequenter operari, quam necessitas operata est. Nā si membranæ aut libris, quibus scriptura legitima continetur in totum debet illæsa seruari, quasi non damnantur aliqui negligentes, non est longe tradere à male ponere, aut male ferre, alter in domo librum posuit, quæ domus incendio concremata est: damnetur qui negligenter posuit, si damnandus est, qui postulādum librum territus dedit: damnentur etiam illi qui neglectas membranas aut libros ita posuerunt, vt eos domesticæ bestiolæ, hoc est mures ita corroserint, vt legi nō possit. Dānatur & ille qui ita in domo posuit vt nimietate pluuiarum sic tecta aliqua stillicidia deliquarēt, vt omnia humore oblitterata legi nō

possint damnentur, Et illi qui ferentes libros legis temerari se rapacibus vndis fluminum crediderunt, & se liberari cupientes scriptura in vndis è suis manibus dimiserunt. Ergo si scriptura vna est, & hanc qui seruare non potuit reus est, alter vndis tradidit, alter roforibus bestiis dereliquit, alius stillicidio corrumpenda neglexit, alter metu mortis territus homo homini dedit, si vnum est, quod ab hominibus admittitur: Quare eligitur, qui damnetur, cum leuior culpa sit traditoris quàm negligentis, qui ante mures posuit aut sub stillicidio reliquit, volunrate negligens fuit, & qui in fluuio perdidit, de temeritate peccauit, qui metu mortis aliquid tradidit, homo homini dedit, integrum erat apud dantem, integrum apud accipientem. Si quis accipit, flammis tradidit, peccatum magis accedentis est non tradentis. Hæc si à maioribus vestris dicerentur, quando illos repellere à nostra communione possemus. Si etiam Antiochi Regis tempora commemorare voluissent, quibus omnes Iudæi coacti sunt vt libros in incendium darent, & ita vniuersa scriptura data est, vt apex vnus in aliquo libro minimè remansisset. de Iudæis illo tēpore nemo dānatus est, nec à Deo vel ab aliquo angelo in quēquam Iudæum est vlla dicta sententia, quia peccatum fuerat imperantis & minantis, non populi cum tremore & dolore tradentis. Qui Antiochus ne aliquid primitiuo populo nocuisse videretur, statim prouidit deus, vt per vnū hominem Hefdam qui lector eodem tempore

dicebatur tota lex sicut antea fuerat ad apicē dī-
ctaretur. Sic Tyrānus Antioch⁹ fructū maligni-
tatis suæ habere non potuit, dum præter septem
fratres & vnū seniore[m] carnem suillam mandu-
care detrectantes, nullum Iudæū occidit, & lex
perire non potuit. Sic & parentes vestri tempo-
re suo nec ipsi occisi sunt, & libri legis domini-
cæ toti vbiq[ue] recitantur. Si parentes vestri vt
suprà dixi hæc dicerent, quis illos in suam com-
munionem non intrepide accepisset, vbi, vt di-
ctum est, peccauerat necessitas non voluntas:
Temporibus vnitatis, principes vestri qui pro-
bantur ista fecisse, iam è viuis excesserunt, vo-
bis hæreditariam maculam relinquentes, quam
prius, Deus à vobis prouidentia sua sic diluit,
dum inter patres & filios (sicut supra diximus)
separauit. Igitur quia tradere peccatum est, vi-
deant parentes vestri, quid in iudicio Dei respō-
deāt: vestrū tamē (qui ab aliis tēporib⁹ estis) pec-
catū esse nō potest. Inde est q[uod] vos iā dudū in cō-
munionē nostrā volum⁹ recipere, quia vos illo
tēpore nō peccastis, sed principes vestri. Nā pec-
cator talis quales fuerūt vestri maiores, si ad Ec-
clesiā veniat, & necessitatis suæ rationē ostēdat,
primo recipiēd⁹ est, deinde sustinēdus pio sinu
matris Ecclesiæ. Nec quasi ex toto sanct⁹ debet
quis de altero iudicare: q[uia] scriptum est in euāge-
lio, Christo dicēte: Nolite iudicare, ne iudicetur
de vobis: maximè cū nemo ex toto sanct⁹ poterit
inueniri. Nā si sūt q[ui] possint nō habere peccatū,
mētiuntur in oratione dñica, si sine causā indul-

gentiam postulant, dicentes Deo patri: Dimitte nobis peccata, sicut & nos dimittimus debitoribus nostris: cum Ioannes Apostolus, & omnium conscientias prodat, & suam designet his verbis. Si dixerimus, inquit, quoniam peccatum nō habemus, nos ipsos decipimus, & veritas in nobis non est. Cuius dicti rationē in quarto libro manifestius explanauimus. Sed fac & aliquos esse tota sanctitate perfectos, non licet ut sint sine fratribus, qui ne repellātur, euangelica pręcepta declamantes, scriptura muniūtur. Ager est enim tot^{us} orbis, in quo est ecclesia, & seminator Christus, qui pręcepta dat salutaria. Econtrario, homo est malus, id est diabolus, qui non in luce, sed per tenebras seminat importuna peccata: & in vno agro nascūtur diuersa semina: sicut in ecclesia non est similis sibi turba animarum. Ager suscipit semina bona vel mala. Est diuersitas seminum, sed creator vnus omnium est animarum. Vnus domini ager, vbi nata sunt zizania. Duo sunt auctores seminum: sed ager vnum dominum habet: ipsum Deum dominum. Illius est terra: illi^{us} sunt bona semina: illi^{us} est pluuia. Ideo vos adductos recipere in vnitatem consensimus: quia nobis, non licet vel separare, vel repellere: quamuis peccatores in vno agro nobiscum natos, quia in vna pluuia, hoc est in baptismo nutritos: quomodo non licuit Apostolis de tritico zizania separare: quia separatio sine exterminio fieri non potest: nedum euellitur quod opus nō

est, conculcetur quod opus est. Pariter iussit Christus in agro suo per totum orbem terrarū, in quo est vna ecclesia, & semina sua crescere: & aliena post crementa communia, venturus est iudicij dies, qui messis est animarū, sedebit iudex filius Dei, qui agnoscit quid est suum, & quid alienum. Illius erit eligere quid condant in horreo, & quid tradat incēdio: quos ad interminata tormenta destinet: & quibus promissa præmia repræsentet. Agnoscamus nos omnes homines esse. Nemo sibi vsurpet diuini iudicij potestatem. Nam si sibi totum vindicet quicuius episcopus, dicatur: quid in iudicio acturus est Christus? Satis sit homini, si de peccato suo reus non sit, quàm vt de alieno iudex esse desideret. Professio denique nostra est non solum vos non repellere, sed etiam parentes vestros si eorum temporibus cōtingeret & vnitas fieret, bonū pacis nō repellere. Nefas est enim, vt Episcopi faciamus q̃ Apostoli nō fecerunt, qui permīssi non sunt vel semina separare, vel de tritico zizania euellere. Quod si de recipiēdis vobis catholica dubitaret, nonne vos debuistis vnitatis adsequi formam? Sed exempla in Euāgelio lecta proponere noluitis: vt est lectio de persona beatissimi Petri: ex qua, forma vnitatis retinēdæ vel faciēdæ descripta recitatur. Equidem malum est contra interdictum aliquid facere: sed peius est vnitatem non habere cum possis. Quam vnitatem, ipsum Christum videmus præposuisse vin-

dictæ suæ, qui magis omnes discipulos suos voluit in vno esse, quàm quòd offensus fuerat vindicare: dū nollet se negare, promisit se apud patrem negaturū esse, qui se negaret apud homines, Et tamē nō se promisit puniturū scripturā aliquā q̄ tradidisset. Grauius est enī negare eū qui locutus sit quā tradidisse verba quæ locut⁹ sit. Et cū hæc ita scripta sunt, tamē bono vnitatis B. petr⁹, cui satis erat si post q̄ negauit, solā veniam cōsequeretur. Et præferri Apostolis omnib⁹ meruit, & clauēs regni cœlorū cōmunicādas cæteris, solus accepit. Bono vnitatis, sepeliēda esse peccata hinc intelligi datur, q̄ beatissimus Paul⁹ Apostolus dicat charitatē posse obstruere multitudinē peccatorū: Onera vestra, inquit, inuicē sustinete. Ecce alio loco ait. Charitas inq̄t magnanimis est: charitas benigna est: charitas nō zelatur: charitas nō inflatur: nō quærit quæ sua sunt. Et benè dixit. Hæc enim omnia viderat in Apostolis cæteris, q̄ bono vnitatis, per charitatē noluerunt à cōmunionē Petri recedere, ei⁹ scilicet qui negauerat Christū. Quod si maior esset amor innocentīæ, quàm vtilitas pacis & vnitatis, dicerēt se nō debere cōmunicare, vt suprà dictū est, beatissimo Petro, qui negauerat magistrū, & Dei filiū Dominū. Possēt nō cōmunicare (vt suprà dictū est) beatissimo Petro: possent cōtra illū recitare verba Christi, qui promiserat negaturū se esse apud patrem, eum qui se corā hominibus denegassēt. Ad quam formam debet diligenter at-

tendit de qua dum pauca commemoro, ipsius sancti Petri beatitudo veniam tribuat. Si illud commemorare videor quod factum constat & legitur, dubito dicere peccasse tantam sanctitatem, sed ipse hoc factum probat, qui & doluit amarè, & fleuit vbertim, qui nec doleret nec flet, si nulla interuenisset offensio. Potuit utique caput Apostolorum ita se gubernare, ut nihil incurreret quod doleret: sed ideo in vno titulo eius multa videntur errata, ut possit ostendi bono vnitaris omnia debere Deo seruari. Et nescio an in altero hoc genus peccati, tanti ponderis esse possit, quanto in beato Petro fuisse manifestum est. Quisquis enim fortè in aliqua persecutione negauit filium Dei, in comparatione beati Petri videtur leuius deliquisse si negauit quem non vidit, si negauit quem non agnouit: si negauit cui nihil promisit: si semel negauit. Nam in beato Petro hoc genus peccati dilatatum est: primò quod cum interrogaret Christus omnes què se homines dicerèt, vn⁹ dixit Heliã: alter dixit prophetã. Tunc Christus dixisse legitur: Vos què me dicitis esse? Et ait illi Petrus. Tu es filius Dei viui. Pro qua agnitione laudari ab ecomeruit quod instinctu Dei patris hoc dixerit. Et cæteris nõ agnoscẽtibus filiũ Dei, solus Petrus agnouit. Deinde sub die passionis, cum diceret Christus: ecce teneor & fugietis omnes: tacẽtibus cæteris, solus se promisit non recessurũ: de prẽscientia filius Dei ait: Petre, antequàm gallus canter, ter

me negabis. Additū est aliud ad pondus peccati, promissum scilicet quod non erat impleturus: postea quā in domum Caiphæ sacerdotis ductus est Christus, ad mensuram delicti complendam, de tanto numero nullus alius interrogatur præter beatum Petrum. Interrogatus primò negat: interrogatus iterum negat: tertio dixit se Christū omninò non nosse. Et cātauit gallus: nō vt tēpora cantu suo distingueret, sed vt peccasse se beat⁹ Petrus agnosceret. Denique doluit amare, & fleuit vbertim. Ecce, vt supra dictum est. cæteris non agnoscentibus, solus agnouit: cæteris non promittentibus, solus promisit: ceteris nec semel negantibus, ter solus negauit. Et tamē bono vnitatis, de numero Apostolorum separari non meruit. Vnde intelligitur omnia ordinata esse prouidentia saluatoris, vt ipse acciperet clauēs. Interclusa est malitiæ via, ne Apostoli animo licentiam iudicandi conciperent & seuerè contemnerent eum qui negauerat, Christum. Stant toti innocētes, & peccator accipit clauēs, vt vnitatis negotium formaretur. Prouisum est vt peccator aperiret innocentibus, ne innocentes clauderent contra peccatores: & quæ necessaria est vnitas, esse non posset. hæc si commemoraretis, communicare cupientes, quando vos catholica pio sinu suscipere dubitaret Ecclesia? cū constet vos non Traditores esse, sed filios Traditorū? Nam aliqui ex vobis volentes nos populis suis contēnendos ostendere, & iam illud mis-

cent tractatibus suis quod à Salomone Prophe-
ta dictum est. Muscæ moriturę exterminant olei
suauitatē: & quasi muscas morituras nos appel-
lant: & oleum nomināt, illum scilicet liquorem,
qui ex nomine Christi conditur: quod chrisma
postquam conditum est nominatur. Antequam
fiat, adhuc oleum est: natura simplex fit, & suaue
est, dum de nomine Christi conditur. Ergo tres
res sunt quas Salomon propheta nominauit: o-
leum, suauitatem, & muscas morituras exter-
minantes suauitatem. Istæ tres, loca sua habent in
ordine. Primo loco est oleum: secundo suauitas
de confectiōe: tertio, muscæ morientes exter-
minantes suauitatem. Quisquis est talis tracta-
tor ex vobis, probet quomodo nos muscas mo-
rituras appellat. Si apud vos putatis esse confe-
ctionem quæ det oleo suauitatem: est apud vos
oleum & suauitas. Nunquid nos exterminamus
oleum vestrum, vt meritò nos muscas moritu-
ras appelletis? Quod vestrum est, apud vos est.
Et si à vobis ad nos aliquis transitum fecerit: sic
à nobis seruetur, quomodo à vobis dimittitur:
quomodo dicitis quia nos sumus muscæ mori-
turæ suauitatem olei corrumpentes, cum post
vos nihil tale facimus? Aut si à nobis dicitis sua-
uitatem olei corrumpi posse: aut possumus ali-
quid, & damus oleo suauitatem. Aut si non, vt
vultis, nihil possumus: remansit oleum tale es-
se, quale & natum est. Quomodo dicitis quia
nos sumus muscæ morituræ, corrumpentes sua-

uitatem olei? Igitur oleum antequam à nobis conficiatur, tale est quale natum est: confectum, suauitatem ex nomine Christi accipere potest. Quomodo possumus vno facto & conficere, & corrumpere? Restat ut si oleum de se suauis sit, vacet quod agitur ab hominibus, si ab homine in nomine Christi conficiatur, non potest idem operarius duas res repugnantes & contrarias simul facere. Vobis absentibus si conficimus, non corrumpimus. Si corrumpimus, quis ante nos confecerat quod corrumpereimus? Quare, ne vacet dictio prophetæ (si ita est) intelligite quia vos estis muscæ morituræ. Vos enim exterminastis non quod natum est, sed quod confectum est, suauitas enim legitur non natura posse corrumpi. Oleum enim simplex est, & nomen suum vnum & proprium habet: confectum iam chrisma vocatur, in quo est suauitas, quæ cutem conscientiae mollit, exclusa duritia peccatorum: quæ animum innouat lenem: quæ sedem Spiritui sancto parat, ut inuitatus illic, asperitate fugata, libenter inhabitare dignetur. Hæc est suauitas olei, quam possunt muscæ morituræ corrumpere. Si nos exterminaremus à vobis confectum oleum, merito nos muscas morituras appellare possetis: sed dum quod à vobis vinctum est, tale seruamus, quale suscipimus: muscæ morituræ esse non possumus. Sed dum vos inuidiæ tempestatibus impulsī, quasi in oleum caditis. Vos exterminastis in rebaptizatione suauitatem olei illius quod in nomine Chri-

sti confectum est, vnde condiretur mores: vnde incenderetur lumen mentis, ad salutarem & veram intelligentiam. Vos exterminastis rem vbi oleum fuit & suauitas. Nos quomodo potuimus corrumpere suauitatem, quæ ante nos à nullo confecta est? Seduxistis homines: rebaptizastis: iterum vixistis. Proh dolor! non sine morte vestra, exterminastis quod fuerat de nomine Christi confectum, more muscarum, quæ pereuntes exterminant: quia mors est peccatum, quod non habet indulgentiam. Scriptum est quia qui peccauerit in Spiritum sanctum, non remittetur ei, nec hîc, nec in futuro sæculo. Ergo cum & falso nos muscas appelleris, & omnia quæ à nobis fiunt, dissoluere properetis, & nos contemnendos aut despiciendos esse dicatis, vobis solis sanctitatem vindicantes: innocentiam proponitis vestram, ut promittatis vos aliena posse donare peccata. † Videtis igitur non de nobis, ut disputatis, sed de vobis dixisse beatissimum Paulum Apostolum: erunt inquit, homines seipso amantes, cupidi, gloriantes sibi, superbi, blasphemæ, parentibus non obediens, ingrati, scelesti, pacem non custodiens, sine affectu, detractores, immites, sine benignitate, & cætera. Nam illud, quale est, quod pro arbitrio tuo Moyse vobis imponere voluisti personam: contra quem Iamnem & Mambrem obstiterisse commemorat Apostolus Paulus. Si ita est, quæ apud vos veritas inueniri potest, cui catholica videtur obistere? Aut quod apud nos esse

† vides.

mendacium poteris approbare, in vna cōmuni-
 one esse cum toto orbe terrarum? Nunquid
 poteris approbare mendacium, symbolum verū
 & vnicum retinere & defendere? Nunquid po-
 teris approbare mendacium cathedram Petri &
 claues regni cœlorum à Christo concessas, vbi
 est nostra societas? Nunquid poteris approbare
 mēdacium in ipsa lectione quæ commemorasti
 inter ipsas personas? Considera ordinē rerum:&
 qui fuerit prior attende. Vtique Iānes & Mam-
 bres secundo loco sunt, qui contra Moysen &
 veritatem falsis artibus militare voluerūt:& an-
 tecefferat Moyses, cuius virtutes impugnare
 frustra conati sunt. Vt Moyses prior est, sic ca-
 tholica prior est. Vt Iamnes & Mambres repu-
 gnantes obstiterunt:sic & vos rebelles cōtra ve-
 ram catholicam militatis. Quid est ergo quodd
 nomina & nobis & vobis mutare voluistis, nisi
 vt te sociis tuis comparares equalem? Sunt enim
 aliqui ex vobis qui obliti aut ignari prætérito-
 rum temporum, eos iam dudū qui de catholica
 lapsi Maiorinum ordinauerūt: illi scilicet aucto-
 res schismatis & traditionis. Cū adhuc retinerēt
 pacem antequam exterminarent Deo placitam
 vnitatem, fuerunt lumen mundi, & sal terræ me-
 ritò appellabantur. Dum docerēt pacem, adhuc
 pacifici vocabantur. Antequā inflati essent, bea-
 ti erant. De paupertate spiritus, pars erant con-
 dimenti. Beati erant, dum mites, pars fuerant cō-
 dimenti. Beati dum iusti, pars erant condimenti.

Beati dum pacifici, totū fuerant condimentum. Postea quā erroris diuitias dederūt spiritui & pulmonibus suis, faciētes schisma, immires inuēti sunt: & minus misericordes dum impiē membra Ecclesiæ diuiserunt: & iniustitiam secuti, regnum Dei pro fastidio habuerūt: Et diuidendo Ecclesiam noluerunt esse pacifici, ipsi facti sunt sal infatuatū, ex quo nihil cōdīretur, quod Deo de suauitate placuisset. Et cum hoc malum pertineat ad principes vestros, à quibusdam sociis tuis aliter disputatur, vt dicant insipientes fuisse eos qui agnouerint vel sero veritatem, & ab schismate recedētes, agnita matre catholica secuti sunt pacem. Hos putant aliqui vestrū ertasse: hos existimant quasi infatuatos à sapientia recessisse. Vnde apparet vos omnes eodem modo errare in nominibus transferendis: dum & tu Iamnem & Mambrem pacificis catholicis comparasti. Et vos schismaticos Moyse quod à veritate alienum est: & aliqui socij tui insipientes, de sapientibus iudicare voluerunt, vt dicant fatuos factos esse pacificos: & parentes suos de dissensione infatuatos esse, intelligere noluerunt.

A N N O T A T I O N E S

I N P R I M V M L I B R V M

Optati Mileuitani,

Ex Fr. Balduini I. c. Commentariis
rerum Ecclesiasticarum.

V*T* Donatum Carthaginensem Antistitem Donatistarum multa scripsisse ad suam haresin pertinentia testatur Hieronymus in catal. & eodem tempore Vitellium Afrum eius factionis acerrimum defensorem fuisse scribit Gennadius: sic & Parmenianus, qui illi Donato successit, suam sectam multis libellis armauit. Interea tamen nescio quomodo Catholici in Africa propè muti erant: certè libellos suos non opponebant. Sed tandem in Numidia Optatus Episcopus Mileuitanus cepit respondere. Ac quidem existimaui aliquando hosce Optati contra Parmenianum libros scriptos fuisse, contra eam Parmeniani ad Tyronium Epistolam, aduersus quam & Augustinus deinde libros tres scripsit. Sed ubi propius singula contuli, facile animaduerti aliud quoddam Parmenianici scripti genus fuisse, quod refellit Optatus, & Tractatum appellat. Fuit tamen semper eadem disputatio. Nam & Donatistis hoc proprium fuit, ut eadem sepius cantilenam canerent, sicuti & Augustinus scribit eos eadem per eadem sepe dixisse,

repetisse, inculcasse. Porro cum *Veterum*, praesertim *Afrorum*, libri latine scripti, multis librariorum mendis contaminati sint, vix ullum puto unquam fuisse magis deprauatum, quam hunc *Optati libellum*. Nam & ipsi *Donatistae* statim atque editus fuit, eum corruerunt, & ut erant impudentes, discerptum inquinarent: & barbara librariorum posteritas multis maculis propè oppressit. Itaque & multis seculis tanquam in sepulchro delituit, & cum in lucem eum protulit *Cochlei editio Germanica*, plura menda fuerunt quam versus. Ego in priori editione *Parisiensi* operam dedi adiutus collatione exemplaris manuscripti, quod mihi communicauerat *Essensaus Theologus*, ut sexcentos saltem locos emendarem. Nunc non multò pauciores emendabit altera haec editio, duobus manuscriptis siue chirographis exemplaribus subnixa: quorum alterum *Io. Tilio Episcopo Meldensi*, alterum *Macereo Theologo Parisiensi* debemus. Multum tamen abest, ut dicam *Optatum* nunc tandem in integrum planè esse restitutum. Imò feci, ut lacunarum notae indicarent, aliquot locos superesse etiamnum mutilos. Illud porro semel praedicendum est, usum esse *Optatum* scripturae sacrae translatione non omnino castigata: saltem longè alia, quam fuerit illa, qua vel *Tertullianus*, vel *Cyprianus*, vel *Arnobius*, vel *Augustinus* in eadem *Africa* usi sint. Sed profiteor me eius correctionem minimè suscepisse, qui si possim pleròq; *Optati* locos à librario iam olim corruptos emendare, officio meo functum nunc esse me putabo. Neque tamen nunc ambitiosè annotabo & indicabo quid in eo genere praestiterim.

præstiterim. Nam & putida est talium λεπτολογη-
μαίων ostentatio : neque iuuat (ut dicitur) in mu-
staceo laureolam quærere. Ecce, paulò post principium
libri primi, ubi primùm legebatur in Germanica edi-
tione cùm nequitosè, & deinde in Parisiensi, cùm
venenosè, nunc ex meliori exemplari emendaui &
restitui ne ventosè: & post mediũ eius libri ubi an-
teà legebatur in talibus pasti fuerant cibis, nunc
ex eodem exemplari emendaui vitalibus pasti fue-
rant cibis. & paulò post ubi legebatur, vos ipsos
cum iis vnã sententiam ferre, restitui, vnã sen-
tentia ferire : & paulò ante finem libri primi, ubi
anteà legebatur reuelata, ex eodem exemplari resti-
tui renouata. Sexcètæ sunt huius generis, & quidem
in sequëtibus libris plures emendationes, in quib⁹ magis
integrũ erat manuscriptum exemplar, quo vsus sum.

Quod ad rem ipsam attinet, de qua mallem aliquid
annotare, Principio Optatus ostendit cur aduersa-
rios suos Donatistas appellet Fratres : tametsi hi à
Catholicis sic appellari nollent, atque etiamnum in
Carthaginensi collatione recusabant, ut testatur Au-
gustinus lib. 3. contra Gaudentium. Idem lib. 3. contra
Parmen. cap. 2. confirmat, quod Optatus hoc loco di-
cit. Ego addo, Dauidem 1. Sam. 30. etiam Fratres vo-
casse, filios Belial, hominésque improbos, qui tamen
erant Iudæi. Quem autem locum Iesaiã Propheta,
Optatus hic allegat, Augustinus idem agens eundem
locum pluribus verbis urget, & simul, sicuti solet, to-
tum hunc locum Optati amplificat in Psalm. 32. Cur
autem Christiani sese inuicem Fratres appellarent,

Tertullianus in apolog. indicat. Sed & ipsa Ecclesia, olim dicebatur Fraternitas, ut ex Tertulliano, Cypriano, Ambrosio, Hieronymo didicimus.

Secundo loco Optatus significat Donatistas refugisse omnem cum Catholicis collationem. Eadem fuit illorum superbia $\chi\gamma\alpha'$ $\alpha\omega\theta\acute{\alpha}\delta\epsilon\alpha$, multis post annis. Augustinus in epist. clxvi. ad Donatistas, Vestri (inquit) Episcopi conuenti à nobis nunquam nobiscum pacifice conferre voluerunt, quasi fugientes cum peccatoribus colloqui. Itaque ut tale supercilium deiciat, in epist. lxxviij. obijcit non modo Paulum cum Epicuræis contulisse, sed & Christum cum ipso diabolo de lege collocutum esse. Factum est tandem aliquot annis post Optati mortem, ut edicto mandatoque Honorij Imp. Donatista etiam inuiti pertracti sint ad Carthaginensem cum Catholicis collationem, cuius historiam alibi exposui.

At Optatus contra leges fuisse, quod Donatista iterabant baptismum. Videtur significare legem sui quoque Valentiniiani Imp. latam eo tempore, quo hic liber scribebatur. Adderem & alteram ipsius Valentis & Gratiani, quæ septem post superiorem annis edita est: & quidem utraque scripta est ad Africanos magistratus, sicuti utraque extat lib. xvj. Cod. Theod. tit. vj. In unam autem conflata est à Triboniano, cum est cōiecta in Iustiniani codicem. Sed vereor ne illa posterior lata sit post hosce libros ab Optato scriptos. Ea tamen significat Constantinum eadem de re olim legem tulisse, quam Optatus legere multo magis potuerit. Sanè Augustinus in suis de Baptis-

mo libris, non leges Imperatorum (quia Donatistæ iis se aut Christianos in causa religionis non teneri clamitabant) sed canonem Niceni Concilij objicit. Nam & si Nicenum non nominet, tamen de eo loqui, se satis indicat, ut & alibi dixi in historia Carthag. Collat. Sed multa quæ in eo commentario dixi, cogor rursus delibare. Illud singulare est & nondum annotatum quod Augustinus epist. 166. cuiusdam legis (Constantini esse existimo) verba, quæ alibi non legi, recitat, digna quæ hîc recitentur.

Attendite (inquit Augustinus ad Donatistas) quàm manifestissima veritate per cor Regis, quod in manu Dei est, ipse Deus dixerit, in ista ipsa lege, quam contra vos prolata dicitis. Est autem, si intelligatis, prolata pro vobis. Attendite quid habeant verba principis: Nam si in eis qui primò initiati sunt, idcirco religio baptismatis iudicatur infirma, quòd ij, à quibus accipitur, peccatores putentur: toties renouari necesse erit traditum sacramentum, quoties indignus fuerit inuentus collati baptismatis administrator, & fides nostra, non ex nostræ voluntatis arbitrio, neque ex diuini muneris gratia, sed ex meritis sacerdotum, & clericorum qualitate pendeat. Faciant mille Concilia Episcopi vestri: huic vni sententiæ respondeant, &c. Hæc Augustinus. Illud porro semel annotandum est, Optatum paulò post in disputatione de unico baptismo magis tueri schismaticorum quàm hæreticorum baptismum, & tali distinctione adhibita videri me;

diam quandam sententiam nouam & insolentem sequi inter eam, quam Cyprianus olim secutus est, & eam quam Augustinus deinde asseruit. Postea tamen Optatus veluti oblitus sua illius noua distinctionis, generaliter disputat de unico baptismo, ut Augustinus. Mirum verò quod Optatus non meminerit Niceni decreti ea in re, neque adhibeat saltem eam distinctionem, quam Nicenos Patres adhibuisse, ex Augustino colligere alibi licet. Sed harum annotationum angustia non capiunt longiorem eius rei explicationem. Redeo ad id quod Optatus ait.

Nam fermè ante annos lx. & quod excurrit, Primum annotabo hac locutione & quod excurrit, Optatum ter usum esse. Sed & Augustinus, qui Optatum diligenter legerat, eadem usus est, cum illud ipsum tempus, de quo hîc agitur, indicaret, lib. 7. De baptis. cap. 7. Nostri quoque Iuriscōsulti ea utuntur, ut Paulus, Decem (inquit) & quod excurrit, & ceter. L. 26. §. ult. Depos. Vulgò dicere solent plus minus. Hieronymus, eo amplius. ut contra Lucifer. loquens de Nicenis Patribus, Trecenti (inquit) & eo amplius, Episcopi. Idem in Epitaph. Nepotia. Viginti (inquit) & eo amplius, anni sunt. Quod autem attinet ad tempus de quo hîc agit Optatus, ipse similiter Augustinus lib. 7. de baptis. Post Cypriani (inquit) mortem quadraginta, & quod excurrit, annis peractis Traditio codicum facta est: vnde ceperunt appellari Traditores. Sanè Hieronymus in catal. scribit Cyprianum passum & mortuum esse, sub Valeriano & Galliëno Imp. persecutione octa-

ua. In Eusebij autem Chronico annus illius passionis simplicius & apertius indicatur, diciturque fuisse Christi ducentessimus & sexagesimus: Unde videretur Augustinus significare Traditionem codicum factam esse circa annum Christi trecentessimum. Sic & Augustinus in Breuic. id significat, cum narrat, id, de quo hic queritur, factum esse Diocletiano ix. & Maximiano viij. Coss. lib. 3. contra Crescon. cap. 7. habet, Dioclet. viij. & Maximiano vij. Coss. sed non multum interest. Eusebius lib. viij. histor. Eccles. eius persecutionis principium reijcit in decimum nonum annum imperij Diocletiani, qui fuit octauus Consulatus Diocletiani. Sequens autem annus, cum Diocletianus cū ix. Cos. esset, fuit postremus annus imperij ipsius. Eo enim anno xi. Cal. Maij (quo die olim Diocletianus primum factus fuerat Imperator) ultro abdicauit, cum esset Nicomedia. Fuit autem annus Christi trecentessimus quartus. Cum autem Optatus numeret annum sexagesimum ab eo tempore, iam satis intelligi potest, quo anno Optatus hac scripserit. Sed cum addat, & quod excurrit, & Damasi sui socij postea meminerit, facile patior ut trecentesimo septuagesimo anno dicantur hi libri scripti ab Optato: quo anno cepit Damasus praesse Ecclesia Romana, paulo postq̃ Valentinianus & Valens imperare ceperunt: quibus imperantibus hos ab Optato libros scriptos esse, testis est etiam Hieronymus in Catal. Itaque necesse est, ut dicamus suspicor, libro sequenti, in Catalogo Romanorum Episcoporum expungendum esse nomen Siricij. Hic enim Damaso primum successit anno Christi tre-

centesimo octogesimo sexto.

Nunc paulo diligentius videamus, quid sit, quod Optatus hic ait de tempestate persecutionis sui temporis. Eam rursum describit libro tertio: ubi ait fuisse sub Diocletiano & Maximiano, ante annos lx. & quod excurrit, datos esse impios iudices, qui bellum Christiano nomini inferrent, & Christianos sacrificare cogerent, Christumque negare, templa Dei viui subvertere, leges diuinas incendere. Nunc illud urget, quod instrumenta (ut ait) diuinae legis quidam Episcopi impie tradiderint. Eusebius libro octauo latius describit persecutionis illius tempestatem. De Africa autem tantum ait, innumerabilem tunc in ea fuisse martyrum multitudinem. Sed & Thermas Maximiani in vrbe Carthaginensi illo tempore extructas fuisse ait, ut Diocletiani Roma. His autem attollendis subseruisse multa millia Christianorum veluti ad metalla damnatarum, accepimus. Illud nouum & insolens fuit in edicto Diocletiani aduersus Christianos, quod sacrosanctis eorum libris bellum indictum sit, ut abolerentur undique conquisiti. Arnobius, qui eo tempore vivebat in Africa, lib. 4. contra Gentes, Nostra (inquit) scripta cur ignibus meruerunt dari? Sed impij Leguleij tunc obijciebant, quod Vulpianus ait libros improbate lectionis abolendos esse, l. 4. Famil. ercisc. libros autem Christianorum esse scilicet improbate lectionis. Sanè ipsa etiam Maccabæorum historia testis est, tyrannum illum Antiochum Epiphanen, qui Iudæos exterminare conatus est, Mosais quoque libris bellum indixisse. Tale exemplum Diocletianus in

suo edicto secutus esse videtur: Vt & exemplum Diocletiani secutus videtur tyrannus ille Vandalus & Arrianus, qui in Africa aliquot annis post mortem Augustini, insit flammis etiam aboleri libros Catholicorum, ut narrat Victor Viicensis. Edictum Diocletiani non recitat Eusebius, sed narrat quemdam ex aulicis proceribus, qui Christianus erat, cum Nicomedia ubi Diocletianus agebat, videret impium edictum palam propositum & proscriptum, ausum esse palam id discerpere, nec recusasse quas propter tale factum pœnas impendere sciebat. De iure ciuili, cum tam multa antea rescripta Diocletianus edidisset, aliquid rescripsisse vel respondisse quo anno totus erat in edictis contra Christianos postremo edendis, non legi: præterquam quod mihi nunc venit in mentem, subtilem illam L. si certis annis C. de pact. datā esse Diocletiano viij. & Maximiano vij. Coss. Illud postremo iuuat annotare, Donatistas, qui iactabant tantopere sese odisse Traditores librorum sacrosanctorum, tamen cum basilicas Catholicorum incenderent, in eas ipsas flammās aliquando coniecisse ipsos quoque Dominicos codices. Testis est Augustinus i. epistola quinquagesima.

Porro quod attinet ad totam historiam, quam Optatus hic delibat, ut Augustinus lib. i. contra Parmen. cap. 3. eam commendat, & quod queritur de origine schismatis Donati, ab Optato repetendum esse monet, sic cum passim etiam ipse illustret, quod scribit Optatus, ab Augustino repetenda est explicatio. Nam & quod imprimis hoc loco Optatus narrat de primis Traditoribus & homicida Purpurio, narrat etiam Au-

gustinus lib. 3. contra Crescon. cap. 27. & in lib. cōtra Fulgent. Donat. Quod dicit Menalum thurificasse, verbum est iis temporibus vsitatum quo dicebatur aliquis thus incendiſſe idolis & sacrificasse: Vnde & sacrificatos vocabant, ut est apud Cyprianum.

Quod sequitur apud Optatum de Concilio Cirtensi, & Actis scriptis sue cuiusdam Nundinarij, qua Optatus ad finem horum librorum se adiecisse ait: dole-rem intercidisse, nisi si repeti illa posse scirem ex Augustini libro tertio contra Cresconium, & epist. 162. & 165. & lib. de Vnit. cap. 20. & Breuic. Collat. ad finem. Obiter etiam admoneo, quod hic Optatus ait dictum esse à secundo Tigisitano, Sedete omnes, videri fuisse quandam veluti formulam & tacitam significationē signūque absolutionis: ut sicuti reorum esse dicitur, stare: sic sessio qua iudicum esse solet, intelligatur etiam esse absolutorum, qui rei esse deserūt.

Quod narrat Optatus de Lucilla femina non minus factiosa quàm pecuniosa, exponitur quoque ab Augustino in epist. 162. & lib. 3. contra Crescon. cap. 28. Hispanamque fuisse adjcit in libr. de Vnit. cap. 3. & lib. 2. contra Petil. cap. ult. Denique valde famosam fuisse oportet, cum & Hieronymus ad Ctesiph. narrans multas mulieres fuisse hereſeon veluti nutrices, Donatus (inquit) per Africam, Lucillę opibus adiutus est. Omitto, quòd aliam planè similem fuisse auctorem cuiusdam inter Donatistas schismatis testatur Augustinus in epist. 162.

Illud rarius & obscurius est, quod Optatus hic significat Lucillam illam in Ecclesia reprehensam fuisse

se, quod ante sacram communionem os cuiusdam mortui osculata esset. Quid hoc sibi vellet, vix diuinare possum: sed venit in mentem quod Balsamo interpret Concilij Carthagin. cap. 61. scribit, Donatum auctorem ducemque Donatistarum docuisse, aliquem diuinorum mysteriorum participem esse non posse, nisi os in manu tenens, id prius saluter.

Quod Optatus narrat de Felice Diacono qui propter famosam de tyrāno Imp. scriptam epistolā accusatus sit, posset reuocari ad leges de famosis libellis. Sed quia alio in loco fusius eas exposui, nunc non repetam. Tyrannum autem Imp. hic intelligi Maxentium non dubito, quem tamen paulò post Optatus significat aliquando fuisse prope indulgentem. Constantinum, qui eum pessumdedit, seuerum vindicem famosorum libellorum, ipsius leges testantur. Et quidem statim post sublatum Maxentium, cum ab Africa recepisset libellum accusatorium contra Cacilianum (que famosa potius quadam calumnia erat) libellos famosos qui subscripti non essent, reijciendos esse edixit, & in Africam ea de re leges misit ad Verinū & Elianum: quos paulò post audiemus laudari in causa Donatistarum. Eaque etiam leges dicuntur nominatim in vrbe Carthaginensi proposita. L. 1. & 2. C. Th. De fam. lib.

Possē & hoc loco leges de Receptatoribus allegare, ubi Optatus narrat, quid Mensurio tāquam receptatori tyrannus denunciari. Sed illud modo adijciam, quod Hieronymus in Chronico suo annotat, Presbyterum Sirmij iniquissimè occisum fuisse, quod Octauia-

num Proconsulem apud se latitantem prodere nolisset, anno Christi trecentesimo septuagesimo sexto, hoc est, tempore nostri Optati.

Præterea multa, quæ in hoc Optati libro occurrunt vestigia antiquitatis Ecclesiastica: veluti quod in eo scriptum deinde est, Ecclesiarum in Africa, tempore Maxentij, fuisse quamplurima (ut vocat) ornamenta ex auro & argento: sicuti & lib. 3. laudat Imp. Constantem, qui cum in Africam mitteret eleemosynas pauperibus, simul miserit domibus Dei (ut loquitur) ornamenta. Intelligit autem vasa & vestimenta & eiusmodi donaria, quæ ad ministerium Dei consecrabantur, ut ait noster Iustinianus. S. sacra. De rer. diuis. & l. sancimus. C. de sacros. Eccles. Sic & Theodoretus lib. 3. cap. 12. narrat Imp. Constantium Ecclesie Antiochena donasse plurima huius generis, tam preciosa, ut paulò post impius & sacrilegus quæstor Iuliani, cum illa raperet, quæ in fiscum redigeret, irridens & insultans exclamarit, En quibus vasis ministratur filio Mariæ. Sed mirum magis est, quod Optatus significat talia etiam fuisse in Africanis Ecclesiis, quo tempore alioqui Ecclesia sub impiis tyrannis afflicta iacebat. Sic & Augustinus lib. 3. contra Crescon. cap. 29. indicat, tempore Diocletiani, & persecutionis ab eo excitata, Cirtensem Ecclesiam Donatistarum habuisse calices duos aureos & sex argenteos, & lucernam argenteam. Illud nunc addo: Cum Imp. Leo lege lata prohibuisset ne quis priuatus ex auro & argento conficeret regia ornamenta. L. I. C. nulli lic. in fren. postea alter Imp. Leo Non. lxxxj.

sic illam legem interpretatus est, ut priuatis interd-
ctum non esse confectione aureorum vasorum sacrorū,
omnes intelligerent. Ne quis autem existimet, ambitio-
sa modo superstitionis fuisse, quod talia fuerint in Ec-
clesiæ thesauris, sciat ubi necessitas & pia causa pau-
perum alendorum postulabat, facile distracta fuisse.
Id Ambrosius prolixè ostendit lib. 2. Offic. cap. 28. &
quod in Ecclesiastica historia narratur de Cyrillo Hie-
rosolymitano & Acacio Episcopo. Imò lex ipsius Iu-
stiniani. d. L. sancimus. Non tam ut Grammaticis,
quàm ut Iuris studiosis gratificer, obiter hìc etiam an-
notabo, ab Optato vocari Commemorative, quem
paulò post Breuem vocat. Verbum Iurus est. significatq;
libellum, syngrapham, aut chirographum, eoque etiā
usus est Constantinus in epistola ad Cacilianum,
apud Euseb. lib. 4. de vita Constant. Sic & in qua-
dam (quæ Optati tempore edita est) cōstitutione Imp.
Valentis legimus inter chartulas cuiusdam confiscati
breuem quendam inuentum esse. L. ult. C. de iure fisci.
adde L. 1. C. de apoch. publ. & L. 13. C. Th. de indulg.
debitor.

Redeo ad historiam, neque negligo quod hìc ait O-
ptatus, Indulgentiam mittēre Maxentio, Chri-
stianis libertas est restituta. Sic Eusebius libr. 8.
cap. 14. scribit Maxentium, initio sui in Italia &
Africa imperij siue tyrannidis simulasse religiosum
nescio quem fauorem erga Christianos, & eorum per-
secutionem inhiberi edicto iussisse. Sed miror Eusebiū
ipsum non satis obseruasse, aliquot pòst annis accidisse,
quod dicitur de Imp. Galerio, qui Constantino collega

repetijſſe, inculcaſſe. Porro cum Veterum, præſertim Afrorum, libri latinè ſcripti, multis librariorū mendis contaminati ſint, vix ullum puto unquam fuiſſe magis deprauatum, quàm hūc Optati libellum. Nam & ipſi Denatiſta ſtatim atque editus fuit, cum corruperunt, & ut erant impudentes, diſcerptum inquirunt: & barbara librariorū poſteritas multis maculis propè oppreſſit. Itaque & multis ſeculis tanquam in ſepulchro delituit, & cum in lucem cum protulit Cochlei editio Germanica, plura menda fuerunt quàm verſus. Ego in priori editione Pariſienſi operam dedi adiutus collatione exemplaris manuſcripti, quod mihi communicauerat Eſpenſaus Theologus, ut ſexcentos ſaltem locos emendarem. Nunc non multò pauciores emendabit altera hæc editio, duobus manuſcriptis ſiue chirographis exemplaribus ſubnixa: quorum alterum Io. Tilio Epifcopo Meldenſi, alterum Macereo Theologo Pariſienſi debemus. Multum tamen abeſt, ut dicam Optatum nunc tandem in integrum planè eſſe reſtitutum. Inioſeci, ut lacunarum notæ indicarent, aliquot locos ſuper-eſſe etiamnum mutilos. Illud porro ſemel prædicendum eſt, uſum eſſe Optatum ſcripturæ ſacræ translatione non omninò caſtigata: ſaltem longè alia, quàm fuerit illa, qua vel Tertullianus, vel Cyprianus, vel Arnobius, vel Auguſtinus in eadem Africa uſi ſint. Sed profiteor me eius correctionem minimè ſuſcepiffe, qui ſi poſſim pleròſq; Optati locos à librario iam olim corruptos emendare, officio meo ſunctorum nunc eſſe me putabo. Neque tamen nunc ambitioſè annotabo & indicabo quid in eo genere præſtiterim.

præstiterim. Nam & putida est talium λεπτολογη-
μαίων ostentatio : neque iuuat (ut dicitur) in mu-
staceo laureolam querere. Ecce, paulò post principium
libri primi, ubi primùm legebatur in Germanica edi-
tione cùm nequitiosè, & deinde in Parisiensi, cùm
venenosè, nunc ex meliori exemplari emendaui &
restitui ne ventosè: & post mediũ eius libri ubi an-
tea legebatur in talibus pasti fuerant cibis, nunc
ex eodem exemplari emendaui vitalibus pasti fue-
rant cibis. & paulò post ubi legebatur, vos ipsos
cum iis vnam sententiam ferre, restitui, vna sen-
tentia ferire : & paulò ante finem libri primi, ubi
antea legebatur reuelata, ex eodem exemplari resti-
tui renouata. Sexcẽta sunt huius generis, & quidem
in sequẽtibus libris plures emendationes, in quib⁹ magis
integrum erat manuscriptum exemplar, quo usus sum.

Quod ad rem ipsam attinet, de qua mallet aliquid
annotare, Principio Optatus ostendit cur aduersa-
rios suos Donatistas appelleret Fratres : tametsi hi à
Catholicis sic appellari nollent, atque etiamnum in
Carthaginensi collatione recusabant, ut testatur Au-
gustinus lib. 3. contra Gaudentium. Idem lib. 3. contra
Parmen. cap. 2. confirmat, quod Optatus hoc loco di-
cit. Ego addo, Dauidem 1. Sam. 30. etiam Fratres vo-
casse, filios Belial, hominẽsque improbos, qui tamen
erant Iudæi. Quem autem locum Iesaiã Propheta,
Optatus hic allegat, Augustinus idem agens eundem
locum pluribus verbis urget, & simul, sicuti solet, to-
tum hunc locum Optati amplificat in Psalm. 32. Cur
autem Christiani sese inuicem Fratres appellarent,

Tertullianus in apolog. indicat. Sed & ipsa Ecclesia, olim dicebatur Fraternitas, ut ex Tertulliano, Cypriano, Ambrosio, Hieronymo didicimus.

Secundo loco *Optatus* significat *Donatistas* refugisse omnem cum Catholicis collationem. Eadem fuit illorum superbia $\chi\gamma\alpha'$ $\alpha\upsilon\theta\acute{\alpha}\delta\epsilon\alpha$, multis post annis. *Augustinus in epist. clxvi. ad Donatistas, Vestri* (inquit) *Episcopi conuenti à nobis nunquam nobiscum pacificè conferre voluerunt, quasi fugientes cum peccatoribus colloqui. Itaque ut tale supercilium deiciat, in epist. lxxvij. obijcit non modo Paulum cum Epicuræis contulisse, sed & Christum cum ipso diabolo de lege collocutum esse. Factum est tandem aliquot annis post Optati mortem, ut edicto mandatoque Honorij Imp. Donatista etiam inuiti pertracti sint ad Carthaginensem cum Catholicis collationem, cuius historiam alibi exposui.*

At Optatus contra leges fuisse, quod Donatista iterabant baptismum. Videtur significare legem sui quoque Valentiniiani Imp. latam eo tempore, quo hic liber scribebatur. Adderem & alteram ipsius Valentis & Gratiani, quæ septem post superiorem annis edita est: & quidem utraque scripta est ad Africanos magistratus, sicuti utraque extat libr. xvj. Cod. Theod. tit. vj. In vnâ autem conflata est à Triboniano, cum est cōiecta in Iustiniani codicem. Sed vereor ne illa posterior lata sit post hosce libros ab Optato scriptos. Ea tamen significat Constantinum eadem de re olim legem tulisse, quam Optatus legere multo magis potuerit. Sanè Augustinus in suis de Baptis-

mo libris, non leges Imperatorum (quia Donatistæ iis se aut Christianos in causa religionis non teneri clamatibant) sed canonem Niceni Concilij objicit. Nam & si Nicenum non nominet, tamen de eo loqui, se satis indicat, ut & alibi dixi in historia Carthag. Collat. Sed multa quæ in eo commentario dixi, cogor rursus delibare. Illud singulare est & nondum annotatum quod Augustinus epist. 166. cuiusdam legis (Constantini esse existimo) verba, quæ alibi non legi, recitat, digna quæ hîc recitentur.

Attendite (inquit Augustinus ad Donatistas) quàm manifestissima veritate per cor Regis, quod in manu Dei est, ipse Deus dixerit, in ista ipsa lege, quam contra vos prolata dicitis. Est autem, si intelligatis, prolata pro vobis. Attendite quid habeant verba principis: Nam si in eis qui primò initiati sunt, idcirco religio baptismatis iudicatur infirma, quòd ij, à quibus accipitur, peccatores putentur: toties renouari necesse erit traditum sacramentum, quoties indignus fuerit inuentus collati baptismatis administrator, & fides nostra, non ex nostræ voluntatis arbitrio, neque ex diuini muneris gratia, sed ex meritis sacerdotum, & clericorum qualitate pendebit. Faciant mille Concilia Episcopi vestri: huic vni sententiæ respondeant, &c. Hæc Augustinus. Illud porro semel annotandum est, Optatum paulò post in disputatione de unico baptismo magis tueri schismaticorum quàm hereticorum baptismum, & tali distinctione adhibita videri me;

diam quandam sententiam nouam & insolentem sequi inter eam, quam Cyprianus olim secutus est, & eam quam Augustinus deinde asseruit. Postea tamen Optatus veluti oblitus suæ illius nouæ distinctionis, generaliter disputat de unico baptismo, ut Augustinus. Mirum verò quod Optatus non meminerit Niceni decreti ea in re, neque adhibeat saltem eam distinctionem, quam Nicenos Patres adhibuisse, ex Augustino colligere alibi licet. Sed harum annotationum angustia non capiunt longiorem eius rei explicationem. Redeo ad id quod Optatus ait.

Nam fermè ante annos lx. & quod excurrit, Primum annotabo hac locutione & quod excurrit, Optatum ter usum esse. Sed & Augustinus, qui Optatum diligenter legerat, eadem usus est, cum illud ipsum tempus, de quo hîc agitur, indicaret, lib. 7. De baptis. cap. 7. Nostri quoque Iuriscôulti ea utuntur, ut Paulus, Decem (inquit) & quod excurrit, & cet. L. 26. §. ult. Depos. Vulgò dicere solent plus minus. Hieronymus, eo amplius. ut contra Lucifer. loquens de Nicenis Patribus, Trecenti (inquit) & eo amplius, Episcopi. Idem in Epitaph. Nepotia. Viginti (inquit) & eo amplius, anni sunt. Quod autem attinet ad tempus de quo hîc agit Optatus, ipse similiter Augustinus lib. 7. de baptis. Post Cypriani (inquit) mortem quadraginta, & quod excurrit, annis peractis Traditio codicum facta est: vnde ceperunt appellari Traditores. Sanè Hieronymus in catal. scribit Cyprianum passum & mortuum esse, sub Valeriano & Gallieno Imp. persecutione octa-

ua. In Eusebij autem Chronico annus illius passionis simplicius & apertius indicatur, diciturque fuisse Christi ducentessimus & sexagesimus: Unde videretur Augustinus significare Traditionem codicum factam esse circa annum Christi trecentessimum. Sic & Augustinus in Breuic. id significat, cum narrat, id, de quo hic queritur, factum esse Diocletiano ix. & Maximiano viij. Coss lib. 3. contra Crescon. cap. 7. habet, Dioclet. viij. & Maximiano vij. Coss. Sed non multum interest. Eusebius lib. viij. histor. Eccles. eius persecutionis principium rejcit in decimum nonum annum imperij Diocletiani, qui fuit octauus Consulatus Diocletiani. Sequens autem annus, cum Diocletianus cum ix. Cos. esset, fuit postremus annus imperij ipsius. Eo enim anno xi. Cal. Maij (quo die olim Diocletianus primum factus fuerat Imperator) ultro abdicauit, cum esset Nicomedia. Fuit autem annus Christi trecentessimus quartus. Cum autem Optatus numeret annum sexagesimum ab eo tempore, iam satis intelligi potest, quo anno Optatus hæc scripserit. Sed cum addat, & quod excurret, & Damasi sui socij postea meminerit, facile patior ut trecentesimo septuagesimo anno dicantur hi libri scripti ab Optato: quo anno cepit Damasus præesse Ecclesie Romanae, paulo postq̃ Valentinianus & Valens imperare ceperunt: quibus imperantibus hos ab Optato libros scriptos esse, testis est etiam Hieronymus in Catal. Itaque necesse est, ut dicamus suspicor, libro sequenti, in Catalogo Romanorum Episcoporum expungendum esse nomen Siricij. Hic enim Damaso primum successit anno Christi tre-

centesimo octogesimo sexto.

Nunc paulò diligentius videamus, quid sit, quod Optatus hic ait de tempestate persecutionis sui temporis. Eam rursus describit libro tertio: ubi ait fuisse sub Diocletiano & Maximiano, ante annos lx & quod excurrit, datos esse impios iudices, qui bellum Christiano nomini inferrent, & Christianos sacrificare cogerent, Christumque negare, templa Dei viui subvertere, leges diuinas incendere. Nunc illud urget, quod instrumenta (ut ait) diuinæ legis quidam Episcopi impiè tradiderint. Eusebius libro octauo latius describit persecutionis illius tempestatem. De Africa autem tantum ait, innumerabilem tunc in ea fuisse martyrum multitudinem. Sed & Thermas Maximiani in vrbe Carthaginēsi illo tempore extructas fuisse ait, ut Diocletiani Romæ. His autem attollendis subseruisse multa millia Christianorum veluti ad metalla damnatorum, accepimus. Illud nouum & insolens fuit in edicto Diocletiani aduersus Christianos, quod sacrosanctis eorum libris bellum indictum sit, ut abolerentur undique conquisiti. Arnobius, qui eo tempore vivebat in Africa, lib. 4. contra Gentes, Noltra (inquit) scripta cur ignibus meruerunt dari? Sed impij Leguleij tunc obijciebant, quod Vulpianus ait libros improbatæ lectionis abolendos esse, l. 4. Famil. ercisc. libros autem Christianorum esse scilicet improbatæ lectionis. Sanè ipsa etiam Maccabæorum historia testis est, tyrannum illum Antiochum Epiphanen, qui Iudæos exterminare conatus est, Mosais quoque libris bellum indixisse. Tale exemplum Diocletianus in

suo edicto secutus esse videtur: Vt & exemplum Diocletiani secutus videtur tyrannus ille Vandalus & Arrianus, qui in Africa aliquot annis post mortem Augustini, insit flammis etiam aboleri libros Catholicorum, ut narrat Victor Viicensis. Edictum Diocletiani non recitat Eusebius, sed narrat quemdam ex aulicis proceribus, qui Christianus erat, cum Nicomedia ubi Diocletianus agebat, videret impium edictum palam propositum & proscriptum, ausum esse palam id discerpere, nec recusasse quas propter tale factum pœnas impendere sciebat. De iure civili, cum tam multa antea rescripta Diocletianus edidisset, aliquid rescripsisse vel respondisse quo anno totus erat in edictis contra Christianos postremo edendis, non legi: præterquam quod mihi nunc venit in mentem, subtilem illam L. si certis annis C. de pact. datā esse Diocletiano viij. & Maximiano vij. Coss. Illud postremo iuuat annotare, Donatistas, qui iactabant tantopere sese odisse Traditores librorum sacrosanctorum, tamen cum basilicas Catholicorum incenderent, in eas ipsas flammās aliquando conieciisse ipsos quoque Dominicos codices. Testis est Augustinus i. epistola quinquagesima.

Porro quod attinet ad totam historiam, quam Optatus hic delibat, ut Augustinus lib. i. contra Parmen. cap. 3. eam commendat, & quod queritur de origine schismatis Donati, ab Optato repetendum esse monet, sic cum passim etiam ipse illustret, quod scribit Optatus, ab Augustino repetenda est explicatio. Nam & quod imprimis hoc loco Optatus narrat de primis Traditoribus & homicida Purpurio, narrat etiam Au-

gustinus lib. 3. contra Crescon. cap. 27. & in lib. cōtra Fulgent. Donat. Quod dicit Menalum thurificasse, verbum est iis temporibus vsitatum quo dicebatur aliquis thurs incendisse idolis & sacrificasse: Vnde & sacrificatos vocabant, ut est apud Cyprianum.

Quod sequitur apud Optatum de Concilio Cirtensi, & Actis scriptisue cuiusdam Nundinarij, quæ Optatus ad finem horum librorum se adiecisse ait: dole-rem intercidisse, nisi si repeti illa posse scirem ex Augustini libro tertio contra Cresconium, & epist. 162. & 165. & lib. de Vnit. cap. 20. & Breuic. Collat. ad finem. Obiter etiam admoneo, quod hic Optatus ait dictum esse à secundo Tigisitano, Sedete omnes, videri fuisse quandam veluti formulam & tacitam significationē signūque absolutionis: ut sicuti reorum esse dicitur, stare: sic sessio quæ iudicum esse solet, intelligatur etiam esse absolutorum, qui rei esse desierūt.

Quod narrat Optatus de Lucilla femina non minus factiosa quàm pecuniosa, exponitur quoque ab Augustino in epist. 162. & lib. 3. contra Crescon. cap. 28. Hispanāque fuisse adijcit in libr. de Vnit. cap. 3. & lib. 2. contra Petil. cap. ult. Denique valde famosam fuisse oportet, cum & Hieronymus ad Ctesiph. narrans multas mulieres fuisse hereseon veluti nutrices, Donatus (inquit) per Africam, Lucillæ opibus adiutus est. Omitto, quòd aliam planè similem fuisse auctorem cuiusdam inter Donatistas schismatis testatur Augustinus in epist. 162.

Illud rarius & obscurius est, quod Optatus hic significat Lucillam illam in Ecclesia reprehensam fuis-

se, quod ante sacram communionem os cuiusdam mortui osculata esset. Quid hoc sibi vellet, vix diuinare possum: sed venit in mentem quod Balsamo interpres Concilij Carthagin. cap. 61. scribit, Donatum auctorem ducemque Donatistarum docuisse, aliquem diuinorum mysteriorum participem esse non posse, nisi os in manu tenens, id prius salutet.

Quod Optatus narrat de Felice Diacono qui propter famosam de tyrāno Imp. scriptam epistolā accusatus sit, posset reuocari ad leges de famosis libellis. Sed quia alio in loco fusiū eas exposui, nunc non repetam. Tyrannum autem Imp. hic intelligi Maxentium non dubito, quem tamen paulò post Optatus significat aliquando fuisse prope indulgentem. Constantinum, qui eum pessumdedit, seuerum vindicem famosorum libellorum, ipsius leges testantur. Et quidem statim post sublatum Maxentium, cum ab Africa recepisset libellum accusatorium contra Cæcilianum (qua famosa potius quedam calumnia erat) libellos famosos qui subscripti non essent, reijciendos esse edixit, & in Africam ea de re leges misit ad Verinū & Ælianum: quos paulò post audiemus laudari in causa Donatistarum. Eæque etiam leges dicuntur nominatim in vrbe Carthaginensi propositæ. L. 1. & 2. C. Th. De fam. lib.

Possem & hoc loco leges de Receptatoribus allegare, ubi Optatus narrat, quid Mensurio tãquam receptatori tyrannus denunciarit. Sed illud modo adjiciam, quod Hieronymus in Chronico suo annotat, Presbyterum Sirmij iniquissimè occisum fuisse, quod Octauia-

sic illam legem interpretatus est, ut priuatis interd-
ctum non esse consecratione aureorum vasorum sacrorū,
omnes intelligerent. Ne quis autem existimet, ambitio-
sa modo superstitionis fuisse, quòd talia fuerint in Ec-
clesia thesauris, sciat ubi necessitas & pia causa pau-
perum alendorum postulabat, facile distracta fuisse.
Id Ambrosius prolixè ostendit lib. 2. Offic. cap. 28. &
quod in Ecclesiastica historia narratur de Cyrillo Hie-
rosolymitano & Acacio Episcopo. Imò lex ipsius Iu-
stiniani. d. L. sancimus. Non tam ut Grammaticis,
quàm ut Iuris studiosis gratificer, obiter hìc etiam an-
notabo, ab Optato vocari Commemoratorium, quem
paulò post Breuem vocat. Verbum Iurus est. significatq;
libellum, syngrapham, aut chirographum, eoque etiā
usus est Constantinus in epistola ad Cecilianum,
apud Euseb. lib. 4. de vita Constant. Sic & in qua-
dam (quæ Optati tempore edita est) cōstitutione Imp.
Valentis legimus inter chartulas cuiusdam confiscati
breuem quendam inuentum esse. L. ult. C. de iure fisci.
adde L. 1. C. de apoch. publ. & L. 13. C. Th. de indulg.
debitor.

Redeo ad historiam, neque negligo quod hìc ait O-
ptatus, Indulgentiam mittēre Maxentio, Chri-
stianis libertas est restituta. Sic Eusebius libr. 8.
cap. 14. scribit Maxentium, initio sui in Italia &
Africa imperij siue tyrannidis simulasse religiosum
nescio quem fauorem erga Christianos, & eorum per-
secutionem inhiberi edicto iussisse. Sed miror Eusebiū
ipsum non satis obseruasse, aliquot pōst annis accidisse,
quod dicitur de Imp. Galerio, qui Constantino collega

lubenter subscribēte, in Oriente tandem edixerit quippiam eius generis. Mendosa est inscriptio ubi pro Cōstantinus scribitur Constantius: sed recta est apud Rufinum subscriptio eius edicti, in qua dicitur Imp. Galerio viij. Conf. publicatum illud fuisse. Ut ut autē Optatus significet Maxentium paulò antè Christianis in Africa aliquid indulgisse videri, tyrannum tamen & impium & crudelem fuisse constat, & quidem Africam ab eo grauitè fuisse vexatam. Itaque hīc mihi venit in mentem, quod Nazarij vetus Panegyricus ait, Maxentium exhausisse Africam, quam delere statuerat, & propterea eius debellati casiq; caput abs Constantino missum in Africam fuisse: ad eam (ut inquit) permulcendam, ut quam maximè viuus affligerat, laceratus expleret. Et verò quam Optatus ait ab eo missam esse indulgentiā ad libertatem Christianis restituendam, fuisse inanem cuiusdam clementie simulationem sine re, indè conijcio, quod ipsi Donatista, cū negarent Cecilianum fuisse ordinatum, causabantur non potuisse, quia tempore persecutionis non fuisse liberum Episcopis, conuenire, ut refert Augustinus, in Breuic.

Nihil porrò est, quod hāreamus in iis qua deinde Optatus narrat de Botro & Celestio: si obiter admonuero eam narrationem valdè illustrari ab Augustino lib. 1. contra epist. Parm. cap. 3. Sed quod tandem Optatus ait, altare contra altare in Africa tunc erectum fuisse, dignum est quod magis exponamus. Augustinus lib. 2. contra Crescon. cap. 2. ait maiorem Donatum à casis nigris, altare cōtra altare in vrbe Car-

thaginenſi primũ erexiſſe : deinde alterũ Donatum, nempe Carthaginnenſem, hanc hæreſim maxime robo raſſe.

Idem in epiſt. 171. indicans quid illud fuerit, ait, Donatiſtas, Epiſcopum contra Epiſcopum ordinaviſſe, & altare contra altare erexiſſe. Et in epiſt. 162. ſcribit eos ſchiſmatis propterea reos, horrendo ſcelere leuati (ut loquitur) altaris maculatos eſſe. Sed obſeruandum eſt, Cyprianum multò ante in Africa ſcripſiſſe, Nouatianos erexiſſe altare cõtra altare, cum ſui ſchiſmatis & ab Eccleſia defectionis veluti ſignum (ut ita dicam) ſuſtulerunt. Cuius quidem ſchiſmatis crimen etiam ille exaggerat, ut hoc loco Optatus in Donatiſtis & Auguſtinus eum ſecutus in epiſt. 162. Imo verò ipſi quoque Donatiſtæ, quod iis Optatus propterea obiecerat de exemplo & hiſtoria Datan, Cora & Abyron, viciffim obiecerunt in ſuo concilio Bagaienſi ipſis Maximianiſtis, qui ab ipſis aliquo modo defece- rant & ſeceſſerant, quamuis ad Eccleſiam catholicam non rediſſent, ut narrat Auguſtinus libr. 3. contra Creſcon. cap. 53.

Non eſt prætereundum quod ſequitur apud Optatum. Iterum à Ceciliano mandatum eſt, ut ſi Felix in ſe nihil contuliſſet, ipſi adhuc tanquam Diaconum ordinaret Cecilianum. Hic locus ille eſſe videtur, quem Donatiſtæ, obtuſi profecto & aridi calumniatores, qui in Optati libris ſubtiliter ſcilicet venabantur quippiam, quod Catholicis obijcerent, in Collatione Carthaginenſi, ridicula non minus quam calumnioſa cauillatione, obijcere. Dixerunt (inquit

August. in Breuic.) scripsisse Optatum, quod Cæcilianus dixerit: Si Traditores sunt, qui me ordinarunt, ipsi veniant & ordinēt me. Quod quidem si dictum, ideo dici oportuit ad illos irridendos, quibus hoc mandasse perhibetur, quoniam certus erat, ordinatores suos non fuisse Traditores. Non enim ait: quia Traditores sunt. *sed*, Si Traditores sunt: vt innocentia eorum probanda restaret, vbi probari recte poterat.

Non minus putidum fuit, quod Optatus deinde narrat nimium profecto aulicos & Palatinos, Donatistas nostris in Africa minimè omnium aulicis inuidiose obiecisse. Quid Christianis cum Regibus? Quid Episcopis cum palatio? Sic rursus libr. 3. ait Donatum aliquando exclamasse, Quid est Imperatori cum Ecclesia? *sed* & Augustinus Tract. 6. in Ioan. ait quendam Donatistam dicere solitum, Quid mihi & Imperatori? Ipse & ipse Petilianus clamitabat, Quid nobis cum Regibus seculi, quos nūquam Christianitas nisi inuidos sensit? Id refert refellitque Augustinus lib. 2. contra Petilianum cap. 92. sicuti & in lib. ad Donat. post Collat. narrat, Primiani Donatistæ, qui Catholicis odiose insultabat, fuisse hanc exprobrationem, Illi pottant multorum Imperatorum sacras: nos sola portamus Euangelia. sacras cum dicit, sacras literas intelligit. sacras autem, vt & diuinas, eo seculo vocabant, quæ Principes erant. Sic sæpe in Cod. Constitutionum.

Equidem fateor, fuisse magis Ecclesiasticum, & Christianis, nedum Episcopis dignius, uti potius literis verè sacris, hoc est, Propheticis & Apostolicis, quàm Principalibus vel Aulicis vel Palatinis: neque Parmeniani, sed Ecclesia vocem hanc plerunque fuisse, Quid Episcopis cum palatio? Denique non minus inuiti ad aulas, relictis suis veluti caulis quàm ad castra boni Episcopi trahebantur. Et verò Sardisensis Synodus fulminans aduersus degeneres & ambitiosos Episcopos, qui deserta sua statione & obliti sui officij, eò cursitabant, iubent ut alij Episcopi, qui sunt (ut loquitur) in Canali, hoc est, (nam & eo verbo similiter vtuntur leges in Cod. Th.) in via publica, siue in urbibus in ea sitis, vidèntque aliquem sui ordinis, eò excurrentem, transeuntem grauitèr interrogent, ecquo & cur proficiscantur? ac si sponte proficisci intelligant, cum eo non magis communicent quàm cum Ecclesia desertore vel hoste. Redeo ad id unde sum digressus.

Optatus postremo recitat historiam iudicij dati à Constantino Imp. in causa, que agitabatur inter Cæcilianum & Donatum. Historia est memorabilis, propterea què tanto magis miror à Græcis, qui alioqui tam multa de temporibus Constantini scripsere, esse præteritam. Augustinus lib. I. contra Parme. iubet nos eam repetere ab isto primo Optati libro: à quo & Donatistas ipsos eam repetisse in Collatione Carthaginensi, mox audiemus. Ipse etiam Augustinus passim multa inculcat, quæ eò pertinent. Sed ut ingenuè fatear quod sentio, ne Optatus quidem mihi in hoc ge-

quo casu confuse coniectum est in decimum Eusebij librum Ecclesiastica historia Græca. Annullini responsum rescriptumque extat in Augustini epist. 68. Simul autem arrepta tali occasione Annullinus ad Constantinum misit libellos Donatistarum Cæciliani ordinationem accusantium.

Optatus profitetur sese eorum exemplum edere. Non tamen totum neque integrum edere videtur, & sine die & Consule id edit. Augustinus verò in epistol. 68. scribit transmissos ad Constantinum per Annullinum fuisse duos huius generis libellos Donatistarum, unum in aluta subscriptum hoc modo: Libellus Ecclesiæ Catholicæ, criminum Cæciliani traditus à parte Maiorini. Alterum sine sigillo coherentem eidem aluta, datum Die xvij. Kal. Maias, Carthag. D. N. Constantino A. iij. Cos. Atque huius quidem posterioris libelli fuisse videntur verba, quæ recitat Optatus. Prioris non meminit. Mirabar in libello, quæ recitat Optatus, generalē & cōfusam & obscurā & infinitā esse querimoniā Donatist. Inter nos (inquiunt) & cæteros Episcopos contentiones sunt. Mirabar hic non nominari hos Episcopos, sed ne Cæcilianum quidem, neque exprimi qua de re contentiones essent: quod in primis dicendum & exponendum erat. Sed suspicor in priori libello fuisse illa omnia magis expressa ac fortasse etiam narratum fuisse, quomodo iam damnatus fuisset Cæcilianus ab Episcopis lxx. Certe mirum est, Donatistas actum agere voluisse & iudices sibi novos dari petuisse potiusquam executionem rei iudicatæ urfisse.

ANNOTATIONES

Perro observandum est Constantinum non fuisse in Italia, cum hos Donatistarum libellos recepit, sed in extremis Galliarum finibus ad Rhenum. Id ego collegi ex veteri panegyrico, quem suspicor esse Nazarij ad Constantinum, ubi scriptum est, Cōstantinum paulopostquā Roma Maxentium vicisset, eodem impetu quo redierat in suas Gallias, perrexisse ad inferiorem Germania limitem, & à Tiberi ad Rhenum properasse, prolaturum (ut ait) Imperium à Thusco Albula ad Germanicum Albim.

Præterea si hæc historia diligenter pertexenda est, observo, Constantinum exemplaria literarum & libellorum, quos ex Africa accepit, statim misisse ad tres illos Gallia Episcopos, qui postea nominabuntur, & inuisse propterea eos ire Romam: eadēque de re scripsisse ad Miltiadem Episcopum Ro. Non extat rescriptum ad Gallia Episcopos. Extat verò quod ad Miltiadem scriptum fuit. Nam nescio quo casu est cōiectum in farraginem decimi libri Eusebiana historia minime suo sane loco: sicuti & abs Nicephoro libr. 7. cap. 43. non minus confuse & præpostere recitatur, ut ab homine ignorante quorsum id pertinet, & historiam inuolvente potiusquā explicante. Debuerat potius hoc loco inferi, vel ab Optato recitari. Sed satis nunc sit indicasse locum, ubi reperietur. Ut autem Cōstantinus in eo rescripto testatur sese, quod dixi, scripsisse ad Gallos illos, sic etiam narrat sese simul inuisse, ut reus Cacilianus Romam veniret, cum decem Episcopis, qui illi adessent, & totidem adversariis accusatoribus. Hoc in Africam missum Constantini man-

datum aliqui nusquam reperio, quod tamen etiam interesset huius historiae non intercidisse. Cuiacius ad l. 1. C. de Tractor. recitat ex quadam (ut vocat) Constantini Constitutione hæc verba: Aliquot ex ijs, qui contra Cæcilianum dissentiunt, data euectione publica per Africam & Mauritaniam, inde ad Hispanias breui tractu facias migrare, & inde nihilominus singulis Episcopis singulis tractorias tribuas. Quia hanc (ut vocatur) Constitutionem alibi non legi, non possum liquido dicere quamnam fuerit, sed facile suspicor ad Annullinum missam esse, & ad id, quod nunc quarimus pertinuisse.

Iam verò cum Optatus narret convenisse iudices & causam Cæciliani Romæ actam esse sexto kalend. Octobr. Constantino 3. & Licinio 3. Consf. (sic enim Optati locum legendum esse alibi probavi ex Augustino) & ex altero loco Augustini paulo ante indicarim libellos Donatistarum in Africa datos esse xvij. Kal. Maias, ijsdem Consulibus eodémque anno: idem observandum est, magnam & prope incredibilem diligentiam atque festinationem hic notari posse qualem & Ecclesia salus eo tempore postulabat.

Optatus nominat tres illos Gallia Episcopos, qui cum Miltiade Ro. episcopo huius causæ indices fuerunt, nempe Maternum Agripinensem, Marinum Arelatensem, & Rheticium Augustodunensem. Hic ego obiter cogor annotare, vel falsum vel valde mendosum esse Eusebij Chronicon, ubi, interprete Hieronymo, scriptum est, Miltiadem mortuum fuisse & Sil-

uestrum ei successisse antequam Maxentius casus esset. Mirorque ipsum Augustinum Stenchum hominem doctiss. & Bibliothecarium Pontificium, cum aduersus Laurentium Vallam contenderet de veritate historia Constantiniana, tam confidenter affirmasse, Miltiadem à Maxentio vel Maximino occisum esse. Vnus certe Optatus quàm id falsum sit, non obscure demonstrat. Porro oportet etiam Confarinatores Centuriarum (ut vocatur) historia Ecclesiastica parum attente hunc Optati locum legisse, cum in Centur. 4. cap. 10. dubitantes aiunt, hunc Maternum & Marimum videri fuisse Episcopos in Gallia vel in Italia. Sed multo magis Caluinus sese & alios multos fefellit, cum non obseruauit Arelatensem Episcopum cum Miltiade Ro. iudicem sedisse in hac causa: proptereaq, fingit iudicem postea fuisse ipsius appellationis, quod tamen lex iudiciorum minime pateretur. Deniq, Augustinus decies testatur in Arelatensi Concilio, ubi causa Caciliani & Donati rursus acta est, alios, alios (inquam) quam qui Roma fuerant, Episcopos iudices fuisse. Sed neque memoria antiquitatis patitur ut Arelatensem dicamus ambitiosè supra Ro. Episcopum, à Constantino fuisse euectum. Et cur non potius Caluinus id fingit de Syracusio Episcopo, ad quem (ut mox dicam) nominatim scripsit Constantinus, ut de hac causa iam Roma iudicata, in Arelatensi Concilio cognoscat? Sanè ante tempora Donati Cyprianus Carthaginensis agnouerat Martianum quendam Arelatensem Episcopum, qui Nouatianus erat, abs Stephano Episcopo Ro. castigari debere. Et multis post Constantinum annis, cum quidam Hilarinus Arela-

tenſis in Gallia contemneret authoritatem Leonis Pape, Imp. Valentinianus 3. edita lege teſtatus eſt, quàm id ferendum non eſſet. Scribebat tempore Optati Auſonius Gallula Roma, Arelas, cum diminutino verbo blande ſignificare vellet Arelaten eſſe veluti Romulam, hoc eſt, quãdam in Gallia Romam. Sed tamen ſciebat non niſi coloniam eſſe, quã ſupra ſuam Metro-
polim non aſſurgeret.

Quod attinet ad Rheticiũ Auguſtodunenſem; exiſtimo factum eſſe non modo per urbis illius (quã ut ca-
put erat Heduoꝝ, ſic Conſtantino tam grata fuit, ut & Flavia dicta ſit) dignitatem ſed & perſona me-
ritũ, ut Rheticius lect⁹ ſit, qui iudex eſſet cũ Miltiade.
nam & eum literatum fuiſſe & inter Eccleſiaſticos
Scriptores eius temporis numerari ſcimus. Scripſerat
enim contra Nouatianos, Donatiſtas perſimiles: ut
mirum ſit, ſi hũc ſibi iudicem dari voluerint Donati-
ſtæ. Sed & ſublimi ore ſcripſiſſe diſſertationes in Can-
tica ait Hieronymus in Episto-
la ad Florent. Idem ta-
men in epiſto. ad Marcellum, licet eum eloquentẽ fuiſ-
ſe fateatur, tamen ineptum interpretem vocat. Cete-
rum quod ad hiſtoriam huius loci attinet, addit, ab
Conſtantino Imperatore ſub Sylueſtro Epifcopo miſ-
ſum eſſe Romam ob cauſam Monteniſium. Pro Sylue-
ſtro dicere debuit Miltiadem. Molenſes vocat Donati-
ſtas. Sed nondum ita vocabantur, cum Rheticius Ro-
mam venit. Sane Auguſtinus lib. 1. contra Iulianum
cap. 2. recitans quandam illius ſententiam de Baptif-
mo, ita præfatur: Rheticium ab Auguſtoduno
Epifcopum magnæ fuiſſe auctoritatis in Eccle-

sia tempore Episcopatus sui Gesta illa Ecclesiastica nobis indicant, quando in vrbe Roma, Militiade Apostolicæ sedis Episcopo præidente, cū aliis iudex interfuit, donatūque damnauit, qui prior auctor Donatistarum schismatis fuit, & Cæcilianum Episcopum Ecclesiæ Cathaginis absoluit. *Iam verò etiam pertinet ad illustrandam hanc historiam quod hic Augustinus ait Militia demillū præsidisse in hoc iudicio. Donatista tantū sibi ex Gallia dari iudices petierant. Constantinus verò iam tum sensit, Romani Episcopi cognitionem esse debere. Atque hic quidem videtur allegisse suo arbitrio quindecim illos Italos Episcopos tanquam assessores; neque tamen audent Donatista reclamare, aut tale iudicium recusare, tametsi aliud maluissent. Inter illos Italos Optatus numerat, quosdam qui fuerunt Gallia togata & cisalpina, ut olim à Romanis vocabatur: ut Meroclem Mediolanensem. Falsa igitur sunt Chronica Mediolanensia etiam ea, quæ alioqui fidelissima esse creduntur, ut Bosiana, in quibus scriptum est Meroclem mortuum esse anno Christi 268. Atqui Optatus testatur Romæ iudicem sedisse anno 313. Consequens etiam est, fabulosum esse quicquid in iis traditum est de quodam Euflogio, qui eo ipso anno 313. dicitur creatus Episcopus Mediolanensis. Optatus inter Episcopos illos italos numerat Florianum à Sinna. Existimo legendum esse à Cesena: quæ nobilis prope Rauennam ciuitas est in ea Italia parte, quam olim Galliam togatam vocabant, sicuti & Mediolanum. Quid autem sit Sinna, nescio*

Porro cum Optatus narrat Donatum esse damnatum, meminisse debemus fuisse Donatum à casis nigris, ut Augustinus in Breuic. significat: eumque ex accusatore factum esse reum, quia fortasse Cecilianus re-
 criminatione usus sit: neque tamen simplex Traditionis crimen (sicuti iure potuit) voluit in aduersarium retorquere, sed grauiori & magis Theologica criminatione usus est. Optatus recitat formulam Sententiae, qua Donatus primum damnatus, & Cecilianus absolutus sit à Miltiade & eius collegis. Addendum porro est quod Augustinus in epist. 162. praterea recitat sapienter & benigne ab eodem Miltiade oblatum fuisse Donatistis, qui resipiscere vellent & ad Ecclesiam redire. Id vero quia latius exposui in historia Collat. Cartag. eò lectorem nunc remittam. Caterum admonebo obseruanda esse duo capita illius aduersus Donatum sententiae, quae ait eum rebaptizasse, & Episcopis lapsis manum imposuisse, ac vtrumque ab Ecclesia alienum esse pronūciat. Quod ad prius attinet, obseruandum est, id pronūciari Romae, vbi etiam vetus illud Cypriani concilium de rebaptizandis iis, qui ab haereticis baptizati fuerant, semper reprobatum fuit, & sententiam Miltiadis hac de re confirmauit Nicenum deinde Concilium, adhibita tamen quadam distinctione propter Paulianos ut alibi dictum est. Obscurius est, quod damnatus Donatus, quia Episcopis lapsis manum imposuerit: idque etiam dicitur esse alienum. Triplex olim fuit impositio manuum. Imponebatur manus baptizatis. Augustinus autem lib. 3. de bapt. contra Donat. cap. 16. Manuum (in-

quit) impositio non sicuti baptismus, repeti non potest. Secundo imponebatur manus lapsis pœnitentibus, quibus post exomologesim pax dabatur. Et si autem in Africa diu existimarint antistites (sicuti Augustinus indicat) talem pœnitentiam iterandam non esse non magis quam baptismum: tamen lapsis pœnitentibus semel saltem dandam esse pacem manusque imponendas, qui negasset, Novatianus fuisset. Donatum prope fuisse Novatianum facile dixerem. Sed damnamus quia non fuerit, quis dixerit? Ergo cum damnatur à Militiade, quia lapsis Episcopis manum imposuerit, & id factum à Donato, dicitur ab Ecclesia alienum, intelligitur alia quedam manuum impositio. Nempe tertia fuit ea, quæ ad ordinationem Episcoporum pertinebat. Hanc autem non magis quam baptismum repeti & iterari debere veteres indicaverunt. Ergo si Episcopis lapsis in hæresim, posteaque pœnitentibus pax daretur impositione manuum, non errant, si in suo gradu manerent, iterum ordinandi, propterea quæ non erat iterum iis ea manus imponenda. Nam prior ordinatio sufficiebat. Sequitur apud Optatum, Cæcilianus omnium supra memoratorum Sententiis innocens est pronunciatus, &c.

Hæc ipsa sunt verba, quæ deinde in Collatione Carthaginensi recitata sic perculerunt Donatistas, multis impudenter alioqui singentes de damnatione Cæciliani, ut cum hoc Optati testimonium elcuare non audent (fuit enim iam tum maxima in Africa auctoritas & fide Optatus) tandem obmutuerint attoniti. Testis est Augustinus in Breviculo Collat. ad finem ubi

tamen non integra recitantur verba Optati. Desideratur enim verbum hoc Sententiis. Quāvis ergo tam impudentes fuerint Donatista, ut cum fingerent & mentirentur, à Constantino damnatum fuisse Cecilianum, Optati, cuius testimonio uti volebant, verba deprauare cauillando conati sint, ut mox ostendam: tamen eorum impudentia, quæ maxima fuit, tanta non fuit, ut etiam auderent fingere Romæ damnatum fuisse. Quò magis obstupui, cum hisce diebus audire in Gallia id confidenter & gloriose scripsisse quendam Morellium, hominem alioqui literatum & in nouo nouorum Ministrorum ordine egregium, in suo ad Viretum libro Gallice scripto & eleganter inscripto, De Disciplina Ecclesiastica. In quo cū alia multa ab omni fide & veritate historia Ecclesiastica valde aliena, tū illud imprimis affirmari narrarique audio, abs Militiæ Rhetici & Marino Episcopis Iudicibus, non modo damnatum esse Cecilianum, sed & abdicare coactum. Nihil ne fingi quidem posset quod magis euidenter falsum sit. Redeo ad Optatum. Inquit: Ad quā appellationem Constantinus Imp. Sic respondit, ô Rabida, &c. Hunc locum in priori editione sic emendavi atque etiam hiantem expleni, additis ex antiquo exemplari, his, quæ desiderabantur, verbis, appellationem interposuerunt: atque ita probant reuiciendam esse cuiusdam alioqui eruditi & ingeniosi interpretis legum coniecturam, diuinādo fingentis ex falsa notarum suspitione quandam nouam lectionem, quæ tamen non consistat. Id cum alibi satis ostenderim, nunc nihil repetam. Adiciam modo, quod

Augustinus in epist. 162. aut Donatistarum rabida in Cacilianum ora fuisse: ut minus iam miremur Constantinum, ravidam furoris audaciam in iis accusare, Venit etiam nunc in mentem mihi quaedam lex Valentiniani Imp. de quodam Chronopio Episcopo, qui in septuaginta Episcoporum iudicio damnatus appellavit praefectum urbi. Valentinianus rescribit, illicitam appellationem poena pecuniaria coercendam esse, qua pauperibus erogetur. L. 19. C. Th. Quorum appell. non recip.

Sit Optatus, Eodem tempore, &c. In hac editione iussi ante hac verba appingi lacunam vacuam, ut significarem mihi videri aliquid deesse & desiderari ante hac verba. Nam cum propius considero totam, qua de hic agitur, historiam, sentio non posse hac coïungi cum iis qua proximè præcedunt: imo interfuisse aliquot annos, quibus causa Caciliani rursus acta ac definita sit in Synodo Arelatensi, iterum qua iudicata Mediolani ab ipso Constantino. Ad cuius demum Mediolanensis iudicii tempus referre necesse sit hac qua in Optato sequuntur. Eodem tempore, &c. Itaque suspicarer, quod de eo iudicio sicuti & de Arelatensi Optatus inseruerat, deletum abs Donatistis fuisse, qui Optati libros misere contaminarunt. Sed rursus dubito, nū Optatus, ut in Numidia angulo, inclusus, quicquid hac de re debuit, sciuerit scripseritque. Nam in Collatione Carthaginensi cum aduersus Donatistas recitaretur testimonium Optati de absolutione Caciliani, nihil de iudicio Arelatensi aut Mediolanensi recitatur. quod tamen præteritum non fuisset, si fuisset.

set ab Optato expositum. Et ineptum erat in ea Collatione quærere, quid senserit Optatus hoc loco, si aperte paulò antè à Constantino absolutum fuisse Cæcilianum scripsisset. An dicemus iam antea Donatistas suppressisse, ac delensisse quod ea de re scripserat Optatus? Verum ut ut sit, aliunde repetere licet quod hic desiderari dixi. Et quemadmodum Constantinus, initio, quamuis indigne ferre se præsetulerit peti abs se iudices in causa Cæcilianiani, tamen iudices Ecclesiasticos dedi, qui & alioqui iudices (ut nostri loquuntur) competentes erant: sic iam quamuis indignabundus exclamet rabidam esse Donatistarum prouocantium peruicaciam: tamen appellationem utcunque admittit, cuius cognitionem reiicit ad synodum Arelatensem, in qua iubet alios de hac causa Episcopos rursus cognoscere. Id toties narrat & inculcat Augustinus, ut putidum sit locos passim obuios indicare. Caterum adiciam quod minus est vulgare, & huc tamen imprimis pertinet: extare lib. x. historia Eusebij, integrum rescriptum Constantini ad Chrestum Siracusium Episcopum, quem ex Sicilia cum duobus aliis iubet proficisci ad illam synodum Arelatensem iudicaturus cum aliis suis collegis de causa Cæcilianiani. Ac quidem mandat, ut id fiat intra Kalendas Augusti: Sed quo anno? Quia rescriptum Constantini, non habet Consules subscriptos, difficile est id diuinare. Sed non temere suspicor factum id esse Volusiano & Anniano Coss. hoc est, anno post iudicium Romanum proximo, quo etiam anno, iij. Kal. Nouemb. memini Treueris edidisse legem quandam de appellationibus recipien-

dis, L. i. C. Th. de appellat. Porro Constantinus in illo suo ad Chrestum rescripto, non modo aperte prouocationem Donatistarum non insinuat rabidi furoris, sed ne Donatistas quidem nominat. Simpliciter autem & placide narrat, eos, qui Romæ iudicati sint, nolle stare rebus iudicatis, quia obtendant, causa nondum satis cognita, paucos iudices præcipit asse sententiam. Mādat ergo, ut cum ex variis & infinitis (sicuti ait) locis Episcopos conuenere in urbem Arelatensem iusserit, communi iudicio finis imponatur huic controuersie, causa diligēter cognita & parte utraque audita. Dolendū est, Acta eius Synodi Arelatensis intercidisse. Ego aliquādo eorum fragmenta quadam nactus eram, sed valde mendosa: ex quibus tamen didici, illi Synodo præfuisse Syluestrum, mortuo Miltiade. In Conciliorū farragine vulgari recitantur quadā decreta Cōcilij Arelatēsis, quod dicitur esse primū. Sed abortiua pleraque videtur. Inter ea proponitur vnū, quod Arrianorum meminit, atque ita etiā allegatur à Gratiano, de Consecrat. Distinct. 4. similiter & abs Magdeburgensibus Consarcinatoribus Centuriarum. Atqui nondum erat natum nomen Arrianorum, quo tempore primum coiit Synodus Arelatensis, de qua querimus. Ergo lubenter audio Canonem illum in antiquis & manuscriptis exemplaribus (ut testatur postrema eorum Conciliorum editio) minus corruptum esse, & pro Arrianis legi Afris. Legitur & in ea farragine quippiam, quod ad causam Cæcilianii accedit: nempe, Eos, qui sacras literas tradidisse conuicti erant deponendos esse. Conuinci autem debere,

non nudis verbis, sed actorum publicorum fide subii-
citur & quippiam de iis, qui eos ordinant sed man-
cum esse hoc fragmentum vel inde apparet, quod inse-
ratur hæc clausula ut diximus. Atqui ea de re nihil
præterea dictum ibi legitur. Dolendum est, & valde
profecto dolendum, tam nunc esse mutilam & conta-
minatam veteris Ecclesiæ memoriam: tamque huius
rei nullam curam eos gerere, qui tantum tamen &
hauriunt & abliguriunt ex opibus Ecclesiasticis, quæ
ad talium monumentorum restitutionem & conser-
uationem erant aliqua saltem ex parte impendenda.

Constat in Arelatensi Concilio rursus absolutum
fuisse *Cacilianum*, damnatum verò *Donatum*: iterum-
que propterea *Donatistas* appellasse *Constantinum*.
Maior profecto, quam antea causa reiicienda tam im-
portune appellationis erat. Sed passus est *Constanti-
nus* sibi persuaderi, ut actum agi pateretur, & ipse
cognosceret. Ergo *Mediolani* *Constantinum* de hac cau-
sa iudicasse ait *Augustinus*, epist. 162. Quid verò iu-
dicauit? Repetendum, id est ex alio *Augustini* loco,
hoc est, ex lib. 3. contra *Crescon.* cap. 71. ubi recitatur
epistola ipsius *Constantini* narrantis sese (ut loquitur)
inter partes cognovisse, & innocentem *Cacilianum* cõ-
perisse post *Episcopalia* iudicia. *Peruidi* (inquit) *Cæ-
cilianum* omni innocentia præditum, ac debita
religionis suæ officia seruantem, ei que ita ut o-
portuit, seruientem. Sed quo tempore id iudicatum
est? Diu id quasiui. Non enim facile statimque oc-
currebat, ut misere dispersa sunt huius historia la-
cera membra. Tandem venit in mentem quod

Augustinus in lib. contra Donat. post Collat. cap. 33. scribit Constantinum de Cæciliani purgatione scripsisse, 4. Id. Nouemb. Sabino & Rufino Coss. Ergo quarto anno posteaquam hæc causa ex Africa ad constantinum relata primum fuit, vix tandē definita postremo est. Iam vero commodè subijcietur, quod apud Optatum sequitur, eodem tempore idē Donatus petiit, &c. Hic verò ille locus est, quē Donatistæ in Collatione Carthagenensi impudētē cauillādo detorquere conati sunt. Digna est eorum futilitas, quæ exponatur. Augustin⁹ in Breuic. Paulo ante. finē, Petierunt (inquit) Optatum legi, vnde se probaturos dicebant, Cæcilianum ab imperatore damnatum, Recitatus est Optatus Recitantibus Donatistis, vbi ait, Eodem tempore idem Donatus petiit, vt ei reuerti licuisset, & ad Carthaginem accederet, tunc à Philomeno suffragatore eius Imperatori suggestum est, vt bono pacis Cæcilianus Brixia retineretur. & factum est. In quibus verbis Optati cū omnino nulla Cæciliani Damnatio, sicuti illi demonstraturos se esse promiserant, reperiri potuisset: iussit cognitor totam paginam recitari, vt de superioribus & inferioribus verbis, voluntas eius, qui scripserat, nosceretur Et ex officio recitatum est: Cæcilianus omnium supra memoratorū sententiis innocēs est pronunciatus. Quod cum recitaretur, Donatistæ dixerunt, hoc se non petiisse recitari, stomachantes aduersus eos, qui risum tenere non poterant, cum audiissent, quam apertam contra

seipſos paginam protuliſſent. Deinde cū illis verbis, quæ ipſi recitauerant, extenuaſſe dicerēt Optatum damnationem Constantini, & exprimere noluiſſe: flagitatum eſt ab eis, vt aliunde manuſcriptum legerent, quod ab illo dicebant extenuatū. *Hæc Auguſtin⁹, in quo emēdauit quod mēdoſe videtur ex Optato recitare, veluti cū pro ſuffragatore ſuppoſitū eſt ſuggeſtore. ſuffragij & ſuffragatoris verbū Iuris ſtudioſis notū eſt in hac ſignificatione. Porro non grauabor adijcere alterum Auguſtini locū, cum Auguſtinus non grauatus ſit ſapius hæc rem recitare. In lib. ad Donatiſt. poſt Collat. cap. 31. inquit: Mileuitanæ Eccleſiæ Catholicum Episcopum Optatum recitandum putauerunt, pollicētes inde ſe probaturos Cæcilianum ab Imperatore damnatum. Quæ lectio cum magis contra eos recitaretur, nemo riſum potuit continere. Quod pro ſe legi voluerunt, ambiguum fuit. Vnde cum rectiſſime Cognitor iuſſiſſet paulò ſuperius recitari, vt inde ſi poſſent verba illa claſcerēt, hoc recitatum eſt, quod nollebant: hoc eſt, Cæcilianum fuiſſe purgatum, nec, ſicut iactauerant, damnatum, Sed Brixie, bono pacis, retentum. Hoc cum dixiſſent, illis verbis Optatum damnationem Cæciliani extenuare voluiſſe, dictum eſt iis, vt euidentem Cæciliani damnationem aliunde recitarent: vt ab Optato eam extenuatam eſſe poſſet oſtendi, qui apertiſſime ſcripſerat Cæcilianū fuiſſe purgatū. Tertio idē Auguſtinus in epiſt. 152. Protulerunt (inquit) Codicē*

Optati, unde probarent Cæcilianum ab Imperatore damnatum. Qui Codex cum contra illos legeretur, & magis ostenderet Cæcilianum fuisse purgatum, ab omnibus rursus sunt.

Hanc ego rem et historiā nunc inculco, quia aliqui praterij in descriptione Collationis Carthaginēsis, cuius tunc partem algeram præcipuam, quæ maiorem quæstionem de Ecclesia continebat, tantum sum persecutus. Ut autem in ea quoque quæstione, Collatores Catholicos et Donatistas aliàs ostendi non semper satis acutos Dialecticos fuisse, sic iā cogor fateri in quæstione facti, hoc est, cum quærebatur, an Cæcilianus dānatus absolutusne fuisset, cum Optatum recitassent, minime acres fuisse in congressu. Quærebantur, an abs Constantino damnatum esse Cæcilianum scripssisset Optatus. Donatistæ, ut id euincerent, protulerunt, scripssisse, bono pacis, esse retentū Brixia. Facilis erat responsio, eaque multiplex. Primum enim non potuit Optatum id scribere, quin paulò ante aliquid de sententiā Mediolanensi aliquid scriberet. Sed fingamus sane Optatum scripssisse consequens, non antecedens: an non extabant alij scriptores testesque iudicij Mediolanensis? Deinde cum Optatus ait, Bono pacis, Cæcilianum Brixia esse retentum, non significat propterea fuisse damnatum. Imo verò illud Bono pacis significat aliam plane eius retentionis causam fuisse. Postremo quantumvis dicat fuisse retentum, tamen paulo post in eadem pagina aperte scribit Carthaginem properasse ad suam plebem statim atque audiuit Donatū Carthaginem esse reuersum. Id Catholici obijcere debent

bant ad refellendam cavillationem Donatistarum. Mirum verò quod cum illa omnia pratercunt, exultant quod Optatus scripserit à Miltiade absolutum fuisse Cäcilianũ. Atqui Donatista id non negabant: neque de Miltiadis, sed de Constantini iudicio querebatur. Irrisos vehementer hic fuisse Donatistas ait Augustinus. At verendum est quod ait Catullus, risu inepto nihil esse ineptius. Certe qui scribit Cäcilianũ esse à Miltiade absolutum, non propterea scribit à Constantino esse absolutum. Tanto ergo magis miror Donatistas obmutuisse cum hic irriderentur. Credo equidem tam fatuos & ineptos fuisse, quam non erant acres & acuti.

Redeo ad Optatum. ait, Hoc modo iterum renouellatæ sunt partes. Mallem renouatæ. Significat autem contentionem recruduisse, nouis partium studijs rursus inflammata. Cæterum ut parum coherere videtur quod proxime subicitur, constat tamen, &c. sic res potius postulabat, postremo nunc adijci legem Cōstantini non modo seuerissimam illam contra Donatistas, quam alibi commemorat Augustinus, sed & alteram indulgentissimam. Nam idem Augustinus in lib. contra Donat. post Collat. cap. 33. scribit Constantinum, Crispo & Constantino iterum Coss. literas dedisse ad Valerium Vicarium de Donatistarum exilio soluto, ijsque vindici Deo relinquendis atque remittendis.

Crispus & Constantinus nobiliss. Cæsares, filij ipsius Constantini, iterum Consules fuerunt anno nono post mortem Maxentij. Ergo saltem octo annis Dona-

tista Constantinum Imp. vexarunt, cum vexarent
 Cacialianum. Cum autem quarto post anno coisſe Ni-
 cœnam Synodum meminerim (cui Cacialianum ex A-
 frica unum interfuisse alibi annotavi) obseruo vix
 in Africa tragediam Donati intermissam fuisse, cum
 in Egypto cepit Arrius. Idem Augustinus in epist.
 152. ait Constantinum literas dedisse ad Verinum Vi-
 carium, in quibus Donatistas quidem grauitèr de-
 catur, sed tamen dicit de exilio relaxandos esse, &
 furori suo dimittendos, quia iam ceperat Deus in illos
 vindicare. Quo anno literæ illæ scriptæ fuerint nescio.
 Sed secundo post Crispum & Constantinum Coss. ite-
 rum Coss. anno Verinum fuisse Præfectum urbi &
 successisse Valerio, in Fastis Consulum annotatum est.
 Tunc Constantinus ad Ælianum.

Observandum est factum id esse posteaquam Caci-
 lianus in Vrbe (ut ait Optatus) purgatus est, hoc est,
 paulopost quam sententia Miltiadis Episcopi Rom. est
 primum absolutus. Itaque istud Tunc referendum
 est tantum ad id quod proxime præcedit de prima
 Cacialiani purgatione atque absolutione, quæ Ro-
 ma fuit: non etiam ad reliqua, quæ multo posteriora
 sunt, Augustinus in epist. 152. ait, non multò post Cæ-
 cilianum Episcopali iudicio primò purgatum, Felicis
 causam ab Æliano Proconsule examinatam esse. Fa-
 ctum autem id esse, quarto post illam purgationem men-
 se inde colligo, quod Augustinus in libr. contra Do-
 natum post Collat. cap. 33. narrat factum id esse xv.
 Kal. Mar. Volusiano & Anniano Coss. Et si ergo pro-
 uocassent Donatista à sententia Miltiadis, & causa

illa principalis contra *Cacilianum* etiamnum penderet in *Synodo Arelatensi*, tamen in *Africa* interea ipsius *Felicis* causa acta est. Sanè iure civili vix ita liceret coniungere & permiscere praiudicia. Mirabilis autem rursus hic fuit quadam *Donatistarum* siue obliuio siue impudentia, qui in collat. *Carthagini* fingebant iactabantque *Constantinum* post illam ab *Æliano* causam iudicatam, retractasse suam quam pro *Caciliano* contra *Donatistas* sententiam protulisset. Atqui nondum de ea cognouerat, & aliquot primum post annis suam illam sententiã in *Mediolanensi Vrbe* tulit, nec paruo intervallo, sed longè posteaquam *Felix* ab *Æliano* absolutus fuisset, ut ait *Augustin⁹* in epist. 152. Parco ut *Optatus* hic narrat mandasse *Constantinum*, ut de vita *Felicis* publicè quereretur, sic *Augustinus* in epist. 68. ait, publico iudicio causam hanc discussam atque finitam esse. Publici huius iudicij vel quæstionis publica formam & ordinem describit hoc etiam loco *Optatus*, neque difficile esset interpreti in libris legum rerumque *Romanarum* versato cumulare multa, quæ de veteri ordine publicorum iudiciorum dicuntur: sed nunc ego aliò propero. Illud modo dico, ex hoc *Optati* loco posse emendari, *Constantini* eadem de re agentis epistolam mendosè scriptam, qualem recitat duobus locis *Augustinus*, ubi pro *Saturianus* scribitur *Centutio*: pro *Callidius* est *Calibius*: pro *Solon* officialis publicus est *Solus feruus publicus*. Quod porro *Optatus* dicit de *Ingentio* *Scriba*, *Augustinus* isdem in locis hoc est, in epist. 68. & lib. 3. contra *Crescon.* cap. 70. modo mendosè

Vigentium, ut sapè alibi, modo rectè *Ingentium* vocat, eúmque *Decurionem* *Ziquensium* ciuitatis fuisse ait: Et verò de eo loquitur *Optatus* cum ait, *Pependit* sub metu imminentium tormentorum.

Hic enim reus falsi fuit, quod diceretur falsa acta conscripsisse contra *Felicem*, & epistolam quandam *Caciliani* falsauisse, ut testis est *Augustinus*: qui & de eo loqui videtur cum in epist. 152. loquitur de quodam suspensò in eculeo, ut etiam ungulis vexaretur: neque potuisse *Felicem* contradicere, ne tanta diligentia vel seueritate quaereretur. *Ingentium* suspensum quidem, sed minimè tamen tortum fuisse, quia se diceret esse *Decurionem*, significat *Augustinus* in epist. 68. & lib. 3. contra *Crescon.* cap. 70. & conuenit cū lege *Theodosiana* l. omnes C. de *Decur.* *Missum* autem esse ad Comitatum *Constantini*, cum crimen esset confessus. De eo etiam aliquid pronunciaſſe *Eliañ* cum *Felicem* absolueret, *Augustinus* significat, qui & totidem verbis sententiam *Eliani* recitat, quibus *Optatus*. *Superstationarium* autem cum hic nominat *Optatus*, obseruemus, *Stationarios* fuisse ex *Cohortalib*, hoc est officialibus *Præsidum*, tanquā dicas apparitores, qui dispositi per prouincias certis locis, denunciabant Magistratibus quid ageretur, quorūque propterea deforme & vile ministerium appellatur in libris legum, ubi & *Stationariorum* frequens est mentio. L. 6. C. de dignit. L. 1. C. de cohortal. & l. 1. C. Th. de cur. pub. & l. si quis in hoc C. Th. De *Episcop.* & *Cler.* Porro noster *Renardus* eruditus iuris interpres, totum hunc *Optati* locum recitat lib. 4. *Varior.* c. 1. xj.

ut probet questionem olim de reo publice habitã esse sed falleretur qui ad Felicem reum referret hæc Optati verba Pependit sub metu imminantium tormentorum. Imo Felicem absentem fuisse ab Aliano absolutum testatur Augustinus in Breuic. Collat. ad finem. Quod obiter dico, quia video doctissimos quosque viros falli in historia hac tota. Ergo quantum potui, nunc conatus sum eã in ordinẽ redigere, quæ perturbata erat, & quæ erat confuse permixta, euoluere atque explicatè exponere, præsertim cum etiam viderem aliqui historia Ecclesiastica scriptores hanc rem totam, quæ memoria imprimis digna est, non satis exposuisse. Multa sunt huius generis in historia veteris Ecclesiæ indigne contaminata.

Ad librum secundum.

Optatus disputas de Ecclesia Catholica, & in principio huius libri aliquot prouincias orbis Christiani enumerans, meminit trium Pannoniarum triumque Syriarum & duarum Armeniarum nempe olim sæpe una prouincia, quæ aliqui nimis late patebat, in duas aut tres diuidebatur, & singulis proprius Præses dabatur. Sic Macer iuricons. in l. 3. De offic. assessor. ait factum esse de Germania & Nysia sic Papinianus in l. 9. De postul. meminit prouinciarum eiusdem nominis. Aquitania duplicis fit etiam mentio in Itinerario Antonini. Porro cum Optatus subiicit Catholicam esse Ecclesiam, quæ sit Rationabilis videtur Rationabilem appellare, quæ non tam oculis cernatur

quàm ratione, hoc est, mente & intellectu comprehen-
datur. De appellatione Catholica plura dixi in Histo-
ria Collat. Carth. Optatus deinde suam Ecclesiam pro-
bat esse Catholica partem, quia consentiat cum Roma-
na: Romanam autem iam inde à Petro perpetua suc-
cessionem Episcoporum conseruasse consensionem doctri-
na, & veluti fundamentum & corpus edificij A-
postolici. Sic enumerat Optatus Episcopos Romanos, vt
& similem Catalogum eodem fini contexit Augu-
stinus in epist. 165. & simili argumēto ante Optatum
usus erat Irenæus & Origenes. Sed admonēdi iterum
sumus hæc verba Damaso Siricius hodie, videri nō
esse Optati, sed alicuius paulopost eum scriptoris. Nā
cōstat Optatum scripsisse hos libros circa annum. 370.
Siricium verò illum nō fuisse creatum Episcopum an-
te annum, 383. vt antea dictum est. Constat Optatum
scripsisse hos libros Imperante Valentiniano, vt Hie-
ronymus testis est. Atqui deinde Imperante Theodo-
sio adhuc vixisse Damasum etiam constat, & ipsa
lex Theodosiana de summa Trinitate & fide Catho-
lica, id testatur. Quod Optatus dicit de cōmercio For-
matarum, significat epistolas illas communicatorias
certa formula conceptas, quas tanquam fidei sua tes-
seras & consensionis symbola, Episcopi orthodoxi mit-
tebant ad Romanum. Sic Formatas appellari testatur
ipse Augustinus in epist. 163. sed & disputans cum
Fortunio Donatista iactante suam Ecclesiam esse Ca-
tholicam, quasuit utrum tales Formatas Epistolas,
posset, quò vellet, dare. Sic enim facillime illam termi-
nari posse quæstionem.

Quod paulo ante scriptū legitur in Optato, Petrum quia Apostolorum caput fuerit, appellatum esse Cephā, dixi alibi solacismum esse hominis somniātis vocem Syriacam, quæ significat Petram, esse græcam κεφαλῇ, quæ caput significat. Sed suspicor hæc verba vnde & Cephā appellatus est, esse ineptæ alicuius glossæ ad marginem temere ascriptæ, & deinde abs librariis contextui insertæ. Certe Optatus libro septimo simpliciter ait Petrum fuisse caput Apostolorum, neque præterea quicquam adiicit Verticem Episcopalis coronæ fuisse ait Valentinianus Imperator in Nou. de ordinat. Episc. Præterea multa similia, quæ passim occurrunt, ut redeam ad notas in secundum Optati librum, in quibus illud dissimulare non possum valde insolens videri posse quod Optatus illud Pauli ad Romanos memoriis sanctorum communicantes detorquet ad Basilicas Romanæ Ecclesiæ. In Græco exemplari Paulinæ epistolæ est *μνημείων*, id est, necessitatibus. Latini videntur legisse *μνείων*, qui verterunt memoriis. Sed mirum est, Optatum id interpretari de Templis martyrum, quæ memoriæ dicebantur, quasi dicas monumenta. Turrianus allegat antiquum librum Eustratii Constantinopolitani, qui cum Pauli locum retulerit ad memoriam Christianorum defunctorum, pro quibus orandum sit. Optatus paulopost indicat, cur Donatistæ Romæ dicti sint Montenses. Sic Hieronymus in Chronico ait sectatores Donati Carthaginensis à quibusdam vocari Montenses, quia Ecclesiam Romæ primam in monte habere ceperint. Idem aduersus Lucifer. nominat Montenses siue

Campates. Ac quidem Erasmo assentior, Campates siue Campenses eum adiecisse quadam allusione ad Montenses. Sed nunquam dixero, quod Erasmus dicit Montenses dictos esse à Montano: sicuti neque Epiphania subscribam scribenti in suo Ancorato, vocatαις Roma vocari μοντηοις De Nouatianis manifesto errore dicit, quod de Donatistis dicendum erat. Augustinus in lib. de unit. cap. 3. Roma hos vocat Montenses siue Rupitanos. Credo alteram fuisse allusionem ludibrij causa. Idem in epist. 165. de quodam Episcopo Donatista loquens, Præfidens (inquit) paucis Afris, in Vrbe Roma, Montensium siue Cupitarum vocabulum propagauit. Suspicio legendum esse, Rupitarum. Prætereo quod memini in quadam etiam lege Honorij, l. 43, C. Th. de heret. scriptum quoque est, Donatistas etiam vocari Montenses. Adiciam potius quod Augustinus in lib. de heresib. Isti (inquit) hæretici in Vrbe Roma Montenses vocantur, quibus hinc ex Africa solent Episcopum mittere, aut hinc illuc Afri Episcopi eorum pergere, si forte cum ibi ordinare placuisset. Ac quidē Optatus hoc loco numerat & nominat quosdam ibi ordinatos. Inter quos cum meminit Macrobij, venit mihi in mentem, quod Gennadius scripsit sese ex scriptis Optati cognouisse, Macrobiū, (qui cum adhuc presbyter esset in Ecclesia Dei, scripsit librum ad Confessores & virgines) postea Donatianorum in vrbe Roma siue Montensium Episcopum occultum fuisse.

In hoc Optati libro ante illa verba Nam & fon-

tem, iussu lacunam asteriscis notari, ut significarem multa deesse, sicuti & pag. seq. ante hac verba Restat. Ne quis hic miretur aliqui tum & ieiunam & abruptam & imperfectam esse disputationem de Ecclesia eiusque dotibus & insignibus. Quod paulò post ait Optatus, Donatistas non rebaptizare post socios suos in peccato detectos: ineptè vir quidam doctissimus annotauit intelligi de maximianistis. Nam post atatem Optati accidit illud inter Primianum & Maximianum Donatistas dissidium: quod quidem inter hos schismaticos noui schismatis principium fuit, cum utraque pars obtenderet sui generis Concilium, illa Carthaginense, hæc Bagaiense: & tamè neutra quicquam alterius baptismo detraheret. Nihil est quod Donatistis sapius obiiciat Augustinus rebaptizantibus post Catholicos. Sed Optatus non potuit obiicere quod nondum erat, vidit tamen aliquid non dissimile, quod hic obiicit. Historiam illam maximianistarum integram exponit Augustinus in lib. de gest. cū Emer. & lib. 4. contra Cresco. cap. 10. & lib. 3. cap. 53. & 56. sed & in Psal. 36. Pag. 26. Optatus ait Donatistas non præterire in Sacramentorum mysterio quiddam legitimum: significat autem solennem formulam illius (ut etiam vocabatur) Canonica præcationis, qua dicitur offerri sacrificium pro vna Ecclesia in toto orbe diffusa. Sic & lib. 3. ait eos non potuisse prætermittere illud legitimum pax vobiscum. Et libro 4. ait eos etiam vsos in baptismo fuisse solenni formula illius Ecclesiastici exorcismi Maledicte exi foras. Sic Cyprianus scribit Novatianos in baptismo

non ausos esse præterire solennem illam stipulationem, Credis remissionem peccatorum? tametsi hæc ipsæ remissionem non crederent. Sic & Augustinus significat Pelagianos in baptismo puerorū adhibuisse quoque illam quoque formulam abrenuncias satanæ? cum tamen aliqui negarent pueros aliquo originali peccato obstringi. Imo Firmilianus ad Cyprianum scribēs ostendit Diabolum quoque ipsum, cum per obsessam quandam vatem etiam baptizaret, obseruasse verba solennia atque vsitata. Denique Augustinus lib. 2. de bono persæ. cap. 13. disputans contra Pelagianos tacitè significat eos aliquid ex Ecclesiastica formula Eucharistia repetiisse quod obicerent: sed ipse sic eam interpretatur ut aduersus illos contorqueat. Quod ergo (inquit) in sacramentis Fidelium dicitur, ut sursum corda habeamus ad Dominum, munus est Domini: de quo munere ipsi Domino Deo nostro gratias agere à sacerdote post hanc vocem, quibus hoc dicitur, admonentur, & dignum & iustum esse respondēt

Porro quod Optatus narrat de Iuliano Apostata, qui donatistis fauerit, à quibus appellatus atque laudatus est, latius exponitur ab Augustino in epist. 148. & 166. & lib. 2. contra Petil. cap. 83. & 92. Sane libro xvi. Cod. Theod. Tit. v. ca. xxxvii. in quadam Constitutione Honorij fit mentio cuiusdam Rescripti, quod Donatistæ ab hoc Iuliano impetrasse dicebantur.

Quod Paulò post Optatus narrat de Diaconis in altari occisis, simile est quod Augustinus narrat lib. 3.

contra Crescon. cap. 43. Sed & ad illam Donatistarū iactationem, qua Optatus significat eos, sese appellasse Columbas, Catholicos verò vocasse vultures, adiciam quod Augustinus lib. 2. contra Petil. cap. 83. Isto (inquit) modo & miluus cum pullos rapere territus non potuerit, Columbum se nominat.

Denique quod subijcit Optatus Donatistas Eucharistiam proculcare voluisse Victor uticensis non dissimile quippiam suis temporibus in Africa rursus accidisse narrat: ut hac quoque in parte Vandalos illos Arrianos cum donatistis comparari posse intelligamus. Verū id repetatur ex libris ipsius Victoris, quos nunc cum Optato edidimus.

In librum tertium.

In editione Germanica tot° hic li. 3. sic trāspōsitis paginis, confusus & perturbatus fuerat, ut nunquam magis fuerint permixta Sybilla folia, cum fierent (ut ait Pœta) rapidis ludibria ventis. Ego in priori editione Parisiensi, beneficio eius exemplaris, quo utebar, restitui aliquot paginas suo quasque loco. In hac editione rursus totidem restitui suo ordine, qua etiam nū temere confusa & transposite iacebant, idque feci auxilio Tiliiani codicis. Certe quamdiu illa, quas dixi, metatheses paginarum miscebant omnia, vix vlla intelligi poterat sententia huiusce libri: hicque agnoscimus mirabilem olium fuisse siue incuriam siue insciam librariorum, qui libros non tam describere videbantur quam discerpere, ut catuli lacerant pannicu-

los, sicuti ait Plato quodam loco. Nunc spero tamen sic
librum istum esse in integrum restitutum, ut lector no-
stra huius editionis fructum statim agniturus sit.

Quod ad rem attinet: hic agitur causa Macarij Præ-
fecti, propter cuius animadversiones capitales, Dona-
tistæ odiose declamitabant, Ecclesiam nostrorū esse san-
guinariam, neque iam Ecclesiam Catholicam, sed Ma-
carianam vocabant, ut scribit Augustinus in epist.
161. Idem in epist. 164. ad Emeritum Donatistam.
Nos (inquit) appellatis Macarianos. Denique ut
Catholici, Donatistas vocabant partem Donati: Sic
Donatistæ, Catholicos, partem Macarij Testis est Au-
gustinus lib. 2. contra Petil. cap. 39. Iniusta tamen e-
rat recriminatio aut retaliatio. Nam ipsi Donatistæ
se se ab initio vocarant partem Donati, ut Optatus
his probat. Catholici nunquam se dixerāt esse partiū
Macarij.

Porro ut Augustinus causam ipsius quoque Ceci-
liani, quæ etsi bona esset, tamen personalis erat, cona-
tus est semper separare ab Ecclesiæ causa, sic & ipsius
Macarij, Vnde & in epist. 203. ad Maximinum Do-
natistam, Nec tu, (inquit) obijcias tempora Ma-
cariana, nec ego seuitiam circumcellionum. Si
hoc ad te non pertinet, nec illud ad me. Non dis-
similis est actio Optati. Illud modo adicio, extare quā-
dam Arcadij & Honorij legem l. 31. C. Th. de Episc.
& cleric. quæ huc pertinere videtur, eum iudicibus
Africanis presidium armata apparitionis tribuit
aduersus eos, qui vi irruebant in Ecclesias earūque
clericos affligebant

Quod post principium huius libri Optatus dicit de hoc verbo *ixv* : in editione Germanica tam erat deprauatum, ut monstrum quoddam esse videretur. Erat enim in ea scriptum *Xort*. Ego iam in priori editione Parisiensi id emendavi atque restitui, simulque ad marginem ascripsi locum Augustini, qui latius exponit mysterium, quod Optatus hic subesse significat. Locus ille Augustini est lib. 18. de Ciuit. Dei, cap. 23. Nunc, ne quis existimet, ab Optato, quicquid istud est, inuertum aut confictum esse, adicio, ipsum antea Tertullianum in lib. de Baptismo, illius meminisse.

Optatus deinde abutitur verbis Iesaiæ Prophetæ cap. 22. ut quæ simpliciter dicta sunt vel de Iudæa quæ vocatur Vallis, vel de urbe Hierusalem, cui denunciatur tristis aliqua clades & vastitas, contorqueat aduersus factionem Donatistarum in Africa. Nescio, quæ Optatus vsus sit translatione vel interpretatione Iesaiæ. Sed dissimulare non possum, valde ab eius Prophetæ & sententia & verbis alienum esse quod affingit. Credo etiam librariorum esse quædam peccata, ut cum hic Iesaiam allegans, templum ponit pro tecta, & virgam pro fugam. Sed non suscepi omnia, quæ Optatus, ex sacris literis vel preposterè citat vel ineptè repetit (quod vitium fuit illius & ætatis & regionis) corrigere.

Quod Optatus ait de monte Sion in cuius vertice, erant septem synagoga, & in quo post victorias Vespasiani Imp. vix antiquarum (ut ait) restant (sic enim emendavi ex Tiliiano libro) indicia ruinarum : habet

ANNOTATIONES

ea res aliquid quod historia studiosus obseruet. Ipse Hieronymus in Hierem. cap. 19. scribit Iudeorum ciuitatem in aternos cineres collapsam esse cuius ruina ad consummationem vsque seculi permansura sint. Sane post tempora Vespasiani, quibus vrbs illa excisa & euersa iacuit annis prope quinquaginta, Adrianus Imp sic eam rursus instaurauit, vt non veterē urbē instaurare, sed plane nouam extruere intelligeretur. itaque & nomen ipsum mutauit, ac pro Hierosolyma, Eliam Capitolinam dici voluit. Atque ita quidem appellatur & ab Vlpiano in Pand. Tit. De cēsis. & ab ipsis Patribus Nicenis in Canonibus eius Synodi. Alioqui vero Tertullianus quoque duobus locis, hoc est, in lib. contra Iudeos, & lib. 3. cōtra Marc. exclamat, Sion iam nulla est.

Nulla est in Optato sententia, quæ rarior esse videatur quam hæc, quæ sequitur paulo post, Non enim Resp. est in Ecclesia, sed Ecclesia est in Rep. id est, in Imperio Romano. Alij interpretarentur, Remp. quidē esse posse sine Ecclesia, vt olim fuit Resp. Ro. Ecclesiam vero non posse sine Rep. imo huius partē esse, cum in huius sinu veluti coalescit. Scio etiā multa dici speciose posse in vniuersum de Reip. & Ecclesię comparatione, sed nunc aliud agitur & queritur. Dicam ergo quod huius magis loci est. Olim solennes in Iudaica Ecclesia erant preces pro regno Davidis, in quo Ecclesia intelligebatur esse inclusa Eoque pertinet Psal. 118. & 72 & 122. Fuerunt deinde in Ecclesia Christiana solennes preces pro Imperio Ro. multis de causis. Primum enim etsi primis seculis Impe-

rium illud valde aduersarium & festum esset Ecclesia, tamen eius Imperij amplitudinem prodesse ad propagationem religionis, Christiani existimabant, ut Ambrosius annotat in Psal. 46. & Eusebius ad finē libri tertij de demonstrat. Euangel. & Prudentius lib. 2. contra Symmachum. Deinde Christiani veteres, & locum Pauli ad Thessalonicenses de apostasia sic interpretabatur, & de Antichristo sic loqui solebant, ut profiterentur, Antichristum, qui Ecclesiam grauius percelleret, venturum nō esse ante ruinam & dissolutionem Romani Imperij: neque orbem prius esse periturum. Ergo Deum precari solebant pro Imperio Ro. in cuius incolumitate sentiebant propterea inclusam esse incolumitatem Ecclesia. Tertulianus, quē in Africa legebat Optatus Afer, si loquitur in Apologetico ad Romanos, Nominatim atque manifeste, Orate inquit Apostolus, pro regibus & pro Principibus, potestatibus, ut omnia tranquilla sint. Vobiscum enim concutitur Imperium: concussis etiam cæteris membris eius, utique & nos, licet extranei à turbis existimemur, in aliquo loco casus inuenimur. Est & alia maior necessitas nobis orandi pro Imperatoribus, etiam pro omni statu Imperij rebúsque Romanis, quod vim maximam vniuerso orbi imminentem ipsamque clausuram seculi acerbitates horrendas comminantem, Romani Imperij cōmeatu scimus retardari. Itaque nollum experiri, & dum precamur differri, Romanæ diuturnitate fauimus. Et rursus paulo post, Oramus pro

Imperatoribus, pro ministris eorum, & potestatibus seculi pro rerum quiete, pro mora finis. Idem ad scapulam, non modo illud inculcat, Sacrificamus pro salute Imperatoris: sed & proficitur necesse esse, ut Christianus saluum velit Imperatorē, cum toto Romano Imperio: & addit, Quousque seculum stabit: tandiu enim stabit Imperium. Idem in lib. de resurrect. car. sic interpretatur locum Pauli ad Thessalonic. ut quemadmodum non est futurus finis seculi antequam reueletur antichristus, sic antichristum venturum non esse antequam deficiat Romanum Imperium. Itaque ait Romanum statum ob stare, quominus ille veniat. Sane Optatus non vidit illam Romani Imperij maximā ruinam, quam Barbari intulerunt, qualē vidit Augustinus aut etiā Hieronymus, qui & cū urbē à Gothis captā videret, scripsit ad Geront. appropinquare antichristū. Sed vidit Optatus Imperij Romani sedem sic translatam esse in Orientem per Constantinum, ut simul imperium illud tunc factum sit Ecclesia Christiana propugnaculum, & in eo impletum fueris illud Iesaja ad Ecclesiam, Et Regēs erunt nutricij tui. Quod quidem Optatus commodē potuisset obijcere Donato reiicienti elemosynas Constantis Imp.

Optatus paulopost, locum Ezechielis cap. 28. de Tyro, detorquet ad Donatum. Carthaginensem ut & Augustinus in lib. de Vnit. cap. 3. et tunc et alibi, hoc est, lib. xj. de Genes. ad lit. cap. 25. eundem locum refert ad Diabolum. Sed reuera vaticinium Ezechielis de excidio Tyri, aliud non est quam quod antea ipse Iesajas

Iesaias ediderat cap. 23. Neque tamen apud Iesaiam scriptum est quod Optatus ait, naues Carthaginis, sed, naues Tharsis: quo, verbo transmarina potius Cilicia significatur, tametsi Augustinus in Psal. 47. malit eo verbo intelligi Carthaginem. Sed neque Carthago fuit Tyrus: imo potius Tyri quadam colonia.

Porro ad ea quæ Optatus narrat de fastu & arrogantia Donati, adijci posset quod Donatista iactabant, Deum de celo respondisse oranti Donato, ut ait August. Tract. 13. in Ioann. & angelum apparuisse, qui eius sectam cõmendaret, ut refert idem August. in epist. 165. Sed omnibus propè hæreticis volentibus communis fuit ambitio & arrogãtia: qualem Optatus hîc accusat in Donato. Omnes enim tumēt, ut inquit Tertullianus de præscript. Denique ut Optatus narrat Donatistas iurasse per nomen Donati, sic & Priscillianistas per nomen sui Priscilliani, narrat Sulpitius Severus. Illud quoque mihi legenti hoc loco Donatum sibi arrogasse principatum Carthaginis, adijciendum videtur, quod Hieronymus annotat in suo Chronico, Donatum hunc tandem Carthagine pulsum fuisse, anno Christi trecentesimo sexagesimo, hoc est, non multis annis antequam hos libros scriberet Optatus. Quod paulò post subijcitur de persecutione excitata à Diocletiano sexaginta annis antequàm hæc scriberet Optatus, explicatum est libro primo, ubi & de Annulino dixi, cuius hîc quoq, fit mentio. Illud modo addam quod non omnes fortasse alioqui intelligerēt, Prouinciæ Proconsularis nomine hîc significari Africam. Quod & in legibus frequēs est. l. 11. C. de erog. milit. ann.

L. ult. C. Th. de Tyrone. L. 13. C. Th. ind. deb. Porro multa deinde narrat Optatus de Circumcellionum immanitate. Augustin⁹ partim similia partim etiam atrociora de ijs passim narrat, & quales fuerint illi Donatistarum satellites, diligenter exponit. Nam & plura eorum scelera vidit, quàm Optatus. Illud modò comparabo, quod memini, Augustinum de iniuria, quæ fiebat creditoribus & dominis similia narrare in epistola quinquagesima, cū Donatistæ & seruos ad Pileum vocare viderentur, & debitoribus veluti Novas tabulas darent. Quis (inquit Augustinus) non dominus seruum suum timere cōpulsus est, si ad Donatistarū patrociniū seru⁹ cō fugisset? Quis quēlibet poterat exigere debitore auxiliū eorū defensionēque poscentē? Pessimorum seruorum, vt liberi abscederent, tabulae frangebantur. Extorta debitoribus Chirographa reddebantur. Quid sit reddere debitoribus Chirographa, intelligunt Iurisconsulti, qui liberationem inde nasci sciunt. lib. 4. De pact. l. 1. §. ult. & l. 3. De liber. leg. Obseruabit etiam iuris & antiquitatis studiosus, quod paulò post ait, non fuisse permissum in Domo Dei, hoc est, in tēplo vel Ecclesia, sepulturā: sicuti & lex quædam Gratiani temporibus Optati edita negat Apostolorum vel martyrum sedem humanis corporibus esse concessam. l. 2. C. de sacros. Eccles. Augustinus tamē in lib. de Cura pro mort. laudat eos, qui cupiebant in Ecclesia sepeliri prope sepulcra martyrum.

Præterea nostri annotabūt, quod Optatus non mul-

tō pōst scribit, metatores (ut fieri solet) missos esse ante
 vēturos milites. Metatores vocat, & iis a scribit, quod
 in Codice Constitutionum dicitur potius fuisse officium
 Mensorum, L. 1. & 5. C. de metat. Metata dicuntur in
 Iure ciuili hospitia, quæ Prouinci.ales præbere iuben-
 tur militibus: & metatores, ipsi hospites qui excipiun-
 tur. L. 9. C. de metat. Sed Optatus, ita vocat eos, qui
 præmittuntur ut hospitia illa (ut loquimur) prius de-
 signant. Sic & in Commentariis Suida μετὰ τῶν, ὁ
 πρὸς τὴν ἐλπίδα ἀφ' ἑλὸς πρὸς τὸ ἀρχον-
 τος. Huc alludit illud Sidonij Apollinaris lib. 8. Me-
 tatoriam paginam quasi cum Musæ præmia misi.
 Ex libris quoque Iurisconsultorum emendatum est
 & restitutum quod ante finem libri tertij Optatus
 recitat diſterium Donatistarum, Caij Sei, Caia Scia
 ut & rursus ante finem libri sexti. Antea corrupte
 in Germania impressum fuerat Gaiaſci. Norunt Iuris
 studiosi Caium aut Seium aut Titium appellari solere
 quemuis hominem. Vnde & noster Tertullianus in a-
 polog. Commemorat vulgare illud de Christiano, Bo-
 nus vir Caius Seius. Porro Augustinus libr. 2. de
 Bapt. cap. 7. rursus hunc Optati locum illustrat, cum
 narrat fuisse hæc Donatistarum verba ad Catholicos:
 Bonus homo, si non esses Traditor? Consule a-
 nimæ tuæ: esto Christianus. Hic Augustinus Op-
 tatum secutus exclamat. O improbam rabiem.
 Cum Christiano dicitur, Esto Christianus: quid
 aliud dicitur nisi, nega te Christianum?
 Sic enim locum illum Augustini lego & emendo.

Sane idem Augustinus in epist. 169 ad Eusebium, significat, cum quis Catholicus ad Donatistas deficiebat & ab eis rebaptizari volebat, debuisse, ut id mereretur, dicere, sese hactenus fuisse pagani- num. Quæ vox, (inquit Augustinus) ne proce- deret de ore Christiano, tantus sanguis marty- rum fusus est. Denique idem Augustinus lib. 4. con- tra Crescon. cap. 59. ait, hunc superbia tumorem esse o- mnium, qui se à Christi unitate discindunt, ut soli se- se esse Christianos iactent, damnentque ceteros. De hac iactatione Donatistarum. Totus mundus apostata- uit, nos soli mansimus, & c. dictum est alibi.

Postremus in hoc Optati libro tertio locus, qui obser- uatione valde dignus sit, est de imagine nescio qua, quam Macarius dicebatur contra ritum Christianum collocaturus in altari, priusquam sacrificium offerre- tur. Suspicio quod calumniatores odiosè hic fingebant, fuisse de profana imagine siue statua ipsius Impera- toris, à quo missus erat Macarius: ut mirari non de- beamus, si tale simulacrū, quod in altari collocaretur, Christianos exhorruisse narret Optatus: cum quidem & id fieret contra Imperatorum mādatum. Nam & licet Principes ipsi illis temporibus magnificerent suas statuas, tamē idola esse nolluerunt. Ipse Theodosius iu- nior in quandam constitutione, Si quando (inquit) nostræ statuæ vel imagines eriguntur, adsit iu- dex sine adorationis ambitioso fastigio. Sic enim legitur in C. Theod. lib. 15. tit. 5. In C. tamen, Justin. pro fastigio legitur fastidio, lib. 1. Cod. tit. 2. 4. sed si nolit Theodosius fastidiri adorationem suæ statuæ,

ciuilem modo honorem requirit, qualem eo tempore significabant superbo & ambitioso verbo adorationis saltem in Cod. *Th* adijcitur eius constitutionis clausula, quæ hic negligenda non est. Excedens (inquit) cultura hominum dignitatē Supremo numini referuetur. Illud modo dico moris olim fuisse, ut Imperatores mitterent suas siue statuas siue imagines in provincias, in quas ipsi alioqui non proficiscerentur: easque imagines à populis de more fuisse exceptas propè religiose. Sic *Imp. Theodosius* in l. 1. C. *Publ. letic. vel consul nunc*. Si sacros (inquit) vultus inhiantibus forte populis inferimus, hos sine immodico precio excipi præcipimus. Imagines illas vulgo vocabant *Laurata*. Vnde in *Actis secunde Nicenæ Synodi* ubi de sacris imaginibus agebatur, legimus: *Laurata & iconas*, quæ mittuntur ad ciuitates, vel regiones obuij adeunt populi cum cereis & incensis, non cera perfusam tabulam, sed Imperatorem honorantes.

In Librum quartum.

Hoc libro *Optatus* illud potissimum agit, ut respondeat *Donatistis*, qui, cum baptismum à peccatoribus (ut vocabant) administratum contenderent esse inanem, ineptissime obijciebāt illud ex *Psa. 140*. Oleum peccatoris non vnget caput meum. Sed vellem, *Optati* responsio interpretationem commodiorem proposuisset: qualem tamē ab *Augustino*, qui veluti sup-

plere solet quod in Optata desideratur, repeti posse fateor. *Vt autem Donatista illū psalmi versiculū tam ineptē huc detorquerēt, secutū vidētur praposterū exemplum illius synodi Carthagenensis, cui præsuit Cyprianus, & in qua versutus ille citatus fuerat ad improbandū baptismū hereticorū. Vt iam minus mirari debeamus, si quod tale exēplum secutus Parmenianus ridiculē obiecerat, fuerit deinde & abs Petiliano & abs Cresconio, gloriosis Donatistarum patronis putide inculcatū. Verum bene habet Augustinum vera interpretatione grauitē diluissē tam futiles eorum ineptias, lib. 2. contra Petil. cap. 103. Et lib. 3. cap. 33. Et lib. 2. contra Crescon. cap. 24.*

Porro memo miretur, si Optatus tam facile existimet statim significari baptismum ubi mentio fit olei, vel unctionis. Nam & baptismi verbo scriptura sacra interdum totum ministerium Ecclesie significat, ut Et nomine Altaris deinde nostri maiores plerumque id significarunt, sic Chrismatis aut olei verbo frequenter totum baptismum indicari existimarunt, plerumque cum olim Christiani solerent sacram illam unctionem adhibere tam ante quam post baptismum.

Non possum præterire quod Optatus deinde ait, Marcionem ex Episcopo factū esse Apostatā. Atqui Tert. in li. de præscr. non Episcopū, sed Episcopi filium fuisse ait & à patre fuisse excommunicatum propter stuprum. Alioqui Marcionem vixisse solitarium scribit Epiphanius. Est autem intolerabile mendum quod in Optato legebatur, Marcionē induxisse duos Scriptos. Ergo ex Tiliiano libro emendauit & restituit Christos. Quod vero subiicitur de Ebione, qui Patrem passum esse dixerit: mallem id dixisset de Praxeā, cuius etiam meminit libro primo. Nam & Tertullianus in lib. de præscript. testatur multis post Ebionem annis Praxeam (quem in Africa vixisse ait Augustinus) heresim introduxisse, quæ Patrem omnipotentē (ut ait) diceret esse Iesum Christum, passum & crucifixum. Quod autem Optatus deinde ait, Valentinum voluisse Christo carnem sub-

ducere, etsi Tertullianus in suis libris contra Valentinianos utcumque dissimulet, cum alia eorum portentosa exagitet, tamen in libro de carne Christi, non obscure accusat Valentinum, qui (ut ait) carnem Christi spiritalem commentus sit, quasi hanc Christus ex cælo attulerit, & per virginem potius quam ex virgine natus sit. Optatus paulò post meminit cuiusdam Corpiani heretici. In libro Tiliانو legitur Scorpiani. De eo nihil memini me alibi legisse. Scio quosdam olim nebulones in Africa Cyprianum ignominiose appellasse Cyprianum: quasi stercorearium dicas. Sed Cyprianum nemo dixerit alienum fuisse à martyrio, cum exhortationem ad martyrium scripserit, & ipse martyr fuerit. Sane quam Optatus significat fuisse hæresim Corpiani negantis debere esse martyria: scimus rariorem fuisse, quam altera illa fuerit, quæ auctore Montano martyria tam præcise requirebat, ut non alios quam martyres contenderet saluos fore: Eusebius lib. 6. cap. 38. narrat ex Origene quandam olim fuisse Helcesuitarum hæresim, quæ irrideret Christianos qui propter confessionem Christi periculum mortis adirent: sed eam hæresim statim atque nata fuit, extinctam fuisse narrat. Maioris est momenti quod deinde Optatus scribit olim fuisse hanc in baptismo puerorum formulam exorcismi, Maledicte exi foras, quæ etiamnum servatur. Memini Petrum martyrem familiariter aliquando mihi dixisse, quod & postea scripsit in primum librum Regum, sese cum quendam Cypriani locum diligenter expendere, singulariter depræhendisse atque observasse originem minimè vulgo notam exorcismi cum baptismo

ANNOTATIONES

coniungendi. Cyprianum enim lib. 4. scribere ad Magnum, spiritus immundos quandoque fallere seruos Dei, dñs adiurati fingunt sese abire: nec tamen abeunt. Tum verò Cyprianum adiicere: Verum cùm ad aquam ventum est, ibi Diabolus minime valet subsistere prorsusque discedit. Hinc Petrus martyr iactat sese colligere, olim factum esse, ut arrepticij, qui non poterant curari exorcismis, baptizarentur. Posteritatem verò generaliter & confuse deinde semper exorcismos coniunxisse cum baptismo. Ac quidem fatetur Optatum, ut & Augustinum, valde id probasse. Sed utrumque propterea reprehendit & erroris accusat. Prætereo quod inepte allegat nescio quem Optati librum octauum, qui nullus est. Illud modo dico, tam fuisse Optatũ Cypriani temporibus vicinum, ut quod narrat passim suo tempore factum fuisse, intelligi etiam possit factum quoque fuisse tempore Cypriani: neque Optatum accusari posse ut auctorem huius moris & consuetudinis.

In librum quintum.

Nullus est in hoc libro illustrior locus, quam qui ex libris Iurisperitorum repetitus est de testamento, cuius testimonio de voluntate testatoris indicari solet. Ut tali exemplo probet Optatus, ex tabulis sacrarum litterarum dirimendam quoque esse litem quam mouet Donatiste. Augustinus, qui Optatum imitari solet, videtur simili usus esse argumento. Nam in Psalm. xxi. compellens Donatistas, inquit: Fratres sumus:

quare litigamus? Non intestatus mortuus est pater. Fecit testamentum, & sic mortuus est. Tandiu cōtenditur de hæreditate mortuorum, quādiu testamentum proferatur in publicum: & cū prolatum fuerit, tacent omnes, vt tabulæ aperiantur & recitentur. Iudex intentus audit, aduocati silēt, præcones silentium faciunt, vniuersus populus suspensus est, vt legantur verba mortui. Ille sine sensu iacet in monumento, & valēt verba ipsius. Seder Christus in cælo, & contradicitur eius testamento. *Idem Augustinus in lib. de quinque hæresib.* Leges (*inquit*) habent, vt testatoris voluntati in omnibus pareatur. Si quis cōtra voluntatem testatoris facere voluerit, careat hæreditate. Testamentum profero: verba testatoris recito. *Ineptus essem, si ex nostris legum libris nūc ambitiose atque adeo ociose repeterem multa eius generis de fide & authoritate & testimonio testamentorum. Illud magis huius loci est, vt obseruemus, Augustinum cautius, quā Optatum, vt superiori exemplo & comparatione. Optatus enim eo vitur, cum ex nouo testamento profert scripturam Ioannis de lotionē pedum, vt inde probet non esse iterandum baptismum. Sed Augustinus, qui vidit coactum id esse mauult vt superiori comparatione, cum ex Psalmis & Prophetarum scriptis probare vult Ecclesiā Christi esse catholicam. Qua de re cum Donatistis altera lis fuit. Sic & in lib. de unit. Eccles. contra Petil. Sunt (*inquit*) libri Dominici, quorum auctoritativ trique consentimus, credimus, seruimus. Ibi quæ-*

ramus Ecclesiam. Ibi discutiamus causam nostram. Caterum ~~non~~ disputat aduersus Donatistas de unico baptismo eoque non iterando non tam scripturam allegat quàm Traditionem Apostolicam, quasi nuncupatiui potiusquam scripti testamenti testimonio tunc uti mallet. lib. 2. de Baptis. cap. 7. & lib. 4. cap. 6. & lib. 5. cap. 23. Ac quidem etiam aliquando allegauit locum Ioannis de lotionepedum, lib. 3. de Baptis. cap. 14. Sed cum Petilianus eum in nostros retorqueret, Augustinus sic respondet, ut non dissimulet sese non valde urgere tale argumentum lib. 2. contra Petil. cap. 22. Itaque & in lib. de unit. cap. 19. ab eo loco statim transit ad Ecclesie usum & authoritatem. Sane tamen locus ille Ioannis, multis etiã post Augustinum annis tam visus est in Africa pertinere ad unicum baptismum, ut furente Vandalorum tyranno, cum septem illi fratres, quorum nomen minus nobile martyrium fuit, quam olim fratrum Machabeorum, ab Arrianis urgerentur ad alterum baptismum, nihil magis opposuerint. Testis est victor Vicensis lib. 4. de persec. Vandal. nempe, nostri olim fuerunt fortiores martyres quàm acuti disputatores. Illud postremo annotabo quod Optatus in hoc libro respondet aduersariis contendentibus baptismum ab schismaticis administratum esse nullum, & propterea esse repetendum, quia & baptisati à Ioanne sint iterum baptisati ab Apostolis, ut Lucas refert. Optatus respondet exemplum esse dissimile, quia baptismus Ioannis alius & diuersus fuerit à baptismo Christi: Baptismus verò schismaticorum conferatur in nomine Pa-

tris & filij & spiritus sancti, tanquam baptismus Christi. Non dissimile responsum & distinctio est Hieronymi in Dial. contra Lucifer. & Augustini lib. 2. contra Petil. cap. 37. & lib. 3. cap. 56. & lib. 5. de baptis. contra. Don. cap. 9. 10. & c.

In librum Sextum.

Nihil multos hodie magis offendit in hoc libro, quā quod Optatus tanti faciat altaria. Certe Petrus martyr in 1. lib. Regum, cap. 23. valde propterea reprehendit Optatum. Mirum verò cur non potius ipsum, qui antiquior est, Tertulianū, qui in lib. de pœnitent. aras Dei in Ecclesia celebrat.

Porro quod Optatus hic narrat de incredibili Donatistarum fastu, & aduersus Catholicos immuni odio, memini multis post seculis in Oriēte Græculos esse imitatos in suo schismate. Nam innocentius 3. in cap. 6. De baptis. lib. 3. Decretal. ex suo consilio lateranensi (quod anno 1215. Roma coijt) istam repetit narrationē. Si quando (inquit) Sacerdotes Latini super Græcorū celebrassent altaria, non prius Græci sacrificabant in ipsis, quā ea, tanquā inquinata, lauisent, Baptisatos etiā à Latinis Græci rebaptizare ausu temerario præsumebant. Alter in hoc loco præcipuus locus est de Sanctimonialibus (ut vocabatur) quas & olim in Africa & Aegypto vocatas fuisse Nonnas, ex Arnobio atque Hieronymo didici. Et quidem Ambrosius lib. 1. de Virgin. ait ex ultimis infra vltraque Mauritania partibus deductas Medio

lanum, sacrari gestijſſe ab Ambrosio. Habebant & Donatista suas virgines Sanctimoniales, & cum Catholicos audirent in suis ostentare quoddam decus Ecclesie, valde hoc agebant, vt eas ad se pelliceret, sicuti indicat Augustinus in epist. 169. Hoc ergo illud est, quod Optatus qui & libro secundo aliquid hac de re dixerat, tam valde hic conqueritur tentatus à Donatistis fuisse tales Vestales: & earum non modo raptores, sed & procos tam valde abigit. Paulo antequam Optatus hac scriberet, lata fuerat ab Imp. Iouiano lex seueriſſima, qua capitalem pœnam denunciabat iis qui non modo rapere, sed & iungendi matrimonij causa, sacratissimas Virgines attetare ausus esset. l. v. C. de sacros. Eccles. Testisque est Sozomenus li. 6 cap. 3. Iouianum id edixisse, vt reprimeret incestum petulantiam, quæ tempore Iuliani impie & impudenter grassata fuerat sed Donatistarum procacitatem & impudicitiam nulla lex coërcere potuit.

Porro cõmodè nũc mihi in mentẽ, Fulgentiũ Afrum qui annis post Optati mortem plusquam centum in Africana Ecclesia fulsit floruitque, libro secundo ad suum Monimum ex hoc Optati libro sexto, vbi de Virginibus agitur laudare Optati interpretationem, Paulina de iis sententia ad Corinthios, & consilij magis quàm præcepti: eamque interpretationem conferre cũ Aug. & Ambrosij alia expositione. Et quia integra Optati verba recitat Fulgentius, locũ inspiciat lector, & cũ nostra editione conferat. Nã & id maioris est momẽti, quã q̃ præterea Optatus inculcat de velis, quibus tegebãtur & veluti obnubebãtur capita sacrarũ

virginum. Mitrellas vocat, quasi paruas mitras dicas. Mitra verbum est Syriacū, Græci dicunt *Μίτρα*, Latini vittā, & proprie significat vinculū aut redimiculū. Ut autem erant vittæ virginales, sic & aliæ erant matronales. Nam nupta matrona aliter quam virgines caput velabant & ornabant. Vnde Propertius, Cinxit & acceptas altera vitta comas.

Quod sub finem ait Optatus, de ea, quæ secundo nubit, Nō in altum tollitur, annotatum est ab aliis, dictum videri ex more Africana potius quam Latie Gentis. Fuisse enim apud Pænos, ut & apud Aegyptios & Græcos, in more, ut nubentes sella curuli insisterent, currūque sublimes vectæ, à patris domo in domicilium mariti transferrentur. At Romano more nubentes potius manu ducebantur.

Quam postremò elegantem similitudinem repetit ab aucupibus Optatus, videtur & Augustinus cum imitatus repetisse in lib. ad Honor. de util. cred. cap. I. Ego nunc edo emendatiorem, ubi pro viuarum volentium, ex meliori exemplari restitui auium volantium. Memini etiam, quod cum nuper me inuiseret Fornierius Iuriscons. Aurelianensis & de Optato forte incidisset sermo, admonuisse, sibi videri, in eo, quod paulò post Optatus ait cantare gutture alieno, illud alieno proprie significare ficto, ut apud Horatium, malis ridentem alienis id est, fictis & simulatis genis, & similiter apud Homerū. Sed respondit, apud Optatum aues hic dici quasi de gutture alieno cantare, quia earum cantus qui verus est per errorem habeatur pro cantu aliarum auium alioqui

ANNOTATIONES


ficitarum atque mutarum. Addidi, apud Valerium Flaccum, illud, Errantésque genæ, atque alieno gaudia vultu, simile esse versui Horatiano.

In librum Septimum.

Suspicatus sum aliquando hunc librum, (qui & in editione Germanica præteritus fuit) non esse Optati, cum Hieronymus non nisi sex libros ab eo scriptos esse scribat, & ipse Optatus lib. 1. non nisi sex librorum argumentum proponat. Sed cum hic lib. 7. reperiatur in tribus, quibus usus sum, manuscriptis exemplaribus, & stylus resque conueniat, agnoscam esse Optati: verum dicam esse scriptum post editos sex superiores. Bene autem habet, quod multe pagine, quæ desiderabantur, inuenta sunt in Tiliano exemplari: & postrema pars quæ in eo deerat, in aliis exemplaribus extiterit: tamen si non dubitauerim detrudere & delere, quod ex fine lib. 3. de causa Macarij, temere hic repetitum, & inapte additum atque assutum fuerat ad finem huius li. 7. Sed nolui neque debui præterire quæ in exemplaribus duobus appendicem postremam reperi, licet deesset in Tiliano. Illud modo confiteor in emendatione huius libri postremi minime mihi ipsi me satisfecisse, neque propter varietatem scriptura potuisse.

Ceterum ut quod ad rem magis pertinet, & plenior Donatistarum historia postulat, expleam, & Optato hac ratione cumulate satisfaciam, visum est nunc adijcere integram expositionem disputationis de Ecclesia in amplissimo conuentu Carthaginensi cum Do-

natistis habite, presente Augustino, annis aliquot post mortem Optati. Nam & in ea (ut vocata fuit) Collatione, ipsius quoque Optati & librorum eius causa quodammodo acta est, ut & ex iis, quæ paulò antè annotavi intelligi potest. Ac superioribus quidè annis illius collationis historiam separatim edideram. Sed eam relegendo feci ut post recognitionem secunda editio futura sit multò melior, adiectis plerisque ad rem pertinentibus, detractis verò iis, quæ & ad eam minus pertinere videbantur, & quia paulo odiosius acerbiusue, tamē notabant quosdā huiusce tēporis, multis lectorib⁹, viris alioqui bonis & amicis ingrata esse audiui, quos equidem temere offendere nolim. Nā & ipse, vel si sim iniuria lacebitus, tam abhorreo abs cuiusquam insectatione, quam valde desidero de religione agi religiosè & placide, sicuti & de Ecclesia cum Donatistis actum fuisse in Carthaginensi Disputatione nunc ostendam. Lectorem modo rogabo, ut auersus à conspectu tristissima deformitatis, in qua prope sepulta nunc iacet Ecclesia, iam pridem aliquam frustra expetens reformationem, referat oculos ad tempora Augustini, de quæ illius temporis Ecclesia, non de huius colluione agi cogitet.



Retinquam de Donatistis dicam quod institui, breuiter dicendum aliquid est de Nouatianis, quibus illi veluti succedere. Sed & inter eos similia multa fuerunt, & multi etiam olim doctissimi homines hinc multa confuderunt, quae discernenda sunt. Adeo Africana historia Ecclesiastica, quae meliori memoria dignissima est, perturbatio magna est. Sic Epiphanius & Theodoretus aiunt Donatistas fuisse Nouatiana haereseos: imò quod de Donatistis propriè dicendum erat imperitè ad Nouatianos refert Epiphanius, cum hos ait Romae appellatos esse Montenses. Certe licet in anabaptismo conuenirent: tamen in ceremonijs Baptismi non conueniebant. Vtebantur etiam chrismate Donatista, non utebantur Nouatiani: neque poenitentiae aduersarij erant Donatista, ut Nouatiani: neque secundas, ut hi, nuptias damnabant. Saltem ipse Cresconius Donatista cum negaret sese haeticum esse, & haeticos enumeraret, cum quibus nihil haberet commune, Nouatianos etiam commemorat: neque Augustinus, cum ei respondit, aliquam Nouatiana haereseos notam ei inurit, lib. 2. contra Cresconium cap. 3. Habuit tamen Nouatianum schisma similia multa cum schismate Donatistarum: sed Nouatiani non ita crudeliter grassati sunt, & in Italia atque Oriente regnarunt potius quam in Africa.

Vt autem quidam olim temerè confundeabant Donatum Numidam cum Donato Carthaginensi, sic etiam multi Nouatum cum Nouatiano. Certe Theodoretus de Fab. haetic. scribit de Nouato, quae de Nouatiano potius scribenda erant: & Epiphanius

ait Nouatum fuisse Romæ tempore persecutionis, cum
id potius dicendum videatur de Nouatiano. Denique
& Zonaras Nouatum haresiarcham dicit fuisse Ro-
manæ Ecclesiæ presbyterum, eodem errore. sed qui Cy-
priani, vel etiam Hieronymum in Catal. vel Pa-
ciani epistolas nuper editas legerunt, facile animad-
uertunt quid Nouato, quid Nouatiano propriè ascri-
bendum sit: & tantò propterea magis miror auctores
Centuriarum historiæ Ecclesiast. scripsisse Nouatia-
num à Nouato creatū fuisse Diaconum Carthaginen-
sem inuito Cypriano. Felicissimum potius dicere de-
buerant. Sanè Nouatus Cypriani Episcopi Cartha-
ginensis presbiter fuit: qui cum in Italiam venisset,
Nouatianum Romanum presbyterum veluti antipa-
pam Romæ creari curauit, cum electionem Corneli,
quam impedire non potuerat, legitimam non esse ca-
nullaretur: sicuti Donatus Numida, cum Caciliani
Episcopi Carthaginensis ordinationem accusaret, Ma-
iorinum, cui Donatus alter successit ordinari curauit,
ut testis est Augustinus in lib. de hæres. qui etiam
propterea adijcit eum in vrbe Carthaginensi primum
erexisse altare contra altare: sicuti Cyprianus simili
formula vsus antea dixerat Nouatianos idem fecisse,
sed Romæ. Atque hoc illud est schismatis summum
malum, quod ut in Donatistis, sic & antea in No-
uatianis accusatum est, magis quàm hærescos crimen.
Certè Dionysius Alexandrinus scribens ad Noua-
tianum, eumque sui officij admonēs, ait, eum quiduis
facere debuisse, potius quàm Ecclesiam schismate scin-
dere: neque tam idololatriam, quàm schisma, fugere
debuisse, quia cum hanc fugit, sibi tantum cauet: cum

verò illud, vniuersa Ecclesia consulit. Testis est Hieronymus in Catal. Et verò Nouatianus, si schismatis rei non fuissent, sua de lapsis deque hæreticorum Baptismo opinionis nouum & insolens exemplum non esse dicere fortasse potuissent. Quid enim? Ipse Cyprianus in epistola ad Antonianum scribit, apud suos (ut ait) antecessores in sua prouincia quosdam Episcopos non putauisse dandā pacem mæchis, & in totum clausisse contra adulteria locum pœnitentiae. Quid verò ut eos utcumque excuset, adycit? Sed tamen (inquit) à coëpiscoporum suorum collegio nō recesserunt, neque catholicæ Ecclesiæ unitatem vel duritiæ vel censuræ suæ obstinatione ruperrunt. Atque id quidem etiam Augustinus Cypriano subscribens diligenter obseruauit epist. 48. Omitto quod ipse Tertullianus iam olim videatur in lib. de pudicit. acerrimè defendisse, quod hic Cyprianus ait quosdam ante se Episcopos putauisse. Sed Tertullianus Ecclesiæ unitatem rupit, vel duritiæ, vel censuræ suæ obstinatione.

Porrò quod Nouatiani Baptizatos in Ecclesia, quā ut pollutam accusabant, & à qua tanquam prophana descuerāt, non habebant pro baptisatis, propterea quod rebaptizabant: faciebant quod hæreticos antea ausos non esse, indicat Cyprianus in epist. ad Iub. & ad Pōp. & Aug. lib. 3. de Bapt. ca. 10. Sed tamen principio quodā nitebantur, quod plerique in Africa Catholici sequebantur, & Africanis (ut dixi) quibusdam Conciliis confirmatum esse videbatur. Ergo ut Nouatus baptismum abs Cypriano administratum non habebat ratum: sic neque Cyprianus eum, cuius minister fuis-

set Novatus aut Novatianus . Caterum hoc interfuit,
quod Cyprianus ab iis, qui Baptismum non esse iteran-
dum credebant, sic dissensit, ut tamen propterea non
refugerit eorum communionem, neque unitatis vincu-
lum ruperit, neque alicuius schismatis auctor fuerit.
Ergo Augustinus Cypriani quidem errorem de ba-
ptismo reprehendit, sed laudat illam unitatis chari-
tatem, qua peccatum cooperiri ait, & rebaptisantes
tempore Cypriani, nec tamen ab unitatis (ut loqui-
tur) compagine recedentes profitetur eadem dilectione
pacis ad veniam pertinere, qua Cyprianus ipse tolera-
bat admissos in Ecclesiam sine alio quàm hæreticorum
baptismo: ut quemadmodum propter unitatis custo-
diam (sic enim loquitur) Cyprian⁹ ignoscebat iis, quos
alioqui in baptismo non iterando errare putabat: sic
Cypriano reuera erranti in baptismo iterando, igno-
sceretur propter eandem unitatis, in qua nihilominus
mansit, charitatem. Novatianis verò schismaticis, qui
hoc errore imbuti ab Ecclesia defecerant, non ignosce-
retur, & multò minus Donatistis . Nam & horum
quàm illorum opinio, quamvis similis esset, minus ex-
cusationis habebat: quia Donatista non ignorabant, in
concilio œcumenico errorem illius Africani concilij,
quod Novatiani obtendere potuissent, fuisse dānatum.
Inter tempora Novati & Donati Sabellius Aseī &
veluti medius mains aliquid audet, & Ecclesiæ ca-
put ipsum, hoc est, Christum ipsum petit, quem non ni-
si hominem esse clamitabat: atque ut Trinitatis myste-
rium tolleret, non modò unicam diunitatis ὁσιαν,
sed etiam hypostasim unicam esse contendit: & hæc,
Pater, Filius, Spiritus sanctus, non personas, sed vo

ces & verba esse docuit. Denique repetiit quod eodem tempore Paulus Samosatenus antistes Antiochenus inculcabat. Capitalis fuit hac heresis, sed Africanam Ecclesiam minus perturbauit quàm factio Donati: & quia Paulus Samosatenus in Antiochena synodo statim damnatus fuit, Afri Catholici non putarunt esse necesse, vt ad Sabellium damnandum cogerent nouum concilium: & verò Sabellianismus latè in Africa grassatus esse non videtur. Saltem Sabellij non minus quam Praxeæ aut Marcionis, non solum vitia, sed & nomina Africanis provinciis propè ignota suo tempore fuisse Optatus lib. 1. scribit. Prætereo quod Calvinus in sua Institut. scribit Sabellium post Arrium fuisse. Constat enim Sabellium mortuum esse priusquam natus esset Arrius. Sed nouum non est doctissimos etiam viros in Africana Ecclesia historiam in scitè peregrinari.

Sabellium Pentapolis emiserat: & ecce paulopost in vicina Aegypto Arrius, ex Numidia verò (altero Africæ extremo) Donatus maiores dant turbas, ille in Alexandrina, hic in Carthaginensi Ecclesia. Et quidem vt Optatus lib. 3. de Donato agens ait, in Africa de scintilla conflatum esse incendium: sic & Eusebius lib. 2. de vita Constant. quemadmodum ex modica scintilla ingens ignis accenditur, Arrianum incendium peruasisse ipsam quoque Libyam. Sed de Donatiana tragœdia nunc tantum quarimus, quæ & prior fuit, & minus subtilis. Originem & veluti protasim diligenter exponit Optatus libro 1. ex quo etiam Augustinus hanc historiam repetere nos iubet lib. 1. contra Parm. cap. 3. vt & quædam in Optati

libris desiderantur, quæ ex Augustino repetenda sunt.

Ac quidem imprimis obseruo, quod Augustinus scribit lib. 7. de Bapt. cap. 7. post Cypriani passionem annis quadraginta factam esse illam Codicum in Africa traditionem, cuius questio Donatiani schismatis prima veluti si non causa, at certè occasio fuisse dicitur. Idem Augustinus lib. 3. contra Crescon. cap. 27. indicat Imp. Diocletianum VIII. & Maximianum VII. Consules fuisse, cum edixerunt, ut Christianorum libri flammis abolerentur. Describit Eusebius lib. 8. tragædiam postremæ illius persecutionis. Sed de Africa tantum ait innumerabilem in ea fuisse martyrum multitudinē. Thermas Maximiani in vrbe Carthaginensi illo tēpore extructas fuisse ait, ut & Diocletiano Roma aliæ extruebantur, quibus attollendis seruiebāt multa millia Christianorum, veluti ad metalla damnatorum. Sed nunc quaritur de Christianis in Africa lapsis, & Codicum sacrosanctorum traditionis reis, deque Ecclesiæ Carthaginensis statu & conditione. Ac quidē Optatus narrat quoddam tunc fuisse Cōcilium Cirtense, quod reos illos utcunque absoluit. cum etiam iidem essent propè iudices, qui & rei. Factum id est in Numidia, cuius erat Cirta vrbs nobilissima & potentissima, quondam (ut ait Mela) domus Regum Iubæ & Syphacis, & postea Colonia Romanorum, quam Plinius ait vocatam esse Siteranorum. olim etiā caput Regni Masafulorum, ut scribit Liuius lib. 30. Porro illius de quo nunc loquor Concilij Cirtensis annum eundem fuisse indicat Augustinus, cum eosdem, quos dixi, Consules nominat. Præerat secundus Tigisitanus Numidiæ Primas. Iidem ve-

rò qui Cirtæ conuenerāt, postea cum aliquot aliis eiusdem generis in vrbe Carthaginensi conueniunt & quàm in Cirtensi cōuentu fuerant molles & indulgentes, tam in hoc Carthaginensi seueri videri voluerunt: Cacilianumque Carthaginensem Episcopum, quem vel Traditionis reum faciebant, vel à Traditore ordinatum esse clamitabant, inauditum & absentem damnant, atque abdicare iubent: creant verò quendam Maiorinum, quem illi opponant. Augustinus in Breuic. hoc Concilium Carthaginense contra Cacilianum fuisse Episcoporum septuaginta narrat: sed iniustum & iniquum: cuius etiam contra Cacilianum sententia postea rescissa fuit. Itaque dixi indignum fuisse, quod Magdeburgenses in suis Centuriis referrent inter Concilia Ecclesiastica, & fingerent primum fuisse Carthaginense. Hoc autem illud fuit, quod (vt narrat Augustinus in Breuic.) postea Donatistæ in Collatione Carthaginensi, de qua dicturi sumus, potissimum laudabant, sed sine die & Consule, vt primum esse videretur, in quo de Traditione iudicassent: quia opponebatur Cirtense, in quo fuerant indulgentiores. Sed quod siue prius, siue posterius sibi ius dixerant, idem profectò ius alius in eadem causa dicere debebant: neque erant ferendi, qui quod in aliis crimine conuictum quidem, tam acerbè vindicabant, in se ipsis etiam confessis impunè esse volebant. Caterum Carthaginense illud fuisse Cirtensi posterius indicat Optatus lib. 1. cum ait, Non post longum tempus Carthaginem venisse, qui Cirtæ antea conuenerant. & simili phrasi utitur Augustinus contra Donat. post Collat. cap. 33. Caterum eodem tempore oportet aliud

fuisse multo maius Carthaginense Concilium Donatistarum Episcoporum, cum Augustinus Epist. 48. testetur ducentos & septuaginta (adeo statim crevit Donatistatio) Carthaginem conuenisse annis quadraginta ante Macariana tempora . Hac autem tempora fuisse tempora Constantis Imp. colligo ex libro tertio Optati. Si ergo retro numeremus annos quadraginta, intelligimus id factum esse antequam Constantinus rerum potiretur saltem in Italia aut Africa . Cum autem audio iam tum numerari ab Augustino Donatistas Episcopos cclxx. in illo eorum Concilio Carthaginensi, neque multo plures conuenisse centum post annis ad Collationem contra Catholicos meminerim, ut postea dicam, suspicatus sum mendosum esse numerum in Augustino, præsertim cum vix credibile videatur tam multos tam citò fuisse antistites Donatistarum. Itaque suspicabar posse detrahi ducentos, ut septuaginta tantum relinquuntur, quot diximus eo tempore conuenisse contra Cæcilianum: & fortasse crediderit aliquis idem fuisse Concilium. Sed nihil hic temerè audeo vel affirmare, vel mutare . Illud valde memorabile est, quod Augustinus adiicit, in illo Carthaginensi tot Donatistarum Concilio, post longam deliberationem dierum 75, decretum fuisse, ut Traditoribus etiam non rebaptisatis communicaretur . Quod quidem magis conuenit cum iis, quæ in Cirtensi sua synodo decreuerant, quàm cum iis, quæ in Carthaginensi contra Cæcilianum. Porro quid consecutum sit, cum Cæcilianiani causam ad Constantinū Imper. septem post annis Donatistæ retulissent, & Constantinus modò iudices Episcopos Romæ dedisset: modò deinde alios

Arelati, & denique ipse, cum esset Mediolani, de ea iudicasset, repetere oportet partim ex Optato, partim ex Augustino. Nam in Optato desiderantur, quae de iudicio Arelatensi, & Constantini sententia Mediolanensi, quae Caeilianus postremo absolutus est, suggerit Augustinus in epist. 162. & libr. 3. contra Crescon, cap. 71. ne quis aliqui ex Optato temere colligat, sic Constantinum reiecisse appellationem Donatistarum de Melchiadis sententia conquerentium, ut nullos praeterea dare iudices voluerit: aut simpliciter tunc pronunciarit à re bene iudicata temere appellari, sicuti quidam tradidit. Imò verò sciamus Constantinum dedisse iudices huius appellationis, non quidem ipsum Arelatensem episcopum (quod temere putauit Calvinus, cum non obseruasset eum iam Romae cum Melchiade iudicem fuisse) sed alios episcopos, qui Arelati conuenerant. Porro si quis roget de tempore, quo Donatistae non contenti suo Carthaginensi Consilio appellarunt Constantinum: in Optati libro primo scriptum est, Constantino IIII. & Licinio III. Cos. Romae de hac causa iudicatum esse ab iis, quos Constantinus primum iudices dedit. Augustinus verò habet, factum id esse Constantino tertium, & Luciano iterum Consulibus. Non dubium est, Luciano mendose scriptum esse pro Licinio: sed in Optato rursus mendose scriptum esse existimo IIII. pro III. & III. pro II. sicuti in numeris facilis est lapsus librariorum. Ut autem magis probem, quod dixi, facit quod Augustinus in lib. contra Donatistas post Collat. cap. 33. ait sequenti anno Consules fuisse Volusianum & Anianum. Vnebat ergo etiamnum Diocletianus, sed iam pridem

abdicatus, cum primum abs Donatistis appellatus est
Constantinus. Nam Diocletianus mortuus est Volusia-
no & Aniano Cos. decimo anno post suum edictum
de abolendis Christianorum libris. Ut autem toto illo
decennio Donatus sui schismatis fundamenta iecit, sic
nouem post annis hac causa Constantinum etiam fa-
tigauit: quæ August. postremo narrat, cū ipse Consul
esset cū Crispo, literas dedisse, quibus Donatist. exiliū sol-
uebat, & eorū furorē Deo relinquebat. Adeo Donati-
starum factio coerceri reprimiue non posse videbatur.

Porro tribus aut quatuor annis post datas illas ni-
mium Donatistis indulgētes literas, Constantinus ad-
uersus Arrium, de quo reprimendo magis sollicitus e-
rat, coëgit Nicanum Concilium, cui etiam interfuisse
ipsum Cecilianum, Acta indicant: Ac quidem cum
ex Libya & Thebayde plures eò venissent: tamen ex
Africa tota hunc solum adfuisse, affirmauit etiam in
quinta Synodo Benignus Episcopus Heracleæ, ut eius
Synodi Acta testantur. Caterum Niceni patres cum
toti essent in Arrianis refellendis, nescio quomodo Do-
natistas missos fecere. Neque tamen non aliquid de iis
actum esse Nicea suspicor. Cur autem id suspicer, cum
eorum neque Niceni canones, qui circumferuntur, ne-
que acta, quæ vulgò habentur, meminerint, multi for-
tasse mirabuntur. Sed in August. libris obseruavi,
quod vulgò non obseruatur. Ut de Ecclesia, sic de Ba-
ptismo magna aduersus Donatistas quaestio fuit. Hæ-
nim Carthaginense Concilium Cypriani opponebant,
cum Baptismum aduersariorum, quos indicabant a-
lienos esse ab Ecclesia, ratum non habebant, & pro-
pterea in suo cætu cum iterabant: quod & Arria-

nos fecisse testis est *Ambrosius de Basil. traden*. Quid *Nicenum Concilium*? In eo reprobatum fuisse quod placuerat *Carthaginensi Concilio Cypriani Augustinus* saepe significat, cum *Carthaginensi huic Concilio* provinciali opponit *Concilium* (ut vocat) plenarium totius orbis & uniuersa Ecclesia & omnium Gentium: quod quidem post *Cypriani passionē*, antequam ipse *Augustinus* natus esset, conuenisse scribit lib. 2. de *Baptis. cap. 9.* sed de *Niceno* aliàs plura. Sed cum in *Niceno Concilio* actum sit de *Novatianis*, & de *Lapsis*, & illis facilius quam his pœnitentibus venia data sit: tacitè de *Donatistis* & eorum dogmate, rursus actum satis esse videtur. Nunc *Donati* historiam & veluti *tragœdiam* persequamur.

Primus ut dixi *Donatistarum Episcopus Carthaginensis*, qui *Caciliano* sese opposuit, & altare contra altare erexit, fuit *Maioresius*. Huic successit *Donatus* alter, qui hoc schisma valde confirmauit. Nam & multa eum scripsisse ad suam haresim pertinentia, testatur *Hieronymus in Catal.* Sed & eodem tempore *Vitellium Afrum* huius factionis acerrimum defensorum fuisse, *Gennadius* in suo catalogo illustrium scriptorum testis est. Interea verò *Catholicum* aliquem scriptorem *Donatistas* refutasse non legi. Credo nostros (ut dixi) in *Arrianis* refellendis totos fuisse. Ergo in *Africa* magis atque magis inualescebant *Donatistæ*: & verò *Denatus* ille *Carthaginēsis* eò euasit, ut non modò tanquam aliquis *Hannibal Imperatores Rom.* superbè contemneret, sed & tanquam deus aliquis a suis coleretur, & per eius nomen, tanquam numen, iraretur: denique illi *Deus de calis* respondisse credere.

tur. Testes sunt *Augu.* & *Opta.* sanè tamē *Hierony.*
in suo *Chronico*, hunc *Donatū* Carthagine tandē pul-
sum esse significat: licet mēdos⁹ videatur index tēporis,
ubi annis triginta floruisse significat: tyrannum fuisse
Optatus notat. Itaque tali duce incitati *Donatistae* ni-
hil non audebant. Ac quidem *Arriani* alicuius sui
Imp. Constantij aut *Valetis* prasidio armati, audebāt
in *Cathol.* sauire: *Donatistae* verò non modò non adiu-
uātibus, sed etiā reclamātibus Principibus statim imi-
tati sunt *Arrianorū* sauitiā, cū tamen non nisi suo-
rū *Circuncellionū* audacia & furore septi essent. Ipse
Imp. Cōstans ad eos coërcēdos in *Africa* aliquando mi-
sit *Macarium* suum *Præfectum*, qui seuerè animadu-
uertit in *Donatistas*. Sed talis animaduersio non potuit
tollere insaniam, quæ animos multorum occupauerat:
& *Catholici* maluissent sine armis agi, & ratione at-
que disputatione discuti errorem, qui præcipientes *Don-*
stistas agebat, ut *Optatus* satis significat. Caterum *Do-*
natistarum audaciam tandem armauit *Iulianus A-*
postata, & iis *Basilicas* restituit, quas *Constantinus*
antea abstulerat. Testis est *Augustinus* lib. 2. contra
Petilianum, cap. 92. qui & sæpe testatur, illum *A-*
postatam propterea laudatum esse à *Donatistis*. Me-
morabile autem est, quod *Honorius Imp.* edixit, rescri-
ptum, quod abs *Iuliano* impetrarunt proposito pro-
grammate publicandum esse, ut *Donatistarum* despe-
ratio fucata perfidia omnibus innotescat. l. 37. C. *Th.*
de heret. Vellem extaret etiamnum illud rescriptum.
Sed qualecunque fuerit, *Apostata* fouebat quoscum-
que audiebat esse aut *apostatas* aut *Ecclesia* hostes.

Ergo magis atque magis *Donatistae* insolescere cœ-

perunt. Donato autem Carthaginensi successit Parmenianus, qui suam rursus sectam nouis libellis propagauit atque confirmauit. Tum verò in Numidia excitatus tandem aliquis nostrorum est, qui illi responderet. Is fuit Optatus Mileuitanus Episcopus, qui testatur se illi rescribere & respondere, ut sit inter absentes quaedam veluti collatio. Ac multos quidem desiderasse, ut ad eruendam veritatem, partium constitutus haberetur. Sed Donatistas & accessum prohibuisse, & aditus interclusisse, & confesum vitasse, & colloquium denegasse. Itaque non nisi per literas cum iis agi potuisse.

Post Parmenianum Carthaginensis Donatistarum Antistes fuit Primianus ille, qui abs suo Maximiano Diacono, quem damnarat, accusatus effecit, ut Donatista inter sese veluti committerentur, & nouo schismate suum schisma distraherent, alteraque pars alteram veluti discerperet: ut & Arrianos in plures sectas tandem dissectos fuisse accepimus. Ergo aduersus Primianum in vrbe Carthaginensi quadraginta tres Donatista antistites conuenerunt, qui suo eum preiudicio, ut ait Augustinus, prædamnarunt. Deinde alterum fuit Cubursusitanum plusquam centum eius generis Episcoporum Concilium, qui Primianum magis atque magis damnarunt. Testis est Augustinus lib. 5. contra Crescon. cap. 6. Integram autem & solennem eius Concilij sententiam recitat in Psal. 36. Et quidem ipsum Maximianum in vrbe Carthaginensi contra Primianum ab eiusdem erroris centum Episcopis ordinatum esse Augustinus ait in lib. de Hæres. Quo anno & consule factum id sit, minus liquet. Sed utcum-

que tamen conicere licet, cum quidem paulò post se-
cutum sit contrarium Concilium Bagaitanum, idque
conuenisse vno anno ante mortem Theodosii, Augu-
stinus significet lib. 3. contra Crescon. cap. 56. Fuit au-
tem hoc Bagaitanum in Numidia Concilium trecen-
torum & decem antistitum Donatistarum, qui re-
sciderunt sententiam contra Primianum pro Maxi-
miano latam & illos centum, qui non Donatistæ, sed
iam Maximianistæ vocabantur, malè iudicasse pro-
nunciarunt, & Primianum in integrum restituerunt.
Formulam sententiæ Bagaiensis recitat Augustinus
lib. 3. contra Crescon. cap. 53. Est autem valde neces-
se, rem illam totam diligenter cognoscere. Nam & il-
lud demum est, quo probat Augustinus Donatistas
suo veluti gladio iugulatos esse: & in collatione Car-
thaginensi propterea id illis imprimis obiecit, & po-
stea congressus in Mauritania cum Emerito, recitans-
que gesta Collationis, auditores valde est obtestatus,
ut attentè cognoscerent illam de Maximianistis histo-
riam, quam & eo loco diligenter rursus exponit. Sa-
nè cum in Collatione Carthaginensi Donatistarum
veluti Dux & signifer fuisse dicatur Primianus Car-
thaginensis eorum antistes: credo, eum ipsum esse què
defendit synodus Bagaitana. Nam & inter hanc at-
que illam Collationem non nisi anni sedecim inter-
sunt. Postremo obseruandum est Donatistas, ut sui
Bagaiensis Concilij sententiæ exequerentur, Theo-
dosianam de hæreticis legem protulisse, cuius auctori-
tate, Maximianistas tanquam hæreticos expellerent
aut coercerent. Atqui ea lex aduersus omnes Dona-
tistas, ut & reliquos hæreticos lata erat, verum cum

ei non parerent Donatista, Maximianistas tamen obnoxios esse volebant, ut etiam occuparent eorum Basilicas. Ea lex erat, ut qui Ecclesia Catholica non communicarent, nihil Ecclesia nomine possiderent, sed potius Vnitari id restituerent, ut ait Augustinus tractatu sexto in Ioannem, & libro 2. contra Petilian. Mitto alias Theodosi leges in hereticos, quarum Augustinus sepe meminit. & inter quas duae nobilissimae fuerunt duobus aut tribus annis ante Bagaitanum illud Concilium latae: Prior, quae seuerissima est, lata Titiano & Symmacho Coes. extat in Cod. Iustin. l. 3. C. de Apost. Altera lata sequenti anno, hoc est, Arcadio 11. & Rufino Coes. de multa decem librarum auri, extat in Cod. Theodos. Ceterum & si vix vlla harum legum executio esset, Donatista tamen inuidiose odiosaeque clamabant, sese iniuste vexari, & suam causam non iure agi, sed vi opprimi. Ac quidem cum paulo post mortem Theodosij Gildo comes Africa dux perducellum omnia misceret in Africa, ut suam tyrannidem stabiliret, praecipuus eius satelles Optatus quidem latrociniis infamis, sic sese dedit partibus Donatistarum, ut circumcellionum etiam furorem superare videretur, sicuti Augustinus huius Optati Gildoniani sepe meminit. Sed ita agendo suam sectam magis atque magis infamabat, & (ut verbo Augustini utar) maculabat. Ergo Donatista eo tempore potius usi sunt Petiliano, qui ex causidico factus eorum antistes Cirtensis, & deinde Casariensis, accrrimus fuit suae factionis patronus. Sed bene habet: incidit in Augustinum, qui, quo anno mortuus est Theodosius, factus Episcopus Hipponensis, fortis & assiduus Ec-

clesia Catholica vindex fuit, & restitantes aduersarios tandem pertraxit ad Collationem: quæ optima esse visa est eorum conuincendorum ratio.

Nam annis propè cētum Donatista sic omnia permiscuerant, ut in Africa discerni vix posset quænam esset Ecclesia, cum quidem altare contra altare passim erectum esset, & utraque pars de Ecclesiæ titulo & possessione contenderet. Ergo iampridem multi optabant ut aliqua legitima disceptatione hac quaestio definiretur, & populus id non minus quam res ipsa postulabat, Scimus (inquit Augustinus, in libr. post coll.) quàm multi vestrum & forte omnes, aut pene omnes dicere soletis, O si in locum vnum conuenirent! O si aliquando conferrent, & illis disputatibus veritas appareret! Sed quam propterea Catholici optabant cum Donatistis congregari, tam congressum refugebant Donatista. Augustinus in Epist. 166. ad Donatistas: Vestri (inquit) Episcopi conuenti à nobis nunquam nobiscum pacificè conferre voluerunt, quasi fugientes cum peccatoribus loqui. Sane cum aliquando diceretur quidam Episcopus Donatista, dixisse velle se bonis viris sedentibus conferre cum Augustino. Augustinus nihil non fecit, ut ei ultro occurreret, atque etiam currentem incitaret, Epist. 47. Denique cum non impetraret, quod tantopere optabat, curat ut clerici sui Hipponenses Ianuarius Carthaginensem Donatistarum Archiepiscopum sollicitent. Extat eorum epistola, quæ inter Augustini epistolas est 68. Ea autem imprimis urget, ut quoniam iam olim in hac causa appellatus est Imperator, huius auctoritate

tate instruat publicam Collatio: quia & ille demum sit, qui cum legibus iam latis non teneatur, liberius poterit & collationem indicere, & de re tota statueret: cum Præfecti, qui legibus iam latis seruiunt, tantum non liceat. Et quia Donatistæ eo, quem dixi, pretextu recusarunt cum nostris congregari: Hipponenses Clerici eò se demittunt, ut etiam allegent Christum ipsum cum diabolo de lege locutum esse: & cum Paulo non solum Iudæos, sed & Epicuræos contulisse. Donatistæ rursus excipiebant, Dialecticas disputationes non conuenire Christianæ religioni, & Augustinum nihil aliud esse quàm contentiosum disputatorem, qui fugiendus potius & cauendus, quàm refellendus reuincendusque esset. Quid huic canillationi responderit Augustinus, legi potest primo eius libro contra Cresconium. Idem libro quarto, Studium (inquit) pro veritate certandi, quia sæpe voluimus cum vestris conferre, ut errore sublato, fraterna charitas pacis vinculo neceretur, contentionis & animositatis vitioso nomine reprehendis. Sed notat hoc Donatistas obtendisse, quia (ut ait) mallent causam malam cooperire excusatione, quàm disputatione finire. Et in eodem libro, Puto (inquit) quod facillimè intelligas, non deuitandæ contentionis causa, quæ nulla est, cum veritas queritur, vel non pro vana gloria litigatur, sed causæ malæ diffidentia, vos nobiscum nolle cōferre.

Prima Augustini, necdum Episcopi, sed tantum presbyteri publica huius generis conflictatio fuit duobus diebus cum Fortunato Manichæo in urbe Hipponensi. Aderant notarij, qui singula exciperent atque

consignarent. Populus auditor erat disputationis. Sed
alioqui nullus iudex aderat. Etsi autem planè conuer-
sus non fuerit infelix ille Fortunatus : at saltem per-
cussus in eo certamine fuit.

Alterà in eadem urbe fuit tribus diebus Augu-
stini disputatio non dissimilis cum Felice Manichæo:
sed exitu feliciore. Acrior fuit & celebrior eodem in
loco cum Maximino Episcopo Arriano, sed minimè
eodem successu. Extant harum Collationum acta in
libris Augustini. Fuit & alia cum Pascentio Comi-
te Arriano in urbe Carthaginensi: sed prima eius
coïtio molestior fuit, quia aduersarius notarios consi-
gnatores adesse principio nolebat, pactisque conuentis
minimè stabat. Tandem tamen legem Collationis acce-
pit, neque solum notarios adhiberi passus est, sed &
Laurentium quondam iudicem tulit, & ab eo senten-
tiam ferri non recusauit. Testis est Augustinus epi.
174. & 178. Sed nulla vel utilior vel nobilior ta-
met si fuerit de quæstione minus subtili, & magis po-
pulari, quàm cum Donatistis Collatio fuit. Ac iam
antèa priuatim & obiter Augustinus cum Fortu-
nio quodam Donatistæ Episcopo congressus fuerat in
populari quadam turba. Cùmque hæc suo strepitu ip-
sos quoque notarios exceptores interturbaret, & di-
sputatio propterea abrupta fuisset, rogaret Augusti-
nus epi. 163. ut in aliquo recessu tuto & tranquillo
hæc perageretur. Sed multò magis quod optabat, im-
petrauit, cùm instituta fuit collatio Carthaginensis,
Possidius, qui interfuit, scribit eam potissimum ab
Augustino procuratam fuisse magno cum Ecclesiæ
bono, adiuvante (ut ait) gloriosissimo & religiosissi-

mo Imperatore Honorio, qui ad id perficiendum etiam à suo latere Tribunum & notarium Marcellinum, in Africam, iudicem misit. Nempe ex consilio Augustini miserant catholici Afri legatos in Italiam ad Honorium, qui hoc postularent. Videbant enim sine principis auctoritate atque presidio, neque conuentum talem iudici, neque aduersarios ad eum cogi, neque ut disputationem non eluderent, contineri posse. Sanè ut Constantinus ciuilibus conciliis ciuitatum & prouinciarum Africa, libram tribuerat potestatem, ut sua desideria ad principem deinde referrent. l. 1. C. Th. de legat. & dacr. legat. Sic Theodosius & Honorius descripserunt formam talium conciliorum prouincialium & extraordinariorum l. 12. & 13. C. Th. eod. tit. Sed iam agebatur de desiderio Ecclesia Africana, & de auctoritate conuentus aut concilij Ecclesiastici.

Ne quis autem miretur causam hanc Ecclesiasticam ad Principes relatum, & ab his eius cognitionem magistratui ciuili demandatam esse, meminerit extraordinarium quoddam & singulare exemplum fuisse propter necessitatem, qua legem non habere dicitur: proptereaque ad consequentiam trahi non debere. Id ipse Augustinus indicat libro tertio contra Iulianum. Pelagiani post Episcoporum concilia Prouincialia, promocabant ad nescio quam (ut vocant) œcumenicam synodum, & ab Imperatore literas eo nomine impetrarant. Catholici id recusant, cum intelligerent id peti non minus insidiosè quàm ambitiosè. Pelagiani obiciebant exemplum, de quo agimus. Augustinus iis respondens, Nec verò (inquit) vos

& alios decipiat, velut talem vocem habentes aduersus nos, qualem nos aduersus Donatistas, quos ad Collationem nobiscum venire per imperialia iussa compulimus. Illorū enim furor occupauerat Africam totam, nec prædicari à Catholicis veritatem contra suum patiebantur errorem, violentis aggressionibus, latrocinis, rapinis, ignibus, cædibus, multa vastantes, cuncta terrentes. Cum quibus apud Episcopos, quos communes non habebamus, nihil agere poteramus. Quod verò aptè ceterum ferme annos Maiores nostri cum iis egerant, iam populorum memoriam non tenebat. Hæc igitur necessitas compulit, vt saltem gestis nostra Collatione confectis, eorum contunderemus inuerecundiam, & reprimeremus audaciam. *Hæc ille. Et si autem hoc genus collationis quodammodo extraordinarium fuerit, & in Africa magis quàm alibi, fuerit vsitatum, tamen memini Epiphanium scripsisse non dissimilem disputandi præsentibus notariis, qui gesta exciperent, potestatem concessam ab Imp. Constantino fuisse Photino hæretico iam alioqui in Sardicensi Synodo damnato: & quidem inter auditores eius disputationis & arbitros ab Constantino datos, Epiphanius numerat quendam Marcellinum. Fuit autem illa inter Photinum & Basilium Ancyranum Collatio de questione multò subtiliori, quàm quæ cum Donatistis habita est. Nam caput, hoc est, Christū ipsum oppugnabat Photinus: Donatista verò non nisi corpus, hoc est, Ecclesiam. Adde, contra Donatistas fuisse quandam ve-*

luci mixtam causam, cui etiam inerat quædam ciu-
lis quæstio facti de Ceciliano & eius ordinatore Feli-
ce: quàm & ipsi Donatistæ olim priores retulerant
ad Constantinum, quàmque hic Imperator partim
suis in Africa Præfektis, partim Ecclesiasticis in Gal-
lia & Italia Antistitibus mandarat. Postea creuit
Donatistarum intemperies, qui pro offensione iacta-
bant victoriam, neque tamen in ius siue ad Collatio-
nem trahi poterant nisi imperio magistratus: quique
in collatione, ut ad rem venirent, cogi non poterant,
nisi eiusdem potestatis præsidio & auctoritate: deni-
que quorum furor militaris & Circuncellionum gla-
diis armatus coerceri non poterat, nisi terrore Princi-
pali. Erant mirabiles pragmatici, magis que versipel-
les & versuti calumniatores, quàm ulli vnquam
fuerint in suo foro causidici. Erant etiam gladiatores
magis sanguinarij, quàm ulli in castris educati mi-
lites, qui non ex iure manu consertum, sed mage ferro
(ut ait Ennius) rem repetunt. Et verò ni Marcellinus
aliquis cum sua Apparitione adfuisset periculum e-
rat, ne collationem efficerent, qualis paulò post mor-
tem Augustini fuit Ephesina illa furiosa synod^o, quæ
λητπικὴ appellata fuit. Certè non dubitassent Au-
gustinum tractare, ut in ea synodo Flavianum tra-
ctarunt Nestoriani. Quid enim? Possidius, bonus im-
primis auctor, narrat, Donatistas, cum ad modera-
tam disputationem prouocarentur, furiosè exclama-
sse, Augustinum tanquam lupum esse opprimendum,
& eos, qui eum trucidassent, abs Deo veniam facile
impetraturos esse. Credo, propter has causas Honorium
voluisse suum Marcellinum cum armata Appari-

tione adesse huic collationi. Alioqui sanè voluisset Augustinus tale praesidium abesse. Nam & in epist. 203. cum Donatistas prouocat, Cessabit (inquit) à nostris partibus timor temporalium potestatum: cesset etiam à vestris partibus terror congregatorum Cicuncellionum. Et in epist. 173. prouocans crispinum Donatistam ad collationem, Mappalienses (inquit) ambos nos audiant, ita vt scribantur quæ dicemus, & à nobis scripta eis Punicè interpretentur, & remoto timore dominationis eligant quod voluerint.

Denique prospiciebat quod catholici meritò exprobrarunt improbo illi Ephesino & armato concilio, quod reprobabāt. Nam fuit hæc eorum, qui Flauiani causam postea egerunt in Chalcedonensi Synodo, exceptio, Vbi gladij & fustes, qualis Synodus est? Interea patres qui ad chacedonensem Synodum conuenire, cum metuerent Eutychianorum tumultus & arma, rogarunt per legatos Leonis Papa Imper. Martianum, vt adesset ad vim inhibendam, alioqui sine tali praesidio nolle se conuenire dixerunt & protestati sunt, vt testis est Liberatus carthaginensis cap. decimo tertio.

Postremo & illud obseruandum est, vt Donatistæ actum agebant. sic Marcellinum iuris minimè aut noui aut dubij arbitrum fuisse: & facti potius quàm iuris fuisse quasitorem, & quidem cognitionem illi potius quàm iurisdictionem mandari: denique iudicem cum formula dari: vt olim rerum priuatarum iudices priuati à Pratore dabantur. Sed neque hic sedere voluit Marcellinus, nisi si assiderent collocutores: cum

tamen in iudicio civili solus sedeat index : stare autem inbeantur litigatores. Denique protestatur, quod Constantinus in Niceno concilio protestatus erat sedens in imo subsellio. Et tamen ut collatio diuersa fuit abs forensi aliquo iudicio, sic & ab Ecclesiastico Concilio, in quo potius iudices sunt Antistites. Quam autem demissè, temperanter, modestè, hîc se gesserit Marcellinus, Acta ipsa melius ostendent. Nullam autem hîc fieri mentionem Episcopi Romani, non mirabitur, qui, quæ iam dixi, expendet. Eum certè reuerabantur & obseruabant Afri, tametsi in concilio Mileuitano & Carthaginensi, cùm suam in utroque sententiam de Pelagianis ad eum retulissent, dicantur transmarinas alioqui appellationes inhibuisse. Sed neq; prætereundum est quod obseruant, quo tempore hæc collatio postulata est, eo tempore Innocentium Episcopum Rom. Vrbe abs Gothis capta longè aliud domi habuisse quod ageret. Et quid si dicam eum Honoriano rescripto mandata collationis veluti subscripsisse? Certè Orosius narrat eum Ruenne fuisse, quo tempore Romani inuasertunt Gothi. Si tunc Ruenne fuit, fuit cum Imp. Honorio. Adiciã quæ magis mirari aliquis posset, Felicem quendam, qui se vrbis Romæ Episcopum esse iactabat, in hac collatione cum Donatistis fuisse, Acta significant, ubi & Romana nescio quæ Nobilitas simul adesse dicitur. Sed suspicor aliquem Donatistam pseudopiscopum, qui Romæ suis Donatistis Montensibus (ut ibi appellabantur) præfuerat, vrbe capta, Gothos fugientem cum suis in Africam traiecisse, & sese collationi Carthaginensi, in quam forte incidit, cupide & ambitiose

immiscuisse. Nam & Donatistis tempestivè summissum videbatur tale auxilium.

Porro cum audimus Marcellinum Tribunum & Notarium præfuisse huic collationi, intelligimus virum sapientem & religiosum, & potestate magna præditum magistratum dico spectabilem & clarissimum (nam hisce titulis ornabantur Tribuni Notarij, & Augustinus ipse in epist. 159. & 160. hunc ornat hunc Marcellinum) operam dedisse huic cognitioni. Tribunus etiam & Notarius fuisse dicitur Duleitius ille, cui postea in Africa demandatam quoque fuisse curam legum & iussionum Imperialium contra Donatistas scribit Augustinus. Et Ambrosius in epist. 32. ait missum ad se esse ab Imper. Valentiniano Dalmatium Tribunum & Notarium, qui ad cōsistorium evocaret Ambrosium in causa Religionis. Omitto, Claudianum Poëtam eius temporis, Tribuni & Notarij titulo ornari in Epitaphio, quod Roma in foro Traiano prostabat. Extat lib. xij. cod. Titulus vij. de Primicerio & Notariis, ubi & de Tribunis Notariis agitur. In Theodosii lege scriptum est. Præcipua est nostræ pietatis intentio circa Notariorum nomen. Deinde in lege Leonis Imp. Præclaram nobilémque militiam spectabilium Tribunorum Notariorum, diuersis beneficiorum titulis muniendam credimus & augendam. Videntur hi Notarij fuisse, qui nunc dicuntur Secretarij Regum, in Gallia. Theodosius in l. 12. C. de excus. mun. Notarij (inquit) nostri à sordidis muneribus excusentur. Quamvis autem quantusq; vir fuerit hic Marcellinus, quam æquus arbiter, quam moderatus index, ipsa huius

collationis acta melius indicant. Dicerem quod Orosius dicit, virum imprimis prudentem fuisse & industrium, omniumq; bonorum studiorum appetentissimum. sed unius Augustini testimonio contentus sum, ut intelligam virum magnum, & Iurisconsultum minime prophanum fuisse. Scripsit Augustinus ad eum non solum libros de peccatorum meritis & remissione contra Pelaginos, & de spiritu & litera: sed & eruditissimos illos de ciuitate Dei, inchoatos paulò post urbem captam, hoc est, circa tempus collationis carthaginensis: sed & epistolas duas v. & vii. ex quibus apparet, in media Reipub. gubernatione Marcellinum de religione imprimis sollicitum fuisse, & subtilissimas etiam in eo genere questiones intellexisse: imò quēdam veluti ἐπιδιδόκτω fuisse, qui Augustinum incitaret. Adde eiusdem Augustini ad eum epistolas duas, CLVIII. & CLIX. ubi quoq; scriptum est, causas ecclesiasticas eius excellentia potissimum iniunctas fuisse. Non erat, ut ille apud Ciceronem ridiculus L. Gellius, qui cum in Asiam iturus, Athenas venisset, putauit sese statim omnes omnium Philosophorum, quos ad se vocauit, cōtrouersias obiter definire posse, cum tamen ne eas quidem intelligeret. Noster Marcellinus non diuini minus quàm humani Iurisperitus erat. Et verò tales Iurisconsulti, tales (inquam) politici viri, tam digni sunt, quibus hac cura mādetur, quam huius temporis prophanos nescio quos Vlpianos, religionis irrisores & proculcatores, potius quàm procuratores, Ecclesia christi meritò exaceratur. Augustin⁹ epist. 50. ad Bonifacium Comitem, Laudo (inquit) & gratulor, & admiror, fili di-

le&itissime Bonifaci, quod inter curas bellorum
& armorum vehemēter desideras ea nosse, quæ
Dei sunt. Sed quanto magis id dicere potuit de Mar-
cellino togato? Extat & Hieronymi epistola ad hunc
Marcellinum, quæ testis est hunc virum subtilissimas
Ecclesiæ quæstiones, veluti de origine animæ sollicitè
proposuisse, & ad discendum magis paratum fuisse
quam erat Hieronymus ipse ad respondendum: ac ne
hoc quidem studium remisisse in media Reip. pertur-
batione, cum Hieronymus ei rescribens, fateatur sese
urbis Romæ vastatione confusum non posse literis o-
peram dare.

Nolo hoc loco præterire, quod ipse Augustinus in
lib. post collat. cap. 24. ait Donatistas à Primate suo
per Tractoriam fuisse euocatos. Tractoria verbum est
iuris nostri, sicuti & in eadem propè significatione,
Euectio, quo etiam verbo utitur Augustinus lib. 5.
confess. significat autem libellum vel diploma ve-
missis aut euocatis detur viaticum de publico, & ut
uti possint cursu publico. Extat lib. xii. cod. Titul.
de Tract. ubi interpres præterea refert quoddam frag-
mentum cuiusdam edicti Constantini facientis men-
tionem Tractoriarum & Euectionis publicæ danda Do-
natistis propter causam cecilianæ. Superest ut quæra-
mus, quo anno habita sit collatio Carthaginensis.
Quod quidem quò magis necesse sit imprimis rescire,
tantiò magis miror nusquam ab Augustino expres-
sum aut notatum esse. Nec spes vlla erat, aliunde id
posse intelligere. Sed tantò magis mihi gratulatus sum,
cum in Aëtis manu scriptis, atque adeo statim in pri-
ma pagina legi habitam esse P. C. Varanis Kal. Iun.

Sic tandem intellexi habitam esse Kalendis Iunij, post
 cōsulatum Varanis, hoc est, anno CHRISTI qua-
 dringentesimo undecimo, post captam urbem Romam
 proximo. Sanè anno CHRISTI quadringentesimo
 decimo Kalendis Ianuarij, nulli fuisse dicuntur creati
 Cōsules Ordinarij, & propterea in quibusdam Fastis
 reperio eum annum hoc modo notari P. C. Imp. Theo-
 dosij Iunioris A. iii. & Imp. Honorij A. viii. Sed
 tamen constat eo anno, Kalendis Februarij in Oriente
 creatum esse Varanem Consulem, Roma verò circa
 Kal. Iulias Tertullum. Et propterea in Chronico
 Prosperi & Cassiodori scriptum est, Varane & Ter-
 tullo cos. captam à Gothis Urbem Romam fuisse. Sed
 Tertulli rarior & obscurior fuit memoria. Itaque in
 Chronico Marcellini scriptum est, Varane solo cos.
 captam illam fuisse. Scio huius nominis variam esse
 scripturā. Nā modò hūc Varanē, modò Vararim, modò
 Varanū nominari audio. Puto tamen rectius Varanē.

Sequenti anno fatcor Theodosium A. iiij. cos. indi-
 cari in Chronico Prosperi, Cassiodori & Marcellini.
 Sed Prosper addit Varanem non solum Vrbe à Gothis
 capta solum fuisse Orientalium partium Consulem,
 sed & in sequenti anno observatum id esse. Ergo in
 Actis qua dixi, scriptum est P. C. Varanis, hoc est.
 Post consulatum Varanis, ad indicandum eum annum
 qui secutus est illius Consulatum.

Captam à Gothis fuisse Urbem Romam ix. Kalen.
 Septemb, verius est. Eodem autem anno paulò pōst ab
 Imp. Honorio indictam & imperatam fuisse Collatio-
 nem Carthaginensem observavit, quia eius hac de re
 rescriptum extat in illis, qua dixi, Actis, quod datum

dicitur *Rauenna* pridie Idus Octobres. Consul non ascribitur, negligentia librarij. Sed ascribi potest debetque, *Varanes*. Sic quod in hac *Historia* imprimis quarebatur, & aliunde cognosci non poterat, liquet de tempore Collationis: quod quidem tantò diligentius inuestigauimus, quia & maximum operaprecium sit imprimis obseruare tempus, quo *Honorius* ab *Afris* Catholicis tam valde interpellatus est contra *Donatistarum* intemperiem. Desidebat *Rauenna* in summa rerum suarum non solum perturbatione, sed etiam desperatione, praesertim iam mortuo *Stilicone*. *Gothi* *Romam* ceperant, totamque *Italiam* euastabant, omnibusque Imperij *Rom.* provinciis imminebant. Neque tamen propterea infelix attonitusque *Honorius* non audit *Ecclesia Africana* preces. Multas & ipse paterno exemplo iam leges tulerat aduersus *Donatistas*. Sed tam suas quam paternas leges veluti suspendi patitur, cum audit aliter cum *Donatistis* nunc agendum esse. Aliquot ante annis edixerat quod ad earum executionem pertinebat, ne eas *Donatista* putarent refrixisse aut saltem tepuisse, ut loquitur in l. 46. C. Th. de Heret. Sed & eo quoque tempore iusserat, ut publice proponeretur quod in *Africam* miserat Edictum de unitate l. 2. c. Th. de relig. Verum *Donatistarum* schisma solis Edictis tolli non posse audiebat: & *Africana Ecclesia* tamen unitatem omnibus modis restitui optabat.

Denique *Ecclesia* illius curam maiorem gessisse videtur, quam sua *Roma* atque *Italia*. Qua in re facile admirabilem Dei providentiam agnoscat, qui quanta huius principis alioqui suae socordia, siue ignauia, siue

(ut Ciceronis verbo utar) non curantia, quantūque eorum temporum confusio fuerit, recordabitur. Nempe fecit Deus, ut Honorius hic audierit viros bonos, & ab iis sibi dictari passus sit rescripta, quæ consignaret. Ergo in mandato huius Collationis diceres Theodosium potius quàm Honorium loqui. Ambrosius ait, Theodosium, magis de Ecclesia, quàm animæ suæ salute sollicitum fuisse. Non dicā Honorium filium fuisse omnino eiusdem animi. Sed in hac saltem Donatistarum causa fecit, quod pater fecisset: & edicta emisit plena paternæ pietatis. Vno Stilicone solebant multi calumniari leges, quæ in Africam mittebantur, tametsi Honorij nomen præ se ferrent, tamen magis abs Stilicone, quàm abs Theodosii filio mitti, ut Augustinus narrat epist. 129. Nunc mortuo Stilicone dici tale aliquid non potuit. Idem Augustinus epist. 166. scribit Donatistas conquestos esse de legibus filiorum Theodosij. Sed ipse respondet nihil eas aliud quàm repetere atque confirmare iudicium Constantini, Valentiniani, Gratiani, Theodosij: simulque detestatur Iulianum Apostatam, qui (ut ait) permiserit libertatem perditioni partis Donati, cum eo modo putaret Christianum nomen posse perire de terris, si sacrilegas dissensiones liberas esse permetteret. Donatistæ contra hoc nomine prædicabant Iulianum illum, & apud eum solum solam iustitiam locum habere propterea iactabant. Augustinus nihil iniustius, nihil indignius, nihil perniciosius esse ait. Et quæ (inquit) peior mors animæ, quàm libertas erroris? Interea tamen ne Donatistæ queri possent, aut sibi iniuriam fieri, aut sese inauditos damnari: placuit, rursus in

Collationet andiu audiri, quandiu vellent: & interea liberos esse. Sed alioqui semper in Africa permittere altare contra altare, maiorem Ecclesia deformitatem esse iudicauit Imp. Honorius, quàm eo tempore Rome erat in urbis euerfione atque vafitate.

Nunc veniendum est ad *Acta*, siue (ut appellabantur) gesta Collationis: quæ quidem olim studiosè excepta, conscripta, collatæque fuerant, sed temporis iniuria, posteritatisque negligentia interciderant. Ergo cum nuper maiorem melioremque eorum partem, benescio Io. Tiliy nactus essem, existimaui magnum mihi quendam thesaurum oblatum esse. Nam etsi ex *Augustino* summa capita facile repetere liceat: tamen multa, quæ ille præterijt, desiderabam, & memineram quàm valdè olim Ecclesia voluisset integra hæc *Acta* legi, eorumque memoriam conservari. Nam & ipse *Augustinus* in lib. de gestis cum Emer. narrat, apud omnes (ut ait) diligentes Ecclesias Africanas quotannis ea à capite ad finem usque ordine recitata fuisse, quo tempore populo maximè integrum erat audire. Fateor non modo leptologica, sed & propè battologica posse videri: quia recitentur omnes Donatistarum cauillationes, ac ne verbum quidem vllum prætermittatur. Sed Ecclesia & Respub. interfuit, singula eo modo conscribi atque exponi. Et tamen ne eorum fortè longitudo lectores deterreret, *Augustinus* epitomen etiam conscripsit, quam vocauit Breuiculum: & rursus eadem de re scripsit in lib. post Collat. & denique ex synodo Cirtensi eandem narrationem repetit, epist. 152. quam quidem epistolam indicat, cum ad Marcellinum scribens de hisce suis laboribus in epist. 158.

Mihi (*inquit*) fuit Breuiatio gestorum Collationis nostræ satis operosa, cum viderem neminem velle tanto aggeri literarum legendo se committere: sicut mihi fuit etiam epistola ad ipsos laicos Donatistas de hac eadem Collatione nostra. *Scribit autem ad Marcellinum, ut publicentur gesta in causa quorundam crudelium Donatistarum in iudicio conuictorum. Nam & talia recitari per omnes Ecclesias optat non minus quam gesta ipsius Collationis. Adeò historia Donatistarum visa est digna, quæ inculcaretur. Obiter autem admonéo, falli Erasmus, qui in argumēto eius ad Marcellinum epistola annotat, Augustinum ab Marcellino petere, ut quæ aduersus Donatistas in Concilio Episcoporum decreta sunt, publicētur. Certè in Concilio Episcoporum non decernebantur quod pro tribunali Marcellini. Porro ut gaudebat Augustinus Marcellinum Collationis cognitorem fuisse, sic & Bonifacium Comitem optabat eius historiā cognoscere. Itaque ad eum scribens epist. 50. Quoniam (*inquit*) valde prolixa sunt gesta, & tibi aliis rebus Romanæ paci necessariis occupato; multum est ut legātur, breuiarium eorum tibi legi poterit. Quid multis? Existimauit in iis sitam esse Ecclesiæ victoriam. Itaq; in epist. 204. ad quendam Donatistam, Præstitit (*inquit*) misericordia Dei, ut & nos & Episcopi vestri tam frequenti numerosoque conuentu Carthaginem veniremus, atque inter nos de ipsa dissensione ordinatissimè cōferremus. Gesta cōscripta sunt: nostræ etiam subscriptiones tenentur. Lege, vel patere ut tibi legantur: &*

tunc elige quod volueris.

Sanè cum nuper incidissem in Acta Concilij Constantinopolitani secundi, quod Iustiniani nostri tempore fuit, & quintum œcumenicum esse dicitur, & in iis forte occurrisset quoddam caput tanquam fragmentum Gestorum Collationis Carthaginensis, quod tum in illo Orientali Concilio prolatum fuit annis plusquam centum & quadraginta posteaquam fuerat scriptum in Africa: existimaui me nactum esse aliquid, quod minimè in hoc commentario negligendum esset. Est autem eiusmodi. Ex Gestis, quæ apud Marcellinum V.C. Tribunum & Notarium acta sunt, cap. clxxxvij. Augustinus Episcopus Ecclesiæ Catholicæ dixit: Non in hominibus spes ponenda est Ecclesiæ, si boni sunt, neque si mali sunt, iudicanda est Dei Ecclesia periiisse. Sed tamen ipsorum causam tanquam fratrum nostrorum suscipimus: &, si nobis ostendi potuerint criminosi, hodie illos anathematizam⁹: non tamen propter illos Ecclesiam à Deo promissam & exhibitā deserimus & relinquimus.

Hoc fragmentum & cap. clxxxvij. Gestorum Collationis deerat etiam in Tiliano exemplari, quod multis aliis modis mancum & mutilum est. Sed intereà dum expectabimus, ut aliquando integra illa Gesta reperiuntur & edantur, præcipuam partem huiusce Collationis exponamus.

Ac imprimis quidem obseruo magnū & celebrem fuisse Conuentum cum Catholici Episcopi ducenti & octoginta sex, Donatista verò ducenti septuaginta nouem concuissent. Et tamen paulò antè multò plures
Donatistæ

Donatista cōuenerant in Bugaiensi Concilio aduersus suos Maximianistas, alteram Donatistarum sectam. Adeo in Africa inualuerat Donati soboles: neque non de sua multitudine illi gloriabantur non minus quàm aliàs de sua paucitate. Augustinus vanitatis eos redarguere vult, quia iactarent sese esse plusquam quadringentos in Africa antistites. Sed si suos Maximianistas sibi adiungi patiebantur, reuera erant plusquam quadringenti. Maximianistas autem, qui non minus optabant huic Collationi interesse, quàm reliqui Donatista eam refugiebant, non modò Donatista reiecerunt, sed & Catholici excluderunt. Cur id factum sit, indicat Augustinus in libro tertio contra Iulianum. Cupientes (inquit) exiguitatem suam nomine saltem certaminis consolari, & ideo videri aliquid apud eos, quibus contēptibiles erant, quia inire nobiscum sinerentur examen interpellentes eos & libellum dantes prouocantēque contempsimus. Magis enim de certamine nominari desiderabant, quàm formidabant in certamine superari: nec sperabant victorię gloriam, sed famam requirebant Collationis, quia multitudinis non habebant. Hæc ille: qui inde probat non esse consequens, ut qui conferre in aliquo iudicio volunt nec sinuntur, putari debeant de veritate confidere: idque obijcit Pelagianis, qui cū iam damnati in Concilio Episcoporum fuissent, iactabant quasdam literas Imperatorias, ex quibus ad nouam Collationem Catholicos prouocabāt, eamque Catholicis recusantibus, victores se esse stolidè gloriabantur.

Potro quàm ultro sese offerebant Maximianista, qui repulsi sunt, tam reliqui Donatiste, qui restitabant, inuitabantur: & ut in his euocandis cogendisque multum negocij fuit: sic etiam, cum iam venissent, in pertrahendis ad Collationem: eius licet æquissima conditiones proponerentur. Lepidum autem est, quod cum Marcellinus in suo Secretario siue auditorio, honoris causa, rogaret Donatistas, ut sederent sicuti Catholici sedebant: illi recusando responderunt scriptum in Psalmo 36. esse, Cum impiis non sedebor: appositè verò nostri replicarunt, iam eos tamen fecisse, quod in eodem Psalmo David subijcit: & cum iniquis non ingrediar. Sed addendum erat, quod in eodem Psalmo David adijcit, sese ita odisse impiorum societatem, ut tamen propter eos non sit deserturus tēplum aut altare Domini. Et certè mirum est, Donatistas nimis ineptè morosos stare quàm sedere maluisse, cum illud reorum, hoc iudicium sit, Imò cum reus sedere iubebatur, absolutus esse intelligebatur. neque alia absolutionis formula usi erant eorum Maiores in primo illo suo Cirtensi Concilio, cuius antea mentionem feci. Fuit profectò incredibilis quidam fastus horum hypocritarum. Sed factum est iusto Dei iudicio, ut honorem nimis liberaliter ijs oblatum, quo indigni erant, recusarent. Optatus lib. 1. narrat indignè etiam tulisse, quòd Fratres à Catholicis appellarentur: & multis post annis atque adeò in ipsa Collatione hanc nostrorum humanitatem superbè respuerunt. Augustinus lib. 3. contra Gaudent. An (inquit) irascaris, quia te fratrem voco? Hoc enim nomen à nobis etiam in nostra Collatione respuistis. &c.

Cum multa sint in gestis huius Collationis singulariter obseruanda, tum verò illud memorabile est, quod catholici, ut Donatistis vterentur equioribus, non recusant iniquam ultro subire conditionem, aduersariis verò deferre utilem. Offerunt enim, si in hac Collatione vincantur, sese abdicaturos, ut verbo Romano utar: sin vincant, nihilominus ut victis aduersariis integrum sit non abdicare: sed victores iis resipiscantibus communicent honorem & dignitatem muneris Episcopalis, ut in eadem Ecclesia duo tolerantur Episcopi, tanquam Collega, & ut olim Romæ Consules: sed ita, ut sit inter eos quadā (ut Græcorum Iuriscōsultorum verbo utar) ἀλλήλων ἀπονομία, & quoddam veluti ius accrescendi: ut qui prior decedet, socium relinquat Episcopum tanquā heredem in solidum. Sanè Canon Niceni Concilij prohibebat duos in una vrbe esse Episcopos. Nam prospiciebat incommoda talis societatis, & ut Romæ non nisi unus erat princeps Senatus, quamuis essent Consules duo: sic visum fuit, Collegio presbyterorum non nisi unum esse præficiendum. Sed, ut id placuit, paci fouendæ causa: sic etiam ubi Conciliationis ratio visa est postulare, ut duo tolerarētur, cum alter expelli vix posset Canonis finem & sententiā potius quam verba intueri oportuit. Sanè tamen cum Augustinus passus esset sese Valerij Episcopi Hipponensis Collegā creari, ut esset veluti Coepiscopus: ignotum sibi Canonem Nicenum fuisse dixit. Et propterea Possidius narrat, eum, cum Episcopus esset, publicè recitari sapinus Canones Nicenos voluisse. Sed hac ex Ecclesia vsu atq; utilitate æstimanda atque metienda esse nemo nega-

uerit, ut ubi iusta causa postularet, ille Canon cedat. Qualis causa esse visa est, ut Donatistis antistitibus, quos ambitio retinebat, obiceretur spes aliqua honoris, si resipiscerent: detrahereturque timor infamie & ignominiosa abdicationis, si ad Ecclesiam Catholicam redirent. Nam & ipsi quoque Niceni patres cum agerent de Novatianis, id tribui posse confessi sunt. Sed & Arrianis, qui iam aliquot annis Ecclesia gubernationem in Oriente occupauerat: & de ea possessione si sanari nollent, decedere abs Theodosio iuebantur, non dissimilis conditio fuit oblata: quo etiam tempore Meletius Episcopus Antiochenus, pacis retinenda causa, Paulino, qui separatos alioqui habebat suos cœtus non dissimili prætecto quo Donatistæ, obtulit, ut conciliatio fieret, societatem sui episcopatus, ea lege, ut altero mortuo, alter qui superstes esset, in solidum Episcopus maneret. Quid moror? Augustinus in epist. 163. narrat, cum Melchiades Rom. Episcopus ex sententia suorum Collegarum damnaret Donatum, Donatistis, qui resipiscere vellent, ita pepercisse, ut sanitatis recuperandæ (inquit Augustinus) optinem liberam iis fecerit, paratus communicatorias literas mittere etiam iis, quos à Maiorino ordinatos esse constaret: ita ut quibuscunque locis duo essent Episcopi, quos dissensio geminasset, eum confirmari vellet, qui fuisset ordinatus prior: alteri autem eorum plebs alia regenda prouideretur. De hac Melchiadis sententia loquens Augustinus exclamat, Quàm innocens? quàm integra? quàm prouida atque pacifica? O virum optimum! ô filium Christianæ pacis, & patrem Christianæ plebis! Idem Augustinus

epist. 50. eandem historiam recitat, & simul significat catholicos hoc deinde exēplum secutos esse in recipiendis Arrianis, qui, cum resipiscerent, clerici & Episcopi, ut antea fuerant, in eodem ordine manerent. Narrat etiam id tam difficulisse Lucifero, ut propterea descinerit ab Ecclesia. quod & narrat Hieronymus contra Lucifer. Sed iniusta schismatis causa hac esse nostris visa est. Illud nūc inculcare volo, Melchiadis illius iudicium secutos paulò post esse Nicenos quoque Patres, cum de Nouatianis agerent. Nam licet eos, quos Lapsos vocabant, ad se Ecclesia quidem communionem post exomologesim admittendos, non etiam ad ullum ordinem cleri vel ministerij Ecclesiastici, decreuissent: Nouatianis tamen resipiscantibus non modò remiserunt duriores longioris exomologeseos conditionem: sed & ministerij Ecclesiastici functiones permiserunt. Cur erga Donatistas Afri Antistites duriores essent, nulla causa erat: magna verò, ut etiam essent indulgentiores, si fortè hac conditione redimere unitatis & Ecclesia pacem possent. Omitto quia iam olim de sua erga Lapsos humanitate Cyprianus ad Cornelium papam scripsit, antistes alioqui & ipse Asper & seuerus & rigidus. Illud dico in resipiscantium hereticorum causa qui errore peccassent, magis quàm in Lapsorum, qui metu, auditam fuisse veterem illam legem xii. Tab. Sanatibus idem ius esto, quod fortibus. Porro non modò obtulerunt Catholici Donatistis conditionem, quam iam dixi, sed etiam liberaliter addiderunt alteram, quam didici ex Augustini libro de Gestis cum Emerito, ubi & narrat aliquid memorabile accidisse, cum de ea proponenda

Catholici inter se deliberarent. Recitabatur in quodam Conuentu Mauritania Casariensis Notarius abs Catholicis in Collatione Carthaginensi proposita. Cum ventum est ad hunc locum: Si fortè populi Christiani singulis delectentur Episcopis, & duorū consortium inusitata rerum facie tolerare non possunt, vtrique de medio discedamus, & Ecclesiis singulis damnata schismatis causa, in Vnitate pacifica constitutis, ab his singulis in Ecclesiis singulis annuentibus, vnitati factæ, per loca necessaria singuli constituantur Episcopi. Augustinus Episcopus dixit: Dicam Charitati vestra & commemorem rem dulcissimam & suauissimam, quam Domino adiuuante sumus experti. Cum ante ipsam Collationem inter nos aliqui fratres, de hac re colloqueremur: quia pro pace Christi Episcopi debent esse aut debent non esse: quod vobis fatendum est, circumspectantes omnes fratres & Coepiscopos nostros, non facile nobis occurrebant, qui hoc vellent suspicere, & de hac humilitate Domino sacrificare: dicebamus ut fieri solet: ille potest, ille nō potest: ille consentit hoc, ille non tolerat: loquentes magis pro suspicionibus nostris, qui corda illorum nimè videre poteramus. Quando autem ventum est, ut hoc palàm fieret, in Concilio vniuersorum tam frequenti penè trecentorum Episcoporum, sic placuit omnibus. sic exarserūt omnes, ut parati essent Episcopatu pro Christi vnitatem deponere: & nō perdere, sed Deo tutius commendare. Duo ibi vix inuenti sunt, quibus displiceret. Vnus annosus senex, qui hoc etiam dicere liberius ausus est: alter voluntatem suam tæ-

cito vultu significavit. Sed posteaquam illum liberius
 hoc dicentem obruit omnium fraterna correptio, illo
 mutante sententiam, vultum etiam ille mutavit. Hac
 Augustinus. Quæ quidem tantò magis recito, quod
 in Actis Collationis sint prætermissa, & tamen me-
 morabile exemplum sit, & imprimis sit utile, quo-
 ties de pontificatu certatur, & ambitio contendenti-
 um, perturbanda Ecclesiæ causa est.

Redeo ad gesta Collationis. Ut citius ad rem veni-
 retur, & de grauioris causæ statu ageretur, Catholici
 voluerunt disjungere atque separare causam Cecilia-
 ni, & eam quæstionem missam facere, quæ facti ma-
 gis erat, quàm iuris. Nam & priuata & personalis
 erat ea causæ, quæ cum altera (ut ita dicam) reali &
 generali, nempe de Ecclesiâ, nihil habebat commune.
 Itaque non recusabant ultro hoc largiri, quod tamen
 falso prætexebant Donatistæ, Cecilianum fuisse Tra-
 ditorem. Nam ne tum quidem ab Ecclesiâ Catholica,
 quæ ei communicasset, Donatistas desciscere debuisset,
 nostri aiebant. Nihil certè erat facilius quàm probare
 Cecilianum talem non fuisse. & rectè fuisse absolutum:
 & Donatistarum propterea calumnias retegere, im-
 pudentiàmque propè incredibilem. Sed tamen Dona-
 tistæ in ea cauillatione perstabant, potius quàm ad
 iuris quæstionem de Ecclesiâ pertrahi se paterentur.
 Sic enim multa confuse miscendo tenebras offundere,
 ut elaberentur, volebāt. Cumque aliàs in ore habere
 solerent forensẽ illam præscriptionem, Nec causæ
 causæ, nec persona personæ præiudicat: tamen
 indignè ferebant eam exceptionem sibi obijci, ubi Ce-
 ciliani causam cum Ecclesiæ causâ ita coniungebant,

dicatur *Rauenna* pridie Idus Octobres. Consul non ascribitur, negligentia librarij. Sed ascribi potest debetque, *Varanes*. Sic quod in hac *Historia* imprimis quarebatur, & aliunde cognosci non poterat, liquet de tempore *Collationis*: quod quidem tantò diligentius inuestigauì, quia & maximum operæ precium sit imprimis obseruare tempus, quo *Honorius* ab *Afris* Catholicis tam valde interpellatus est contra *Donatistarum* intemperiem. Desidebat *Rauenna* in summa rerum suarum non solum perturbatione, sed etiam desperatione, præsertim iam mortuo *Stilicone*. *Gothi* *Romam* ceperant, totamque *Italiam* euastabant, omnibusque Imperij *Rom.* provinciis imminabant. Neque tamen propterea infelix attonitusque *Honorius* non audit *Ecclesia Africana* preces. Multas & ipse paterno exemplo iam leges tulerat aduersus *Donatistas*. Sed tam suas quàm paternas leges veluti suspendi patitur, cum audit aliter cum *Donatistis* nunc agendum esse. Aliquot ante annis edixerat quod ad earum executionem pertinebat, ne eas *Donatistæ* putarent refrixisse aut saltem tepuisse, ut loquitur in l. 46. C. Th. de Hæret. Sed & eo quoque tempore iusserat, ut publicè proponeretur quod in *Africam* miserat Edictum de unitate l. 2. c. Th. de relig. Verum *Donatistarum* schisma solis Edictis tolli non posse audiebat: & *Africane Ecclesie* tamen unitatem omnibus modis restitui optabat.

Denique *Ecclesia* illius curam maiorem gessisse videtur, quàm suæ *Romæ* atque *Italiæ*. Quæ in re facile admirabilem Dei providentiam agnosceret, qui quanta huius principis alioqui siue socordia, siue ignauia siue

(ut Ciceronis verbo utar) non curantia, quantâque
 eorum temporum confusio fuerit, recordabitur. Nem-
 pe fecit Deus, ut Honorius hic audierit viros bonos,
 & ab iis sibi dictari passus sit rescripta, quæ consigna-
 ret. Ergo in mandato huius Collationis diceres Theo-
 dosium potius quàm Honorium loqui. Ambrosius ait,
 Theodosium, magis de Ecclesiæ, quàm animæ suæ sa-
 lute sollicitum fuisse. Non dicā Honorium filium fuis-
 se omnino eiusdem animi. Sed in hac saltem Donati-
 starum causa fecit, quod pater fecisset: & edicta emi-
 sit plena paternæ pietatis. Vno Stilicone solebant mul-
 ti calumniari leges, quæ in Africam mittebantur,
 tametsi Honorij nomen præ se ferrent, tamen magis
 abs Stilicone, quàm abs Theodosii filio mitti, ut Au-
 gustinus narrat epist. 129. Nunc mortuo Stilicone di-
 ci tale aliquid non potuit. Idem Augustinus epist.
 166. scribit Donatistas conquestos esse de legibus filio-
 rum Theodosij. Sed ipse respondet nihil eas aliud quàm
 repetere atque confirmare iudicium Constantini, Va-
 lentiniani, Gratiani, Theodosij: simulque detestatur
 Iulianum Apostatam, qui (ut ait) permiserit liber-
 tatem perditioni partis Donati, cum eo modo putaret
 Christianum nomen posse perire de terris, si sacrilegas
 dissensiones liberas esse permetteret. Donatista contrà
 hoc nomine prædicabant Iulianum illum, & apud
 eum solū solam iustitiam locum habere propterea
 iactabant. Augustinus nihil iniustius, nihil indi-
 gnius, nihil perniciosius esse ait. Et quæ (inquit) pe-
 ior mors animæ, quàm libertas erroris? Interea
 tamen ne Donatistæ queri possent, aut sibi iniuriam
 fieri, aut sese inanditos damnari: placuit, rursus in

Collationet andiu audiri, quandiu vellent: & interea
liberos esse. Sed alioqui semper in Africa permittere
altare contra altare, maiorem Ecclesie deformitatem
esse iudicauit Imp. Honorius, quam eo tempore Romæ
erat in urbis euerfione atque vastitate.

Nunc veniendum est ad *Acta*, siue (ut appellaban-
tur) gesta Collationis: quæ quidem olim studiosè ex-
cepta, conscripta, collatæque fuerant, sed temporis in-
iuria, posteritatisque negligentia interciderant. Ergo
cum nuper maiorem melioremque eorum partem, be-
neficio Io. Tiliy nactus essem, existimaui magnum mihi
quendam thesaurum oblatum esse. Nam etsi ex Au-
gustino summa capita facile repetere liceat: tamen
multa, quæ ille præterijt, desiderabam, & memineram
quàm valdè olim Ecclesia voluisset integra hæc *Acta*
legi, eorumque memoriam conseruari. Nam & ipse
Augustinus in lib. de gestis cum Emer. narrat, apud
omnes (ut ait) diligentes Ecclesias Africanas quot-
annis e. i. à capite ad finem vsque ordine recitata fuisse,
quo tempore populo maxime integrum erat audire.
Fateor non modò leptologica, sed & propè battologica
posse videri: quia recitentur omnes Donatistarum ca-
uillationes, ac ne verbum quidem vllum prætermittatur.
Sed Ecclesia & Reipub. interfuit, singula eo
modo conscribi atque exponi. Et tamen ne eorum fortè
longitudo lectores deterreret, Augustinus epitomen
etiam conscripsit, quam vocauit Breuiculus: & rur-
sus eadem de re scripsit in lib. post Collat. & denique
ex synodo Cirtensi eandem narrationem repetit, epist.
152. quam quidem epistolam indicat, cum ad Mar-
cellinum scribens de hisce suis laboribus in epist. 158.

Mihi (*inquit*) fuit Breuiatio gestorum Collationis nostræ satis operosa, cum viderem neminem velle tanto aggeri literarum legendo se committere: sicut mihi fuit etiam epistola ad ipsos laicos Donatistas de hac eadem Collatione nostra. *Scribit autem ad Marcellinum, ut publicentur gesta in causa quorundam crudelium Donatistarum in iudicio conuictorum. Nam & talia recitari per omnes Ecclesias optat non minus quam gesta ipsius Collationis. Ad eam historia Donatistarum visa est digna, quæ inculcaretur. Obiter autem admonco, falli Erasmus, qui in argumēto eius ad Marcellinum epistola annotat, Augustinum ab Marcellino petere, ut quæ aduersus Donatistas in Concilio Episcoporum decreta sunt, publicentur. Certè in Concilio Episcoporum non decernebantur quod pro tribunali Marcellini. Porro ut gaudebat Augustinus Marcellinum Collationis cognitorem fuisse, sic & Bonifacium Comitens optabat eius historia cognoscere. Itaque ad eum scribens epist. 50. Quoniam (*inquit*) valde prolixa sunt gesta, & tibi aliis rebus Romanæ paci necessariis occupato; multum est ut legantur, breuiarium eorum tibi legi poterit. Quid multis? Existimauit in iis sitam esse Ecclesiæ victoriam. Itaque in epist. 204. ad quendam Donatistam, Præstitit (*inquit*) misericordia Dei, ut & nos & Episcopi vestri tam frequenti numerosoque conuentu Carthaginem veniremus, atque inter nos de ipsa dissensione ordinatissimè cōferremus. Gesta cōscripta sunt: nostræ etiam subscriptiones tenentur. Lege, vel patere ut tibi legantur: &*

tunc elige quod volueris.

Sanè cum nuper incidissem in Acta Concilij Constantinopolitani secundi, quod Iustiniani nostri tempore fuit, & quintum œcumenicum esse dicitur, & in iis forte occurrisset quoddam caput tanquam fragmentum Gestorum Collationis Carthaginensis, quod tum in illo Orientali Concilio prolatum fuit annis plusquam centum & quadraginta posteaquam fuerat scriptum in Africa: existimaui me nactum esse aliquid, quod minimè in hoc commentario negligendum esset. Est autem eiusmodi. Ex Gestis, quæ apud Marcellinum V.C. Tribunum & Notarium acta sunt, cap. clxxxvij. Augustinus Episcopus Ecclesiæ Catholicæ dixit: Non in hominibus spes ponenda est Ecclesiæ, si boni sunt, neque si mali sunt, iudicanda est Dei Ecclesia periisse. Sed tamen ipsorum causam tanquam fratrum nostrorum suscipimus: & si nobis ostendi potuerint criminosi, hodie illos anathematizam⁹: non tamen propter illos Ecclesiam à Deo promissam & exhibitā deferimus & relinquimus.

Hoc fragmentum & cap. clxxxvij. Gestorum Collationis deerat etiam in Tiliano exemplari, quod multis aliis modis mancum & mutilum est. Sed intereà dum expectabimus, ut aliquando integra illa Gesta reperiuntur & edantur, præcipuam partem huiusce Collationis exponamus.

Ac imprimis quidem obseruo magnū & celebrem fuisse Conuentum cum Catholici Episcopi ducenti & octoginta sex, Donatistæ verò ducenti septuaginta nouem cōuenissent. Et tamen paulò antè multò plures Donatistæ

Donatistæ cōuenerant in Bagaiensi Concilio aduersus suos Maximianistas, alteram Donatistarum sectam. Adeo in Africa inualuerat Donati soboles: neque non de sua multitudine illi gloriabantur non minus quàm aliàs de sua paucitate. Augustinus vanitatis eos redarguere vult, quia iactarent sese esse plusquam quadringentos in Africa antistites. Sed si suos Maximianistas sibi adiungi patiebantur, reuera erant plusquam quadringenti. Maximianistas autem, qui non minus optabant huic Collationi interesse, quàm reliqui Donatistæ eam refugiebant, non modò Donatistæ reiecerunt, sed & Catholici excluderunt. Cur id factum sit, indicat Augustinus in libro tertio contra Iulianum. Cupientes (inquit) exiguitatem suam nomine saltem certaminis consolari, & ideo videri aliquid apud eos, quibus contēptibiles erant, quia inire nobiscum sinerentur examen interpellentes eos & libellum dantes prouocantēsq; contempsimus. Magis enim de certamine nominari desiderabant, quàm formidabant in certamine superari: nec sperabant victorię gloriam, sed famam requirebant Collationis, quia multitudinis non habebant. Hæc ille: qui inde probat non esse consequens, ut qui conferre in aliquo iudicio volunt nec sinuntur, putari debeant de veritate confidere: idque obijcit Pelagianis, qui cū iam damnati in Concilio Episcoporum fuissent, iactabant quasdam literas Imperatorias, ex quibus ad nouam Collationem Catholicos prouocabāt, eamque Catholicis recusantibus, victores se esse stolidè gloriabantur.

Porro quàm ultro sese offerebant Maximianistæ, qui repulsi sunt, tam reliqui Donatistæ, qui resistebant, inuitabantur: & ut in his euocandis cogendisque multum negocij fuit: sic etiam, cum iam venissent, in pertrahendis ad Collationem: eius licet aquisissima conditiones proponerentur. Lepidum autem est, quod cum Marcellinus in suo Secretario siue auditorio, honoris causa, rogaret Donatistas, ut sederent: sicuti Catholici sedebant: illi recusando responderunt scriptum in Psalmo 36. esse, Cum impiis non sedebo: appositè verò nostri replicarunt, iam eos tamen fecisse, quod in eodem Psalmo David subijcit: & cum iniquis non ingrediar. sed addendum erat, quod in eodem Psalmo David adijcit, sese ita odisse impiorum societatem, ut tamen propter eos non sit deserturus templum aut altare Domini. Et certè mirum est, Donatistas nimis ineptè morosos stare quàm sedere maluisse, cum illud reorum, hoc iudicium sit. Imò cum reus sedere iuebatur, absolutus esse intelligebatur. neque alia absolutionis formula usi erant eorum Maiores in primo illo suo Cirtensi concilio, cuius an eà mentionem feci. Fuit profectò incredibilis quidam fastus horum hypocritarum. sed factum est iusto Dei iudicio, ut honorem nimis liberaliter ijs oblatum, quo indigni erant, recusarent. Optatus lib. 1. narrat indignè etiam tulisse, quòd Fratres à Catholicis appellarentur: & multis post annis atque adeò in ipsa Collatione hanc nostrorum humanitatem superbè respuerunt. Augustinus lib. 3. contra Gaudent. An (inquit) irasceris, quia te fratrem voco? Hoc enim nomen à nobis etiam in nostra Collatione respuistis. &c.

Cum multa sint in gestis huius Collationis singulariter obseruanda, tum verò illud memorabile est, quod catholici, ut Donatistis uterentur equioribus, non recusant iniquam ultro subire conditionem, aduersariis verò deferre vtilem. Offerunt enim, si in hac Collatione vincantur, sese abdicaturos, ut verbo Romano utar: sin vincant, nihilominus ut victis aduersariis integrum sit non abdicare: sed victores iis resipiscentibus communicent honorem & dignitatem muneris Episcopalis, ut in eadem Ecclesia duo tolerantur Episcopi, tanquam Collegæ, & ut olim Romæ Consules: sed ita, ut sit inter eos quadā (ut Græcorum Iuriscōsultorum verbo utar) ἀλλήλοκληρονομία, & quoddam veluti ius accrescendi: ut qui prior decedat, socium relinquat Episcopum tanquā heredem in solidum. Sanè Canon Niceni Concilij prohibebat duos in una vrbe esse Episcopos. Nam prospiciebat incōmoda talis societatis, & ut Romæ non nisi vnus erat princeps Senatus, quamuis essent Consules duo: sic visum fuit, Collegio presbyterorum non nisi vnum esse præficiendum. Sed, ut id placuit, pacis fonendæ causa: sic etiam vbi Conciliationis ratio visa est postulare, ut duo tolerarētur, cū alter expelli vix posset Canonis finem & sententiā potius quā verba intueri oportuit. Sanè tamen cū Augustinus passus esset sese Valerij Episcopi Hipponensis Collegā creari, ut esset veluti Coepiscopus: ignotum sibi Canonem Nicenum fuisse dixit. Et propterea Possidius narrat, eum, cū Episcopus esset, publicè recitari sapius Canones Nicenos voluisse. Sed hæc ex Ecclesia usu atq; utilitate æstimanda atque metienda esse nemo nega-

uerit, ut ubi iusta causa postularet, ille Canon cedat. Qualis causa esse visa est, ut Donatistis antistitibus, quos ambitio retinebat, obijceretur spes aliqua honoris, si resipiscerent: detrahereturque timor infamie & ignominiosa abdicationis, si ad Ecclesiam Catholicam redirent. Nam & ipsi quoque Niceni patres cum agerent de Nouatianis, id tribui posse confessi sunt. Sed & Arrianis, qui iam aliquot annis Ecclesia gubernationem in Oriente occupauerat; & de ea possessione si sanari nollent, decedere abs Theodosio iuebantur, non dissimilis conditio fuit oblata: quo etiam tempore Meletius Episcopus Antiochenus, pacis retinenda causa, Paulino, qui separatos alioqui habebat suos cœtus non dissimili prætectu quo Donatistæ, obtulit, ut conciliatio fieret, societatem sui episcopatus, ea lege, ut altero mortuo, alter qui superstes esset, in solidum Episcopus maneret. Quid moror? Augustinus in epist. 163. narrat, cum Melchiades Rom. Episcopus ex sententia suorum Collegarum damnaverit Donatum, Donatistis, qui resipiscere vellent, ita pepercisse, ut sanitatis recuperanda (inquit Augustinus) optionem liberam iis fecerit, paratus communicatorias literas mittere etiam iis, quos à Maiorino ordinatos esse constaret: ita ut quibuscunque locis duo essent Episcopi, quos dissensio geminasset, eum confirmari vellet, qui fuisset ordinatus prior: alteri autem eorum plebs alia regenda prouideretur. De hac Melchiadis sententia loquens Augustinus exclamat, Quàm innocens? quàm integra? quàm prouida atque pacifica? O virum optimum! ô filium Christianæ pacis, & patrem Christianæ plebis! Idem Augustinus

epist. 50. eandem historiam recitat, & simul significat catholicos hoc deinde exēplum secutos esse in recipiendis *Arrianis*, qui, cum resipiscerent, clerici & Episcopi, ut antea fuerant, in eodem ordine manerent. Narrat etiam id tam difficulisse *Lucifero*, ut propterea desinerit ab Ecclesia. quod & narrat *Hieronymus* contra *Lucifer*. Sed iniusta schismatis causa hac esse nostris visa est. Illud nūc inculcare volo, *Melchias* illius iudicium secutos paulo post esse *Nicenos* quoque *Patres*, cum de *Novatianis* agerent. Nam licet eos, quos *Lapsos* vocabant, ad se Ecclesia quidem communionem post exomologesim admittendos, non etiam ad ullum ordinem cleri vel ministerij Ecclesiastici, decreuissent: *Novatianis* tamen resipiscen- tibus non modò remiserunt duriores longioris exomologeseos conditionem: sed & ministerij Ecclesiastici functiones permiserunt. Cur erga *Donatistas* *Afri* *Antistites* duriores essent, nulla causa erat: magna verò, ut etiam essent indulgentiores, si fortè hac conditione redimere unitatis & Ecclesia pacem possent. Omitto quod iam olim de sua erga *Lapsos* humanitate *Cyprianus* ad *Cornelium* papam scripsit, antistes alioqui & ipse *Afer* & seuerus & rigidus. Illud dico in resipiscen- tium hæreticorum causa qui errore peccassent, magis quàm in *Lapforum*, qui metu, auditam fuisse veterem illam legem xii. Tab. Sanatis idem ius esto, quod fortibus. Porro non modò obtulerunt Catho- lici *Donatistis* conditionem, quam iam dixi, sed etiam liberaliter addiderunt alteram, quam didici ex *Augustini* libro de Gestis cum *Emerito*, ubi & narrat aliquid memorabile accidisse, cum de ea proponenda

Catholici inter se deliberarent. Recitabatur in quodam Conuentu Mauritania Cafariensis Notaria abs Catholicis in Collatione Carthaginensi proposita. Cum ventum est ad hunc locum: Si fortè populi Christiani singulis delectentur Episcopis, & duorum consortium inusitata rerum facie tolerare non possunt, vtrique de medio discedamus, & Ecclesiis singulis damnata schismatis causa, in Vnitate pacifica constitutis, ab his singulis in Ecclesiis singulis annuentibus, vnitati factæ, per loca necessaria singuli constituantur Episcopi. Augustinus Episcopus dixit: *Dicam Charitati vestra & commemorem rem dulcissimam & suauissimam, quam Domino adiuuante sumus experti.* Cum ante ipsam Collationem inter nos aliqui fratres, de hac re colloqueremur: quia pro pace Christi Episcopi debent esse aut debent non esse: quod vobis fatendum est, circumspectantes omnes fratres & Coepiscopos nostros, non facile nobis occurrebant, qui hoc vellent suspicere, & de hac humilitate Domino sacrificare: dicebamus ut fieri solet: ille potest, ille non potest: ille consentit hoc, ille non tolerat: loquentes magis pro suspicionibus nostris, qui corda illorum minime videre poteramus. Quando autem ventum est, ut hoc palam fieret, in Concilio vniuersorum tam frequenti penè trecentorum Episcoporum, sic placuit omnibus sic exarserunt omnes, ut parati essent Episcopatum pro Christi vnitatem deponere: & non perdere, sed Deo tutius commendare. Duo ibi vix inuenti sunt, quibus displiceret. Vnus annosus senex, qui hoc etiam dicere liberius ausus est: alter voluntatem suam t-

cito vultu significavit. Sed posteaquam illum liberius
 hoc dicentem obruit omnium fraterna correptio, illo
 mutante sententiam, vultum etiam ille mutavit. Hac
 Augustinus. Quæ quidem tantò magis recito, quod
 in Actis Collationis sint prætermissa, & tamen me-
 morabile exemplum sit, & imprimis sit utile, quo-
 ties de pontificatu certatur, & ambitio contendenti-
 um, perturbanda Ecclesiæ causa est.

Redeo ad gesta Collationis. Ut citius ad rem veni-
 retur, & de grauioris causæ statu ageretur, Catholici
 voluerunt disungere atque separare causam Cecilia-
 ni, & eam quæstionem missam facere, quæ facti ma-
 gi erat, quàm iuris. Nam & priuata & personalis
 erat ea causæ, quæ cum altera (ut ita dicam) reali &
 generali, nempe de Ecclesiâ, nihil habebat commune.
 Itaque non recusabant ultrò hoc largiri, quod tamen
 falsò prætexebant Donatistæ, Cecilianum fuisse Tra-
 ditorem. Nam ne tum quidem ab Ecclesiâ Catholica,
 quæ ei communicasset, Donatistas desciscere debuisset,
 nostri aiebant. Nihil certè erat facilius quàm probare
 Cecilianum talem non fuisse. & rectè fuisse absolutū:
 & Donatistarum propterea calumnias retegere, im-
 pudentiàmque propè incredibilem. Sed tamen Dona-
 tistæ in ea cauillatione perstabant, potius quàm ad
 iuris quæstionem de Ecclesiâ pertrahi se paterentur.
 Sic enim multa confuse miscendo tenebras offundere,
 ut elaberentur, volebāt. Cumque aliàs in ore habere
 solerent forensẽ illam præscriptionem, Nec causæ
 causæ, nec persona personæ præiudicat: tamen
 indignè ferebant eam exceptionem sibi obijci, ubi Ce-
 ciliani causam cum Ecclesiæ causâ ita coniungebant,

ut hanc ex illa pendere vellent. Certè Augustinus
epist. 204. ait, nihil in Actis Collationis fuisse quod
Donatista magis deleri voluissent. Fuit sanè vetus
illud hæreticorum artificium, ut, frustrationis ergò,
cùm suum dogma tueri non possent, suos mores, quos
laudabant, allegarent: aut cum aduersariorum do-
ctrinam refellere non possent, mores eorum accusarent.
Sed hæc diuerticula sunt eorum, qui eludere volunt.
Sanè ante Collationem Petilianus Augustinum, cum
quo certabat, multis conuiciis propterea impetebat, ut
iam de Augustini persona potius quàm de Ecclesia,
de qua instituta erat disputatio, quereretur. Me (in-
quit Augustinus) facit causam, cùm defecisset
in causa, Item, Relicto negotio publico, priua-
ta quadam similitate, hominis vnus vitam
maledicis opprobriis insectat⁹ est, quasi homo
ille esset causa, quæ inquitur. Sed ut Augusti-
nus indicat quorsum id faceret astutus aduersarius,
sic obstat, ne ille tali astu eludat: & iniuriã prinatã
pati mauult quàm alio excurrendo, deferere causam
publicam. Ergo & Cresconio Donatista respondens,
desine (inquit) talibus. Vnus homo sum: Ec-
clesiæ inter nos agitur causa, non mea. Sicque
etiam constrinxit Pelagianos, qui in disputatione
captabant, quod Donatista: Quod (inquit lib. 3.
contra Iulianum) ad mores nostros pertinet,
quemadmodum viuamus, in promptu est eis,
cum quibus viuimus. Nunc de Catholico agi-
tur dogmate. Manichæi, quamuis minus essent Rhe-
toricis illis artibus eruditi: tamen non dissimilia rur-
sus diuerticula quasierunt: neque solum mores alienos

accusarunt, sed etiam cum essent impurissimi, suos
 pradicarunt. Sic Fortunatus Manichæus de fide ro-
 gatus, de sua suorumque vita respondet. Quid Au-
 gustinus? In lib. contra Fortu. Alia (inquit) est qua-
 stio de fide, alia de moribus. Ac quidem alias,
 Donatistarum Manichaorumque mores accusauit, &
 suorum constantissime defendit. Sed non patitur cau-
 sam religionis cum tali actione permisceri. Sic &
 Hieronymus contra Rufinum imprimis hoc agit &
 urget, ut non coniungantur captiosè, quæ disiungenda
 sunt. Non est (inquit) necesse, ut in Ecclesiasti-
 cis tractatibus rem tribunalem ventilemus.
 Item, Quis nostrorum, omiſſa causa, in super-
 flua criminum obiectione versatus est? Quæ
 non chartæ Ecclesiasticæ, sed libelli Iudicum
 debent continere? Aut quid refert si causa ca-
 das, & crimine superes? Istæ machinæ hæreti-
 corum sunt, ut conuicti de perfidia, ad male-
 dicta se conferant. Hæc ille. Est autem opere præcium
 talia diligenter obseruare, quia hoc quoque tempore
 videmus, eos, qui de religione contendunt, intempe-
 stiue, ut omnia misceant, transilire ad criminationem
 personarum. Sanè quò magis gesta Collationis Car-
 thaginensis considero, tantò magis sentio, tam ad rem
 principalem Catholicos venire statim voluisse, quàm
 Donatistas id refugisse: qui (quemadmodum sæpe
 Augustinus dixit) hoc vnum agebant, ut nihil a-
 geretur. Nam & Carthaginem tantum venisse vi-
 dentur, ut redirent. Dixit etiam aliquando Augu-
 stinus in libris contra Iulianum Pelagianum, fron-
 tem hæreticorum non esse frontem. Id verò de incre-

dibili Donatistarum impudentia multò magis dici potuit debuitque. Sanè cum reselleret Cresconium Donatistam Grammaticum, significat propè esse ut exclamet illud Persii, Frontem petiisse de rebus. Et alio loco dixit se mirari Donatistas habere in corpore sanguinem, & tamen nunquam erubescere. Dicerem, quàm crudcles fuerunt siccarii, tam uafros fuisse pragmaticos. Sed Acta, de quibus loquor, testabuntur, strophas eorum non tam erudito aliquo artificio tectas, quàm meretricia quadam proteruita communitas fuisse. Sunt in libris iuris explicata hac verba legis, Sicaluitur. sed vix unquam magis quid illud sit, apparuit, quàm in Donatistarum tergiuersione atque frustratione. Ergo Marcellinus interlocutiones propè sexcentas, ut eorum ludificationi occurreret, interponere coactus fuit, prius quàm ad rem eos restitantes reuocare, & ad causam principalem iudicandam venire potuerit. Et verò oportuit non minus civilis quàm diuini iurisperitum fuisse, ut hîc præstaret quod erat necesse. Nam Donatistæ cum simularent sese causam agere velle tantum ex sacris literis, sicuti Theologos decebat: tamen præscriptiones infinitas ex forensi technologia repetebant, quæ sine iuris civilis cognitione refelli non poterant. Miraretur aliquis, eos, cum undique conquireret omnes (ut vocant) declinatorias exceptiones, tamen non excepisse, quod Ambrosius antea exceperat ad Valentini iunioris consistorium, aulica fraude Iustinae euocatus, ut in eo cum Arrianis disputaret. Sed dissimilitudinem obseruare facile licet: & Donatistæ sibi gratulari debebat, sese ad aulam Honorij vel

transmarinum aliquod tribunal, sicuti antea euocari curarant Cæcilianum, nunc non euocari. In Actis scriptum est, hanc Collationem habitam esse in Secretario Thermarum Gargilianarum, quod in urbe Carthaginensi videtur fuisse auditorium aliquod nobile. Cyprianus reus dicitur ad Paternum Proconsulem Carthaginensem adductus fuisse in quoddam Secretarium. Et in Codice Constitutionum sæpe vocatur Secretarium iudicum, ut Consistorium principis. Secretarium Prætorij vocat Augustinus libro 3. contra Crescon. cap. 56. In Hipponensi Balneo Sosn. sub præsentia populi sese contulisse cum Fortunato Manicheo scribit in libro contra Fortun. In Trullo palatij conuenisse Synodum Constantinop. non est ignotum. Quod dico, ne quis hîc offendatur Thermis Gargilianis. Nunc ad rem.

Cùm primum sese stiterunt Donatistæ, cauillati nescio quid fuerunt, de tempore, quod præstitutum fuerat iam elapso. Sed interlocutus est Marcellinus de prorogatione: & tenebat illud Ulpiani. Qui pro tribunali cognoscit, nonnumquam tempus iudicati prorogat. &c. l. 2. De re iudic. Credo equidẽ lubenter etiam Donatistæ submurmurassent illud è medio iure civili, moram purgari non posse, ubi lapsus temporis commissus est. Sed hisce cauillis non erat nunc locus. Ceterùm cùm ordo Collationis imprimis postularet, ut utrinque certi deligerentur actores, idque Marcellinus ediceret, & Catholici probarent, Donatistæ rursus reclamabant, qui cùm præpò trecenti cõuenissent, volebant omnes disputare: quod profectò sine tumultu & confusione fieri non poterat. Ergo

Marcellinus interloquitur, observandum hūc esse, quod in publicis actionibus & Corporibus custoditur, ut per certas, sicuti ait, & ordinatas & firmatas personas omnia peragantur: sicuti noster Ulpianus scribit, Quibus permissum est corpus habere collegij sine societatis nomine, eorum proprium esse, ad exemplum Reipublica habere actorem sine Syndicum, per quem, quod cōmuniter agi fieriq; oporteat, agatur & fiat. l. 1. Quod cuiusque uniuers. nom. Ergo tandem placuit & conuenit, ut septem ex numero Catholicorum, & totidem ex parte Donati deligerentur, qui sua uniuersitatis nomine & mandato causam agerent, & disputationem pertexerent in hac Collatione. Eorum autem septem princeps uelut fuit hinc Augustinus, illinc Petilianus: ut & antea hi scriptis aduersarijs consiliati inter sese fuerant, & erat in suo quisque ordine prestantissimus. Et Petilianus, qui aliquando causidicus fuerat, iactare solebat suam quondam potentiam in aduocatione forensi, ut ait Augustinus lib. 3. contra Petil. cap. 17. Sed res ipsa ostendit nihil aliud quam ineptum rabulam fuisse, qui, quam in Collatione causam de Ecclesia impotenter ageret, ne intelligeret quidem: ut impudentes & garruli causidici in foro educati temere & imperite & confusē balbutire solent de religione.

Porro quia Catholici ab Imperatore petierāt Collationem, Donatista volebant initio sibi edi & nomina Legatorum & preces. Quarebant enim, quod in eo quoque genere arroderent. Marcellinus nihil hoc ad rem pertinere pronunciat: & respondet, Rescripto pragmatico preces inferi non solere. Petitam ab Im-

peratore esse Collationem non omnino audebant Donatista reprehendere : quia & ipsi priores aliquando id petissent , & causam Cæciliani olim ad Constantinum retulissent . Sed clam tamen nescio quid submurmurabant . Nobis (inquit Augustinus in libro post Collat.) inuidiam concitât, quod apud Imperatorem causam agamus Ecclesiæ . Hinc illa Primiani Donatistæ vox : Illi portant multorum Imperatorum sacras : nos sola portamus Evangelia . Dixi ea de re quippiam in annotat. ad Optatum , ubi & alteram ex Augustino recitavi exprobrationem Petiliani , Quid nobis cum Regibus sæculi , quos nunquam Christianitas nisi inuidos sensit . si & doctior & acutior fuisset Petilianus , fortasse potuisset id ita urgere , ut Augustino difficilior fuisset responsio . Et quid si ex Tertulliani *Afri* apologet. obiecisset illud , Cæsares credidissent Christo , si & Christiani potuissent esse Cæsares ? Sed Donatista obtusiores fuisse videntur , quàm ut potuerint valde pungere pramereque aduersarium . Saltem fuissent minus aulici , ut aduersarios si qui nimis aulici erant , infiori exprobratione castigassent . Fateri enim cogimur , optandum esse , ut aulicus strophis religio non inuoluatur ac polluatur , quales nimium ipsis Donatistis familiares fuere . Quid dicam *Africanam* Ecclesiam , quæ antea domi suæ nullos aut Imperatores aut Reges viderat , paulò post sensisse quid sit tales habere in suo sinu , quales habuit Vandalos . Tunc igitur tunc ad eorum tribunal citata , in quo *Arriani* antistes regnabant , subscripsisset Donatistis exclamantibus apud Optatum , Quid Episcopis cū palatio ?

Nunc redirem ad Donatistarum Collationem fugi-
tantium circuitiones atque tergiuersiones. Sed quis
omnes enumeret? Interea sedati iudicis fuit, quicquid
tandem illi dicerent, tametsi sapius eadem ociose &
frustra inculcarent, patienter id audire: quod quidem
Marcellinum fecisse, Acta testantur. Sanè mira fuit
illa eorum cauillatio: quòd ubi proferebatur Eccle-
siasticum Concilium cum suo die & Consule: propter
adiectam hanc temporis notationem, causabantur fi-
ctum esse Concilium. Rursus cum aliquod Constantini
rescriptum iis obijciebatur, cui fortè adiectus non erat
Consul, index ipsius anni: propterea cauillabantur
falsum & fictum quoque esse. Quid Marcellinus? De
Conciliis nihil dicit. Nimis enim notum certumque
erat, diem & Consulem ijs ascribi, ut ficta non esse
intelligantur. Sed pronunciat, non nocere tamen ve-
ritati legum & rescriptorum, si omissa sit hac temporis
notatio. Cognitor (inquit Augustinus) interlo-
cutus est, euidentissimis legibus definitum esse,
imperialia constituta, etiamsi Consules non
legerentur, in dubium non vocari. Scio Con-
stantinum rescripsisse, auctoritate carere personalia
beneficia, quæ sine die & Consule proferuntur, l. 4. C.
de diuers. rescript. Sed talium beneficiorum alia ra-
tio est: & ipse Iustinianus, licet hoc rescriptum in
suum Codicem retulerit, tamen præfatus est id dici nõ
posse de Constitutionibus. Nam nullam dubitationem
inde emergere vult, quod quædam sine die & Con-
sule composita legantur. Sanè cum quæreretur de qua-
dam epistola siue cautione, respondit. noster Cernidius
Secucla, non ideo nullius esse momèti quod sine die &

Consule sit. l. 34. De pignor. Et quod in Pandectis non extat, inuenitur quoddam fragmentum ex libris regularum nostri Modestini, nihil nocere testamento, si dies & Consul adiecti non sint. Adijci tamen saepius solebant: licet ubi testamētum aperiēbatur, diem & Consulem (inquit noster Ulpianus) non patiebatur Prator describi vel inspicī, ne quid falsi fiat. l. 2. Quemadmod. testam. aper. Sed quis mirabitur Donatistas in Collatione omnia frustrationis diuerticula captasse, quā ne forensis quidem causidicus in mala causa inuenisset? Etiam post rem iudicatam exceptiones obtendebant, & quidem ex iure civili repetitas esse fingebant: de quibus aliquid postea dicam. Deniq; in iis quae ad rem principalem aliqui non pertinebant, plus & temporis. & verborum consumptum frustra hīc fuit, quam in ea quāstione de qua sola Collatores agere debebant.

Age, nunc de causa principali iterum cognoscatur, & quis eius status fuerit, videamus. Ut duobus verbis dicam, quāstio fuit de Ecclesia: an hac esset penes Catholicos, an verò penes Donatistas. Sed tantò difficilior diiudicatio fuit, quod utrobique propè eadē aliqui sonaret doctrina, & forma similis cōspiceretur: imò & eadem formula audirentur, sicuti & Opratus lib. 1. significat. neque temerè est, quod Augustin⁹ in lib. de vera relig. cap. 5. non modò in Schismaticis id obseruat, sed etiam in quibusdam hereticis ut Arrianis & Photinianis. Manichaeos verò & nōnullos alios ait etiam ritu sacramentorum dispares esse voluisse. ut minus mirandum sit, quod hos, minus quā illos, Ecclesia Catholica ferre potuerit. Cū

ergo Donatista pares esse viderentur doctrina & ritibus, difficilior cum iis fuit de Ecclesia agnitione quaestio: & aliis indiciis fuit opus quam doctrina & sacramentorum. Et verò si Donatista cum Ecclesia Catholica communicarent tam in doctrina fidei, quam in ritibus & ceremoniis, tamen si cum personis non communicarent, quas tanquam pollutas refugiebant, non nisi cuiusdam morositatis schisma fuisse videtur. Sed in sua actione sic variarunt, ut sibi ipsis non consentirent, & in Collatione miscerent inconstanter quaedam repugnantia. Alioqui dicerem eò recidisse certamen, ut quod in symbolo omnes profitebantur, Ecclesiam unam esse sanctam & Catholicam, in Collatione Carthagenensi variè agitatum sit: cum nostri urgerent vaticinia prophetarum, quæ Catholicam promittunt: Donatista verò opponerent vaticinia, quæ sanctam describunt Ecclesiam. Fateor causam hanc aduersus Petilianum, & nervosius & planius egisse Augustinum lib. de Vnit. quam in ipsa Collatione: quia scripturam non interrompebat aduersarius, ut orationem. Sed eadem semper causa fuit. Obseruemus autem, Catholicos aliã non admiscuisse, quæ institutam disputationem perturbasset.

Poterant fortasse Donatistis odio se obijcere aliquid Arrianismi. Sed nolunt aliò excurrere, & malunt amicè confiteri sibi cum iis rem esse, non de capite, id est, Christo, sed de corpore, id est, Ecclesia, Quinimo quaestionem de anabaptismo, cuius erant rei Donatista, hic etiam omittunt: & cum iis agunt perinde atque cum Luciferianis, qui eodem tempore in ipsa etiam Africa separatos ab Ecclesia Catholica suos

cætus

cætus habebant, neque tamen heretici, sed potius schismatici erant: multò tamen quàm Donatistæ modestiores. Quandam cum his Collationem quodam Cathaginensis cum Donatistis Collationis exemplo, Hieronymus describit. Augustinus utroſque coniunctim damnas. Nam in lib. de agone Christiano cap. 30. posteaquàm de Donatistis egit. Nec eos (inquit) audiamus, qui quanvis neminem rebaptizent, præcidere se tamen ab unitate, & Luciferiani dici quàm Catholici maluerunt. Quod non rebaptizant, non reprobamus: sed quod etiam ipsi præcidi à radice voluerunt, quis non detestandum esse cognoscat? Hi sunt, de quibus Apostolus dicit: Habentes speciem pietatis, virtutem autem eius abnegâtes. Hanc illi non habent, quia præcisi ab unitate sunt. & c. sed & Prosper Augustini discipulus, lib. 2. de promiss. & prædict. cum Donatistis Luciferianos comparat, & utroſque ait, Christi corpus, id est, Ecclesiam, humanis calumnijs infectatos esse: ut alij heretici, Ecclesia caput, id est, Christum ipsum, infectabantur. Denique Hieronymus disputans contra Luciferianos simul damnat Donatistas, quos vocat Montenses, sicuti eo tempore Romæ vocabantur: & pronunciat apud eos non Ecclesiam Christi, sed Antichristi esse synagogam. Donatistæ clamitabāt, Ecclesiam Catholicam (ut loquebantur) apostatasse, & cum asylo Romuli eam compararunt, ut ait Augustinus lib. 2. contra Crescon. cap. 13. Luciferiani dicebant de Ecclesia factum esse lupanar, ut Hieronymus cōtra Lucif. narrat. Utrorumque similis erat ratio: quia lapsi; vel hare-

tici, qui resipiscerent, recipiebantur. Sed schismatis
injustam excusationem hanc non esse, Catholici respon-
derunt. Lucifer Caralitanus in Sardinia Episcopus,
acerrimus erat Nicena fidei defensor, & ab Atha-
nasio, Hilario, Hieronymo, propterea laudatus est.
Sed iniusti tamen schismatis non minus quam Dona-
tus, reus fuit, cum dolens Arrianis facile ignosci, &
existimans eorum communione Ecclesiam pollui, se-
cessit, & Catholicam communionem deseruit, inque
sua demum Sardinia, ut Donatus in Africa, hoc est,
in suo cœtu, Ecclesiam superesse dixit. Sic Luciferiani
ad Donatistas accessere, & ut propius accederent, in
Africam traiecerunt. Sed mihi venit in mentem quod
Ambrosius narrat in oratione de obitu fratris sui Sa-
turi. Laudat fratrem illum suum, qui cum in Afri-
cam forte traiecisset, ubi erat Ecclesia quadam Luci-
feriana, noluit cum ea communicare, quia cum Ca-
tholica non communicabat. Quamvis enim (inquit
Ambrosius) Lucifer pro fide exulasset, & fidei
sue reliquisset hæredes, tamen non est fides in
schismate: & licet fidem erga Deum teneret,
tamen erga dei Ecclesiam non tenebat, cuius
patiebatur velut agnus dividi, & membra lace-
rari. Etenim cum propter Ecclesiam Christus
passus sit, & Christi corpus Ecclesia sit, non
videtur ab his exhiberi Christo fides à quibus
evacuatur eius passio, corpusque distrahitur.
Hæc Ambrosius.

Eccē non inuitus, ut obiter de Luciferianis aliquid
interfererem, quod & Donatistarum conditionem
illustret. Nam & ubi illos damnari audimus, multo

magis hos damnandos esse intelligimus. Sanè Augustinus in epist. 48. grauitè reprehēdit eorum errorem, qui existimabant nihil interesse, in qua quisque parte Christianus sit, sed ubi fidem teneat. Obijcit autem, hoc uni Deo congruere, ut in unitate colatur. Narrat etiam lib. 1. contra Parmen. Tichonium illum, qui inter Donatistas moderatissimus simul & doctissimus erat, ingenuè quidem agnouisse, Ecclesiam Catholicā toto orbe diffusam esse: sed negasse (quod tamen erat consequens) Donatistas peccare, qui illi non communicabant. Recte quidem solet laudari illud Christi tanquam prouerbiū: Vbicunque fuerit corpus siuè cadauer, illic congregabuntur & aquilæ: ut intelligamus, cum de religione quaritur, in Christum nos intueri, ad eūque accurrere debere, sicuti corui aut vultures ad cadauer conuolant. Sed Christus eodem loco, corporis quoque sui, hoc est, Ecclesia Catholica, cuius veluti ductu ad eum accurramus, gloriam & lucem, quam spectemus, nobis commendat, cum de suo nouo regno, & eius repentina admirabilique propagatione loquens ait, Sicut fulgur exit ab Oriente & apparet ad Occidentem. &c. Ergo & Augustinus lib. 1. Euangel. quæst. cap. 38. Orientis (inquit) & Occidentis nomine totum orbem voluit significare, per quem futura erat Ecclesia. Tunc addit: Constituta ergo auctoritate Ecclesiæ per orbem terrarum clara atq; manifesta, consequēter discipulos Christus admonet atq; omnes fideles, ne schismaticis credant, qui occultè congregant tanquam in Penetralibus & paucos in deserto. &c.

*Ut redeam ad gesta Collationis: nihil iam est quod
magis observare imprimis oporteat, quàm quod Au-
gustinus in lib. de Unit. contra Petilianum scribit.
Quia (inquit) cum Donatistis quæstio nobis
est, non de capite, sed de corpore: id est, non
de ipso saluatore Iesu Christo, sed de eius Ec-
clesia: ipsum caput, de quo consentimus, osten-
dit nobis corpus suum, de quo dissentimus.
Rectè. Sed si illi, ut nos, caput illud ostendent: ubi po-
tius corpus esse existimabitur? Augustinus monet,
Capitis verbis, hoc est, sacra literis id satis indicari.
Quibus? Quæ Ecclesiam ostendunt esse Catholicam.
Vbi cum iis hæreticis, cum quibus de capite, id est, de
Christo, eiusque siue essentia & natura, siue officio aut
beneficio, imprimis quæstio erat, & deinde de corpore,
id est, de Ecclesia, ut cum Arrianis: Catholici sim-
pliciter contendebant, ad dignoscendum corpus, inspi-
ciendum esse caput, & de capite potissimum agebant.
At ubi cum Donatistis res erat, qui de illo capite
consentiebant: alio, ut necesse fuit, argumento, corpus,
de quo solo cõtrouersia erat penes se esse contenderunt.
Difficilis in tanta alioqui similitudine fuit hæc diu-
dicatio. Sed sufficere visa est illa, quam dixi, indica-
tio. Ergo & si Donatistæ cum Capite fort. esse osten-
tarent alicuius corporis, hoc est, suæ societatis &
conspirationis speciosorem siue faciem siue colorem,
hoc est, ritus & mores minus viciosos: tamen præ-
ualuit altera Catholicorum probatio, qua penes se,
Christi corpus, id est, Ecclesiam, esse euerunt: &
simul apud Donatistas non esse ostenderunt. Nam &
esse unicam constat. Frustra autem de capite glo-*

riantur, qui de corpore non sunt. Nam ubi alterum non est, neutrum est, cum & totus Christus, caput & corpus sit, ut ait Augustinus. Hinc protitum illud eiusdem contra Donatistas. Extra Ecclesiam non est salus. Sanè Paulus Ecclesiam appellat Christum. Cumque Ichoua sit proprium nomen Dei, tamen etiam attribuitur non modo altari Hierosolymitano, sed & nouæ Hierusalem, id est, Ecclesia. Hac autem obiter dico, ut magis intelligamus, quanta de re queratur, cum de Ecclesia queritur, & cum Donatistis agi de re magna omniumque adeo maxima, meminerimus,

Posteaquam autem iam intelligimus τὸ χρυζιδιον, queramus τὸ χρυτήριον: tametsi & hoc iam iudicauerimus illud nolo praterire quod Chrysostomus in Omil. xlix. in xxiii. cap. Matth. fatetur suo tempore fuisse difficilimum cognoscere & discere & discernere Ecclesiam in tanta confusione similitudinis, cum heretici ostentarent, quæ Catholici ostendebant. Vnicum verò reliquum fuisse indicium ex scripturis. Sed quomodo? Augustinus id explicat.

Donatista in Collatione rogabant, quibus testimoniis, diuinis an humanis ageretur, & quo iudicio lis definiretur? Nostri sacram scripturam, & testem & iudicem sibi fore respondent. Sed quomodo ea utantur, & quid inde repetant, ut euincant quod volunt, obseruandum etiam est. Cum Augustinus de Baptismo ab hereticis, id est, extra Ecclesiam administrato, aduersus Donatistas disputat, non tantum allegat scripturam, sed Apostolicam traditionem & Ecclesiae usum, consuetudinem, testimonium, auctoritatem:

ut lib. 2. de Baptismo, cap. 7. & lib. 4. cap. 6. & lib. 5. cap. 23. & lib. 1. contra Crescon. cap. 31. 32. 33. Sciebat Optatum quæstionem de unico Baptismo contra Donatistas voluisse definire ex nudis sacris literis. Sed infeliciter id eum tēasse agnoscebat: neque ingenuum esse indicauit, locos scripturæ detorquere. Ergo quod Optatus de Baptismo dicturus contra Donatistas prouocauerat sacras literas, & quod ex testamenti tabulis de voluntate testatoris iudicandum esse Iurisperiti aiunt, huc retulerat: id Augustinus in Psal. 21. ita imitatus est, ut tamen in quæstione de Ecclesia potius hoc diceret. Nam in grauiori hac causa sentiebat scripturam liquidius probare quod aiebat. Atque ita etiam in libro de unitate Eccles. contra Petilianum, Non audiamus (inquit) hac disco, hac dicis: sed audiamus, hac dicit Dominus. Sunt certè libri Dominici, quorum auctoritati utrique consentimus, utrique credimus, utrique seruiamus. Ibi quæramus Ecclesiam, ibi discutiamus causam nostram.

Non recusarunt hanc legem Donatistæ: sed in hypothese diffensio erat, & cum utrique suas veluti theses ex sacris literis repeterent, minimè conueniebant in fine, usu, interpretatione. Catholici enim cum suam Ecclesiam esse catholicam, hoc est, toto orbe diffusam, liquere non dubitarent, satis superque esse statuunt, si probent sacris literis catholicam commendari. Ordiantur autem à veteris Testamenti libris. Non enim hos repudicbant Donatistæ, ut Manichæi. Et ut à principio res repetatur, promissio facta Abrahamæ primis proponitur. (nam & ex illo fœdere dependet

quicquid deinde in vniuersa Ecclesia admiramur) Deinde vaticinia Prophetarum de vocatione gentium, quæ Christo exhibito futura est, accumulanti. Nam & ea conueniant cum promissione facta Abrahae.

Est autem diligenter obseruandum, quod Augustinus grauius obseruauit & religiose monet concione secunda in Psal. 30. nempe, Prophetas apertius de Ecclesia quam de Christo locutos esse: idque propterea, quod viderent in spiritu (ut ait) homines contra Ecclesiam facturos esse particulas, & de Christo non tantam litem habituros, sed de Ecclesia magnas contentiones excitaturos. Ergo illud, de quo maiores lites futurae erant, planius & apertius predictum esse. Proponit huius rei exemplum ex Genesios cap. 22. ubi post Isaacum à morte ereptum promittitur Abrahae semen infinitum, atque eo modo Ecclesia aperte predicatur, cum Christus non nisi figuratè. Tandem concludit, penè ubique Christum in aliquo inuoluto sacramento predicatum esse à Prophetis: Ecclesiam verò aperte, ut eam viderent & qui futuri erant contra illam.

Quid Donatista? Augustinus in lib. de Vnit. cap. 9. ait eos non ausos quidem esse planè dicere, falsa esse, quæ ex Prophetis recitabantur vaticinia de futura amplitudine Ecclesiae Christianae toto orbe diffuse, hoc est, catholicae: sed excepisse tamen, non esse ea impleta, quia homines noluerint. Hic verò multò magis insurgit & clamat Augustinus, nihil hoc aliud esse, quam dicere, Prophetiam esse falsam, & Prophetas fuisse pseudo prophetas. Fateor peruersitate ingratorum hominum factum esse, ut multa Dei promissio-

nes, non dico irrita fuerint, sed fuerint quodammodo impedita, quatenus erant conditionales appendices fœderis. Sed quod attinet ad principalem, quæ pura fuit, promissionem, veluti de Mefſia exhibendo, & eius regno inſtaurando atque propagando: Apoſtolus proficitur eam non potuiſſe impediri hominum indignitate. Fateor etiam multa de Eccleſia excellentia & maiestate Prophetas prædixiſſe, quæ in calis impleantur. Sed in terris ſaltem inchoari nemo negauerit. Apud Iſaiam Deus loquens de Eccleſia amplificatione, cum iureiurando ait, Mihi fleſcet omne genu. Id autem Paulus refert ad finem mundi, & poſtremum (ut vocatur) iudicium. Sed interea, non negat quin ſuo etiam quodam modo id fiat in Eccleſia Chriſtiana.

Cum Donatiſta negare non poſſent aliquam Catholicam Eccleſiam extare, ſua Eccleſia huc titulum arrogarunt: & cum aduerſarios negabant eſſe, quod dicebantur, Catholicos: tum verò in Collatione ſeſe nuncuparunt Episcopos & defenſores Catholica Eccleſie & veritatis. Hic verò cepit eſſe quæſtio facti, potius quàm iuris: & tantò rursus difficilior, quod Donatiſta doctrinã Fidei Catholicam retinere etiam videbantur, neque apoſtaſia in eo genere accuſabantur. Aduerſus alios hæreticos veluti contra Manichæos & Arrianos facilior fuit huius quæſtionis diiudicatio. Sanè Laſtantius lib. 4. cap. 30. ſcribit, ſingulos cætus hæreticorum exiſtimari ſuam eſſe Eccleſiam Catholicam. Saltem id iactarunt, cum viderent primã hanc eſſe Eccleſie Chriſtiane conditionem. Sed cum ad probationem vctum erat, erant ridiculi.

Imò etiam eueniebat, vt nostris tandem concederent, quod temerè imprudentes, in eripere voluerant. Augustinus contra epist. Manich. cap. 4. In Catholica (inquit) Ecclesiæ gremio me tenet ipsum nomen Catholicæ: quod non sine causa inter tam multas hæreses sic ista Ecclesia obtinuit, vt cū omnes hæretici se Catholicos dici velint: quærenti tamen peregrino alicui, vbi ad Catholicam conueniatur, nullus hæreticorum, vel Basilicam suam, vel domum audeat ostendere. Idem Augustinus in lib. de Vera relig. cap. 7. Tenenda est (inquit) eius Ecclesiæ communicatio quæ Catholica est, & Catholica nominatur, non solum à suis, verum etiam ab omnib⁹ inimicis. Velint enim nolint, ipsi quoque hæretici & schismaticum alumni, quando non cum suis, sed cum extraneis loquuntur, Catholicam nihil aliud quàm Catholicam vocant. Non enim possunt intelligi, nisi hoc eam nomine discernant, quod ab vniuerso orbe nuncupatur. Sed & rursus in lib. de Vtil. creden. cap. 7. scribit quidem omnes hæreticos velle videri & dici Catholicos: sed vnā tamen esse (vt omnes concedunt) Catholicam Ecclesiam, multitudinem refertiores, si totum orbem consideres, & veritate sinceriores ceteris omnibus. Ex quo (vt ait) liqueat iudicantibus arbitris, quos nulla impedit gratia, cui sit Catholicum nomen tribuendum, quod omnes ambiunt. Sed & postea audiemus ex Victore Vicensi Arrianos in quadam Carthaginensi Collatione imprimis de hoc titulo litem mouisse.

Sanè Nouatianos aliquando id irrisisse, quia (ut aiebant) sub Apostolis nemo Catholicus vocabatur, obseruauit in quadam epistola Paciani Barcinonensis ad Sympronianum Nouatianum. Quid autem ut hoc nomen tueretur, responderit Pacianus, magnus olim in Ecclesia antistes, eodem epistola suggerit: quam & Donatista legisse potuerunt. Prætereo quid paulò ante Augustinum ipse Imp. Theodosius lege lata edixerit ea de re l. 1. c. de summa Trinit. Nunc videamus quid Donatista obtenderent, ut hunc titulum sibi arrogarent, nostris autem detraherent. Cresconius Donatista clamitabat, Ecclesiam, cui Augustinus communicabat, non esse Catholicam, quia totus ei orbis non communicaret, cum quidem multæ adhuc gentes barbara, quæ in Christum nondum crediderant, & multa hæreses sub nomine Christi, alienæ à societate communionis Augustini essent? Augustinus libro tertio contra Crescon. c. ap. 63. arripit, quod ipse Cresconius confessus erat, totum quotidie mundum verti in nomen Christianum: & respondet, Ecclesiam ad residua occupanda quotidie diffundi.

Fortunius Donatista audiens illam denum Ecclesiam esse Catholicam, quæ toto se terrarum orbe diffunderet, ausus est dicere, suam ubique terrarum esse communionem. Augustinus epist. 163. ut ei respondeat, rogat, num possit, epistolas Formatas, quò velit, dare. Sic enim facillimè terminari posse hanc questionem. Erant hæ epistola communicatoria, certa formula conceptæ, quas ultrò citròque mittebant Episcopi, ut testes & veluti tesseras suæ consensionis. Sic Optatus libr. 2. contra Donatistas, ait suos cum Damaso

communicare, cum quo totus orbis commercio Formatarum concordat. Donatista iactabant saltē magnam esse multitudinem suae sectae, & ut eam ostentarent, tam multi certatim confertimque concurrerant Carthaginem ad collationem: conquestique etiam sunt, iniuriam sibi fieri ab iis, qui eos non esse multos dixerant. Sed tamen cum prae catholicis pauci esse viderentur, paucitatem nihilominus suam voluerunt esse indicium Ecclesiae, quia (ut eorum patronus Cresconius dicebat) in paucis frequenter sit veritas: errare autem multorum sit. Augustinus lib. 3. contra Crescon. cap. 66. respondet, bonos verosque Christianos, qui per seipso multi sunt, in comparatione malorum falsorumque itidem paucos esse. Idem lib. 2. contra aduers. leg. cap. 12. cum audisset quēdam Manicheum commendare suorum paucitatem, quia (ut dicebat) paucorum sit sapientia: respondet hoc omnibus hereticis aduersarius Ecclesiae catholicae, qua per omnes terras copiosa fertilitate diffunditur, in sua cuiusque propria vanitate commune esse. Omnes de sua paucitate gloriari, & seducere multitudinem, si possint, velle. Sane Socrates hist. Eccles. lib. 5. cap. 10. narrat Arrianos primum gloriatos esse de sua multitudine. Vbi verò abs Theodosio repressi & ciuitatibus eiecti essent, iactasse in desertis suis synagogis illud, Multi vocati, pauci electi.

Cum sentirent Donatista sese numero & multitudine non posse euincere nomen Catholicorum, confugiunt ad aliam cauillationem. Nam Acta Collationis narrant, Gaudentium dixisse, hoc esse Catholicum quod sacramentis plenum est, quod

perfectum, quod immaculatum. Sic & Augustinus
in Breui scribit, Donatistas respondisse, Catholicum
nomen non ex vniuersitate Gentium, sed ex plenitu-
dine sacramentorum esse institutum. Verum inepta
& inanis erat hac argutiola. Acutum aliquid sibi
dicere videbantur (inquit Augustinus epist. 49.)
cùm Catholicæ nomen non ex totius orbis cõ-
munionem interpretantur, sed ex obseruatione
præceptorum omnium & sacramentorum.
Augustinus respondet, aliam esse huius vocis signifi-
cationem: & tamen se non in ea herere, sed diuinis
oraculis inniti promittentibus Ecclesiam toto orbe dif-
fusam. Et verò ille idem Gaudentius tandem eò reci-
dit, ut cum vrgeri se sentiret, indignabundus exclam-
auit, Catholicam Ecclesiam humanum esse signum.
Testis est Augustinus lib. 2. contra Gaudent. Maiori
colore dixissent, Catholicum nomen esse prophanum
& ciuile, quo leges vtuntur, cum significant Procur-
ratorem Cesaris l. pen. C. de bon. proscr. Sanè ante
Augustinum, Optatus lib. 2. contra Donatistas di-
sputans non solum vrget, Ecclesiam esse Catholicam,
& ita appellari, quæ sit toto orbe terrarum diffusa:
sed & alias (ut vocat) Ecclesiæ dotes, quibus illa &
ornatur & dignoscitur, indicat: tamen si id faciat fri-
gide & obscure. Prætereo, quæ paulò post Augustinũ
Vincentius Lirinensis ea de re acutius scripsit. Sed il-
lud dico, cum apostolica Ecclesia defenditur, non de-
fendi apostaticam colluuiem quorundam nebulonũ,
qui κακολοχοι potius dicendi sunt. Ergo Donatistæ
postremò Catholicis Apostasiam obiecerunt, cuius ta-
men ipsi potius rei erant. Augustinus in lib. de agone

Christ. cap. 29. Cùm (*inquit*) Donatistis obii-
 cos scripturæ de Ecclesia toto orbe diffun-
 denda, dicunt, iam ista omnia fuisse completa,
 antequam esset pars Donati: sed postea totam
 Ecclesiam periisse, & in sola Donati parte reli-
 quias eius mansisse contendunt. Quid ad hæc
Augustinus? O linguam (*inquit*) superbam &
 nefariam! Idem in libro de Vnit. contra Petilianum
 narrat, Donatistas quidem confessos tandem esse, quæ
 Prophetæ prædixerunt de Ecclesia amplitudine: sed
 excepisse, postea orbem terrarum (ut loquebantur)
 apostatasse: defecisseque ex omnibus Gentibus Chri-
 stianam religionem, excepta parte Donati: sicut in
Enoch, in *Noë*, in *Abrahamo*, *Isaac* & *Iacob*, &
 in duabus tribus *Iuda* olim remansit Ecclesia. Spe-
 ciosa erat hæc Donatistarum replicatio, qui & apo-
 stasiam quasi Catholicam dici posse obiciebant, si lon-
 ge & latè diffusa occupet orbem terrarum. Sed in a-
 postasia probanda imperite hærebant, qui eam non ex
 doctrinæ fidei, sed ex hominum moribus & degeneri
 nequitia æstimari volebant, homines profecto præpo-
 steri & morosi & importuni, potiusquam acres auc-
 acati.

Non potuit hæc controuersia melius diiudicari,
 quàm ex successione. Ergo Catholici responderunt le-
 gitimam iam inde ab Apostolis successionem sibi
 suffragari: Donatistis verò nullam esse. Dico
 successionem non modò personarum, sed etiam re-
 rum: neque tantum doctrinæ, sed & ordinationis:
 neque solum ordinationis, sed etiam religionis. Certè
 ubi talis successio est, defectio non est: imò verò est

continuatio: ut neque ij, quibus ita succeditur, deces-
sisse omnino videantur. Vbi antea erant hac defensio-
ne Irenaeus & Origenes aduersus sui temporis hære-
ticos, & ipse quoque Tertullianus *Afer* de *Prescrip.*
hæretic. Optatus eandem opponit Donatistis lib. 2. &
eius exemplo Augustinus, qui & Manicheis eundem
veluti arietem obicit quinquies aut sexies in libris
contra Faustum, & in lib. contra epist. Manich & in
lib. de *Vtil. cred.* & in lib. 1. contra aduers. leg. ca. 20.
Sed cum aduersus Donatistas agitur, difficilior hac
ratio est: quia & Donatista se cum veteri optima Ec-
clesia Ro. consentire contendebant, & non nisi à dege-
neri defecisse. Sic iam causa quadam translatio erat,
ut nō tam de *Africana* quàm de *Rom.* Ecclesia dein-
ceps quæreretur & rursus multiplex quæstio facti ob-
oriebatur. Non negabant Donatista *Africanas* Ec-
clesias tanquam colonias respicere debere *Romanam*
tanquam metropolim, ut & Tertullianus *Afer* de
prescrip. Videamus (inquit) quid Ecclesia Rom.
didicerit, quid docuerit, cum *Africanis* quoq;
Ecclesiis contellerat. Ergo Donatista, astutè cu-
rarant, ut aliquam *Romæ* Ecclesiam haberent. Sed
non potuerunt efficere, ut iam inde ab Apostolorum
temporibus viderentur ibi habuisse Episcopum sue
sectæ. Ergo renocati ad originem euanescebant. Origi-
nem autem, cum de successione ageretur, inspiciendam
esse, ipse quoque Tertullianus pramonuerat in lib. de
Prescript. Sanè *Acta* Collationis restantur, *Petilia-*
num anticipatione quadam usum, etiam Augustino
& eius collegis ultro litem monisse de origine & suc-
cessionem. Rogasse enim, quis eos ordinasset? quem patrem

et auctorem haberent? unde cepissent? Augustinum autem respondisse, ab ipso Christo indicari exordium suae communionis et originem suae Ecclesiae, quae ab Hierusalem diffusa est per omnes gentes continuo quodam progressu. Sic se Christum habere caput, Deum, Patrem: matrem, Ecclesiam talem. Rogant Donatista, quis Augustinum ordinasset. Augustinus fatetur fuisse Megalium Primatem Numidia. Donatista aliquid vitij in ea ordinatione notare et reprehendere volebant. Sed futilis eorum cavillatio fuit, quae non extorquebat Afris Catholicis defensionem suam cum Ecclesia Rom. communionis, in qua hi exultabant.

Optatus lib. 2. disputans contra Parmenianum Donatistam, enumerat iam inde à Petro continuam successionem Episcoporum Ro. cum quibus Africani Catholici communicabant. Tum verò insultans Donatistis, Vos (inquit) vestrae cathedrae originem edite. Respondebant (ut erant insulsi) Donatista, se quoque in Urbe Roma habere Antistitem. Optatus replicat, primum, quem ibi habuerunt, vel potius quem eò miserunt, fuisse quendam Victorem, eumque Afrum, qui ante Donatum non fuerit. Ergo et Augustinus in quodam Psal. contra Donatistas, Numerate (inquit) Sacerdotes ab ipsa Petri sede: & in ordine eorum patrum, quis cui successit, videte. Sed et in lib. Quast. Veteris et No. Testa. cap. 110. (qui liber Augustino ascribitur) Ordinem (inquit) ab Apostolo Petro ceptum, & usque ad hoc tempus per traducem succedentium Episcoporum servatum perturbat, ordinem sibi sine origine vindicantes, corpus sine capite.

Donatistæ, ut Romanorum Episcoporum illam
successionem, quam Afri Catholici cum iis communi-
cantes iactabat, interruptam & vitiosam esse osten-
derent, neque tamen confusè ea de re declamitare vi-
derentur, aliquando dixere, primos aliquot illos qui-
dem inculpate (sic enim loquebantur) Ro. Episcopatu
geßisse: sed alios deinde dissimiles fuisse: quos & in-
credibilibus calumniis infectati sunt, ut ait Augu-
stinus in lib. de unico Baptismo. Denique clamitantes
Marcellinum, Miltiadem, Siluestrum, non minus Tra-
ditores fuisse quàm Cacilianum. Mirum verò, potius
non obieciße Liberij quãdam desertionem & Damas-
i qui ei successit, seditiosam ordinationem, quam &
Pelagiani propterea exagitarunt. Nam id Augustinus
significat, cum lib. 6. contra Iulian. inquit: De con-
stituendo Episcopo dissentionem populi Ro.
insultabundus obiectas. Notum autem est ex Am-
miano; qualis & quàm cruenta fuerit ex dissensio,
cum Damasus crearetur Episcopus. Sed & Iulianus
Pelagianus, cum sedis Romana auctoritate premere-
tur, etiam ipsum (ut ait eodem loco Augustinus)
beata memorie Zozimum, Apostolicæ sedis Episco-
pum, prauaricationis accusauit. Verum ubi talia ob-
iciebantur, Catholici respondebant esse calumnias: &
licet vera crimina essent, tamen priuata vicia perso-
narum religioni & Ecclesiæ, quæ & talia peccata
damnat, non obesse. Plus habuisset coloris, si Donatistæ
obiecißent, quod ipse olim Tertullianus Afer in lib.
contra Prax. notauerat eius temporis antistitem Ro.
propè Montanistam fuisse, & reliqua cumulaßent,
quæ ipse Tertullianus suo schismati obtendit in lib. de

Pudic.

Pudic. & contra Pſyph. Sed uſi ſunt patrono Petiliano, qui tam fuit ineptus, quam fuerat olim acer & vehemens Tertullianus. Si Tertullianũ alterum habuiſſent ſuarum partium in Collatione, magis ſudaſſet Auguſtinus. Nunc languidos & molles vincere facile fuit. Nam & ſi quid obiiciunt, quid aliud quã (ut ait Poeta) telum imbelles ſine ictu contorquent, vel (quod dicitur) plumbeum & obtuſum pugionem intentant? Ecce ne vagari in aëre viderentur, & agere, ſine ullo teſtimonio, aliquando (inquit Auguſtinus epist. 48.) veluti inſidiantes teſtimoniis diuinis, tanquam iam periſſet Eccleſia de orbe terrarum, obiiciebant Hilarij quandam querimoniam de prouinciis Aſiaticis, qua Arrium ſequebantur. Poterant, ſi doctiores acriorẽsque fuiſſent, talem apoſtaſia exprobrationem exaggerare. Nam ipſe Hieronymus contra error. Ioan. Hieroſ. Totum (inquit) Orientem, excepto Athanaſio & Paulino, Arrianorum hæreſis poſſidebat, Imò verò & Occidentem peruaſerat, & ipſum Episcopum Ro. inſregerat. Quid multius? Baſilius epist. 60. fatetur ſeſe cogitaſſe principia eſſe illius apoſtaſia, cuius meminit Paulus ad Theſſ. Neque non in Collatione Donatiſta obiicere poterant, Urbem Romam à Barbaris captam eſſe, & Imperium Ro. iam peſſumire: ſicuti eo tempore Hieronymus ipſe alludens ad illum Pauli locum ad Theſſalon. & ruinam Romani Imperij, qua Apoſtaſia regnum præceſſura credebatur, deplorans in epistola ad Geroniam de Monog. inquit: Qui tenebat, de medio fit: & non intelligimus Antichriſtum appropinquare? ſed Donatiſta agunt paulò remiſſius. Neque ſanè

*sui schismatis excusationem probabilem inde poterāt
repetere, cū quidem iam tempore Constantini, quo
& Imperium Rom. & Ecclesia Christiana maximè
florebat, ipsi defecissent ab Ecclesia. Neque Augusti-
nus nunc laborat, ut illum Pauli ad Thessalonicenses
de Antichristo locum expnat: quod postea fecit ad
Marcellinum nostrum lib. 20. cap. 19. de Ciuitat. Dei.
Tantum nunc diluit, quod ex Hilario Donatistæ ob-
iecerant. Hilarij verba in libr. de Synod. hac sunt:
Audiui & vidi vitia præsentium non laicorum,
sed Episcoporum. Nam absque Episcopo E-
leusio, & paucis cum eo, ex maiori parte Asia-
næ decem prouinciæ Deum nesciunt. Atque
utinam eum nescirent. Cū procliuiori enim
venia ignorarent quàm obtrectarent. Si Dona-
tista hinc probare volebant Ecclesiam iam tum in or-
be periisse, inepte Asiam pro toto orbe accipiebant.
Quinimo in eodem libro Hilarius confitetur saltem
Gallia & Britannia Ecclesias in fide syncera persti-
tisse. Neque verò minus Africana Ecclesiæ Arria-
nismum reiecerant. Sed Augustinus alia defensione
vititur. Quānam? Ait, Hilarium decem prouincia-
rum Asianarum Trizania arguisse, non ipsum triti-
cum: aut etiam ipsum triticum, quod defectu quodam
periclitatur, quantò vehementius, tantò vilius ar-
guendum esse putasse. Ait Donatistas calumniari do-
cto viro, qui grauitè increpabat, quos iterum partu-
riebat: & eodem modo potuisse dicere, nec tot Ecele-
sias Galatiæ tunc fuisse, quando dicebat Apostolus,
O stulti Galatæ, & c. Ait, Ecclesiam aliquando ob-
scurari, & tanquam obnubilari multitudine scan-*

dolorum : sed etiam tunc in suis firmissimis eminere : & aliquando multitudinem tranquillitate temporis quieta & libera apparere : aliquando tētarionum & tribulationum fluctibus operiri atque perturbari. Tale autem tempus fuisse, de quo scripsit Hilarius. Ad-
do, paulò post, tempore Theodosij, Ecclesiam illam ut-
cunque liberatam fuisse, ut rursus esset, qualis fuerat
tempore Constantini. Adde, non dissimilem vicissi-
tudinem olim visam esse & in regno Davidis. Sed
interruptio, quæ videtur continuitatem abrumperere,
non tollit perpetuitatem. Caterum ut ad Donatistas
redeam : Si ex Hilario aliquid proferre volebāt, quod
Augustino obiicerēt in hac causa, cur non potius pro-
tulerunt quod Hilarius scripsit contra Auxentium
de Ecclesia? Cur non urgent quod scripsit Rufinus, Ec-
clesiæ faciem iam eo tempore scēdam admodum fuisse?
Imò verò cur non obiiciunt grauiorem querimoniam
Basilij & horribilem, quam edit, picturam Ecclesiæ
(ut ita dicam confuse) confuse? Cur non clamant
Hieronimum confiteri, Ecclesiæ faciem pro Ecclesia su-
perfuisset tempore huius Collationis? Cur non ipsius
Augustini ad ipsum Marcellinum verba ex epist. v.
repetunt, In ista (inquit) Colluue morum pessimi-
morum & veteris disciplinæ deperditæ, &c.
Verum simplicem Historiam actionis Donatiana per-
sequamur.

Cum Donatistæ clamitarent Ecclesiā Catholicam
apostatasse (ut loquebantur) atq; periisse, & hoc cla-
more eludere vellent Prophetarum vaticinia de Ec-
clesiæ gloria, amplitudine, perpetuitate: rogarunt Ca-
tholi in Collatione, Vbinam scriptum esset tam citò.

esse perituram: ut & Augustinus in lib. de Vnit. quaerit à Petiliano, Quando, quis, quomodo deleuerit Ecclesias Apostolicolabore fundatas? sicuti & in epist. 161. ad Honoratum, rogat, Quomodo Christus perdidit hereditatem Gètium sibi promissam? Hac enim interrogatio fuit, quæ Donatistis minimè ut oportebat ad hoc certamen instructis, velati os obstruxit. Miror non obiecisse, quod in Ezechiele vel in Daniele vel in Apocalypsi scriptum esse dicitur de Antichristo, vel etiam in epist. ad Thessalonic. An suo tempore nondum venisse tempus illius Antichristi sentiebāt? Supererat alius locus Pauli ad Timotheum de Apostatis, qui nouissimis temporibus emergent. Sed ipse Augustinus in libro de Vnitate contra Petilianum, veluti præoccupat, & id pertinere ait ad purgamenta Ecclesia, & ad eos, qui ab Ecclesia defecere: sicuti & in Manichæos locum illum retorquet lib. 5. contra Faustum cap. 10. & lib. 30. & lib. 1. contra Felicem Manichæum cap. 7. & in libro contra Secundinum, cap. 2.

Venio ad id, quod Donatistæ in Collatione potissimum urgebant: ut cum Catholica Ecclesia predicaretur, ipsi sanctam quoque esse debere vicissim contenderent: qualem aduersariorum hoc est Catholicorum Ecclesiam, non esse clamitabant. Catholici agnoscebāt quid sibi deesset, & qualis illa esse deberet. Sed in hac vita perfectam non fore fatebantur: futuram verò in celis: & hoc quotidie agi, ut macule deleantur, & rugosa esse desinat. Sed integram reformationem in hac hominum Colluione non extare. Ergo Augustinus ut fulgentio Donatistæ sic respondit, gloriose gar-

rienti de sua Ecclesia perfectione, sic in epist. 50. ad Bonifacium, Absit, inquit, ut quisquam nostrum ita se iuste dicat, ut sine peccato se esse iactare audeat, in hac vita, sicuti Donatistæ in nostra Collatione dixerunt, in ea se esse Ecclesia quæ non habeat maculam aut rugam, aut tale eiusmodi. Fuit tamen non dissimilis iactatio Pelagianorum, ut indicat Augustinus lib. 4. ad Bonifacium cap. 7. & libr. 2. de bono pers. cap. 5. & libr. 2. contra Iulianum Sed quàm sit ventosa vanitas hæreticorû, non est ignotum.

Porro cum Catholici in Collatione distinxissent Ecclesiam quæ est in calis ab ea quæ est in terris: Donatistæ calumniati sunt, eos fingere duas esse Ecclesias: nec meminisse, unam modò esse. Catholici talem calumniam facile refutarunt, cum replicarunt & ostenderunt, eandem ipsam unam & sanctam Ecclesiam, nunc esse aliter, tunc autem aliter esse futuram ut ait Augustin. Collat. 3. cap. 4. Ego non dubitarim tres gradatim agnoscere formas & species Ecclesiæ, primam Mosaicam siue Iudaicam, secundam Catholicam, tertiam celestem, & quidem secundam priori multo excellentiorem, & tertiam secunda rursus multò meliorem promitti à Prophetis: & tamen talis perfectus non interruptis continuationem unius Ecclesiæ: neque obstat, quin & prima illa Ecclesia, quæ & secunda præmonstratio quædam erat, valde laudata sit. Vnde & Psalmus 87. de Sione & Hierosolymis, Gloriosa (inquit) de te dicuntur, ô urbs diuina.

Redeo ad Donatistas, qui repetito ab illius memoria exemplo, speciosè iactabant, sese esse tanquam duas il-

las Tribus, qua non defecere, cum alia decem tribus
Israelis abs Iuda regno desciverat secuta Ieroboamum.
Sed Catholici merito invertebant hanc coparationem,
& quantumvis faterentur multas esse maculas & labe-
s sue Ecclesie, tamen quandiu illa Christum habebat
caput, Schisma Donatistarum esse impium contende-
bant. Sed & Augustinus in lib. contra Fulgent.
cum audiret Catholicos à Donatistis vocari Samari-
tanos, probat ipsos potius Donatistas esse tanquam Sa-
maritanos. Hinc autem pendebat iudicium de exem-
plo communionis ex veteri Iudaorum Ecclesia reperto,
de quo in Collatione maxime certatum est: tamen si non
dissimule utraq; parte in ea contentione parum causisse
videri, cum neutra in exemplo Prophetarum, quod alle-
gat, satis observat discrimen, quod Prophetæ tamè om-
nes inculcant. Adde feruor contentionis interdum con-
fusus miscet, qua discernenda erant. Itaque tanto ma-
gis excutiendum nunc est hoc caput Collationis, ut cu-
ventum sit ad præcipuum causæ statutum, utriusque
partis rationes proprius expendamus. Acta Collatio-
nis testantur Catholicos suam (ut vocant) Notariam,
& Donatistas suam proposuisse atque opposuisse, cum
scriptis potius quam verbis agerent & contenderent.
Notariam eo seculo siue etiam Notoriam vocabant
scripturam, quæ aliquid notum faciebat vel indica-
bat; neque alioqui sic appellatur à nobis vel notarius.
Ut autem hoc verbo Augustinus quoque in historia
huius Collationis utitur eo modo, quem dixi, sic & a-
libi magis civiliter in historia Donatistarum, Notoriam
siue Notariam vocat scriptum ab Irenarchis e-
logium de rebus Donatistis, ut in epist. 159. & 160.

Atque ita etiam vsurpatur in Iure ciuili, vt in l. Diuus. De Custod. reor. l. ab accusatione. §. accusatores. Ad senat. Turpil. l. ea quidem C. de accusat. l. 31. C. Th. de Episcop. & cleric. Apud Vopiscum duobus locis Notoria generaliter dicitur Epistola. Sed redeo ad Notariam vel Notoriam Catholicorum in hac Collatione propositam, in qua Acta testantur scriptam & propositam imprimis fuisse hanc Thesim.

Prophetæ populum peccatorem, & Dominum multis execrabilibus: abominationibus offendentem tam seueris vocibus arguebant, & flagellis correptionis duros atque indomitos animos, vsque ad inimicitias aduersum se horribiles excitabant: nec tamen se ab eo populo, in quo vtrique etiam boni inter malos erant, corporali discrimine diuidebant, melius iudicantes per patientiam ferre malos, quam per caluniam relinquere bonos.

Donatistarum responsio in illis Actis longior est: sed conclusio est hac de Prophetis, quorum mentio facta erat: Quod inter eos, quos damnabant, fuerint, commorationis fuit, non communionis.

Quid deinde replicarint Catholici, breuiter exponit Augustinus in Breuicubo Collationis tertie diei, his verbis. De Prophetis, quia dixerant Donatistæ in literis suis, non eos communicare illis, in quos mala tanta dixerunt, responderunt Catholici, Quod vnum Templum fuerit, quo vniuersi utebantur, nec quenquam Prophetarum, qui tanta dixerunt in malos constituisse sibi aliud Templum, sacrificia, sacerdotes. Idem Au

gustinus in libro contra Donatist. post Collat. cap. 20.
Adhuc (*inquit*) audent commemorare Prophe-
tica & Apostolica testimonia, quibus nos vni-
uersaliter in illa Collatione respondimus, o-
stendentes ipsos Prophetas sanctos cum ini-
quis in vno templo, sub iisdem sacerdotibus
inter eadem sacramenta versatos, nec tamen
à malis fuisse pollutos, quia nouerant, inter
sanctum & immundum, non sicuti isti sentiūt
corporaliter populum diuidēdo, sed bene iu-
dicando & bene viuendo, discernere. *Idem pau-*
lo post propius accedēs ad Donatistarum obiectionem,
ait, Quod iussus est quidem Propheta nec pa-
nem manducare, nec vinum bibere in Sama-
ria, quò missus fuerat, vt corripere eos qui vac-
cas constituerant adorandas more idolorum
Ægyptiorum, hoc omnino facere debuit quod
præceperat Dominus, cui tunc eo modo illos
corripere placuit, vt nihil ibi tangeret Prophe-
ta quem miserat. Nūquid enim in Ecclesia non
fit quotidie, quādo eos, quos acri⁹ corripimus,
etiam si in eorum possessione sumus, nihil ibi
apud eos contingimus, vt sentiant quantum
eorum peccata doleamus? Nunquid tamen i-
deo plebis discessio facienda est, vt sicut mol-
lis herba, indiscretè eradicentur infirmi, qui
de pectoribus hominū, & ignotis factis, etiam
si nobis sint cognita, iudicare nō possunt? Nam
in ipsa Samaria & Helias & Heliseus erant, &
si ipsi in solitudine, non tamen deuitandorum
sacramētōrum causa, sed quia persecutionem

ab impiis regibus patiebantur. Nam illic erant non utique in solitudine, separata, quæ ipse ignorabat Helias, septem millia virorum, qui non curuauerunt genu ante Baal. *Hæc ille. Hic verò necesse est, ut ingenuè dicam, quod sentio. Cum diligentius considero quæ iam recitata sunt, videtur mihi tam Catholici quàm Donatistæ incōsideratè confundere discrimen, quod olim fuit inter Iudam & Israël, interque Hierusalem & Samariam. Nam ut Donatistæ confusè contendunt, Prophetas propter hominum vitia non communicasse sacrificiis siue Hierosolymitanis siue Samaritanis: sic Catholici non minus confusè contrà contendere videtur, tam his quàm illis sacrificiis illos communicasse, & tamen si moribus sese separarent, tamen altaribus fuisse cōiunctos. Atqui, ut ipse Augustinus lib. 17. de Ciuit. Dei, cap. 22. rectè dixerat, in Israël omnes reges fuisse reprobos, non etiam in Iuda: sic dicere debuit de Sacrificiis: & quidem sacrificiis Hierosolymitanis communicasse Prophetas & communicare debuisse, quandiu illorum legitima erat forma: tamen si sacerdotum & populi magna esset alioqui corruptio, & damnanda hypocrisis. Sed sacrificiis Israël siue Samaria, neque Prophetas communicasse, neq; communicare debuisse: cum quidem non esset legitimum altare extra templum: tamen si sacerdotum & populi vita fuisset minimè vitiosa. Et verò Prophetæ aliter reprehendunt sacrificia Iudæ, aliter Israël. In illis enim reprehendunt hypocrisim & impietatem personarum: in his verò formam quoq; & substantiam ipsorum sacrificiorum. Augustinus in libro post Collat. ait, Questionem hanc*

in Collatione fuisse euidenter solutam. Ego verò (ut nihil dissimulem) cogor dicere fuisse euidentem utriusque partis quendam errorem, & quidem iuris & facti errorem quandiu non adhibetur distinctio, quam dixi. Itaque miror, cum in Collatione Carthaginensi adessent tam multi praelari Antistites, neminem obseruasse discrimen illud, quod toties & tam euidenter Prophetæ inculcant.

Rectè Donatistæ ajunt Eliam & Eliseum nūquam communicasse altaribus Samaria, & propterea in solitudine moratos esse. Itaque miror Augustinum respondere, Eliam & Eliseum non fuisse in solitudine deuorandorum Samariae sacramentorum causa. Habitarunt etiam in Bethel, sed nunquam aut ibi sacrificarunt, aut eius loci sacrificiis communicarunt. Denique & singulare & extraordinarium fuit, quod in monte Carmelo Elias semel sacrificauerit. Saltem cum Augustinus ait Eliam aut Eliseum non deuorasse sacramenta Samaria, distinguendum esset inter sacramenta Circumcisionis & sacramenta Sacrificiorum. Sacrificia certè in Samaria omnino vitanda & fugienda erant: quia non nisi in Templo Hierosolymitano fas erat sacrificare. Sed Circumcisio similiter templo alligata non erat.

Rectè rursus Donatistæ de Prophetis Osea & Amos dixere, quod de Elia & Elisao, quia similiter illi Prophetæ agebant cū Israëlitis, & tamen clamabāt, Ne eatis in Gilgal, ne ascendatis in Bethauem: hoc est, ne communicetis sacrificiis Israëlitis sine Samaria. At non similiter dixissent, Ne ascendatis in Hierusalem. Ergo malè Donatistæ subiiciunt: Iam

verò in vrbe Hierosolyma quomodo poterāt
Prophetę sacrificiis peccantium hominum cō-
municare, quę diuino spiritu pleni damnabāt.
*Atque in his propheta damnabāt non tam sacrificij
formam, quā sacrificantis hypocrita personam.*

*Sed & ubi Donatistę concludebant. Commo-
rationis fuisse non communionis, quod Pro-
pheta fuerint inter eos, quos damnabant: Rur-
sus distinguendum fuit inter Iudam & Istraēlem.
Propheta quidem etiam oriundi ex Iuda, migrarunt
in Istraēlem, vt ibi commorantes, non quidem altari-
bus Samaria communicarent: sed vt ea damnarent:
sicut fecēre Amos & Oseas. Leuitę autem, qui in
Istraēlis Tribubus habitabant, inde omnes fugerunt
in vrbem Hierosolymam, ubi tantum sacrificare
faserat.*

*Donatistę, vt refellerent, quod Catholici in Col-
latione dixerant, moribus non corporibus bonos à ma-
lis separari debere, allegarunt illud Iesaię: Disce-
dite, discedite, exite medio eorum. Munda-
mini &c. quia & Paulus id repetit in epist. ad Co-
rinth. Sed quod ad Iesaiam attinet, constat prima illa
eius verba tantum hoc velle & agere, vt Iudæi sint
parati ad discedendum ex Babylone statim atque dies
Liberationis venerit. Interea autem etiam monet, vt
sint mundi: ne scilicet communicēt idolis Chaldeorū:
quod Apostolus ad suos Corinthios repetit, ne & ij
communicent idolothyris, &c. Sed aliqui non inbet;
vt patriam suam relinquunt, & ex idololatrarum
urbibus fugiant. Alioqui ex mundo exire eos oport-
teret, vt alibi ait. Quod autem Iudæi ex Babylone*

discedere iubebantur, peculiarem rationem habet, quæ
ad alios trahenda non est. Augustinus in lib. de Unit.
cap. 12. narrat, Petilianum clamitasse, decem Tribus
diuisas esse & traditas seruo Solomonis, nempe Iero-
boamo: duas verò remansisse filio Solomonis, deinde
comparationem fingendo dictitasse: Si & nunc totus
mundus apostatauit: nos autem tanquam duæ
illæ tribus permansimus in templo Dei, id est,
in Ecclesia. Quid ad hæc Augustinus? Ostendant
(inquit) scriptum esse, se esse tales, sicut scriptum
est, illas duas Tribus tales fuisse: & tunc nihil
resistimus. Sed successio, de qua dixi, ostendebat po-
tius Catholicos esse tales. Schisma verò indicabat
Donatistas potius esse similes decem Tribubus. Olim
quidem decem illæ Tribus Israelis penes se esse Eccle-
siam, potius quam in Hierusalem, contendebant. Sed
nunquam id euicerunt, neque ullus unquam Prophe-
ta id iis concessit, Cum abducta in seruitutem ea essent
& iis successissent Samaritæ, durauit eadem conten-
tio: adeo ut æmulum templum in monte Garisim edi-
ficatum sit, quale Hierosolymis fuerat à Iudeis redu-
cibus non multo ante instauratum. Ac quidem quæ-
stio tunc quoque agitata est, utrum esset templum le-
gitimum: tandemque est relata ad iudicium Ptolomæi
Ægyptij Regis: & quidem terribili conditione, ut qui
aduocatus causa caderet, morte multeretur. Sed au-
dita Moïsis lege, & probata Pontificum Iudaorum cō-
tinua successione, rectè indicatum est pro templo Hie-
rosolymitano. Testis est Iosephus lib. 13. cap. 6. Est quæ
profecto historia illa memorabilis, & idoneum exem-
plum, quod hic laudetur. Sed simul miremur, Sama-

ritanos tamen sibi nihil minus arrogasse quod solent: quod etiam fecere cum eorum templum Garizitanum fuisset dirutum: adeo ut Christi tempore eam litem etiamnum perdurasse audiamus. Nihil dicam de altero Templo apostatice, quod in Aegypto ad exemplum Hierosolymitani conditum ab ipsis Iudeis est. connuente Rege Ptolomæo. Nunc enim me contineo in exemplo veteris dissensionis inter Samariam & Hierusalem. Neque potest in hoc argumento exemplum illustrius ex historia veteris, Ecclesia repeti: in quod quidem cum intuemur, tam horribilis etiam schismatis, quod tãdiu durauit, memoria nos percellat, necesse est. Neque dubium est, quin Augustinus multa prospiciens inde colligeret, quod in schismate Donatistarum gemens deploraret, ut tristissimam Ecclesia calamitatem desleret.

Redeo ad eum locum, in quo Augustinus negat, Donatistas esse, quod dici volunt, hoc est, tanquam Tribum Iudæ. Adicit enim per concessionem, etsi id essent, tamen legere debere Prophetas, qui dicunt Israëlem auersatricem iustificatam esse peccatis Iudæ prauaricatricis. Hoc certè Ieremias cap. 3. & Ezechiel cap. 16. dixere, ut & suos Iudæos castigarent, Ecclesia titulo nimis indigne abutentes: neque dubito quin & ipse Augustinus peccatis suorum minime indulgens, sapiens suo populo id exprobrarit. Illud miror quod in eodem suo lib. de Vnit. contra Petilianum. cum hanc quæstionem tractat, adicit, partem illam veteris populi, hoc est, Israëlem, deputadam non esse, tanquam hæresis fuisset. Deum enim decem illas Tribus iussisse separari, non ut religio, sed ut regnum

diuideretur. Cum hæc lego, fateor (ne quid iterum dissimulem) me harere & subsistere. Deus quidem iuste meritoque decreuerat, Ieroboam fore regem, ut puniret peccatum Solomonis. Sed nihilominus Israel peccauit, cum perfidiosè talem sibi regem asciuit, ut à regno Dauid & à templo deficeret. Sed & ipse Augustinus lib. 1. contra Cresc. cap. 31. ait Samaritanos fuisse veluti hæreticos Iudaorum. Audio, quod contra Petil. ait, Deum iussisse, ut regnum Iudæ diuideretur, non etiam religio. Non enim iussisse fieri schisma: sicuti (inquit) sæpe in orbe terrarum regna diuiduntur, & tamen Christiana vnitas nõ diuiditur, quia in vtraque parte inueniatur Ecclesia Catholica. Verùm (si mihi fas est ingenuè dicere quod sentio, ut quod verum esse puto, verecunde quidem, sed tamen liberè exponam, nullo Augustini præiudicio impeditus) existimo obseruandum esse, aliam fuisse rationem Regni Iudaici siue Dauidici, aliam esse aliorum regnorum. Nam in Regno Dauidis hæc inclusa fuit Ecclesia, sicque cum eo coniuncta, ut non potuerit diuidi, quin religio diuideretur, hoc est, quin qui ab eo descisceret, schismatis reus esset. Nam qui ab eo deficiebat, ab Ecclesia quoque ipsa deficiebat. Certè orabatur pro hoc regno, ut pro Ecclesia, Psal. 77. & 108. & Dauid propterea dicebatur primogenitus inter Reges, Psal. 89. At (inquies) Deus tamen dicitur diuisisse regnum Dauidis. Fateor, sed longè alio fine, quam ipse Ieroboam schismaticus, aut quæcum fecerit sunt decem Tribus, quarum longe aliud fuit, quam Dei consilium. Hac obiter dicta sunt. Conclusio Augustini contra Petilianum est, fuisse

etiam in Israël Prophetas. Audio. Sed tunc fateor Donatistas rectè dixisse, commorationis illud fuisse non communionis. In Iuda verò non modo commoratos esse, sed etiam communicasse, dicendum etiam est, ut antè admonui.

Hic ego veniam audacia peterem, si paulò liberius videor notare in Augustino & eius collegis, non factum ab iis observatum esse discrimen Iudæ & Israël. Sed pudoris potius quàm petulantia ullius vestigium in meo facto agnoscat æquus & veritatis studiosus iudex. Certè ut mihi integrum non fuit dissimulare quod sentiebam, sic agnosco factum esse quodam impetu dissertationis, ad Donatistarum morosissimam importunitatem reprimendam, ut Catholici in Collatione minus distinxerint Iudam ab Israël, cum Prophetas quantumvis seueros vitiorum reprehensores minimè omnium fuisse schismaticos ostendere vellent, & Donatistas valde reprehenderent, qui sui schismatis exemplum repetebant à Prophetis, quos fugisse suæ gentis sacrificia confuse clamitabant, contrario quodammodo Iudæ & Israël discrimen confundentes. Ceterum minimè alioqui Augustinum ignorasse quod dixi, imò verò tale discrimen diligenter alias indicasse, testis est eius liber 17. de Ciuit. Dei. Iam verò si queratur, quid post Collationem Marcellinus iudex pronuntiari, qui tam academicus non erat, ut pronuntiaret non liquere. Augustinus in breuic respondet pronunciaſſe confutatos esse Donatistas omnium documentorum manifestatione,

Posidius, qui etiam interfuit, ait Donatistas sententia Cognitoris notatos esse, & post eorum appella-

tionem, piissimi Regis responso iuste inter Hæreticos
esse condemnatos. Nempe sententiam Marcellini con-
secuta est lex Imperatoria. Nam & quæ in Codice
Theodosiano l. 54. de Hæret. extat Honorij constitutio
contra Donatistas, data Rauenna Cōstantio & Con-
stante Cōss. non nisi duobus post Collationem Cartha-
ginensem annis edita est. Atque ita quidem olim so-
lebant Christiani Imperatores sancire Decreta Con-
ciliorum. Praefatur autem Honorius sese hætenus pe-
percisse Donatistis, quos (inquit) patientia clementia
nostræ seruauit. Id verò non satis intelligeretur, nisi
meminerimus quàm patienter & benigne paulò antè
auditi in Collatione fuissent. Neque tamen planè no-
uum est, quod Honorius iubet eos esse intestabiles, nul-
lámque potestatem ullius (ut loquitur) ineundi, habe-
re ait. Certe Theodosiana quoque lex fuit, qua iis vel
faciendi testamenta, vel per donationes alicui quid
conferendi facultas adimitur, vel ex donationibus te-
stamentisue aliquid capiendi, ut ipse Augustinus re-
citât ad finem lib. 1. cont. Parmenian. Sed & ad ius
ciuile pertinet, propterea quæ minus præterire possum,
quod eodem loco narrat Augustinus, cùm homo qui-
dam nobilis Imperatoribus supplicasset, quia soror
eius, quæ de parte Donati fuerat, cùm defungeretur,
in aliquos communionis suæ plurima contulisset, præ-
ceptum esse, ut omnia fratri restituerentur. Hic ergo
locum non habuit lex Papia de caducis, ex qua fiscus
capiebat, quod relictum erat ei, qui capere non pote-
rat. Sed ei si frater ille fuisset præteritus vel exhereda-
tus, iure communi potuisset rescindere sororis testamē-
tum, in quo turpes & infames personæ (quales erant

Donat-

Donatistę) fuissent instituta. Sed quia nūc de iure Ci-
 uili disputandi locus non est, prater eo quod pluribus
 verbis ea de re dici posset. Monco tamen Lectorem, ut
 conferat quam huius legis deprauationem postea in
 Africa edidit Hunnericus Vandalus, ut Victor Vri-
 censis libro 3. narrat, & nos ad eum annotauimus.
 Illud prater ea ex lib. xvi. Cod. Theodos. Tit. v. cap.
 v. didicimus, quod huc omnino referendum est, non
 multo post Collationem mortuum fuisse Marcellinum,
 propterea q, quasitum fuisse, an eius morte Acta Col-
 lationis labefactarentur. Imperatorem verò Hono-
 rium duobus circiter mensibus post superiorem legem
 suo ea edicto iterum cōfirmasse. Sic enim Iuliano Pro-
 consuli Africa rescribit: Notione & solitudine
 Marcellini spectabilis memorię viri cōtra Do-
 natistas gesta sunt ea, quę tan slata in publica
 monimenta habere volumus perpetuam fir-
 mitatem. Neque enim morte cognitoris perire
 debet publica fides. Dat. iiii. kalend. Septemb.
 Rom. Constantio & Constante Coss. sed ad
 huius legis siue rescripti sententiam intelligendam,
 necessaria fuit Collationis hīstoria, quam exposui. Et
 ut fragmenta colligam, quę dispersa dissectaque non
 intelliguntur: nunc adiiciam quod Honorius scribit,
 & ad hunc locum pertinet, inquit lib. 7. cap. 42.
 His diebus præcipiente Honorio, pax & vnitas
 per vniuersam Africam Ecclesię Catholię
 reddita est: & corp⁹ Christi (quod nos sumus)
 redintegrata discissione sanatum est, imposita
 exécutione sancti præcepti Marcellino Tribu-
 no viro imprimis prudenti & industrio om-

niūmque studiorum bonorum appetētissimo:
quem Marinus comes apud Carthaginem (in-
certum, zelo stimulatus, an auro corruptus) oc-
cidit: qui cōtinuo reuocatus ex Africa, factusq;
priuatus, vel ad pœnam, vel ad pœnitentiam,
conscientiæ suæ dimissus est. *Hæc Orosius.* *Quæ*
quidam indicant, quis fuerit siue fructus, siue exitus
Collationis cum Donatistis: & quid eam cōsecutū sit,
ut & iis satisfiat, qui querunt, et quid illa profuerit?
Ac quidem primum respondeo de Donatistis, quod
Hieronymus de Luciferianis eorum propè sociis, nēpe
vinci posse persuaderi non posse. Et tamen multos, qui
sanabiles erant, resipuisse ipse Augustinus testatur
in lib. de Gest. cum Emer. ubi de hac Collatione lo-
quens, Donatistas (inquit) in nomine Christi in
gremium Catholicum magna ex parte susce-
pimus, ita ut penè omnes communioni Catho-
licæ sociatos esse gaudeamus. Idem Augustinus
in epist. 50. ad Bonifacium, ait, Maximè post Col-
lationem quæ inter nos & Episcopos eorum
apud Carthaginem fuit ex magna parte cor-
recti sunt. Ergo effecit hæc Collatio quod vix unquā
efficere potuerunt maxima & optima alioqui Con-
cilia. Sed vellem etiam quod Augustinus optabat,
effecit, ut Catholici mali, quorū deprauatio irritabat
Donatistas, horum tumultibus correcti & emendati
fuiſſent. At quàm potius facti sint deteriores, bonus
est testis saluianus Massiliensis in lib. de prouid. &
iudic. ubi Carthaginensium incredibilem insaniam
& proiectam nequitiam describit. Ergo non multa
post Collationem accidit, ut hostes Donatistis longè

immeniores in *Africam* inundarint, qui terribile
 diuinæ ultionis aduersus deploratam improbitatem
 exemplum ediderunt, excisis plusquam quadrigentis
 Ecclesiis, & ipsa deniq; Carthagine euersa: moriensq;
 Augustinus talem calamitatem ita deflenit, ut ta-
 men in ea gemens iustum Dei iudicium agnosceret,
 sicuti Possidius narrat. Interea gratulandum est Do-
 natistis, si qui sanabiles erant, nullum scandalum
 obstitisse, quominus ad eam redirent, quam in Colla-
 tione Ecclesiam agnouerant. Sanè Possidius, qui Col-
 lationi, ut dixi, interfuit, testatur, potissimum per
 hanc Collationem factum esse, ut Augustino palmam
 Deus dederit, & in dies ageretur pacis unitas & Ec-
 clesie confraternitas, & multi Donatistarum Epif-
 copi ad pacem Catholicam redierint, & quiduis eo
 nomine ab Donatistis passi sint. Interea tamen idem
 Possidius adiicit, non defuisse qui calumniosè dicerent
 non fuisse permisos Donatistas apud Potestatem, quæ
 causam audiuit, dicere omnia pro suis partibus, quo-
 niam Catholica communionis Cognitor suæ fauebat
 Ecclesie. Sed inanem fuisse hanc cauillationem Possi-
 dius ostendit. Alij fingeant, precio corruptum Mar-
 cellinum fuisse. Sed hoc eadem impudentia dicebant,
 qua olim cum appellassent Constantinum, & is Cæ-
 cilianum absoluisse damnassetque Donatum, cauil-
 lati sunt corruptum fuisse Imperatorem. Atque ut
 intelligamus nihil non eos captasse, quod calumnia-
 rentur, etiam conquesti sunt noctu Marcellinum indi-
 casse. Ipsi cauillando in Collatione iam diem consum-
 pserant, ut in tenebris effugerent. Iudex volens sua
 patientia iis præcidere omnem in posterum occasionem

iusta querimonia, abiiciebat clepsydram, & patiebatur eos quidvis dicere, potius quam actionem interrumperet. Sed tamē tādē sententiā tulit, cum illi dixissent, & dixisse se confessi essent: neque, quia serius iudicauerat, propterea rem indicatam eludi passus est. Gellius libro decimo quarto scribit Senatusconsultum nec ante exortum, nec post occasum solem factum, ratum fuisse. Imò & cum de iudiciis ageretur, in xii. Tab. scriptum fuit, Sol occasus suprema tempestas esto. Sed non eadem fuit omnium decretorum ratio: neque semper ea lex seruata est. Nam & saepe Romani imitati sunt Aegypcius, qui non nisi noctu iudicabant, & ipse noster Iustinianus in Nou. 82. iubet pedaneos suos iudices sedere pro tribunali à summo diluculo vsque ad vespertinum crepusculum, siue ut loquitur, eis δειλινὸν ὄψιαν, neque quicquam obstat, quin si causa postulet, iudex possit diutius etiam sedere. Denique & testamenta & contractus noctu posse fieri, dubitādum non esse lex ait. L. 22. §. penult. de Testam. L. non minorem, C. de Transact. Noster quidem certē Augustinus respondens Donatistis exclamat: Quis ferat victos homines conqueri, quod nocte contra eos est prolata sententia: quasi non saepe iudices audiendi necessitas teneat, ut vsque ad multam partem noctis sedere cogantur? An ideo non est verum, quod dicitur, quia per noctem dicitur? &c.

Interfuerat Collationi Emeritus Donatista: Sed ingenuē nō futebatur sese in ea victum esse, & nescio quos calumniarum fumos spargebat in sua Casariensi Mauritania. Eō itaque cum profectus esset Augusti-

nus, non recusavit veluti actum agere, & *Gesta Col-*
lationis rursus exponere atque tueri. At, id se fecisse
Honorio xij. & Theodosio viij. Cos. Itaque apparet
 septem annis post *Collationem* id accidisse, atque adeò
 eo ipso anno, quo in *Carthaginensi Concilio*, causa *Pe-*
lagianorum agebatur, & ut in *Mileuitano* indicat.
 fuerat anno priori *Augustinus* lib. 2. retract. simpli-
 citer ait aliquanto post *Collationem*, cum quadam or-
 ta esset necessitas pergendi in *Mauritaniam*. *Casarien-*
sem, sese egisse cum illo *Emerito*: neque alioqui causam
 illius suae profectionis exprimit. Sic & in epist. 207.
 Eò (inquit) nos iniuncta nobis à *Zosimo* Apo-
 stolicae sedis Episcopo Ecclesiastica necessitas
 deduxerat. Et *Posidius* qui interfuit *Casariensi* illi
 actioni, non minus quam *Collationi* *Carthagenen-*, tã-
 tum ait, cedis *Apostolica* literas compulisse *Augu-*
stinum cum aliis Episcopis venire in *Mauritaniam* ob
 terminandas alias Ecclesiae necessitates: cumque inci-
 disset in *Emeritum* eius loci *Donatistarum* Episco-
 pum, cum eo iterum congressum esse, ut is libere diceret
 pro sua parte, quaecunque vellet, quia quidam dicti-
 tabant eum in *Collatione* prohibitum esse omnia dice-
 re. Quid ibi gestum sit, ipse *Augustinus* conscripsit, ut
Gesta Casariensis illius colloctionis cum *Actis Car-*
thaginensis Collationis coniungerentur. Ridiculum est,
 quod *Exscriptores* *Centuriarum historiae Ecclesiasti-*
ca nuper annotarunt, illi *Casariensi* repetitioni inter-
 fuisse Imperatores *Honorium & Theodosium*, quia
 hanc iis *Consulibus* habitam *Augustinus* dicat.

Nòdum dicam me de *Donatistis* dixisse. Scio enim
 multa superesse dicenda, quae multi vulgo miserè &

imperitè miscent. Sed cùm vix esset aliquomodo tran-
sactum hætenus cum Donatistis, ecce Africanam
Ecclesiam inturbat & distrahit noua causa sub-
tiliorque actio Pelagianorum: quæ tamen ut magis
philosophica & minus turbulenta fuit, sine vi; sine
latrocinio, sine sanguine, sic insidiis & cuniculis vsa
est speciosis: tantoque magis pij antistites in Africa du-
ce Augustino, relictis iam quodammodo Donatistis,
ad illam reprimendam conuenere in Mileuitana &
Carthaginensi Synodo. Sed ut de utraque hac
Synodo nugatores indignè & falsò multa
sparsere, sic sentio totam Pelagianorum
causam post Donatistas, sentio A-
fricana historia Ecclesiastica
egregiam partem esse, de
qua deinceps diligētius
etiam nobis dicen-
dum sit quàm
de Dona-
tistis.

* *

156
S. VICTORIS
VTICENSIS
EPISCOPI DE VAN-
DALICA PERSEC-
TIONE IN AFRICA,
LIBRI III.

Cum prolegomenis Fran. Balduini I. C.

REX RERVM ECCLESIASTI-

CARVM COMMENTARIIS

Fran. Balduini I. C.

AD Africanam Ecclesiam vexandam Donatistis successisse videntur Vandali: inter quos & illud simile fuit, quod ut Donatistae non erant alieni ab Arrianismo, sic Vandali Arriani ab iis Anabaptismus didicisse videntur. Scio Augustinum in epistola quinquagesima ad Bonifacium, nolle cum Arrianis omnino comparari Donatistas. Sed idem tamen in lib. de haesib. fatetur Donatum non habuisse (ut loquitur) Catholicam de Trinitate sententiam: & in epistol. 163. ait se audiuisset Arrianos cum à Catholica communione (ut eius verbis utar) discrepassent, tentasse sibi sociare Donatistas in Africa. Denique Epiphanius & Theodoretus, cum de haeretici agunt, Donatistas Arrianae quoque impietatis accusant. Et verò libellus Victoris testis est, Vandalorum tyrannum Arrianum in suo Edicto non dissimulasse, sibi non probari quod lex Theodosiana Circuncelliones mulctaret. Ergo post Donatistarum historiam visum fuit subiicere Vandalicam persecutionem, & cum Optato Victorem coniungere: neque (opinor) Mileuitanus recusabit Uticensem, tanquam Collegam adiungi. Nam & ut dissimulem quod Iurisconsulti nostri aiunt in Pandectis Titulo de censibus. Uticam non minus quàm Carthaginem Iuris Italici fuisse: & quod Plinius lib. v. cap. 4. ait, eam coloniam ciuium Ro. fuisse Catonis morte nobilem: memini iam olim Cirtensem in Numidia Coloniam

ex *Vticensi* conuentu deductā fuisse videri, cū quidem illam *Sittianorum* vocatam esse *Plinius* scribat. *P.* autem *Sittium* Equitem *Ro.* de Cōuentu *Vticensi* fuisse *Hirtius* testetur. Neque verò ut *Mileuim* Optati erueri difficile fuit, *Vticam* *Victoris* magis illustrare necesse est. Sed dico *Numidiam* non cēssisse *Africa*, si conferamus, quos & hac & illa prestantes in *Ecclesia* antistites habuerit. Nam ut *Mileuim* nunc preteream: non modo *Cirta*, sed & *Sicca* *Arnobij* auditorio nobilis, & *Hippon* *Regius* *Augustini* sede nobilissimus, *Numidia* ascribitur. *Vtica* verò fuit *Proconsularis* prouincia *Carthaginensis*. Sed ex *Optato* & *Victore* utriusque decora cognoscere magis licebit. Caterum falluntur homines temporum imperiti, qui existimant (ut nuper quidam non modo existimarūt, sed etiam scripserunt, homines aliqui literati) *Victoris Vticensis* historiam de persecutione *Vandalica* esse illam, quam *Hieronymus* in epist. ad *Paulum Concordiensem* laudat, & requirit, & desiderat, his verbis, Propter noticiam persecutionum, *Aurelij Victoris* historiam, &c. Atqui ipsa historia *Victoris* nostri clamat sese tantum agere de persecutionibus *Vandalicis*, quæ diu post mortem *Hieronymi* ceperint in *Africa*: & facile intelligi potest, longe alium & multo antiquiorem fuisse sex *Aurelium* *Victorem*, cuius etiam nunc extat *Epitome* de vita & moribus Imperatorum ab *Augusto* vsque ad *Theodosium*. Credo etiam eum tunc descripsisse (quamuis nunc ea pars non extet) persecutiones abs *Nerone* primum, & postremo ab *Diocletiano* & similibus excitas aduersus *Ecclesiā*. Sed nihil hoc ad *Vandalicas*.

Plus haberet coloris .si quis cum nostro Vticensi confunderet Victorem illum Episcopum , quem Gennadius testatur scripsisse librum contra Arrianos, & Vandalorum Regi obtulisse. Sed tamen eundem non esse Victorem vel inde liquet , quod Geninadius ait non Vticensem sed Episcopum fuisse Cartennae Mauritaniae ciuitatis, & enumerans alios eius libros complures , nullam ab eo scriptam esse historiam dicat. Cōmemoratur etiam quidam Victor Afer Episcopus Cemmensis, qui historiam scripserit ab orbe Condito, familiaris nostro Iustiniano. Sed nihil ad Vticensem. Porro etiam ineptum & prapōsterum est quod nuper quidam nostri Victoris Gallus interpret praefatus est, eum floruisse viuentē Augustino. Atqui Victor primò statim versu suae historiae, satis significat sese eam exordiri annis post mortem Augustini propè sexaginta. Nam mortuus est Augustinus paulò post quàm Vandali ex Hispania in Africam irrupissent, provocati ab ipso (ut aiūt) Bonifacio Africa Comite, quem irritauerat quadam siue iniuria , siue contumelia ab ingratis quibusdam Rom. illata, & quē ne ipse quidē August. placare potuit, quāvis ad eum propterea scripsisse videatur epistolam lxx. Postea tamen reconciliatus dicitur Imp. suo Valentiniano, & aduersus Vandalos bellum gessisse in Africa: sed serò & infelicitē. Quod nunc obiter addo, quia & noster Victor lib. i. meminit illius Bonifacii, quem famosum vocat, eiusque generum Sebastianum in Vandolica aula Genserici magnum fuisse ait: sed qui tamen aulica potentia pratulerit religiosam pietatem. Redeo ad id quod, potius dicere institueram. Noster, ut dixi,

Victor orditur suam historiam abs Vandalorum ex Hispania in Africam irruptione, & ab ea vastitate quam simul intulerunt, atque adeò ab ea (ut vocat) persecutione quam statim (nam Gothi cum suo Arrianismo in Hispania hanc iis rabiem afflauerant) crudeliter aggressi sunt. Qualis autem fuerit eius tragædia velut protasis, & quàm latè statim sit grassata, viuente etiamnum & vidente ipso Augustino, magis ut intelligatur, iuuat audire testem bonum & oculatum Possidium Calamensem Episcopum, Augustini discipulum & contubernalem, qui diligētius etiam quàm Victor, id describit, & simul obsidionis Hipponensis, cuius Victor quoq, meminit, conditionem exponit, & denique sanctissimum Augustini de tota hac calamitate iudicium recitat: Vnde plurimum & lucis & splendoris Africana hac historia Victoris nostri statim accipiet. Verba Possidij sunt hæc.

Breui consequente tempore diuina voluntate & potestate præuenit, ut manus ingens diuersis telis armata & bellis exercitata, immanium hostium Vandalorum & Alanorum commixtam secum habentes Gothorum gentem, aliarumque diuersarum gètium personas ex Hispaniæ partibus transmarinis nauibus Africæ influxisset & irruisset: vniuersaque per loca Mauritaniarum etiam ad alias nostras transiens prouincias & regiones, omni sæuiens crudelitate & atrocitate, cuncta quæ potuit expoliatione, cædibus, diuersisque tormentis, incendiis, aliisque innumerabilibus & infandis malis depopulata est, nulli sexui, nulli parcens

etati, nec ipsis Dei sacerdotibus vel ministris,
nec ipsis Ecclesiarum ornamentis seu instru-
mentis vel ædificiis. Et hanc ferocissimam ho-
stium grassationem & vastationem ille homo
Dei Augustinus, & factam fuisse & fieri nõ vt
cæteri homines sentiebat & cogitabat : sed al-
tiùs & profundius ea considerans, & in his a-
nimarũ præcipue vel pericula, vel mortes præ-
uidens, solito amplius quàm vt scriptum est.
Qui apponit scientiam, apponit dolorem : & cor in-
telligens quasi tinea ossibus, fuerunt ei lachry-
mæ panes die ac nocte, amarissimamque & lu-
gubrem præ cæteris suæ senectutis iam penè
extremã ducebat ac tolerabat vitam. Videbat
enim ille homo Dei ciuitates excidio perditas
pariter cum ædificiis, villarũmq; habitatores,
alios hostili nece extinctos, alios effugatos atq;
dispersos. Ecclesias sacerdotibus ac ministris
destitutas, virginẽsque sacras & quosque con-
tinentes vbique dissipatos : & in his alios de-
fecisse tormentis, alios gladio interẽptos esse,
alios in captiuitate perdita animi & corporis
integritate ac fidei malo more ac duro hostib⁹
deseruire. Cernebat etiam hymnos dei & lau-
des de Ecclesiis deperisse, ædificia Ecclesiarum
quamplurimis locis ignibus concremata esse,
solennia quoque quæ Deo debentur, de p̃p̃riis
locis defecisse : sacrificia ac sacramenta diuina
vel non quæri, vel quærenti qui tradat, non
facile reperiri : in ipsas montium syluas & ca-
uernas petrarum & speluncas confugientes,

vel ad quasunque munitiones, alios fuisse expugnatos & interfectos, alios necessariis sustentaculis euolutos atque priuatos, vt fame contabescerent: ipsosque Ecclesiarum præpositos & clericos, qui forte Dei beneficio vel eos non incurrerant, vel incurrentes euaserant, rebus omnibus expoliatos atque nudatos egentissimos mendicare, nec eis omnibus ad omnia, quibus fulciendi essent, subueniri posse. Vix tres superstites videbat ex innumerabilibus Ecclesiis, hoc est Carthaginensem, Hipponensem, & Cirtensem, quæ Dei beneficio excisæ non sunt, & earum permanent ciuitates, & diuino & humano fultæ præsidio, licet post eius obitum vrbs Hipponensis incolis destituta ab hostibus fuerit concremata. Et se inter hæc mala cuiusdam sapientis sententia consolabatur, dicens: *Non erit magnū quod cadunt ligna & lapides & moriuntur mortales.* Hæc ergo omnia ille, vt erat altè sapiens, quotidie vbertim flebat. Accreuitque mæroribus, & lamentationibus eius, vt etiam adhuc in suo statu consistentem ad eandem Hipponensem regionum ciuitatem ab iisdem hostibus veniretur obsidendam. Quoniam in eius tunc defensione fuerat constitutus Comes quidam Bonifacius cum Gothorum quondam federatus exercitu, quam urbem ferme quatuordecim mensibus conclusam obsederunt: nam & littus illi marinum interclusione abstulerunt. Quo etiam nos ipsi de vicino cum aliis nostris coëpiscopis cōfugeramus, in eademque omni

obsidionis tempore fuimus. Vbi nobiscum super his infortuniis sæpissimè colloquebamur, & dei tremenda iudicia præ oculis nostris posita considerabamus, dicentes, *Iustus es Domine, & rectum iudicium tuum.* Paritèrque dolentes, gementes & flentes, orabamus miserationum patrem & Deum omnis consolationis, vt de eadem nostribulatione subleuare dignaretur. Et fortè prouenit vt vnà cum eodem ad mensam constitutis & inde confabulantibus, cœperit coram nobis dicere, Noueritis me hoc tempore nostræ calamitatis Deum rogare, vt aut hanc ciuitatem ab hostibus circumdatam liberare dignetur: aut si aliud ei videtur, suos seruos ad præferendam suam voluntatem fortes faciat, aut certe vt me de hoc seculo ad se accipiat. Quæ ille dicēs nōsque instruēs, deinceps cum eodem & nos cum nostris omnibus, & ipsi qui in eadem fuerant ciuitate, à summo deo similiter petebamus. Et ecce tertio illius obsidionis mense, decubuit lecto febribus fatigatus, & illa vltima exercebatur ægritudine. Nec suū sanè dominus famulum fructu suæ precis fraudauit. Nam & sibi ipsi & eidem ciuitati quod & lachrymosis depoposcit precibus, in tempore impetrauit. *Hæc Possidius.*

Quia verò tempus, quod imprimis in historia obseruandum tamen & exprimendum est, neque ipse, neque Victor exprimit, adiiciam ex Chronico Prosperi qui alter discipulus Augustini fuit, quod imprimis hic notandum est. Nam vt indicat Prosper, Vandalos

ex Hispania in Africam irrupsisse, Hierone & Ardaburio Cons. hoc est, anno Christi 427. sic tribus aut quatuor deinde annis accidisse, quod dicitur de obfisione Hipponensi & morte obfessi Augustini, significat, cum ait, Theodosio xiii. & Valentiniano iii. Cos. Augustinum inter impetum (ut ait) obsidētium Vandalorum mortuum esse. Victor ait eum reliquisse ducentos triginta & duos libros. Augustinus in fine suarum Retractationum totidem numerat. Sed post Retractationes praterea aliquos scripsit. Porro Prosper addit, Theodosio xv. & Valentiniano iiii. Cos hoc est, anno Christi 435 pace cū Vādalis facta, datam iis esse ad habitādum portionem Africa in regione Hipponensi. Tum verò (quod ad historiam persecutionis omnino pertinet) adiicit, Aetio ii. & Sigenulfo Cos. hoc est, anno Christi 437. Gensericum Regem Vandalorum, intra habitationis suae limites, cum vellet Catholicam fidem Arriana impietate subvertere, quosdam Episcopos eatenus persecutum esse, ut eos priuato iure Basilicarum suarum, etiam ciuitatibus pelleret, cum ipsorum (ut ait) constantia nullis superbißimi Regis terroribus cederet. Sed & per idem tempus quatuor Hispanos viros (quod Victor praterire non debuerat) Arcadium, Probum, Pascasium, & Eutychium, qui apud Gensericum iandudum merito sapiētia & fidelis obsequij, clari habebātur, cum Rex, ut copulatiores (sicuti loquitur) sibi faceret, in Arrianam sectam trasire inberet, & illi hoc facinus constantissimè respuerent, excitato in rapidissimam iram Barbaro, primum proscriptos, deinde in exilium actos esse. tum atrocißimis cruciatis suppliciis & ad

postremum diuersis mortib⁹ interemptos, illustri martyrio mirabiliter occubuisse: puerum autem Paulillum nomine, fratrem Pascasij & Eutychy, pro elegantia formę atque ingenij, admodum Regi acceptum, a professione atq; amore Catholica fidei nullis minis deturbari potuisse, diuq; fustibus casum, ad infamem seruitutem damnatum esse, nec tamē esse interfectum, ne superata sauitia impij Regis etiam illa atas gloriaretur. Hęc visum fuit ex Prospero optimo & oculato etiam teste adicere, quia Victoris historia deesse viderentur. Illud dissimulare non possum, quod Victor accusat Gensericum, qui antiquam viam Celestis deleuerit. Etsi enim id Barbarum esse dicatur, tamen minimē impium est. Imō nulla in re Christiani Casares olim magis laudati sunt, quā quod templa Idolorum euerterent: & fateri cogimur, quia minus id illi fecissent, Gothos reliquias paganismi laudabiliter exterminasse. Sed & Saluianus lib. 8. tempore nostri Victoris, Carthaginenses grauissimē accusauit, quod in eorum vrbe etiamnum a quibusdam coleretur Celestis Afrorum Demon. Et Prosper in lib. de promiss. gratulatur Ecclesię, quod, vt Aurelius Episcopus Carthaginensis templum illius Idoli occupat, sic deinde Placidia Augusta iussus ad idololatria reliquias delendas diruerit, & ipsam (inquit Prosper) viam Vandalica manus euerterit. An id reprehēdit Victor, quod laudat Prosper? Africani illius idoli, Celestis, meminit & Ambrosius contra Symm. & Tertullianus in Apolog. & noster denique Vlpianus in Titulis.

Meminit Victor, Carthaginiis abs Genserico captę.
Sed

Sed adiiciendū rursus est, quod est in Chronico Prosperi factum id esse, Theodosio xvii. & Festo Coß. hoc est, anno Christi 439. xiiii. Kal. Nouemb. Et quidem quam non modo fraudem, sed & rabie Tyranni nam & id ad historiam persecutionis pertinet, & ad Victorem illustrandum) Prosper in eius Urbis expugnatione notet, negligendum non est. Aetio (inquit) rebus, quæ in Galliis componebantur, intento, Gêsericus, de cuius amicitia nihil metuebatur, xiiii. Kal. Nou. Carthaginem dolo pacis inuadit, omnesque opes eius, excruciatu diuerso tormetorum genere ciuibus, in ius suum vertit, nec ab Ecclesiarum spoliatioe abstinens, quas & sacris vasib⁹ exinanitas, & sacerdotum administratione priuatas, nō iam diuini cultus loco, sed suorum iussit esse habitacula: in vniuersum captiui populi ordinem sœuus, sed præcipue Nobilitati & religioni infensus, vt non discerneret, hominibus magis an Deo bellum intulisset. Noster Victor non dissimulat magnā fuisse direptionem huius Urbis, quam & Urbem maximā vocat. Sed id melius intelligent, qui Saluianum eius temporis scriptorem audierint, qui lib. 7. Carthaginem tunc fuisse ait in Africano orbe quasi Romam, vniuersarum illic urbium principem & quasi matrem. Illic (inquit) omnia officiorū publicorum instrumenta, illic artium liberalium scholæ, illic philosophorum officinæ, cuncta denique vel linguarū gymnasia vel morum: illic etiam copiarū militares, & regētes militiam Potentes: illic honor Proconsularis: illic quotidianus Iu-

dux & Rector, quantum ad nomen quidem Proconsul, sed quantum ad potentiam, Consul: illic omnes rerum dispensatores, & differentes inter se tam gradu quam vocabulo dignitates. &c. *Hæc Saluianus.* De antiquiori statu huius Urbis nihil addo. Nam & vetus notumque est illud Sallustij, De Carthagine satius esse silere, quàm pauca dicere. Sed conferatur casus illius abs Scipione olim captæ & excisæ, cum Vandalica expugnatione. Et cum paulò post audimus à Vandalis quoque captam Urbem Romā, cogitemus de vaticinio Scipionis illachrymantis, cum incendium conflagrantis Carthaginis aspiceret. Sed multò magis cum duas eminentissimas (ut in libro de vnico Baptismo ait Augustinus) Ecclesias Romanam & Carthaginensem à Barbaris vastari audimus, commoueamur. Cum Victor ait, Gensericum Urbem Romam cepisse decimo quinto regni sui anno, intelligit annum abs capta Carthagine decimum quintum. Prosper eoque suum Chronicum non extendit. Sed Marcellinus Comes, qui cum secutus est, notat, Valentiniano viij. & Anthemio Coss. hoc est, anno Christi 455. (quo anno occisus iam erat Imp. Valentinianus) Gensericum regem Vandalorum ab Eudoxia Valentiniani uxore, epistolis inuitatum, Romam ingressum esse, & Urbe rebus omnibus spoliata, etiam abduxisse, cum in Africam rediret, ipsam Eudoxiam cum duabus eius filiabus. Omitto quod noster Iustinus in l. i. C. de offic. Pref. Pret. Afric. Imperialia quoque ornamenta tunc ex urbe Roma in Africam fuisse

translata. Omitto quod Zonaras & alij adiciunt, etiam sacra vasa templi Hierosolymitani, olim à Vespasiano & Tito ad triumphum Romam aduēta, abs Gensericō, cum etiānum Roma superessent, Carthaginem simul esse translata. Sed ne longius nunc discedam à nostro Victore, dico, cum ab eo recenseatur numerus captiuorum, quos Vandalus tyrannus, qui Alarico Gottho in diripienda vrbe multo immāior fuit, ex Italia in Africā deportauit, prateriri non debuisse ipsam cum suis filiabus Eudoxiam Imperatricem: adderem ipsum Paulinum Nolanū Episcopum, quem aiunt pro filio cuiusdā viduæ, tanquam vādem in seruitutem Africanā abductum esse, ibique Vandalis indignè seruisse vsque ad mortem Gensericī: sic enim Gregorius Pol. lib. 3. Dialog. proluxè narrat. Sed ipsa temporum ratio facit, ut verear, ne ille ad Gensericum temere retulerit, quod verius dicere de Alarico poterat: à quo Vrbe capta, Paulinum illum Barbaris seruisse non negaui, quem Augustinus in libris de Ciuit. Dei narrat eo tempore ex diuitie factum esse vltro pauperem.

Porro quod Victor narrat Episcopum Carthaginensem ad redimendos captiuos vendidisse reliqua vasa suæ Ecclesiæ, exemplo bono non caruit. Nam & testatur Possidius factum prius id fuisse à ipso Augustino, & quidem exemplo Ambrosij. Denique eum narrat paulo post Victor, ab Episcopo Urbis Romanæ Afros quosdam petiisse Ministros suæ Ecclesiæ dari, non dubito intelligi Pont. Leonem, dignum profecto, qui honoris causa hic nominetur. Nam & Africana Ecclesiæ magnam curam gessit, maiorem etiā, quā

ipse paulò pòst Gelasius Pont. quantumvis Afer. Ex-
tat Leonis epist. 87. ad Africanos Episcopos per Casa-
riensem Mauritaniam constitutos: ubi oppressionis (ut
vocat) barbarica mentionem facit , & schismatica
prauitatis Donatistarũ. Quauis autem hic Leo Gen-
sericum, ut paulo ante Attilam, non potuerit ab Vr-
bis direptione auertere , tamen mitigauit , ut saltem
Ecclesia Rom. parceretur.

In lib. II.

Superiori libro Victor breuiter describit Genserici
in Africam regnantis persecutionem , quæ mul-
torum annorum fuit. Hoc verò libro & sequenti pro-
lixè describit Hunnerici : quæ etsi non nisi unius aut
alterius anni fuit, tamen superauit diuturnam illam
sui patris seuitiam.

Quod Victor ait de Hunnerico iactatum esse pro-
uerbium, Rex egens, magna calamitas ; videtur
magis scite in quibusdam libris scriptum esse , ma-
gnus calumniator. Et magis id conuenit cum eo,
quod præcedit, Hunnericum uariis calumniis & in-
dictionibus onerasse prouincias sui regni. Sed magis me
torsit quod proximè sequitur. Zenone Imperatore
atque Placidia per edicta libri rogantibus. sic
enim legitur in prima Victoris editione, quam in Ger-
mania procurauit Hadàmarus vir doctiss. & quæ
postea Basilea recusa est. Nam in eam primum inci-
di. Sed ut quid sibi velit istud per edicta libri, non
intelligebam , sic de quânam Placidia loqueretur Vi-
ctor, dubitabam: apud quem & rursus paulo pòst le-

gitur nobilissima Placidia cum Zenone. Sed & lib. 3. ubi Imp. Zenonis & Regina meminit, de eadem agi suspicabar. Scio Placidiam sororem Imp. Honorij, urbe capta, captam à Gothis fuisse: sed nihil illa ad Zenonem, neque huius ætate etiamnum vivebat. Tãdem venit in mentem quod Zonaras scribit, alteram Eudoxie & Imp. Valentiniani filiam, quæ cum matre capta à Gensericò abducta in Africam est, & inde paulò post aufugit. atque in Orientem cum matre profecta est, dictam quoque fuisse Placidiam. Verùm valde falluntur, qui eam fingunt fuisse Zenonis uxorem, cum constet longè aliam, nempe Ariadnem, Zenoni mixtam fuisse. Placidiam verò nupsisse Olibrio: qui cum in Occidente paucis mensibus imperasset, mortuus est anno Christi 472, duobus annis antequam Zeno imperare in Oriente cœperit, & quinque, antequam Hunnericus in Africa regnare. Suspicatus ergo sum illam iam viduam in Orientem rediisse, & à Zenone propter memoriam Valentiniani, & pietatis studium, in honore habitam esse. Supererat istud, per edicta libri, quod mendosum magis esse quam quomodo amendandum esset intelligebatur. Res ipsa me monebat, ut crederem legendum esse, Relicta Olybrij, ut vidua Olybrij significaretur. Itaque valde meæ suspicianti gratulatus sum, cum deinde incidi in quandam Parisensem editionem, in qua ita legebatur, & miratus sum, Basiliensem, qua posterior erat, mendum tale non castigasse.

Vi autem hanc Placidiam, pietatis & religionis nomine laudari libenter audio, sic moleste fero à Vatore præteriri illius sororem Eudoxiam, quæ simul

capta, Hunnerico nupsisse dicitur. Nam addit Zonaras, ubi annis sedecim cum tali marito in Africa habitasset, non potuisse diutius ferre impietatem mariti sciuentis in Catholicos, & propterea aufugisse Constantinopolim, ubi Placidiam sororē repperit. Si annos illos quindecim numeremus, ex quo tempore primum capta fuit, necesse esset multis annis aufugisse antequam Hunnericus patri suo successerit & regnare cœperit. Scio alios scripsisse, non Hunnerico, sed Thrasimundo eius fratri, & postea successori nupsisse. Sed Zonarae potius fidem habeo, tacēte Victore. De filio Hilderico postea dicam. Sed iam posset negligens Typographus lectori negotium facessere, ubi mendose pro, legato Zenonis, impressit, legatus, & pro Rege non præsente, supposuit, regina præsente: ut & deinde in mandato Hunnerici, volumus, pro nolumus: cum tamen talia menda non essent in editione Basiliensi. Sed sapientis lectoris est, sibi cauere ab erratis Typographorum. Nos talis correctionis curam non suscepimus.

« Illud nunc dicerem, mirari me, Imp. Martianum cum sua Pulcheria non fecisse, Africana Ecclesiæ causa, quod paulopost fecisse Zenonem cum Placidia, narrat Victor. Sed venit in mentem, quod scribit Zonaras, Martianum aliquando in Africa captum abs Gensericō, fidem ei dedisse, quandocunque imperio potiretur, nunquam se Vandalis molestum fore. Sed impia fuit hac & metu extorta promissio quæ Martianum non obligabat: proptereaque non excusat prostituentem libidini Barbarorum prouincias Ecclesiæque Africanas.

Quod autem narrat deinde Victor multis verbis de Eugenio Carthaginensi Episcopo, facit ut Ecclesiæ Carthaginensi prolixè gratuler, quæ tot habuerit Antistites pietate & doctrina præstantes, quo etiam tempore in reliquo terrarum orbe maxima erat talium virorum penuria: ut & iam pridem in orbe nostro aliquos frustra requiras Eugénios, ubi vix ullos ingenuos reperiās, degeneres verò passim multos. Laudavit antea Victor duos, qui Eugénium præcessere, nephe Quoduultdeum & deogratias. Virumque fuisse in schola Augustini educatum, & à tali tantoque doctore informatum conicio ex eius lib. de Hæres. & epist. 49. De Eugenio multa etiam scribit Gregorius Turonensis lib. 2. quæ cum Victoris historia, nunc rectè coniungerentur. Ego quod attinet ad historiam Collationis, quam Victor agens de Eugenio describit, imprimis admoneo castigandum esse magnum mendum Typographi, ad finem fol. 22. ubi duo versus desunt: sic autem sunt restituendi: Notarius Regis respondit: Patriarcha Cyrilla dixit, aliquos vestrum superbè & illicitè sibi nomen Catholicorum usurpasse. Nostri testati dixerunt: Legatur nobis. &c. De tali lite & Catholicorum nomine plura annotavi in historia alterius Collationis. Caterum commodè nunc adiiciam quod Gennadius de Eugéniano libello & confessione fidei, quæ Victor integram recitat (Typographus mendosè impressit esse Victoris) scripsit: Eugénius (inquit) Carthaginensis Africae ciuitatis Episcopus & confessor publicus, admonitus ab Hunnerico Vandalorum Rege Catholicæ fidei expositione, & maximè verbi

ὁμ' σ'ι'ο'ν proprietatem differere, cum cōsensu
omnium Africæ, & Mauritanix, & Sardinix,
atque Corsicæ Episcoporum & confessorum,
qui in catholica Ecclesia permanserant, com-
posuit librum fidei sanctarum scripturarū sen-
tentiis communitum, quem per collegas con-
fessionis suæ porrexit. Iam verò asportandus
pro fidelis linguæ remuneratione in exilium,
epistolas veluti commonitorias fidei & vnus
sacri & conseruandi baptismatis ouibus suis,
quasi pastor sollicitus, dereliquit.

*Iam verò si iuuat admirari non modò constantiam
& virtutem Afrorum antistitum aduersus tam im-
manem vim Vandalorum, sed etiam in tantis eorum
alioqui temporum tenebris lumen doctrina & Theo-
logia, libello Eugenij adiungantur libri fulgentij Afri
ad Thrasimundum Regem Vandalorum, eadem de re
scripti paulò post Eugenij mortem: & quæ ducentis
propè annis consecuta sunt concilia Africana contra
Monothelitas. Imò verò conferatur Collatio Augu-
stini habita cum Pascentio Comite Arriano, & al-
tera cum Maximiano Arrianorum episcopo. Extant
enim vtriusque acta in libris Augustini: & quàm
tunc essent etiamnum liberiores in Africa Catholici,
inde licet intelligere: quauis Pascentius ille Regi Go-
thi auctoritate etiam armatus esset, vt Possidius signi-
ficat. Sed vt exemplum Collationis, quod potius venis-
se in mentem Hunnerico existimo, edam, rogo lectorem,
vt quam alias edidi, historiam Carthaginensis Catho-
licorum cum Donatistis Collationis relegat, vt eam
deinde conferat cum hac, quam Vandali indicunt: &*

intelligat qualis quantâque fuerit Hunnerici, hoc est
impudentis simia χακοῦνλία.

In lib. III.

VT quod Victor superiori libro narrauit de ludi-
brio Collationis indictæ ab Hunnerico, dixi posse
illustrari collato exemplo illius quam alibi exposui,
Carthaginensis Collationis aduersus Donatistas iussu
imperatoris Honorij instituta: sic iam non repeto,
quod in ea etiam dixi de lege vel Theodosiana vel Ho-
noriana aduersus eos lata, quam ab Hunnerico in Ca-
tholicos mirabili impudentia detortam esse narrat hoc
in libro Victor. Dixi etiam aliàs de Edictis veterum
principum Rom. aduersus Christianos editis. Sed vix
vllum speciosius fucatum fuit, quàm est istud Hunne-
ricianum. Atque ita quidem solent aulici nebulones
fucare nefaria sua consilia, vt leges fiant.

Illud non praterco, quod in Hunnerici Edicto scri-
ptum est, à mille, & quotquot excurrunt, pontificibus
in Ariminensi concilio prædamnatum esse homouision.
De hac locutione, & quod excurrit, dixi in anno-
tationibus ad Optatum, addoque Orosium eadē phrasi
vti lib. 7. neque moror, quod Hunnericus mentitur de
numero illorum Pontificum. Sed cum nunc ab Arria-
no Tyranno audio Laudari Ariminensem Synodum,
disimulare non possum, nimis indignum & mendo-
sum esse, quod in Theodosiano Codice lib. xvj. tit. 1. c. 1.
4. legitur nescio quæ constitutio inscripta ipsi quoque
Theodosio, qua confirmatur impium illud Concilium.
Ante annos septem cūm ederem mecum commenta-

rium de institutione uniuersa historia, ostendi delendam illam esse tam turpem maculam in illo Codice, ab Arrianis suppositam. Est enim lex Iustina illius Imperatricis insana & Arriana, quam Theodosius non minus quam Ambrosius oppugnavit. Et tamen, qui nuper recuderunt Codicem Theodosianum, quem emendatiorem esse pollicentur, labem illam, omnibus mendis intolerabiliorem, quae nec in Breuiario Alarici inerat, sua editione confirmarunt, potius quam expunxerunt. Ergo iustae indignationi venia dabitur, si iam rursus profiteor ferendum non esse, ut tali fraude talis iniuria fiat & religioni & Ecclesiae & Theodosio & Theodosiano Codici & Iurisprudentiae. In Sirmienſi Concilio placuerat, ut pro Niceno homousio diceretur ὁμοιῶς οἷον. Theodosius primo anno sui imperij cum Gratiano professus est lege lata antiquandum esse Sirmienſe rescriptum l. v. C. th. de Hæret. Quanto igitur magis Ariminense? in quo pro homousio supponitur ὁμοιοῦ. Sanè cum Maximinus Episcopus Arrianus cum Augustino congregitur, imprimis profitetur sese inniti Ariminensi Concilio, ut Augustinus Niceno, An nos patiemur utrunque eodem loco haberi, & nostris libris confirmari?

Quod ad reliquas partes Edicti attinet, Hunnericus non dissimulat, sese in nostros retorquere, quod Catholici Imperatores edixerunt contra hæreticos. Quod autem de nostris legibus notat & breuiter excerpt & recitat, sparsim legitur in Codice Theodosiano lib. xvj. Tit. v. multis capitibus, veluti cap. 6. 7. 12. 14. 15. 18. 25. 26. 30. 32. 36. 40. 49. 52. 54. 57. 65. & 66.

*Quæ quidem etiam conferenda sunt cum eorum
veluti epitome, quam paulò post Viſtor à Vandalis
recitatam eſſe narrat. Nam & ex hac illis aliquid
lucis accedet, veluti quod in d. l. 54. ſcriptum eſt:
Conductores priuatorum &c. apud Viſtorem eſt.
Conductores Regalium prædiorum. Sic enim
rectè intellexerunt Vandalis, quæ dicantur Priuata in
libris Legum. Sed ubi pro Donatione cauſa mortis,
dicunt Relictionem, quæ mortis cauſa ſcilicet dicatur,
barbara balbuties eſt, quam Iuriſconſulti irriderent.
Illud operæ precium eſt obſeruare, Quo iure vel exem-
plo vel ſine Vādalis eripiat Catholicis facultates Ec-
cleſiæ. Neque enim id in ſuo edicto diſſimulat. Sed ta-
men tam rapax non eſt, vt eas fiſco ſuo ſe addicere
proſiteatur. Imò verò ſua ſectæ antiſtitibus ita donat,
vt pauperibus donare intelligatur, quorum illi curam
gerant. Sic antea & noſtri: Nam Auguſtinus in
epiſt. 50. Quicquid (inquit) nomine Eccleſiarū
partis Donati poſſidebatur, Chriſtiani Impp.
legibus religioſis ad Catholicam tranſire iuſ-
ſerunt. Id bono iure factum eſſe contendit libro 2.
contra Petilianum cap. 58. & 59. & tract. vi. in
Ioannem, ubi repetit iſtud, Leguntur leges mani-
feſtæ, ubi præceperunt Imperatores, eos, qui
præter Eccleſiæ Catholicæ communionem v-
ſurpant ſibi nomen chriſtianum, nec volunt
in pace colere pacis auctorem, nihil nomine
Eccleſiæ audeant poſſidere. Interea verò vt in
eadem ep iſt. 50. inculcat iſtud, Pauperes ali ab iſdem
poſſeſſionibus: ſic priuatim neque ſe, neq. alios, quan-
tū bonos Epiſcopos frui poſſeſſionibus Eccleſiæ, proſi-*

tetur in epist. 225. & quàm id verum sit, magis ostendit Possidius in illius vita. Neque sanè aliud licuisse, probat Prosper libr. 2. de vita contemp. ubi & intonat illud. Bona Ecclesiæ esse patrimonium pauperum. Si hæc atas, e mentitis, quibus abutitur, beneficiis ebria, religionem illam irridet, quam tamen ipsi quoque Barbari olim non potuerunt non reuereri, valeat cum sua impudentia suorum sacrilegiorum, quibus non possum denuntiare terribilius anathema, quàm sit illud, quod optimi canones, in libris licet sepulti, fulminant. Interea iuris quoque nostri memor, admonebo quod noster Iustinianus in Nou. 36. & 37. posteaquam Vandalos de possessione Africa deieciisset, non solum iussit eorum, quos illi spoliauerant, ut suum fiscum locupletarent, legitimis heredibus bona restitui, sed & quæ Ecclesia Africana Arriani eripuerant, illi reddi, edito veluti nouo edicto, quo & Hunnericianum, de quo diximus, expungeretur, & antiqui iuris Ecclesiastici auctoritas confirmaretur. ¶

Porro ad id quod deinde Victor narrat de Hilderico Hunnerici filio & designato successore, adiungi debet quod lib. 2. obiter dixit, Hunnericum desiderasse quidem post obitum filiis suis regnum statuere: non tamen id contigisse. Sed non statim contigisse intelligo, neque ita, ut optabat Hunnericus. Sed tamen postea contigisse. Non excuso si superstitione quadam factum sit, ut Catholici recusarint iurare, quod (sicuti Victor narrat) ut iurarent, stipulabatur ab iis Hunnericus: tamen si non ignorem quod Possidius scribit, Augustinum suos clericos docuisse, omnino non iurare. Sed ut fortasse prospiciebant Afri quid ab Hun-

nerico & ageretur & simularetur. sic Victor significat aliam quandam fuisse Genserici constitutionem de successione. Et Gundamundum Honorici filium (alii fratrem dicunt) successisse narrat Nicephorus ex Procopio, & quidem duodecim annis regnasse. Ei verò successisse, qui annis 27. regnavit, illum, quem multi aiunt fuisse Honorici fratrem Trasimundum, Fulgentij libris celebratum. Tandem Hildericum, quem quidam fingunt Trasimundi & Eudoxia, de qua antè dixi, filium fuisse potius quàm Hunnerici, quia fortasse audiebant Trasimundo non Hunnerico successisse. Sed historia Victoris patrem tamen fuisse Hunnericum liquido testatur, & Hunnerico nupsisse, Eudoxiam illam verius est, sicuti antea admonui. Non reiicio quod omnes affirmant, Hildericum illum contra patris opinionem & spem, valde pium fuisse, & matris religione atque institutione imbutum, quandiu regnavit, Ecclesia fuisse, & à Vandalica heresi atque persecutione fuisse alienum. Certè & Trasimundum ipsum non fecisse quod Hunnericus fecit, & patre suo fuisse meliorem ait optimus testis Fulgentius, & verò de doctrina pietatis placide voluisse audire vocem Ecclesia, & alienum fuisse à consuetudine Barbarorum, qui aures obstruunt, & literas librosque oderunt. Sed ut ut fulgentius eum hoc nomine collaudet, tamen hunc quoque postea tyrannum crudelem & ipsum fuisse indicat ipsius fulgentij cum ducentis aliis Catholicis Episcopis in pestilentem insulam deportati exilium: & quod Nicephorus ex Procopio narrat eum Mauris ipsis quibus bellum intulit, fuisse in templis Christianorum violandis importuniorem

denique quicquid etiam tandem iactetur de Hilderici pietate, quem necavit propterea Gilimerus postremus in Africa Rex Vandalorum à Iustiniانو nostro tandem pulsus captusque: tamen Iustinianus ipse in lege. 2. C. de offic. Prat. Afric. significat continuam fuisse persecutionem, nullasque (ut ita dicam) inducias Ecclesie Africanae à Vandalis concessas esse. Saltem dissimulat, quod de Hildericò alij prodiderunt.

Ut autem multis verbis describit Victor, qualis fuerit Vandalica tyrannis, sic iuvat alteram breviorē descriptionem adiungere, repetitam ex illa nostri Iustiniani Constitutione: nunc & mea professionis nimium oblitus esse viderer, si hoc illam loco praeterirem. Iustiniani verba sunt hac: Africa per nos breui tempore recepit libertatem, antea nonaginta quinque annos à Vandalis captiuata, qui animarum fuerant simul hostes & corporum. Nam animas quidem diuersa tormenta atque supplicia non ferentes, rebaptizando ad suam perfidiam transferebant: corpora vero liberis natalibus clara, iugo barbarico durissime subiugabant: ipsas quoque Dei sacrosanctas Ecclesias suis perfidiis maculabant: aliquas verò ex iis stabula fecerunt. Vidimus venerabiles viros, qui abscissis radicibus linguis, poenas suas miserabiliter loquebantur. Alij verò post diuersa tormenta per diuersas dispersi prouincias, vitam in exilio peregerunt.

Adiiciam & alterum ex Marcellini Comitis, qui tempore Iustiniani in Oriente vivebat, memorabilem

locum, qui Victoris rursus narrationem breuiter illustrabit. Nam Marcellinus ille loquens de Consulatu Theoderici & Venantij, qui incidit in Christi annum 484. inquit: Totam per Africam crudelis Hunnerici Vandalorum Regis in nostros Catholicos persecutio importata est, exulatis diffugatisque plusquam cccxxxiiij. Orthodoxorum Sanctis, Ecclesiisque eorum clausis, plebs fidelium sub variis acta suppliciis, beatum consummauit agonem: vt pote idem Rex Hunnericus, vnus adolescentis vitam à natiuitate sua sine vlllo sermone ducentis linguam præcepit abscindi, idemque mutus, quod sine humano auditu, Christo credens, fide didicerat, mox præcisa sibi lingua locutus est, gloriâque Deo in primo vocis suæ exordio dedit. Denique ex hoc fidelium contubernio aliquantos ego religiosissimos præcisis linguis manibusque truncatis conspexi loquentes. Hæc Arrianorum crudelitas in religiosos Christi cultores mense Februario cœpit infligi.

Quod tam Iustinianus quam Marcellinus narrant vidisse se quosdam excisis ab Hunnerico linguis nihilominus locutos esse, Procopius eiusdem tēporis scriptor similiter narrat se vidisse, idq. ex Procopio etiam recitat Nicephorus lib. 17. cap. 11. Quod inculco quia pertinet ad id quod noster Victor lib. 3. posteaquam affirmavit linguis reuulsis vel abscisis quosdam ita locutos esse, vt prius solebant, adiicit, Si quis id credere nolit posse ire Cōstantinopolim, vbi quædam reperient subdiaconum Reparatum, qui

re ipsa ostendet verum id esse, propterea que in palatio Zenonis honorari si idem sunt, de quibus loquitur vel Iustinianus, vel Marcellinus, oportet diu eos ita vixisse. Nam à temporibus Hunnerici vel Zenonis vsque ad tempora Iustiniani multi anni inter sunt. Sed non eosdem esse significat Gregorius in Dial. ubi & hanc historiam recitat. Neque nouum est, tale miraculum sapius factum esse ut Prudentius in Romano significat. Neq; tamen Victor temerè narrat factum id esse in Tipasensi Ciuitate Mauritania. Sed conferatur cum ea senectute, quam Donatistas exercuisse aduersus Catholicos in eadem Tipasa Mauritania Casariensis narrat Optatus lib. 2. pag. 23. Huius Tipasa latio donata meminit Plinius lib. 5. cap. 5.

Porro Victor inter cetera Vandalica persecutionis exempla, sape illud, tanquam summum nefas, inculcat, quod Vandali nudas puellas prostituerint. Sed quod dicit de tali eorum impudicitia, nescio quomodo refelli videtur à Saluiano Massiliensi Episcopo lib. 8. de Prouid. ubi Carthaginiensium Catholicorum libidines nefarias grauius accusat, & Vandalorum castitatem valde laudat, & quidem horum castissimis legibus, illorum nequitiam fuisse castigatam. An homo Gallus talia scripsit, ut Afris iniquus, amicus Vandalis? Sed hanc questionem facti omitto. Quod verò narrat Victor Vandalos impudicè fecisse videtur, si id fecerunt, ea in turpitudine imitati Iulianum Apostatam, quem Ecclesiastica Historia narrat olim nescio quid simile impetrasse ad prostituendas Christianorum Virgines sacras. Vnde etiam factum est, ut eius successor Iouianus, ut corrigeret talem petulantiam,

tiam, ediderit tam severam legem contra eos qui virgines sacras attentarent, l. v. C. de Episc. & cleric.

Plura sunt in libellis Victoris, quae ad Ecclesiastica antiquitatis memoriam pertinent, & propterea laetius possent explicari, si id iam suscepissem, quod non suscepi. Itaq; & de significatione singulari quorūdam verborum Ecclesiasticorum, quibus Victor utitur, nunc plura non annotabo, veluti de eo, quod vocat Alleluyaticum melos, & quod lib. 2. bis dicit: Missas agere. Missarum verbum qui meminerit in Milenitano Concilio extare, non mirabitur familiare fuisse non modò in Italia, ut Ambrosio, sed & Victori in Africa. Eadem significatione tunc dicebant Collectam facere, ut & Colligere. quo verbo similiter utitur Tertullianus in lib. de Fuga. Alleluyaticum autem melos dici à Victore nemo etiam mirabitur, qui Psalmos Alleluyaticos dici legerit apud Augustinum in Psalm. 105. Et Alleluia, esse quidem Hebraicam vocem laudis, sed quam nullus Christianus quamlibet imperitus ignoret, & in omnibus propterea Ecclesiis cantari, ut ait Augustinus in epist. 86. Imò nec Latino nec Hebraeo licere in suam linguam transferre scribit in epistola 178. ubi tamen istud κύριε ἐλέησον, translatum fuisse & in Barbaram, hoc est, Gothicam, quae & Vandali utebantur, linguam, significat, & à Romanis, hoc est, iis qui Romano iure & ritu utebantur, ita etiam aliquando enuntiatum esse.

Porrò Victor Graecis saepe etiam verbis, quasi Latinis abutitur, ut cum lib. 3. fol. 43. Sabana vocat lineam involucria quibus infans in baptismo excipitur.

Apud Aetium medicum ita appellantur panni as-
periores defricandis in balneo corporibus accommo-
dati. Græci interpretes Iuris, ubi lex Honoriana scri-
pta ad Proconsulem Africa, vetat ne priuatum siue
balneum ab hostibus petant milites, annotat non licere
petere ut hospites portent σαβαυδ. Sed & in extre-
ma pagina Victor Lypsanas dicit, cum significat reli-
quias (ut vocatur) & ossa martyrum. Martyres quædã
lex vocat l. 3. C. de Sacros. Eccles. Vbi Harmenopolus
Græcus interpret vertit λείψανα. Quo verbo Græco
utuntur etiam Iurisconsulti Romani, ubi de corio &
ossibus bonis agunt. Sed hæc quæ leuiores sunt, nunc
omitto. Addo verò maius quidpiam, quod mihi ve-
nit in mentem perlecto hoc libello, nempe ubi perlegi
quæ Victor describit crudeliter gesta esse contra Eccle-
siam in Africa iussu Genserici & Hunnerici tyran-
norum Vandalorum atque Arrianorum, videri mihi
non dissimilia iis, quæ prius facta in Oriente ab Ar-
rianis sunt sub Imp. Constantio, & deinde sub Imp.
Valente. Ac quidem hunc, ut non minus funestum
tragicumque exitum, quam Hunnericus sortitus est,
sic etiam exemplum sauitiæ edidisse quod Hunnericus
secutus sit. Nam & quod Victor narrat Hunnericum
Episcopos Catholicos in naui & medijs fluctibus cre-
mari voluisse, voluerat similiter antea ipse Valens.
Dicerem tamen crudeliores fuisse Vandalos. Sed non
magis mirum est, Barbaros in peregrina regione, quam
vi occupauerant, aduersus incolæ diuersa non modo
religionis sed & linguæ & stirpis, crudelissimè gras-
satos esse, quam Imperatores Romanos liberalius alio-
qui institutos in suo Oriente aduersus homines pios

eiusdem aliqui linguae & gentis, cum quibus educati fuerant, tam immaniter seuiſſe ad libidinem quorundam Antistitum Arrianorum. Illud fateor, Vandalos in Africa fuiſſe pro ſuo Arrianismo immaniores, quàm Veſogothos in ſua Hiſpania vel Aquitania, tyrannos eodem tempore non minus aliqui & Barbaros & Arrianos. Fateor quod Sidonius Apollinaris, qui eodem prope tempore in Gallia, quo noſter Victor in Africa floruit, teſtatur eorum Regem, qui Euarix dicebatur, non minus (vt ille ait) ſua ſecte quam ſuae gentis principem, valde infeſtum fuiſſe Catholica Eccleſia. Sed (vt idem ſignificat) vaſtitationem intulit non tam necando pios antistites, quàm mortuis nullum ſucceſſorem dando. Sed neque in Gallia tunc erant antistites ea virtute & conſtantia præditi, qua Africani. Imò Sidonius conqueritur pleròſque cum Gothis veluti colluſiſſe, & indigna conditione pacem redemiſſe, Denique in epiſt. ad Baſilium, conqueritur dormitaſſe in Gallia paſtores: & propterea Diabolum facile inſultare (vt ait) balatibus omnium deſtitutarum. Exclamat, Diſcite Catholici ſtatus valetudinem, vt feſtinetis adhibere medicinam. Sed ſurdus canebat Sidonius. Imò eodem tempore Saluianus, Epiſcopus & ipſe Gallus, ſcripſit lib. 6. de iudic. & prouid. in ciuitatibus (vt ait) Gallicanis excellentiores quòſque viros, calamitatibus quoque ſuis factos eſſe peiores.

Horribile proſectò monſtrum eſt, barbara tyrannis, præſertim ubi crudeli ſuae impietati prætexit titulum neſcio cuius religionis. Sed quale portentum eſſe dicimus degeneres antistites, qui nihil minus ſunt

quàm quod dicuntur? Fœlix in sua calamitate Carthago, quæ si Hunnericum tyrannum pertulit, at Eugenium saltem eodem tempore Episcopum habuit. Sed quî sit, ut Hunnericos passim multos occurrere, Eugenios verò nullos superesse nunc videmus? Saluianus fatetur in extrema Cathaginensis urbis corruptione, tamen in templo Domini fuisse omnia integra: ut quantum in populo esset sceleris, tantum esset in clero virtutis, & in mediis Sodomis quosdam Lothos videre liceret. Fatetur seniores Dei seruos in urbe Carthaginensi sæpe irrisos atq; exhibitos fuisse, ut si quis (inquit) ea nescius aliquis rerum fieri videret, non aliquem hominem ludificari, sed nouum & inauditum monstrum abigi arbitraretur. Nempe vetus est illa Iesaja Propheta querimonia, Viros verè bonos & seriò religiosos in hoc mundo (qui & iis dignus non est, ut ait Apostolus) haberi pro quibusdam portentis. Verù ubi maior in Clero quàm in plebe corruptio atque turpitudine est, longe aliud monstrum est, quod Saluianus nondum viderat, nos nimium videmus.

In postrema Victoris pagina, sententia est, quam in libris impressis Basilea, fœdauit mendosa transpositio vocula non: nos ita restituiimus, Ita euenerunt nobis, non ad probationem, quomodo Sæctis, sed malis meritis supplicia debebantur. Confessio est non dissimilis illi, quam antea retuli ex Possidio, qui sese cum Augustino suo exclamasse fatetur: Iustus es Domine, & recta iudicia tua. Sed vellem, Victor tam diligenter exposuisset peccata Africorum, quàm Vandalorum flagella exposuit: quò magis illa Dei iustitia agnosceretur. Bene habet: Extant

libri Saluiani, qui cumulatè id suppeditant, quod in libellis Victoris desiderari posset. Qua ergo Saluianus lib. 7. & 8. prolixè narrat de totius Africa & ipsius imprimis Carthaginis ad omne scelus proiectæ corruptione prope incredibili, cum Vandalorum rabies in eam desecuit, coniungantur cum Victoris historia. Sic intelligemus non temere Saluianū illum vel in principio dixisse, Quod Vandali in Africam transierint, non esse diuinæ seueritati, sed Afrorum sceleri imputandum: vel in conclusione & fine suorum librorum adiecisse, Et miramur, si nūc Barbaros illi perferunt, cū videamus, quod sancti viri in illis Barbaros pertulerūt. Iustus ergo est Dominus, & iustum iudiciū eius?

Sic olim egerunt & Propheta: & utrunque ita egerunt, ut cum in uno toti esse viderentur, in altero non essent minus. Grauiissime inuaduntur in Babyloniorum tyrannorum impiorūque hostium crudelitatem, iisque veluti bellum indicendo, denuntiant terribiles penas, quæ eos manent, & simul veris gemitibus lugent afflicta sua Ecclesia calamitatem & vastitatem. Hinc illi (ut vocantur) Threni Hieremias: quos & Victor noster aliqua ex parte imitatur. Rursus autem non minus fulminant aduersus populi sui scelera, neque leuioribus ea minis persequuntur, quasi iam cum ipsis hostibus conspirarent, quibus tanquam diuinæ ultionis ministris diceret eos quodanomodò applaudere, & veluti publicis calamitatibus, magno licet cum gemitu, insultare, ubi alioqui vident & insanabilem & incurabilem esse morbum cui cauerium sit adhibendum. Quid? Vbi & sacer

dotum suorum, Templum ipsum polluentium deplo-
ratam vident esse insaniam, tandem pronunciant
horribile Dei decretum tonantis ad illud, quod aliqui
expiari non potest, euertendum, & propterea canentis
hoc veluti classicum, Incipite à meo Sanctuario.
&c. Ezech. cap. 9.

Quid igitur, quid diceret Ezechiel ille, si nunc vi-
ueret, & quæ videmus, videret? Sed nihil addo.
Nam & mihi venit in mentem, quod ipse Augu-
stinus in epist. 22. scribit, talibus malis magis deberi
prolixos gemitus, quàm prolixos libros. Lutetiae
Parisiorum, xix. Kalend. April. eo ipso eius diei
articulo, quo ex meo auditorio Iuris & historiae
egrediens, & cum hac postrema pagina iam excusa
nuncium accipiens de magna quadam eorum strage,
qui Beza merere dicebantur, rogatus num vellem in
hac editione aliquid mutatum, vt asperius nunc agen-
do, foro & temporibus magis seruirem. sicuti multi fa-
cere solent, qui cauti dici viderique volunt, respondi,
nunquam tam seruili ingenio me fuisse: imò alio pla-
nè, quod etsi minus astutum esse dicatur, generosius ta-
men esse sentio. Acriorem fuisse meam siue actionem
siue exceptionem, quo tempore Beza suus quadrigis tã-
quam victor inuectus insolenter in me incurrit, &
multi vel cedendo fugerent vel triumphalè eius cur-
rum sequendo, contra me etiam bonamque causam illi
subscriberent. Nunc verò, cum horum quidam debel-
lato maledicent, qui paulò antè stantem adorabant,
me non recusare leniorem languidioremque videri
meam contentionem, quia neque velim cum larvis lu-
ctari, neque aduersario profligato & iacenti ignavi-

ter insultare, ipse licet nuper me crudeliter proculcare
 conaretur. Cæterum in hac, qua dicitur, victoria (si re-
 putem quis Beza vesanus fastus mereretur) dicam et
 confitebor, quod etiam in ea, qua, si Latine loquimur,
 victoria contraria est, offensione & vexatione, cum
 quid alterius quoque partis peccata mererentur, re-
 putarem, sæpe in hoc libello cum Augustino dixi &
 confessus sum, illud, iterum dico, Davidis, Iustus es
 Domine, & recta iudicia tua. sed opto, ut hac in
 utroque genere iustissimi illius Iusticia, par-
 tem interea utramque ita terreat, ut utraq; Vltorem
 illum metuens, magis deinde sapiat, & tandem ali-
 quando cum Rep. Ecclesiam, qualem in hoc terrarum
 orbe, ante finem mundi, restitui velle se Deus de cælo
 iam pridem fulminando denunciat, in integrum resti-
 tui patiamur. Quale quidem etiam olim votum cu-
 ramque fuisse & religiosissimi Antistitis Augasti-
 ni, & sapientissimi Prasidis Marcellini, nō modo cum
 à Gothis superbis victoribus vexarentur, sed etiam
 in suo cum Donatistis religioso conflictu, & in sua
 de iis, post Collationem, victoria, testis quoque noster
 hic Commentarius esse poterit.

F I N I S.

illum metuens, magis deinde sapiat, & tandem aliquando cum Rep. Ecclesiam, qualem in hoc terrarum orbe, ante finem mundi, restitui velle se Deus de cælo iampridem fulminando denunciat, in integrum restitui patiamur. Quale quidem etiam olim votum curamque fuisse & religiosissimi Antistiti Augustini, & sapientissimi Prasidis Marcellini, nō modo cū a Gothis superbis victoribus vexarentur, sed etiam in suo cum Donatistis religioso conflictu, & in sua de iis, post Collationem, victoria, testis quoque noster hic Commentarius esse poterit.

EPISCOPI VTICENSIS, LIB. III.

DE VANDALICA PERSECUTIONE in Africa, quæ Ecclesiastica historiæ pars minimè
Vulgaris est.

SEXAGESIMVS nunc vltimus clarum est, agitur annus, ex quo populus ille crudelis ac sæuus Vandalicæ gentis Africæ miserabilis attigit fines, transuadens facili transitu per angustias maris, quæ inter Hispanian Africamq; æquor hoc magnum & spaciosum bisseis millibus, angusto se milite coartauit. Transiens igitur quantitas vniuersa calliditate Geiserici ducis, vt famam terribilem suæ faceret gentis, ilico statuit omnem multitudinem numerari vsq; ad illam diem, quam huic luci vterus profuderat ventris. Qui reperti sunt senes, iuuenes, paruuli, serui vel domini octaginta millia numerati. Quæ opinio diuulgata vsque in hodiernum à nescientibus armatorum tantus numerus æstimatur, cum sit nunc exiguus & infirmus. Inuenientes igitur pacatam quietamq;

prouinciam, speciositatem totius terræ florentis quæqua versum impietatis agminibus impendebant, deuastando depopulabantur, incendio atq; homicidiis totum exterminantes. Sed nec arbutis fructiferis omnino parcebant, ne forte quos antra montium aut prærupta terrarum, vel seclusa quæq; occultauerant, post eorum transitum illis pabulis nutrentur: & sic eadem atq; iterum tali crudelitate furentibus, ab eorum cōtagione nullus remansit locus immunis. Præsertim in Ecclesiis basilicisq; & cæmeteriis & monasteriis sceleratius sæuiebant, & cum maiorib; incendiis domus orationis magis quàm vrbes cunctaque oppida concremarent, vbi forte venerabilis aulæ clausas reppererunt portas certatim iētibus dextralium aditum reserabant, vt recte tunc diceretur: *Quasi in sylua lignorum securibus conscidere ianuas eius in idipsum, in securi & ascia deiecerunt ea, incēderunt igni sanctuarium tuum, & in terra polluerunt tabernaculum nominis tui.* Quanti tunc ab eis præclari pontifices & nobiles sacerdotes diuersis pœnarum generibus extincti sunt, vt traderent si quid auri vel argenti proprium vel ecclesiasticum haberent. Et dum hæc quæ erant vrgentibus pœnis facilius proderentur, iterum crudelibus tormētis oblatores vrgebant autumantes quandā partem non totum esse oblatum, & quāto plus dabant, tanto amplius quempiam habere credebant. Aliis palorum vectibus ora reserantes, sæ-

tidum cœnum ob confessionem pecuniæ faucibus ingerebant. Nonnullos in frontibus & tibis nervis remugientibus torquendo cruciabant. Plerisq; aquam marinam, aliis acetum, amurcā, liquamenq; & alia multa atq; crudelia tanquam vtribus imbutis ori impositis sine misericordia porrigebant. Non infirmior sexus, non consideratio nobilitatis, non reuerētia sacerdotalis crudeles animos mitigabat: quin immo ibi exaggerabatur ira furoris, vbi honorem conspexerant. Quantis sacerdotibus, quantisque illustribus onera ingentia vt camelis vel aliis generibus iumentorum imposuerint nequeo enarrare, quos stimulis ferreis ad ambulandum vrgebant, quorum nonnulli sub fascibus miserabiliter animas emisere. Senilis maturitas atque veneranda canities, quæ cæsariem capitis vt lanam candidam dealbaret, nullam sibi ab hospitibus misericordiam vindicabat. Sed etiam paruulos ab vberibus rapiens maternis Barbarus furor, infontem infantiam elidebat ad terram. Alij paruulum pedibus tenentes, à meatu prorsus naturali vsq; ad arcem capitis dissipabant, quando tunc forte Sion captiua cantabat: Dixit inimicus incendere fines meos, interficere infantes meos, & paruulos meos elisurum ad terram. In ædificiis nonnullis magnarum ædium vel domorū vbi ministerium ignis minus valuerat, tectis admodum despiciatis pulchritudinem parietum solo æquabant, vt nunc antiqua illa speciositas ciuitatum,

nec quia fuerit prorsus appareat. Sed & vrbes quàm plurimę, aut raris aut nullis habitatoribus incoluntur. Nam & hodie si qua supersunt subinde desolantur, sicut ibi Carthagino dignam theatro ædem Memorix, & viam quam Cælestis vocitabant, funditus deleuerūt. Et vt de necessariis loquar basilicam maiorem vbi corpora sanctarum martyrum Perpetuæ atque Felicitatis sepulta sunt, Celerinæ vel Scillitanorum & alias quas non destruxerunt suæ religioni licentia tyrannica mancipauerunt. Vbi verò munitiones aliquæ videbantur, quas hostilitas Barbarici furoris oppugnare nequiret, congregatis in circuitu castrorum innumerabilibus turbis, gladiis ferilibus cruciabant, vt putrefactis cadaueribus quos adire non poterant arcente murorum defensione, corporum liquescentium enecarent fœtore. Quanti & quàm numerosi tunc ab eis cruciati sunt sacerdotes explicare quis poterit? Tunc etenim nostræ ciuitatis venerabilis Papinianus antistes, candentis ferri laminis toto adustus est corpore. Similiter & Mansuetus Vricitanus, in porta incensus est Fornitana. Qua tempestate Hipponeregiorum obsessa est ciuitas, quam omni laude dignus beatus Augustinus librorum multorum confector, pontifex gubernabat. Tunc illud eloquentiæ quod vbertim per omnes campos Ecclesiæ decurrebat, ipso metu siccatum est flumen, atque dulcedo suauitatis dulcius propinata, in amaritudinem absinthii versa est, vt Da-

uidicum præconium conueniret: Dum consisteret peccator aduersum me, obmutui & humiliatus sum, & filui à bonis. vsque ad illud tempus CC. iam XXX. & duos confecerat libros, exceptis innumerabilibus epistolis, vel expositione totius Psalterij & Euangeliorum atque tractatibus popularibus, quas Græci Omelias vocant, quorum numerum comprehendere satis impossibile est. Quid multa? Post has trucis impietates infania, ipsam urbem maximam Carthaginem Geisericus tenuit & intrauit, & antiquam illam ingenuam ac nobilem libertatem in seruitutem redegit. Nam & senatorum urbis non paruam multitudinem captiuauit. Deinde proponit decretum vt vnusquisque auri, argenti, gemarum, vestimentorumq; preciosorum quodcunque haberet offerret, & ita in breui auitas atque paternas opes tali industria abstulit rapax. Disponens quoque singulas quasq; prouincias, sibi Bizacenam, Abaritanam atque Getuliam & partem Numidiæ reseruauit. exercitui vero Zeugitanam vel proconsularem funiculo hæreditatis diuisit, Valentiniano adhuc Imperatore reliquas licet iam exterminatas prouincias defendente. Post cuius mortem totius Africæ ambitum obtinuit, necnon & insulas maximas, Sardiniam, Siciliam, Corsicam, Ebusum, Maioricam, Minoricam, vel alias multas, superbia sibi consueta defendit. Quarum vnam illarum id est Siciliam Odoacro Italiae regi postmodum tributario iure concessit,

HISTORIAE VICTORIS

ex qua eis Odoacer singulis quibusque temporibus, vt dominis tributa dependit, aliquam sibi tamen reseruantibus partem. Præterea præcipere nequaquam cunctatus est Vandalis, vt episcopos atque laicos nobiles de suis Ecclesiis & sedibus nudos penitus aufugerent. Quod si optione proposita exire tardarent, serui perpetui remanerent. Quod etiam in plurimis factum est. multos enim episcopos & laicos claros atque honoratos viros, seruos esse nouimus Vandalorum. Tunc vero memoratae vrbs episcopum id est Carthaginis, deo & hominibus manifestum, nomine Quoduultdeus, & maximam turbam clericorum nauibus fractis impositam, nudos atque expoliatos expelli præcepit. Quos dominus miseratione bonitatis suæ prospera navigatione Neapolim Campaniæ perducere dignatus est ciuitatem. Senatorum atque honoratorum multitudinem primo exilio crudeli contriuit, postea transmarina in parte proiecit. Pulso namque episcopo, vt præfati sumus, cum clero venerabili, ilico Ecclesiam nomine restitutam, in qua semper Episcopi commanebant, suæ religioni mancipauit, atque vniuersas quæ intra muros fuerant ciuitatis, cum suis diuitiis abstulit. Sed etiam quæ foras muros erant quascunque voluit occupauit, & præcipue duas egregias & amplas sancti martyris Cypriani, vnam vbi sanguinem fudit, aliam vbi eius sepultum est corpus, qui locus Mappalia vocitatur. Quis vero

sustineat atque possit sine lachrymis recordari, dum præciperet nostrorum corpora defunctorum, sine solennitate hymnorum cum silentio ad sepulturam perducere. Addidit adhuc, ut & pars clericorum quæ remanserat, pœnali exilio truderetur. Et dum ista geruntur, qui supererant magni sacerdotes atque insignes viri memoratarum prouinciarum quas diuiserat Vandalis, cogitauerunt supplicandi gratia regem adire. Qui dum, ut moris est, ad Massilitanum littus exisset, quod Ligula vulgi consuetudine vocitatur, amissis iam Ecclesiis & rebus occurrere nisi sunt supplicantes, ut ad consolandum populum dei saltem habitandi facultas, Vandalis iam dominantibus, concederetur. Quibus ille per internuntium rabido respondisse ore probatur. Decreui ego de nomine & genere vestro nullum dimittere, & vos audetis talia postulare? Quos etiam vicino mari voluit eadem hora demergere, nisi à suis diu ne hoc faceret rogaretur. Recedentes illi tristitia & mœrore confecti, cœperunt qualiter poterant & ubi poterant, ablatis Ecclesiis diuina mysteria celebrare. Subinde autem crescente opibus regno, maior cœpit & superbia propagari. Referam factum, quod ipso gestum est tempore: Fuit comes quidam Sebastianus, famosi illius gener comitis Bonifacii, acer concilio, & strenuus in bello. Cuius Geisericus, sicut consilia necessaria habebat, ita & presentiam formidabat. Cupiens autem illum extinguere, occasionem mortis de

religione quaesivit. Cogitavit rex ut praesentibus
episcopis atque domesticis suis, Sebastianum ta-
liter conveniret: Sebastianus, inquit, scio quia fi-
deliter nobis adhaesisse iurasti, cuius veritatem
sacramenti, labores tui vigilantiaque demonstrat.
Sed ut nobis connexa semper iugisque maneat a-
micitia tua, hoc placuit praesentibus sacerdotibus
nostris, ut eius efficiaris cultor religionis, quam
& nos & noster populus veneratur. Cui Seba-
stianus rem inveniens miram multisque neces-
sariam pro tempore acute respondit: Quæso do-
mine rex, ut nunc unus panis mundissimus ac si-
milaceus adferatur. Qui cum ignorasset Geiseri-
cus Sebastiani victoriam, ilico iussit adferri. Ap-
prehendens itaque Sebastianus mundissimum pa-
nem, ita effatus est. Hic enim panis ut ad tantum
decorem splendoris venisset, & mensæ regiæ ne-
cessarius haberetur, discussa spuria furfuris ex
massa similaginis conspersus per aquam transi-
vit & igne, idcirco & aspectu clarus & esu sua-
vis habetur. Ita & ego mola catholice matris
commolitus, & cribro examinationis ut simila
munda purgatus, rigatus sum aqua baptismatis,
& igne sancti spiritus coctus. Et ut hic panis de
furno, ita & ego per officia sacramentorum divi-
norum, artifice deo de fonte mundus ascendi. Sed
fiat si velis, ut ipse propono. Ille panis confrin-
gatur in frusta, madidetur aqua, & iterum con-
spargatur, mittatur in furnum: si melior exierit,
faciam quæ hortaris. Quam propositionem Gei-

fericus cum omnibus qui aderant cum audisset ita ligatus est, vt se soluere omnino non posset. Quem alio generis argumento, postea bellicosum virum occidit. Et vt ad id redeamus vnde digressi sumus, terret præceptis feralibus, vt in medio Vuandalorum nostri nullatenus respirarent, neque vsquam orandi aut immolandi concederetur gementibus locus, vt manifeste tunc prophetiæ vaticinium compleretur, Non est in hoc tempore princeps aut propheta vel dux, neque locus ad sacrificandum nomini tuo. Nam & diuersæ calumniæ non deerant quotidie etiã illis sacerdotibus qui in his regionibus versabantur, quæ regiones palatio tributa pendebant: & si forsitan quispiam, vt moris est, dum dei populum admoneret, Pharaonem, Nabuchodonosor, Holofernem, aut aliquem similem nominasset, obiciebatur illi quod in personâ regis ista dixisset, & statim exilio trudebatur. hoc enim persecutionis gen^o agebatur hîc aperte, alibi occulte, vt piorum nomē talibus insidiis interiret. Qua de re plurimos sacerdotum tunc nouimus relegatos, sicut vrbani Girbensem, Crescentem metropolitanū Aquitanæ ciuitatis qui CXX. episcopis, habet deum Teudalensem, Eustratium Sufetanum, & Tripolitanos duos, Vicesabratenum, & Cresconium Eensem, & Aduermetinæ ciuitatis Felicē episcopū, ob hoc quod suscepisset quendam Ioānem monachū transmarinum, sed & alios multos quos longum est

enarrare. Quibus tamen in exilio positis dum obitus aduenisset, non licebat alios eorum ciuitatibus ordinari. Inter hæc tamen dei populus in fide consistens, ut examen apum cæreas ædificans mansiones, crescendo melleis fidei calculis firmabatur, ut impleretur illa sententia, Quanto eos affligebant, tanto magis multiplicabantur, & inualescebant nimis. Post hæc factum est supplicante Valentiniano Augusto, Carthaginensi ecclesiæ post longum silentium desolationis episcopum ordinari, nomine Déogratias. Cuius si nitatur quisquam quæ per illum dominus fecerit paulatim excurrere ante incipient verba deficere, quam ille aliquid valeat explicare. Illo igitur episcopo constituto factum est peccatis vrgentibus, ut urbem illam quondam nobilissimam atque famosam XV. regni sui anno Geisericus caperet Romam. Et simul exinde regnum multorum diuitias cum populis captiuauit. Quæ dum multitudo captiuitatis Africanum attingeret littus, diuidentibus Vuandalis & Mauris ingentem populi quantitatem, ut moris est Barbaris, mariti ab vxoribus, liberi à parentibus separabantur. Statim sategit vir deo plenus & carus vniuersa vasa ministerii aurea vel argentea distrahere, & libertatem de seruitute Barbarica liberare, & ut coniugia fœderata manerent, & pignora genitoribus redderent. Et quia loca nulla sufficiebant ad capeßendam multitudinem tantam, basilicas duas nominatas & amplas Fau-

sti & Nouarum eorum lectulis atque straminibus deputauit, decernens per singulos dies quātū quis pro merito acciperet. Et quia plerisque insuetudo nauigij & crudelitas captiuitatis afflixerat, non paruus inter eos numerus fuerat egrotorum, quos ille beatus antistes vt nutritiā pia per momenta singula cum medicis circuibat sequentibus cibis, vt inspecta vena quid cui opus esset illo præsente daretur. Sed nec nocturnis horis ab hoc opere misericordiæ feriabatur, sed pergebat excurrrens per singulos lectos, sciscitans qualiter quisque haberet: ita se tradiderat omnino labori, vt nec defessis membris nec cariosæ iam senectuti parceret. Quo liuore Arianī succensi, dolis eum quam plurimis voluere sapius enecare. Quod credo præuidens dominus cito passerem suum de manibus accipitrum voluit liberare. Cuius exitum ita Urbici captiui planxerunt, vt tunc se putarent magis tradi manibus Barbarorum, quādo ille perrexit ad cælum. Functus est autem sacerdotio annis tribus. Cuius amore & desiderio populus attentus potuerat membra digni corporis rapere, nisi consilio prudenti dū auocatur nesciens multitudine sepeliretur. Et quia tacendum semper non est de impietatibus hæreticorum, nec verecundū poterit esse quod ad laudē proficit patiens! ordinator quondā memorati sacerdotis nomine Thoma, dū variis ab eis insidiis sapi⁹ attraheretur, quodā tēpore venerabilē senē in publica

facie catomis cediderunt. Quod ille non ad opprobrium sed ad mercedem computans gloriæ suæ, in domino lætabatur. Vnde factum est, vt post obitum episcopi Carthaginis, Zeugitanæ & proconsulari prouinciæ episcopos interdiceret ordinādos, quorum erat numerus CLXIIII. Qui paulatim deficientes, nunc simul ipsi supersunt tres tantum esse videntur, Vincentius Gigitanus, Paulus Sinnaritanus, vere merito & nomine Paulus, & alius Quintianus. Qui nūc persecutionem fugiens, apud Edeßam Macedoniæ ciuitatem cōmanet peregrinus. Sed etiam martyria quàm plurima esse probantur, cōfessorum autem ingens & plurima multitudo, ex quibus aliqua narrare tentabo. Erant tunc serui cuiusdā Vandali (fuit hic Vandalus de illis quos Millenarior vocāt) Martinianus, Saturian⁹, & eorū duo germani, erat & conserua eorum quædam egregia Christi ancilla nomine Maxima, corpore simul & corde decora. Et quia Martinianus armifactor erat, & domino suo satis videbatur acceptus, & Maxima vniuersæ domui dominabatur: credidit Vandalus vt fideles sibi magis memoratos faceret famulos, Martinianū Maximāque cōiugali consortio sociare. Martinianus adolescentulorum secularium more coniugium affectabat: Maxima nanque iam deo sacrata, humanas nuptias refutabat. At vbi ventum est vt cubiculi adirentur secreta silentia, & Martinianus nesciēs quid de illo decreuerat deus, maritali fidu-

cia quasi cum coniuge cuperet cubitare, viua ei voce memorata famula Christi respondit: Christo ego ô Martiniane frater mēbra mei corporis dedicaui, nec possum humanū sortiri cōiugiū, habēs iam cœlestem & verum sponsum. sed dabo consilium: si velis poteris & ipse tibi præstare cum licet, vt cui ego concupiui nubere, delecteris & ipse seruire. Ita factum est domino procurante, vt obediens yirgini, etiam adolescens suam animam lucrâretur. Nesciente igitur Vandalo' compunctus atque spiritualis secreti commercium mutuatus Martinianus, etiam suis fratribus persuasit, vt thesaurum quem inuenerrat haberent, vt pote germani communem. conuersus est itaque cum tribus fratribus suis. Dei puella comitante nocte clàm egredientes, Tabraceno monasterio cui præerat tunc nobilis pastor Andreas, sociantur. Illa vero haud procul monasterium incoluit puellarum. Sciscitante igitur Barbaro inquisitionibus & muneribus crebris quod gestum erat cæleri non potuit. Inueniens itaque iam non sua sed Christi mancipia, coniicit in vinculis, & variis tormentis dei famulos insectatur, agens cum eis non tantum vt pariter miscerentur, sed quod grauius est per rebaptizationis cœnum fidei suę ornamenta turparēt. Peruenit hoc ipsum vsque ad notitiam Geiserici. Decernit rex, vt tādū implicabilis ferus seruos affligeret, quandiu illius succumberent voluntati. iubet in modū ferrarū

fustes robustos veluti palmatos cum stirpibus
 fieri, qui quatientibus tergis non solum ossa cō-
 fringerent, sed etiam terebrantes aculei intrinse-
 cus remanerent. Qui dum sanguis efflueret &
 dissipatis carnibus viscera nudarentur, sequenti
 die Christo medente incolumes reddebantur.
 Hoc sæpius ac multo factum est tempore, &
 nulla plagarum vestigia videbantur, sancto spi-
 ritu subinde curante. Post hoc artatur Maxima
 duræ custodiæ, cuspidique crudeli extenditur.
 Cui cum dei servorum non deesset frequentia
 visitantium, videntibus cunctis ingētium ligno-
 rum putrescens soluta est fortitudo. Miraculum
 hoc & voce omnium celebratur, & nobis ad
 quem custodia pertinebat cum sacramento re-
 status est ita fuisse. Ast vbi Vandalus virtutē ne-
 glexit cognoscere diuinam, cœpit in domo eius
 vindicatrix ira grassari. Moritur ipse simul & fi-
 lij, familiæ atque animalium quæcūque optima
 erant pariter intereunt. Remāsitque domina vi-
 dua, marito, filiis, & substantia destituta. Servos
 Christi cognato regis Sesaoni gratia muneris of-
 fert. Qui cum eos vtpote oblatos cum gratula-
 tione nimia suscepisset, filios & domesticos san-
 ctorum merito male cœpit dæmon variis moti-
 bus agitare. Ex ordine ille cognatus vt gestū erat
 suggerit regi. Decernit statim rex, cuidā gentili
 regi Maurorum, cui nomen erat Capsur, relegā-
 dos debere transmitti. Maximam vero Christi
 famulam confusus & victus propriæ voluntati

dimisit, quæ nunc super est virgo, mater multarum virginum dei, nobis etiam nequaquam ignota. Peruenientes autem traduntur memorato regi Maurorum, commanenti in parte eremi, quæ dicitur Caprapiæti. Videntes igitur Christi discipuli multa apud gentiles & illicita sacrificiorum sacreligia, coeperunt prædicatione & conuersatione sua ad cognitionem domini dei nostri Barbaros inuitare: & tali modo ingentem multitudinem gentilium Barbarorum Christo domino lucraverunt, ubi antea nulla fama Christiani nominis fuerat diuulgata. Tunc deinde cogitatur quid fieret ut ager iam cultus & egraminatus vomere prædicationis euangelicum susciperet semen, & imbre sacri baptismatis rigaretur. Mittunt legatos per itinera distenta deserti: peruenitur tandem ad ciuitatem Romanam. Rogatur episcopus ut præbyterum & ministros credenti populo destinarer. Explet cum gaudio quod petebatur pontifex, dei constituitur ecclesia, baptizatur multitudo maxima Barbarorum, & de lupis grex fecundus multiplicatur agnorum. Hoc Geiserico relatione sua nunciat Capfur. De qua re surgens inuidia iubent famulos dei ligatis pedibus post terga currentium quadrigarum, inter spinosa loca sylvarum pariter interire, ut ducta atque reducta dumosis lignorum aculeis innocentium corpora catperetur, ita deligans, ut exitum suum inuicem peruideret. Qui cum è vicino currantibus Mauris sese mutuo conspiceret, vale sibi in angusto fugæ

vnusquisque ita dicebant: Frater ora pro me, impleuit Deus desiderium nostrum, taliter peruenitur ad regnum cœlorum. Itaque oratio atque psallendo, gaudetibus angelis pias animas emittere. Vbi vsque in hodiernum diem non desinit ingentia mirabilia Iesus Christus dominus noster operari. Nam nobis beatus quondam Faustus Buronitanus episcopus attestatus est, cœcam quandam mulierem illuminatam fuisse, vbi ipse aderat præsens. Accenditur propter hæc aduersus dei ecclesiam Geisericus. Mittit Proculum quendam in prouinciam Zeugitanam, qui coartaret ad tradendum ministeria diuina vel libros cunctos domini sacerdotes, vt primo armis nudaret, & ita facilius inermes hostis callidus captiuasset. Quibus se non posse tradere clamantibus, ipse rapaci manu cuncta depopulabatur, atque de palliis altaris prò nefas camisas, sibi & femoralia faciebat. Qui tamen Proculus huius rei executor, frustatim sibi comedens linguam, in breui turpissima consumptus est morte. Tunc enim sanctus Valerianus Abensis ciuitatis episcopus, dum viriliter sacramenta diuina ne traderet dimicasset, foras ciuitatem singularis iussus est pelli, & ita preceptum est, vt nullus eum neque in domo neque in agro dimitteret habitare. Qui in strata publica multo tempore nudo iacuit sub aëre: annorum erat plus lxxx. quem nos tunc indigni, in tali exilio meruimus salutare. Quodam tempore paschalis solenitas agebatur, & dum in quodam loco quod Regia vocitatur,

vocatur, ob diem paschalis honoris nostri sibi-
met clausam Ecclesiam referarent, compererūt
Ariani: statim quidam presbyter eorum Andiot
nomine, congregata secum armatorum manu ad
expugnandam turbam accenditur innocentum,
Introeunt euaginati spatibus, arma corripunt, alij
quoque recta conscendunt, & per fenestras Ec-
clesiæ sagittas spargunt. Et tunc forte & canen-
te populo dei, lector vnus pulpito sistens, alle-
luaticum melos canebat. Quo tempore sagitta
in gutture iaculatus, cadere de manibus codice,
mortuus post cecidit ipse. Nam & alij quàm plu-
rimi sagittis & iaculis in medio crepidinis alta-
ris probantur occisi. Nam qui gladiis tunc inte-
rempti non sunt, postea pœnis attriti, regio iussu
omnes penè necati sunt, præsertim maturioris
ætatis. Alibi nanque sicut Thunazudæ contigit,
Galibus, vico Ammonix, vel aliis in locis, tem-
pore quo sacramenta dei populo porrigebantur,
introcuntes maximo furore corpus Christi &
sanguinem pavimentis sparserunt, & illud pol-
lutis pedibus calcauerunt. Ipse enim Geisericus
præceperat, ita persuadentibus episcopis suis, vt
intra aulam suam filiorumque suorum non nisi
Ariani per diuersa ministeria ponerentur. Inter
alios ventum est tunc ad Armogastem nostrum.
Cuius cum diu ac sæpius tibias torquendo tu-
mentibus confringerent cordis, & frontem in
qua Christus vexillum suæ fixerat crucis ruga-
tam magisque aratam descendentes atque mu-

gientes ostenderent nerui, vt fila araneorum sancto cœlum respiciente crepabant. At vbi tortores neruicas cordas disrumpas esse viderunt, allatis crebrius fortioribus cordis atq; cannabinis, illo nihil aliud nisi Christi nomen inuocante, illa omnia vanescebant. Sed & capite deorsum dum ad vnum penderet pedem, dormire quasi super lectum plumis stratum omnibus videbatur. Quem cum Theodoricus regis filius qui eius dominus erat pœnis non valentibus capite truncari iussisset, à suo prohibetur Iocūdo presbytero, dicente sibi: Poteris eum diuersis afflictionibus interficere. Nam si gladio peremeris. incipient Romani martyrem prædicare. Tunc Theodoricus in Byzacenam prouinciam ad fodiendas eum condemnat scrobes. Postea quasi ad maius opprobrium haud procul Carthagine vbi ab omnibus videretur, pastorem eum præcepit esse vaccarum. Inter hæc domino reuelante cum dormitionis suæ proximum cerneret diem, aduocat quendam Felicem venerabilem Christianum procuratorē domus filij regis, qui Armogastem vt apostolum venerabatur, dicitq; illi: Tempus meæ resolutionis aduenit, obsecro te per fidem quam vtrique tenemus, vt sub hac filiquæ arbore me sepelire digneris, redditurus domino nostro nisi feceris rationem: non quod ille curaret vbi aut qualiter suū sepeliretur corpus, sed vt illud demonstraretur, quod seruo suo reuelauerat deus. Respondit Felix & dicit: Absit

DE PERSEC. VANDAL. LIB. I. IO
à nobis confessor venerabilis, sed sepeliam te in
vna basilicarum cum triumpho & gratia quam
mereris. Cui beatus Armogas: nō, sed quod dixi
facturus es. Ille timens dei hominem contrista-
re, veraciter quod gesserat promisit esse facturū.
Statim intra paucissimos dies comes bonæ con-
fessionis de hac vita migravit. Festinauit Felix si-
bi delegatum sub arbore fodere sepulchrū. Cui
cum intextæ radices & soliditas aridæ telluris
motam facerent, & labore angeretur quod tar-
dius sancti membra corporis humarentur, tan-
dem abscissis radicibus multo altius terram ca-
uans, conspicit sarcofagum splendidissimi mar-
moris præparatum, qualem fortè nullus omnino
habuit regum. Sed nec quendam archimimum
nomine Masculan debeo præterire. Qui cum
multis insidiis premeretur, vt catholicam omit-
teret fidem, ipse cum rex postea blandiendo af-
fatibus secularibus mutabat, promittens multis
eum diuitiis cumulandum, si voluntati eius au-
ditum facilem commodasset. Qui cum fortis at-
que inuictus maneret, iubet eum subire senten-
tiam capitalem. ita tamen callidus occulte præ-
cipiens, vt si in illa hora vibrantis gladij perti-
mesceret ictū, magis eum occideret, ne marty-
rem gloriosum fecisset. Si autem fortem in con-
fessione conspiceret, à gladio temperaret. Sed il-
le vt columna immobilis Christo solidante for-
tis effectus, confessor reuertitur gloriosus. Et si
martyrem inuidus hostis noluit facere, confes-

forem tamen nostrum non potuit violare. No-
uimus & alium ea tempestate nomine Saturum.
Qui cum lucidum esset membrū Ecclesię Chri-
sti, & prauitatem Arianorum libertate catholica
frequenter argueret (fuit hic procurator domus
Hunerici) conuenitur accusante Mariuado quo-
dam diacono, quem Hunericus infastus singu-
lariter honorabat, vt fieret Saturus Arianus: pro-
mittuntur honores & diuitiæ multæ si faceret,
præparantur supplicia dira si noller. Hac optio-
ne proposita, vt si regalibus iussis non obediret,
primo facta discussione, & ante amissa domo
vel substantia, distractis omnibus mancipiis ac
filiis, vxor eius ipso præsenre camelario in con-
iugium traderetur. Quod ille plenus deo magis
vt velociter prouenisset impios prouocabat. Ob
quā causam vxor eius inducias visa est ab his qui
exequebantur, nesciente marito petisse. Accedit
ad maritum alia Eua, consilio magistrata serpen-
tis, Sed ille Adam non fuit, qui illecebrosa veti-
tæ arboris poma contingeret, quia non indigēs
sed Saturus vocabatur, saturatus ab vbertate do-
mus dei, & torrēte deliciarum eius potatus. Ad-
uenit mulier ad locū vbi maritus singularis ora-
bat, conscissis vestibus crineq; soluto, secum co-
mitantibus filiis, vnamque infantulam quæ tunc
lactabatur manib⁹ gestans, quæ nescientis proi-
citur ad pedes mariti. Etiam ipsa suis genua cō-
plectitur vlnis, sibilans vociferatione draconis:
Miserere mei dulcissime simul & tui, miserere

communibus liberis quos conspicias ipse. Non subiaceant conditioni seruili, quos claros portapia reddidit generis nostri. Non subiiciar ego indigno & turpi coniugio viuente marito, quæ mihi semper inter cœuas plaudebam de Saturo meo. Cognoscit deus quia inuitus facturus es hoc, quod fortè voluntarie aliquanti fecerunt. Cui ille Iob sancti voce respōdit: Tanquam vna ex insipientibus mulieribus loqueris. Formidarem mulier si sola esset huius vitæ amara dulcedo, artificio coniunx diaboli ministraris. Si diligeres maritum, nunquam ad secundam mortem attraheres proprium virum. Distrahant filios, separent vxorem, auferant substantiã, mei domini ego securus de promissis verba tenebo: Si quis non dimiserit vxorem, filios, agros aut domum, meus nō poterit esse discipulus. Quid ultra? discedente muliere cum filiis refutata, confortatur Satorus ad coronam, discutitur, expoliatur, pœnis conteritur, mendicus dimittitur. Interdicitur ei prodeundi accessus, totum ei tulerunt, stolam tamen baptismatis auferre non potuerunt. Post hæc Geisericus Ecclesiam Carthagini claudi præcepit, dissipatis atque dispersis per diuersa exiliorum loca, quia episcopus non fuerat, presbyteris & ministris. Quæ vix reserata est Zenone principe supplicante per patritium Seuerum, & sic vniuersi ab exilio redierunt. Quæ verò in Hispania, Italia, Dalmatia, Calabria, Apulia, Sicilia, Sardinia, Brutiis, Lucania, Epiro

vel Hellada gesserit, melius ibi ipsi qui passi sunt miserabiliter lugenda narrabunt. Sed etiam persecutionis nostræ à Geiserico quanto sublimiter, tanto crudeliter gestæ, iste sit finis. Durauit autem in regno annis XXXVII. mensibus tribus.

LIBER SECVNDVS.



MORTVO igitur Geiserico, Hunericus maior fili⁹ patri succedit. Qui primordio regni vt habet subtilitas Barbarorum, cœpit mitius & moderatius agere, & maxime circa religionem nostram, vt etiam vbi antea sub rege Geiserico præiudicatum fuerat, ne spiritales fierent conuentus, conuenticula concurrerent populorum. Et vt se religiosum ostenderet, statuit sollicitius requirendos hereticos Manichæos, ex quibus multos incendit, plurimos autē distraxit nauibus transmarinis, quos penè omnes Manichæos suæ religionis inuenit, & præcipue presbyteros & diaconos Arianæ hereseos. Vnde magis erubescens, amplius in illos exarsit. De quibus repertus est vnus nomine Clemētianus monachus illorum scriptum habens in femore, Manichæus discipulus Christi Iesu. Propter quod magis laudabilior memoratus videbatur, in vno displicens, quia cupiditati insatiabili vehementius inhiabat, & prouincias regni sui variis calumniis atque indictionibus onerabat, vt de illo præcipue diceretur, Rex egēs, magnus est calū-

niator, dedit autem licentiā Zenone imperatore atque Placidia relicta Olibrij rogantibus, vt Carthaginēsis Ecclesia sibi quem vellet episcopum ordinasset, quæ iam per xxiiii. annos tali ornamento fuerat destituta. Mittit ergo tunc ad Ecclesiam Alexandrum illustrem, huiusmodi legationem ferentē, vt præsentia eius catholicus populus dignum sibi peteret sacerdotem, destinans quoque per notarium suum nomine Vuitared edictum, quod publice legeretur, hunc cōtinens modū: Iussit vobis dominus dici: quia imperator Zenon, & nobilissima Placidia, per Alexandrum virum illustrē scripserunt, petentes vt Ecclesia Carthaginis, religionis vestrę propriū episcopū habeat, hoc fieri pręcepit atque eis rescripsit, vel legatis ab eis directis dici iussit, vt sicut petierunt vobis episcopū quē volueritis ordinetis: eo sub tenore, vt nostræ religionis episcopi qui in Constātinopoli sunt, & per alias prouincias orientis, ex eius pręcepto episcopi, liberum arbitriū habeāt in Ecclesiis suis, quib⁹ voluerint linguis populo tractare, & legē Christianam colere, quēadmodū vos hic vel in aliis Ecclesiis quę in prouinciis Africanis cōstitutæ sunt, liberū arbitriū habetis in Ecclesiis vestris missas agere vel tractare, & quę legis vestræ sunt, quēadmodū vultis facere. Nā si hoc circa eos nō fuerit obseruatū, tā episcopus q̄ ordinatus fuerit vel clerici, sed & alij episcopi cū clericis suis qui in Africanis prouinciis sunt, iubetur inter Mauros

mitti. Quod edictū dū nobis præsētib⁹ XIII.
 Kalendarū Iuliarū vniuersæ Ecclesiæ legeretur,
 gemere cœpimus misitantes, eo quod meditāti-
 bus dolos, malorū esset futura persecutio præpa-
 rata. Et ita legato dixisse probamur: Si ita est in-
 terpositis his cōditionibus periculosis, hæc Ec-
 clesia episcopū nō delectatur habere. Gubernat
 eam Christus, qui semper dignatur gubernare.
 Quā suggestionē legat⁹ accipere neglexit. Simul
 & populus vt tunc fieret vt ignis exarsit, cuius
 erat clamor intolerabilis, qui nulla possit ratio-
 ne sedari. Ordinato itaq; episcopo Eugenio vi-
 ro sc̃tō, deoq; accepto, sublimis nata est læritia,
 & gaudium cumulatū est Ecclesiæ dei. Exultat
 multitudo catholica sub Barbara dominatione,
 de ordinatione pōtificis reparati. Nam maxim⁹
 iuuenum numerus atq; adolescētularū sibimet
 in cōmune eongaudens attestabatur, quod nun-
 quā vidisset episcopū in throno sedentem. Por-
 rō ille vir dei sacerdos Eugenius, cœpit per con-
 uersationē operum bonorum venerabilis & re-
 uerendus haberi etiā ab eis qui foris sunt, & ita
 esse ab omnibus gratus, vt si fas esset, animam
 suam pro eodem vniuersos ponere delectaret.
 Eleemosynas quoque tales per eum dominus
 dignatus est facere, vt incredibile videatur tanta
 eum impendere, vbi Ecclesia torum Barbaris te-
 nentibus, ne vnus nummi habere cognoscitur
 facultatem. Humilitatem in illo, charitatē, pie-
 tatem, diuinitus condonata, si quisquam inci-

piat non poterit explicare. Pecuniam apud eum
 mansisse non probatur, nisi fortè tali hora offer-
 retur, quando iam sol diei explicans cursum, no-
 cturnis tenebris ordinem daret & locum. Vnde
 tantum reservabat, quantum diei sufficeret, non
 quantum cupiditas expetisset, deo nostro subin-
 de quotidie ingentia & maiora donante. Sed cū
 fama eius esset celebris atque manifesta, cœpe-
 runt exinde Arianorum episcopi invidia graui
 torqueri, quotidianis & præcipue cum Cyrila
 calumniis insectantes. Quid plurimum? sugge-
 runt de illo, vt suum nequaquam sederet thro-
 num, neque dei populo verbum faceret consue-
 tum. Deinde quoscunque mares vel fœminas in
 habitu Barbato incedentes in ecclesia conspice-
 ret, prohiberet. Ille respondit vt decuit: Domus
 dei omnibus patet intrantes nullus poterit re-
 pellere, maxime quia ingēs fuerat multitudo no-
 strorū catholicorū, in habitu illorū incedentiū,
 ob hoc quod domui regiæ seruebant. At vbi ab
 homine dei tale respōsum accepit, statuit in por-
 tis ecclesiæ collocare tortores. Qui videntes fœ-
 minam vel masculum in specie suæ gentis ambu-
 lantes, illico palis minoribus dentatis iactis in
 capite, crinibusque in eisdem colligatis ac vehе-
 mentius stringentes simul cum capillis omnem
 pelliculam capitis auferabant. Nonnulli dū hoc
 fieret, statim oculos amiserunt, alij ipso dolore
 defuncti sunt. Mulieres vero post hanc pœnam
 caputibus pelle nudatis, præcone præeunte per

astutam, credo ne fortè maritum aut maiorè filium qui prudens & sapiens videbatur, consiliis acrioribus aduersus tyrannum armasset, crimine appposito gladio eam interfici iubet. Post occiditur & ille filius magnis literis institutus, cui secundum constitutionem Geiserici, eo quod maior omnibus esset, regnum inter nepotes potissimum debebatur. Accenditur adhuc crudelius aliquid perpetrare. Astante vulgo in media ciuitate pro gradibus plateæ nouæ, episcopum suæ religionis nomine Iocundum, quem Patriarchâ vocitabant, præcepit incendio concremari, ob hoc quod in domo Theodorici germani regis acceptissimus habebatur, cuius forte suffragio memorata domus regnum poterat obtinere. In quo impietatis scelere futurû nobis adesse prospeximus malum, aientes singuli inuicem nobis: qui in suo ita crudelis effectus est sacerdote, quâdo nostræ religioni vel nobis parciturus est iste. Tunc & Gentonis maiorem filium nomine Godagisum cum vxore absque solatio seruuli aut ancillæ, crudeli exilio delegauit. Fratrem vero Theodoricum post occisionem vxoris & filij, nudum atque destitutum similiter exulauit. Post cuius mortem filium qui supererat infantulum, duâsque filias eius adultas, impositas asinis longius affligendo proiecit. Sed & comites quam plurimos & nobiles gentis suæ obiectiōnibus falsis insectans, ob hoc quod germano fauerent, alios incendit, alios iugulauit, imitator

Geiserici patris, qui sui fratris vxorē ligatq̃ pondere lapidum, in Amsagam fluuium Cirtensem famosum iactando demersit, & post necem matris etiam filios interfecit. Sed & multos ei Geisericus pater moriens, sacramento interposito commendauerat. Quos ille immemor fidei & sacramenti violator, diuersis pœnis & incendiis trucidauit. Nam Heldicam quendam quem pater eius præpositum fecerat regni, iam veteranū atque annosum cum dedecore capite detruncauit, eiúsque vxorem cum alia nomine Teucaria in medio ciuitatis incendit. Quarum corpora per vicos & plateas trahi mandauit, quæ tota die iacentia, rogatus à suis episcopis vix vespere sepeliri concessit: Gamuth namque Heldicæ fratrem, quia ad ecclesiam eorum confugerat, occidere non potuit, quem tamen in loco latrinatū obsceno conclusit, temporēque multo eum ibi degerē statuit. Postea cum captario quodam & rustico ad faciendas scrobes vineis profuturas condemnauit, quos etiam duodecies per annū, id est per singulos menses flagellis crudelibus dissipabat, vix modico aquæ, cibariōque pane cōcesso. hoc per V. vel amplius perpeffi sunt annos, quibus hæc supplicia proficere poterant ad æternam mercedem si catholici fuissent, & fidei suæ merito ista perferrent. Sed ideo istud silere nequiuimus, vt impietatem regis etiam in suis minime sileremus: qui non solū episcopū suū locundū vt superi^s demonstrauimus flāmīs adussit,

sed & presbyteros & diaconos suos, id est
 Arianos quàm plurimos incendit, necnon
 & bestiis mancipauit. Amputatis igitur
 in breui omnibus quos timebat, & solidans
 sibi vt putabat regnum quod breue fuerat &
 caducum, omni ex parte ociosus atque securus,
 vniuersa tela furoris in persecutionē ecclesiæ ca-
 tholicæ rugiens sicut leo conuertit. Ante perse-
 cutionis tamen tépestatem, multis præeuntibus
 visionibus & signis imminens demonstratū fue-
 rat malū. Nam fermè ante biennium quam fie-
 ret, vidit quidam Fausti ecclesiam solito in orna-
 tu fulgentē: & dum lætaretur tanti fulgoris cā-
 dore, cereis quoque fulgentibus, palliisque vela-
 minum ac lampadibus rutilantem, subito ait lu-
 minis illius concupiscibilis extinctus est fulgor,
 ac tenebris succedentibus aduersarius naribus
 natus est fœtor, omnisque illa beatorū turba ex-
 pellentibus quibusdā Æthiopibus minata est fo-
 ras, ob hoc iugiter lamentatum quod eā in cla-
 ritate pristina nequaquā viderit iterū restitutā.
 Nam visionem istam nobis præsentibus sancto
 retulit Eugenio. Vidit & quidā presbyter ipsam
 Fausti ecclesiam refertam turbis innumerabiliū
 populorum, & post paululum euacuatam & re-
 pletam porcorum multitudine atque caprarū.
 Item alius vidit aream triticeam ventilationi pa-
 ratam, granis adhuc vētilatoris iudicio necdum
 à palea separatis: & dum ingentis massæ, licet cō-
 fusæ, magnitudinē miraretur, subito ecce turbo

veniens tempestatis sonitu iugo flatu cœpit aduen-
 tum suum surgente puluere demonstrare. Cuius
 impetu palca illa omnis omnino volauit, reman-
 entibus granis. Post hæc venit quidã procerus
 splêdido vultu habitûq; nitido fulgês, & cœpit
 grana vacua macilêta atq; similagini reppa pur-
 gâdo proijcere. Quæ diu examinâs, vix magnitu-
 dinê illius massæ, licet probatæ, ad aceruû tamê
 perduxit exiguû. Itê ali' ait: Stabat quidã præcel-
 sus super montê q̃ Ziquêsis dicitur, & clamabat
 dextera leuâque: Migrate, migrate. Alius cõspi-
 cit rugiente cœlo atque turbato sulphureas nu-
 bes, quæ ingentes cœperûnt lapides iaculari. Qui
 lapides dum cecidissent in terram, plus accende-
 bantur & maioribus flammis ardebât, atque in-
 trantes in penetralia domorum, quos inuenerât
 incendebant. Qui autem vidit ait, cum se in quo-
 dam cubiculo abscondisset, miseratione diuina
 ad eum flamma non potuit peruenire. Reor vt
 illud propheticum compleretur, Claude ostium
 tuum, & absconde te pusillum aliquantulum, do-
 nec transeat ira dei. Vidit & venerabilis Paulus
 episcopus arborem vsque ad cœlos ramis florê-
 tibus extensam, quæ etiam dilatatione sua omnê
 penê Africam opacabat. Et cum vniuersi eius
 magnitudine & speciositate gauderent: ecce su-
 bito, inquit, venit asinus violentus, qui defri-
 cans ceruicem suam super robur radicum eius,
 impulsu suo cum ingenti sonitu illam mira-
 bilem arborem elisit ad terram. Sed & Quin-

tinianus honorabilis episcopus vidit se super quendam montem stare, de quo conspiciebat gregem innumerabilium ouium suarum: & in medio gregis duæ erant ollæ nimium bullientes. Aderant autem ouium occisores, quarum carnes ollis bullientibus demergebant. Et cum ita fieret, omnis illa magnitudo consumpta est gregis. Reor ergo illas duas ollas Sicca veneria & Laribus duas esse ciuitates, in quibus multitudo prima fuerat cōgregata, è quibus incendium initium sumpsit: aut Hunericum regem, & Cirillam episcopum eius. Sed de multis visionibus quia breuitati consulendum fuit, hæc dixisse sufficiat. Quid ultra? Cēset primo tyrannus iussione terribili, vt nemo in eius palatio militaret, neque publicas ageret actiones nisi sese Ariannum fecisset. Quorum ingens numerus vigore inuictus ne fidem perderet, militiam temporalem abiecit. Quos postea domibus proiectos, omnique substantia expoliatos, in insulas Siciliam & Sardiniam relegauit. Quodam tempore statuere per totam Africam festinauit, vt nostrorum episcoporum defunctorum fiscus sibi substantiā vendicasset. Qui autem defuncto succedere poterat non ante ordinaretur, nisi fisco regali quingentos solidos obtulisset. Sed hoc ædificium vbi construere n̄sus est diabolus, statim illud destruere dignatus est Christus. Sugerunt ei domestici sui dicentes: Si istud firmauerit præceptio vestra, nostri episcopi in

partibus Thraciæ & aliis regionibus constituti
 peiora incipient pati. Præcepit deinde sacras vir
 gines congregari, dirigens Vandalos cum suæ
 gentis obstetricibus ad inspicienda & contre-
 ctanda contra iura verecundiæ verecunda pудо
 ris, vbi nec matres aderant, nec aliqua matrona-
 rum. Quas cremantes graui suspendio atque in-
 gentia pondera pedibus colligantes laminas fer-
 ri ignitas dorso, ventri, mamillis & lateribus ap-
 ponebant, quibus inter supplicia dicebatur: Di-
 cite quomodo episcopi vobiscum concumbunt
 & clerici vestri. Quarum acerbitate pœnarum
 plurimas tunc scimus extinctas: aliæ quæ reman-
 serunt cutibus arefcentibus factæ sunt curuæ.
 Nitebatur enim semitam inuenire, per cuius adi-
 tum publicam sicut fecit, faceret persecutionē.
 Et ita faciens, nullo modo inuestigare potuit
 quomodo Christi ecclesiam macularet. Qui-
 bus autem prosequar fluminibus lachrymarum,
 quando episcopos, presbyteros, diaconos, &
 alia ecclesiæ membra, id est quatuor millia
 DCCCCLXVI. ad exilium eremi destinauit: in
 quibus erant podagri quā plurimi, alij per ætatē
 annorum à lumine temporali priuati. In quorū
 erat numero beatus Felix Abdiritanus episco-
 pus, habens iam in episcopatu. XLIII. annos.
 Qui paralyfi morbo percussus, nec sēriebat quic-
 quam, nec penitus loquebatur. De quo nos ma-
 xime cogitantes quod non posset iumēto porta-
 ri, suggestimus vt à suis rex peteretur, vt saltem
 cum

eū propere moriturū Carthagini esse iussisset, q̄
 ad exiliū nulla posset ratione perducī. Cui ita fer-
 tur tyrannus cum furore dixisse: Si animali sede-
 re non potest, iungantur boues indomiti qui eū
 colligatis funibus trahendo perducant vbi ego
 præcepi. Quem ex transuerso super burdonem
 vinctum quasi quendam ligni truncum toto iti-
 nere portabamus. Congregantur vniuersi in Sic-
 censē & Larensem ciuitates, vt illuc occurren-
 tes Mauri sibi traditos ad eremū perduxissent.
 Superuenientes igitur comites duo subtilitate
 damnabili, blandis sermonibus cum dei confes-
 soribus agere cœperunt: Quid vobis, inquiunt,
 videtur vr ita pertinaces sitis, & domini nostri
 præceptis minime obtemperetis, qui esse pote-
 ratis in conspectu regis honorabiles, si eius festi-
 netis facere voluntatem? Statim illis clamantibus
 & dicentibus ingenti vociferatione, Christiani
 sumus, Catholici sumus, Trinitatem vnum deū
 inuiolabilem confitemur: includuntur grauiori
 quidem sed adhuc latiori custodia, vbi nobis co-
 pia dabatur & introire, & verbum admonitio-
 nis fratribus facere, & diuina mysteria celebra-
 re. Ibi & infantuli fuere quā plurimi, quos geni-
 trices materno sequebantur affectu, aliæ gauden-
 tes, aliæ retrahentes: aliæ gaudebant se martyres
 peperisse, aliæ morituros diluuiō rebaptisatio-
 nis nitebātur à confessione fidei reuocare. Nul-
 lum tamen tunc nec blandimenta vicerunt, nec
 carnalis pietas aliquem inclinauit ad terram.

Nam quædam quid tunc fecerit anus, breuiter referre delectat: Dum iter ageremus cum dei exercitu comitantes, & fortè magis noctibus promoueremur propter solis ardorem conspiciamus mulierculam sacculum & alia vestimenta portantem manu infantulorum vnà tenentem, atque in his sermonibus consolantem: Curre domine meus, vides vniuersos sanctos quomodo pergunt & festinant hilares ad coronas? Quam nos cū increparemus, quod importuna videretur aut viris pro sexu iungi, aut exercitui Christi sociari, Respondit: Benedicite, & orate pro me & pro isto nepote paruulo meo, quia & si peccatrix filia sum quondam Zuritanæ ciuitatis episcopi. Cui nos: Et quare ita abiecte ambulas, & qua ratione de tam longo itinere huc pergere demonstraris? Quæ respondit: Cum hoc seruo vestro paruulo ad exiliū pergo, ne inueniat eum solum inimicus, & à via veritatis reuocet ad mortem. ad hæc verba repleti lachrymis nihil dicere valuimus, nisi vt volūtas fieret dei. Sed vbi aduersarius qui iam forte dicebat: Participor spolia, replebo animam meā, interficiam gladio meo, dominabitur manus mea, nullū potuit occupare: inquit angusta & deterrima loca in quorū cōclauib⁹ dei exercitū coartaret. Tunc eis etiam visitationis humanæ negata cōsolatio, puniūtur & custodes fustibus, & grauius affliguntur, iactantur cōfessores Christi superinuicem angustia coartante, vnus super

alium vt agmina locustarum, & vt proprie dicatur, vt grana preciosissima frumētorum. In qua constipatione secedendi ad naturale officium nulla ratio sinebat loci, sed stercorea & urinā urgente necessitate ibidem faciebant, vt ille tunc fœtor & horror vniuersa pœnarum genera superaret: ad quos aliquando dantes ingentia munera Mauris, dormientibus Vandalis vix clām admissi sumus intrare. Qui introeuntes veluti in gurgite luti vsque ad genua cœpimus mergi, illuc tunc Hieremiæ videntes fuisse completum, qui nutriti sunt in croceis, amplexati sunt stercorea sua. Quid multa? præcepti sunt vndique perstreptibus Mauris, ad iter vbi destinati sunt præparari. Exeuntes itaque die dominica linita habentes stercoreibus vestimenta, facies simul & capita, à Mauris tamen crudeliter minabantur, hymnū cū exultatione domino decātantes, Hęc est gloria omnibus sanctis eius. Aderat enim ibi tunc beatus pontifex Cyprianus Vnizibirensis episcopus consolator egregius, qui singulos pio & paterno fouebat affectu, non sine fluminibus currentium lachrymarum paratus pro fratribus animam ponere, & se vltroneum si dimitteretur talibus passionibus dare, qui totum quod habuit, egētibus fratribus, nulla tūc necessitate expēdit. quærebat enim occasionem qualiter confessoribus sociaretur, ipse animo & virtute confessor qui postea per multos agones & squalores carceris, ad exilium quod desi-

derabat, cum exultatione, perrexit. Quanta tunc multitudines de diuersis regionibus & ciuitatibus, ad visendos dei martyres occurrerint populorum, testantur viae vel semitae: quae cum agmina venientium nequaquam caperent, per vertices montium & vallium concurrens turba fidelium inestimabilis descendebat, cereos manibus gestantes: suosque infantulos vestigiis martyrum proijcientes, ista voce clamabant: Quibus nos miseros relinquitis, dum pergitis ad coronas? qui hos baptizaturi sunt paruulos fontibus aquae perennis? qui nobis poenitentiae munus collaturi sunt, & reconciliationis indulgentia obstrictos peccatorum vinculis soluturi? quia vobis dictum est: Quaecunque solueritis super terram, erunt soluta & in caelis. Qui nos solennibus orationibus sepulturi sunt morientes? a quibus diuini sacrificij ritus exhibendus est consuetus? vobiscum & nos licebat pergere, si liceret ut tali modo filios a patribus nulla necessitas separaret. In his vocibus & lachrymis nullus iam pergere admissus est consolator, sed artabatur multitudo ad currendum, ut ubi cannaua erat praeparata, laboriosam caperet mansionem. qui cum senes deficerent, & alij forte & si iuuenes delicati, coeperunt hastilium cuspidibus ad currendum & lapidibus tundi: unde magis deficientes, amplius lassabatur. Post vero imperatum est Mauris, ut eos qui ambulare non poterant, ligatis pedibus ut cadauera animalis mortui traheret per dura & aspera lapidum

loca ubi primo vestimenta, postea membra singula carpebātur. Quibus per gladios acutos petrarum huic caput conterebatur, alij latera findebantur, & ita inter manus trahentium spiritum exhalabant: quorum numerum nequaquam valuimus colligere, multitudine coërcente. Exaltatur tamen per totum aggerē publicum vilis sepultura sanctorum, loquētibus tumulis. Reliqui habiliores ad solitudinis loca perueniūt, in quibus collocati hordeū ad vescēdū vt iumēta accipiūt. Vbi etiā venenatorū animalīū atq; scorpionum tāta esse dicitur multitudo vt ignorātibus incredibilis videatur, quæ solo flatu etiā procul positis veneni vir^o infundat: ab scorpīj autē percussu, nullū dicūt aliquando euasisse. Quorū feritas virulenta vsque ad præsens tempus Christo defendente, nullum seruorum eius nocuisse docetur. Sed cum illic aluntur hordeaceis granis, postea & hoc ablatū est quasi non poterat deus qui pluerat patribus manna, pascere & nunc tali exilio mancipatos. Cogitat acriora aduersus ecclesiam dei, vt qui membra aliqua absciderat, totum laniando perderet corpus. Nam die ascensionis domini legat^o Zenonis imperatoris regina præsente legendum in media ecclesia episcopo Eugenio dirigit præceptum, quod etiam vniuersæ Africæ veredis currentibus destinauit. Rex Hunericus Vandalorum & Alanorum vniuersis episcopis Omousianis. Non semel sed sæpius constat esse prohibitum, vt in sortibus

Vandalorum sacerdotes vestri conuentus minime celebrarent, ne sua seductione animas subuerterent Christianas. Quam rem spernentes plurimi reperti sunt contra interdictum missas in fortibus Vandalorum egisse, asserentes se integram regulam Christianę fidei tenere. Et quia in prouinciis à deo nobis concessis scandalum esse volumus, ideo dei prouidentia cum consensu sanctorum episcoporum nostrorum hoc nos statuisse cognoscite, vt ad diem Kalendarum Februariarum proxime futurarum, amissa omni excusatione formidinis, omnes Carthaginem veniatis, vt de ratione fidei cum nostris venerabilibus episcopis possitis inire conflictum, & de fide Omouianorum quam defenditis, de diuinis scripturis proprie approbetis, quo possit agnosci si integram fidem teneatis. Huius autem edicti tenorem vniuersis episcopis tuis per vniuersam Africam constituti direximus. Data sub die XIII. Kal. Iunias, anno VII. Hunerici. Cognoscentibus igitur qui aderamus, simulque legentibus contrita sunt extemplo corda nostra, & contenebrati sunt oculi nostri, & vere tunc dies festi nostri conuersi sunt in luctum & cantica in lamentationem, dum edicti tenor indicaret futurę persecutionis furorē. Et præsertim vbi dixit in prouinciis nostris à deo nobis concessis scandalum esse nolumus: quasi diceret, in prouinciis nostris catholicos esse nolumus. Tractatum est quid fieret. Nullum inuenit remedium

imminēs calamitas, nisi à factō Eugenio rationalis, si cor barbarum molliretur, suggerēda daretur tali rextu cōscripta. Quoties animæ vel vitæ æternæ ac fidei Christianę causâ tractatur intrepide, sicut regalis prouidētia cōpromisit, necesse est quod competit suggeratur. Nuper potestas regia per Vuitaredum notariū paruitatem meā admonere dignata est, qui nobis de merito ac religione fidei præceptū eius in ecclesia præsentē clero & plebe recensuit. Ex cuius tenore cognouimus ad omnes coëpiscopos meos præceptum regium similiter emanasse, vt die constituta pro disputatione fidei veniatur. Quod nos venerabiliter accepisse suggestimus, cui præfato notario humilitas mea suggestit, debere etiā trāsmarinarum omnium partium qui nobis sunt in vna religione vel cōmunionē cōsortes agnoscere, quia vbique regno eius obtemperant vniuersi, maxime quod totius mundi causâ non specialis prouinciarum Africanarum tātummodo. Et quia secundo responso suggerendam me promissi oblaturū, merito suppliciter peto magnificentiā tuam, vt ad domini & clementissimi regis aures memoratam suggestionem meam perferre digneris, quo eius clementia dignanter agnoscat, nos disputationē legis cum adiutorio dei nullatenus declinare vel fugere, sed sine vniuersitatis assensu nos nō debere asserēde fidei nostrę causas assumere. Quod petimus vt benignitate quāt⁹ est, & iustitia sapiētiae suæ dignetur annue

re. Data ab Eugenio episcopo ecclesię catholicę Carthaginis. Sed cum hæc suggestio à beato Eugenio offerretur, ille iam qui conceperat dolorem, urgebatur iniquitatem grauius parturire: & ita sancto viro episcopo Eugenio per Obadum præpositū regni sui mādassee videretur: Subde mihi vniuersum orbem terrarum, vt sub potestate mea totus mundus redigatur, & facio ô Eugeni quod dicis. Ad quod beatus Eugenius respondit vt potuit. Quod rationem, inquit, nō habet, dici non debuit. Sic est hoc, quomodo si dicatur homini vt per aëra feratur & volitet, quod moris non est humanę naturę. Dixi enim si nostram fidem quę vna & vera est, potestas regis cognoscere desiderat, mittat ad amicos suos: scribam & ego fratribus meis, vt veniant coëpiscopi mei, qui vobis nobiscum communem fidem nostram valeant demonstrare, & præcipue ecclesia Romana, quę caput est omnium ecclesiarum. Ad hæc Obadus: Ergo tu & dominus meus rex similes estis? Eugenius episcopus dixit: Ego non sum similis regis, sed dixi: Si veram cognoscere desiderat fidē, scribat amicis suis vt dirigāt nostros catholicos episcopos, & ego scribo coëpiscopis meis, quia catholicę vniuersę vna est cura. Hoc agebat Eugenius, non quia decissent in Africa qui aduersariorum obiecta refellerēt: sed vt illi venissent, qui alieni ab eorū dominatu, maiorem fiduciam libertatis haberent, pariterque oppressionis nostrę calūnias vniuersis terris

& populis nuntiarent. Ille autem qui neſcebar
 dolos audire noluit rationem, agens argumen-
 tationibus crebris, vt quoscunq; epiſcoporum
 audierat eruditos, variis inſectationibus agita-
 ret. Iam ad exilium Vibianenſem ſecundo Do-
 natianum impositis CL. ſuſtibus miſerat epiſco-
 pum, nec non & Suſetulenſem Præſidium, virū
 ſatis acutum. Tunc & venerabiles, Manſuetum,
 Germanum, Fuſculum, & multos alios ſuſtiga-
 uit. Dum hæc geruntur, imperat vt cum noſtræ
 religionis viris, illorum menſam nullus commu-
 nem haberet, neq; cum catholicis omnino ve-
 ſcerentur: quæ res non ipsis aliquod præſtitit be-
 neficium, ſed nobis maximum contulit lucrum.
 Nam ſi ſermo eorum, dicente Apoſtolo, ſicut
 cancer cōſuevit ſerpere, quanto magis commu-
 nis menſa ciborum poterit inquinare, cum di-
 cat idem Apoſtolus: Cum neſariis nec cibū ha-
 bere communem? Sed cum ignis iam perfecutionis
 accenderetur, & flamma inſeſtantis vbiq;
 regis arderet, oſtēdit deus noſter quoddam mi-
 raculum per ſeruum ſuum fidelem Eugenium,
 quod prætereire non debeo. Fuit in eadem ciui-
 tate, id eſt, Carthagine quidam cæcus, ciuib; ci-
 uitatiq; notiſſim⁹, noīe Felix. hic viſitatur à dño
 p̄diciturque ei nocte per viſum, dies enim epi-
 phaniorū illuceſcebat, Surge vade ad ſeruū meū
 Eugenium epiſcopum, & dices ei: Quia ego te
 ad illum direxi. Et illa hora qua benedixit fon-
 tem vt baptizentur accedētes ad fidem contin-

get oculos tuos & aperientur, & videbis lumen. Qui tali visitatione commonitus, putans se quomodo assolet deludi per somnium, surgere noluit cæcus. Sed cum iterum vergeretur in somnos, similiter vt ad Eugenium pergeret compellitur. Rursus negligit, tertioq; festinanter & grauitur increpatur. Excitat puerum, qui ei solitus erat manum porrigere. Pergit veloci agilitate ad Fausti basilicam, orat veniens cum ingentibus lachrymis, suggerit cuidam diacono nomine Peregrino, vt eum episcopo nunciaret, indicans se habere aliquod secreti genus intimidandū. Audiens episcopus iussit hominem introire. Iam enim ob celebritatem festiuitatis, hymni nocturni per totam Ecclesiam canente populo cōcrepabant. Indicat cæcus antistiti ordinem visitationis suæ, dicitq; illi: Non te dimittam, nisi mihi sicut à domino iussus es reddideris oculos meos. Cui Eugenius sanctus: Recede à me frater, peccator sum, & indignus, & super omnes homines delinquens, vt pote & qui in hæc tempora seruatus sum. Ille autem tenens genua eius, aliud non dicebat, nisi illud quod iam dixerat: Sicut iussum est, redde mihi oculos meos. Attēdens quoque Eugenius inuerecundam credulitatem, & quia iam tempus vrgebat, pergit cum eo comitāte officio clericorum ad fontem. Vbi fixis genibus cum ingenti gemitu, pulsans singultibus cælum, crispantem benedixit alueum fontis, & cum completa surrexisset oratione, ita

cæco respondit: Iam tibi dixi frater Felix, peccator homo ego sum, sed qui te visitare dignatus est, præstet tibi secundum fidem tuam, & aperiat oculos tuos. simulq; vexillo crucis consignante oculos eius, statim cæcus visum, domino reddente, recepit. Quem secum quousque vniuersi baptizarentur ibi detinuit ob hoc, ne tanto miraculo populus excitatus, virum contereret qui receperat lumen. Fit postea manifestum Ecclesiæ vniuersæ. Procedit ad altare cum Eugenio sicut moris est qui fuerat cæcus, suæ salutis oblatione domino redditurus. Quam episcopus accipiens altari imposuit. Fit strepitus gaudio metante inreuocabilis populorum, statim nuntius pergit ad tyrannum. Rapitur Felix, inquitur ab eo quid factum sit, qualiterq; receperit lumen. Dicit illi ex ordine totum, dicuntq; Arrianorum episcopi, hoc Eugenius per maleficia fecit. Et quia oppressi confusione non poterant nubilare, eo quod Felix vniuersæ ciuitati manifestus esset & notus, tamen volebant eum si fas esset necare, quomodo Iudæi suscitatum Lazarum cupiebant occidere. Appropinquabat iam futurus dies ille calumniosus Kalendarum Februarium, ab eodem statutus. Conueniunt non solum vniuersæ Africæ, verumetiam insularum multarum episcopi, afflictione & mœrore confecti. Fit silentium diebus multis, quousque peritos quosque & doctissimos viros exinde separaret, calumniis appositis enecandos. Nam vnu ex ipso cho-

ro doctorum nomine Lætum, strenuum atque doctissimum virū, post diuturnos carceris squa-
lores incendio cōcremauit, æstimans tali exem-
plo timorem incutiens reliquos elisurum. Tan-
dem venit ad disputationis conflictum, ad lo-
cum scilicet quem delegerant aduersarij. Euitā-
tes igitur nostri vociferationis tumultus, ne for-
tè postmodum Ariani dicerent, quod eos no-
strorum opprefferit multitudo, eligunt de se no-
stri qui pro omnibus responderent decem. Col-
locat sibi Cyrila cum suis satellitibus in loco ex-
celso superbissimum thronum, astantibus no-
stris, dixeruntq; nostri episcopi: Illa est semper
grata collatio, vbi superba non dominatur ela-
tio: sed ex consensu communi venit, vt cogni-
toribus decernentibus, partibus agētibus, quod
verum est agnoscat. Nunc qui erit cognitor,
qui examiner, vel libra iustitiæ aut bene pro-
lata confirmet, aut prauè assumpta refellat. Et
cum talia & alia dicerētur, notarius regis respō-
dit: Patriarcha Cyrila dixit, legatur nobis quo
concedente istud sibi nomen Cyrila assumpsit.
Et exinde strepitum concitantes, calumniari ad-
uersarij cœperunt. Et quia hoc nostri petierant
vt saltem si examinare non licebat, prudēti mul-
titudini vel expectare liceret, iubentur vniuersi
filij catholicæ Ecclesiæ qui aderant centenis fu-
stibus tundi. Tunc clamare cœpit beatus Euge-
nius: Videat deus vim quam patimur, cognoscat
afflictionem persecutionum quam à persecuto-

ribus sustinemus: conuersique nostri, Cyrilæ dixerunt: Propone quod disponis. Cyrilæ dixit: Nescio latine. Nostri episcopi dixerunt: Semper te latine esse locutum manifesto nouimus, modo excusare non debes, præsertim quia tu huius rei incendium suscitasti. Et videns catholicos episcopos ad conflictum magis fuisse paratos, omnino audientiam diuersis cauillationibus declinavit. Quod ante nostri prouidentes, libellum de fide conscripserant, satis decenter sufficienterque conscriptum dicentes: Si nostram fidem cognoscere desideratis, hæc est veritas quam tenemus.

VICTORIS EPISCOPI DE

FIDE CATHOLICA LIBER.

RE G A L I imperio fidei catholicæ quam tenemus, præcipimur reddere rationem: ideoque aggredimur pro nostrarum virium mediocritate diuino fulti adiutorio, quod credimus & prædicamus breuiter intimare. Primum igitur de vnitæ substantiæ patris & filij, quod Græci *ὁμοούσιον* dicunt, exponendum nobis esse cognoscimus. Patrem ergo & filium & spiritum sanctum ita in vnitæ deitatis profiteamur, vt & patrem in sua proprietatis persona subsistere, & filium nihilominus in propria extare persona, arque spiritum sanctum personæ suæ proprietatem retinere fidei confessione fateamur: non eundem asserentes patrem quem filium, neque

filium confitentes qui pater sit, aut spiritus sanctus: neque ita spiritum sanctum accipimus, ut aut pater sit aut filius: sed ingenitum patrem, & de patre genitum filium, & de patre procedentem spiritum sanctum, vnius credimus esse substantiæ vel essentiæ: quia ingeniti patris & geniti filij, & procedentis spiritus sancti vna est deitas, tres vero personarum proprietates. Et quia contra hanc catholicam vel apostolicam fidem exorta hæresis nouitatem quandam induxerat, asserens filium non de patris substantia genitum, sed ex nullis extantibus, id est ex nihilo substituisse: ad hanc impietatis professionem quæ contra fidem emerferat refellendam, & penitus abolendam *ὁμολογίᾱ* sermo Græcus positus est, quod interpretatur vnius substantiæ vel essentiæ, significans filium non ex nullis extantibus, nec ex alia substantia, sed de patre natum esse. Qui ergo putat *ὁμολογίαν* auferendum, ex nihilo vult asserere filium extitisse. Sed si ex nihilo non est, ex patre sine dubio est, & recte *ὁμολογίος*, id est, vnius cum patre substantiæ filius est. Ex patre autem esse, id est vnius cum patre substantiæ: his testimoniis approbatur, Apostolo dicente: Qui cum sit splendor gloriæ & figura substantiæ eius, gerens quoque omnia verbo virtutis suæ. Et ipse iterum Deus pater incredulorum perfidiam obiuigans, qui prædicantis per prophetas filij vocem in sua substantia manentem audire noluerunt, dixit: Non audierunt vocem substantiæ.

Quam vocem substantiæ cum tam terribili in-
 testatione increpans ad eundem prophetam lo-
 quitur, dicens: Super montes accipe planctum,
 & super semitas deserti luctum, quia defecerunt
 eo quod non sint homines, non audierunt vocē
 substantiæ à volatilibus cœli vsque ad pecora. Et
 rursum eos qui à professione vnius substantiæ
 declinantes in eadem fidei substantia stare no-
 luerunt, increpat, dicens: Si steterissent in substan-
 tia mea, auertissem vtique eos à via sua mala, &
 à pessimis cogitationibus suis. Et iterum nō ex-
 tra substantiam patris filium confitendum, sed
 in eadem fideliter mentis oculis contuendum,
 apertissime declaratur, dū dicit propheta: Quis
 stetit in substantia domini, & vidit verbum eius?
 Patris ergo substantiam filium esse propheticis
 iam olim designatum est oraculis, dicente Salo-
 mone: Substantiam enim & dulcedinem tuam
 quam in filios habes ostendebas, quam in figura
 & imagine panis cœlestis, populo Israel cœlitus
 apparet profluxisse: quod ipse dominus in Evan-
 gelio exposuit, dicens: Non Moyse dedit vobis
 panem de cœlo, sed pater meus dat vobis panē
 de cœlo: se vtique panem esse designans, cum
 dicit, Ego sum panis viuus qui de cœlo descen-
 di: de quo etiam propheta David dicit: Panem
 angelorum manducauit homo. Nanque vt ad-
 huc euidentius patris & filij substantiæ vnitas &
 diuinitatis æqualitas ostendatur, ipse in euange-
 lio dicit: Ego & pater vnum sumus. Quod non

ad vnitatem tantummodo volūtatis, sed ad vnā refertur eandemque substātiā, quia non dixit: Ego & pater vñum volumus, sed vnum sumus. Ex eo enim quod sunt, non ex eo tantum quod volunt paternæ unitatis declaratur assertio. item Ioannes Euangelista dicit: Propterea quærebant eum Iudæi interficere, quia non solum soluebat sabbatum, sed & patrem suum dicebat deum, æqualem se faciens deo: quod vtique non ad Iudæos est penitus referendum, quia euangelista veraciter dixit de filio, quia æqualem se faciebat deo. item in euangelio scriptum est: Quæcunq; pater facit, eadem & filius facit. Similiter & sicut pater suscitatur mortuos & viuificat, ita & filius quos vult viuificat. Item: vt omnes honorificent filium, sicut honorificant patrem. Æqualis enim honor, non nisi æqualibus exhibetur. Item ibi filius ad patrem dicit. Omnia mea tua sunt, & tua mea. Item: Philippe qui me videt, videt & patrē. Quomodo tu dicis, Ostēde nobis patrem? Hoc non dixisset, nisi patri per omnia fuisset æqualis. Item ipse dominus dixit: Credite in deum, & in me credite. Et adhuc vt vnitatem æqualitatis demonstraret, ait: Nemo nouit filium nisi pater, neque patrem quis nouit nisi filius, & cui voluerit filius reuelare: & sicut filius cui vult reuelat patrem, ita & pater reuelat filium: sicut ipse Petro ait, confitenti eum Christum filium dei viui: Beatus es, inquit, Simon Bariona, quia caro & sanguis non reuelauit tibi, sed pater meus qui in
cœlis

cœlis est. Et iterum filius dicit : Nemo venit ad patrem nisi per me, & nemo venit ad me, nisi pater qui misit me attraxerit eum. Vnde claret æqualitatem patris & filij ad se inuicem credentes adducere. Item dicit: Si cognouissetis me & patrem meum utique cognouissetis, & amodo nostis eum & vidistis eum. Verum quia duas in filio profiteamur esse naturas, id est, deum verum, & hominem verum corpus & animam habentem, quicquid ergo excellenti sublimitatis potentia de eo referunt scripturæ, admirandę eius diuinitati tribuendum sentimus: & quicquid infra honorem cœlestis potentię de eodem humiliter enarratur, non verbo dei, sed homini reputamus assumpto. Secundum diuinitatem ergo est quod superius diximus, ubi ait: Ego & pater vnum sumus. Et: Qui videt me, videt & patrem. Et: Omnia quęcunque pater facit, eadem & filius facit similiter, vel cætera quę superius continentur. Illa vero quę de eo referuntur, ista sunt: Pater maior me est. Et: Non veni facere voluntatem meam, sed voluntatem eius qui misit me. Et: Pater si fieri potest, transeat à me calix iste: vel cum de cruce dicit. Deus deus meus, quare me dereliquisti? Et iterum ex persona filij propheta dicit: De ventre matris meę deus meus es tu: vel cum minor angelis indicatur, & quàm plura his similia quę studio breuitatis non inseruimus. Filius ergo dei nullis conditionum necessitatibus obstrictus, sed libera diuinitatis po-

tētia, ita quæ nostra sunt mirabili pietate assum-
psit, vt à suis quæ diuina sunt omnino non de-
stiterit: quia diuinitas nec augmentum admittit,
nec patitur detrimentum, vnde gratias agimus
domino nostro Iesu Christo, qui propter nos &
propter nostram salutem de cælo descendit, sua
passione nos redemit, sua morte viuificauit, sua
ascensione glorificauit: Qui sedens ad dexteram
patris, venturus est iudicare viuos & mortuos:
iustis æternæ vitæ præmium largiturus, impiis
atq; incredulis merita supplicia redditurus. Pro-
fitemur itaque patrem de seipso, hoc est, de eo
quod ipse est, sempiternè atque ineffabiliter fi-
lium genuisse, non extrinsecus, non ex nihilo, nō
ex alia genuisse materia, sed ex deo natum esse:
& qui de deo natus est, non aliud est quàm id
quod pater est, & idcirco vnius substantiæ est,
quia veritas natiuitatis, diuersitatem non admit-
tit generis. Nam si alterius à patre substantiæ est,
aut verus filius non est, aut quod nefas est dice-
re, degener natus est. Est enim verus filius, sicut
Ioannes ait: Vt simus in vero filio eius. Non est
etiam deneger, quia deus verus de deo natus est
vērō: sicut idem Ioannes euangelista exequitur,
dicens: Hic est verus deus, & vita æterna. & ipse
dominus in euangelio: Ego sum, inquit, via, ve-
ritas, & vita. Ergo si aliunde substantiam non
habet, de patre habet. Si de patre habet, vnius
substantiæ cum patre est: sed si vnius substantiæ
non est, ergo non de patre, sed aliunde est: quo-

niam vnde est, inde substantiam habeat necesse est. Omnia enim ex nihilo, filius vero de patre. De duobus eligat quis quod velit: aut det ei substantiam de patre, aut fateatur ex nihilo substituisse. Sed propheticum forsitan obiicitur testimoniū: Generationem eius quis enarrabit? Cum ego non dixerim, Enarra mihi modum vel qualitatem diuinæ generationis, & tanti secreti arcanum humanis verbis enuntia, quoniam vnde nat⁹ sit requisivi. Diuina enim generatio inenarrabilis est, non ignorabilis. Nam vsque adeo non est ignorabilis, id est non ignoratur vnde sit, vt & pater de ipso genuisse, & filius de patre se natum sæpissime protestetur. Quod nullus omnino ambigit Christianus: sicut in euangelio demonstratur, ipso filio dicente: Qui autem non credit, iam iudicatus est, quia non credidit in nomine vnigeniti filij dei. Item Ioannes euangelista dicit: Et vidimus gloriam eius, gloriam quasi vnigeniti à patre. Ergo professionem nostram breui sermone cōcludimus. Si vere de patre natus est, vnus substantiæ est, & verus filius est. Sed si vnus substantiæ non est, nec verus deus est: aut si verus deus est, & tamen de patris substantiā non est, ingenuus ergo & ipse est: sed quia ingenuus non est, factura ergo est, vt putatur aliunde subsistens, si de patris substantia non est: sed absit hoc ita credere. Nos enim vnus substantiæ cum patre filium profitemur, detestantes Sabellianam hæresim, quæ ita Trinitatem

confundit, ut eundem dicat esse patrem quem filium, eundemque; credat esse spiritum sanctum, non seruans tres in unitate personas. Sed forsitan obiicitur cum ingenitus pater sit, genitus filius, non fieri posse unam eandemque esse substantiam geniti atque ingeniti, cum utique si sicut ingenitus pater est, ingenitus esset & filius, tunc magis diuersa possit esse substantia, quia unusquisque à seipso subsistens, communem substantiam cum altero non haberet. Cum vero ingenitus pater de seipso, id est de eo quod ipse est, si quid illud est aut dici potest, imò quia ut est dici omnia non potest, filium generauit, apparet unam esse gignentis genitiq; substantiam: quia deum de deo, lumen de lumine filium esse veraciter profite-mur. Nam lucem esse patrem, Ioannes apostolus restis est, dicens: Quia deus lux est, & tenebrę in eo non sunt ullę. Item de filio ait: Et vita erat lux hominum, & lux in tenebris lucet, & tenebrę eam non comprehenderunt. Et infra: Erat lumen verum quod illuminat omnem hominẽ venientem in hunc mundum. Vnde apparet patrem & filium vnus esse substantię, dum lucis & luminis diuersa non potest esse substantia, eius scilicet quę de se gignit, & quę de gignente existit. Denique ne aliquis inter patrem & filium diuersitatem naturalis luminis introducat, ideo apostolus de eodem filio dicit: Qui cum sit splendor glorię, & figura substantię eius. In quo euidentius & coeternus patri, & insepara-

bilis à patre, & vnus cum eo esse substantię per-
 docetur: dum luci splendor est semper coæter-
 nus, dum splendor à luce nunquam separatus
 est, dum splendor à luce natura substantię nun-
 quam potest esse diuersus. Quis enim splendor
 lucis est, idem & dei patris virtus est. Sempiter-
 nus ergo propter virtutis æternitatem, insepara-
 bilis propter claritudinis vnitatem. Et hoc est
 quod nos fideliter profitemur, filium de patris
 substantia natum: sicut ipsum pater deus apertis-
 simum perhibet testimonium. Qui vt de sua in-
 effabilis naturæ substantia proprium filium ge-
 nuisse monstraret, ad instruendam fragilitatis
 nostræ imperitiā, vt nos ex visibilibus ad inui-
 sibilia erigeret, terrenæ natiuitatis vocabulum
 ad diuinę generationis traxit exemplum, dicēs:
 Ex vtero ante luciferum genui te. Quid clarius,
 quid luculētius effari diuinitas dignaretur? Qui-
 bus indiciis, quibus existentium rerum exemplis
 proprietatem generationis ostēderet? Non quia
 corporeis compositus est membris, aut aliqui-
 bus artuum lineamentis distinctus: sed quia nos
 aliter veritatē diuinę generationis auditu mētis
 percipere non possemus, nisi humani vteri pro-
 uocaremur vocabulo, vt ambigi ultra non possit
 de dei substantia natum esse, quem cōstat ex pa-
 tris vtero extitisse. Credentes ergo deum patrem
 de sua substantia impassibiliter filium generasse,
 non dicimus ipsam substantiam aut diuisam esse
 in filio, aut diminutionem pertulisse in patre:

& per hoc passionis potuisse vitio subiacere. Absit enim à nobis , vt talia vel opinemur vel cogitemus de deo, quia nos perfectum patrem, perfectum filiū sine sui diminutione, sine aliqua diriuatione , sine omni omnino passionis infirmitate genuisse fideliter profiteamur. Nam qui obicit deo, qui de ipso genuit diuisionis vitium pettulit: potest dicere, quia & laborē sensit quādo vniuersa condidit , & ob hoc die septima ab omni suo opere requieuit. Sed nec in generando de seipso passionem vel diminutionem aliquam sensit, nec in condēdo vniuersa fatigationem aliquam pertulit. Nāque vt euidentius nobis diuinæ generationis impassibilitas insinueretur, deum ex deo, lumen ex lumine, filiū profitendum accepimus. Si ergo in efficiētia visibilis ac mundani luminis tale aliquid non inuenitur, vt lumine ex lumine sumpto, & per quādam generationis natiuitatem exorto, ipsam luminis originem quæ ex se lumen aliud dedit , nec minui, nec vllum omnino detrimentum ministrati ex se luminis perpeti contingat: quanto rectius & melius de diuini & ineffabilis luminis natura credendū est: quæ ex seipsa lumen generans, minui omnino non potuit? Vnde æqualis est patri filius, non natus ex tempore, sed gignēti coæternus: sicut splendor ab igne genitus gignentis manifestatur æqualis. Hæc de patris & filij equalitate, vel de substantiæ vnitatem quantum breuitatis ratio sinit dixisse sufficiat : super est vt de spi-

ritu sancto quem patri ac filio consubstantium credimus coæqualem & coeternum, dicamus & testimoniis approbemus. Licet enim hæc veneranda Trinitas personis ac nominibus distincta sit, non tamen ob hoc à se atque à sua eternitate discrepare credenda est, sed manens ante secula diuinitas in patre & filio & spiritu sancto vere ac proprie creditur, nec diuidi nostris interpretationibus potest, nec rursus versa in vnam personam Trinitas ipsa confundi. Hæc fides plena, hæc nostra credulitas est. Idcirco deos nec æstimare patimur nec vocari, sed vnum deum in prædictis personis ac nominib⁹ confitemur. Inenarrabilis enim diuinitas, non vt concludi aut apprehendi velut vocabulis posset, intra nomina personaq; se præstitit: sed vt id quod erat esse nosceretur, intelligentiam sui ex parte quam capere humanæ mentis angustia præualebant, credentibus dedit, propheta dicente: Nisi credideritis, non intelligetis. Vna est ergo trinitatis deitas, & in huius vocabuli appellatione, significatio est vnius substantiæ, non vnius personæ. Ad quam rem fidelibus comprobandam in testimonium sui diuinitas ipsa multis & creberrimis cōtestationibus semper affuit. Liceat ergo ob breuitatis compendia, ex multis pauca proferre, quoniam veræ probatio maiestatis, tametsi habet pluralitatem testimoniorum, pluralitate tamen non indiget, quoniam credenti pauca sufficiunt. Primum igitur de veteris testamēti libris,

post etiam noui, patrem & filium & spiritū sanctum vnius docebimus esse substantiæ, libro Genesim sic inchoante : In principio fecit deus cælum & terram. Terra autem erat inuisibilis & incomposita, & tenebræ erant super abyssum, & spiritus dei ferebatur super aquas. Ille Iudæis quis esset interrogantibus, dixit: Principium qui & loquor vobis. Superferebatur spiritus dei super aquas, utpote creator virtute potentie sue continens creaturam, ut ex his viua omnia producturus ipse rudibus elementis ignis proprii fomenta præstaret, & iam tunc mysterio emicante baptismatis virtutem sanctificationis liquoris natura perciperet, primæque ad vitam corpora animata produceret: Dauid proinde aspirante: Verbo domini cæli firmati sunt, & spiritu oris eius omnis virtus eorum. Vide quam plena sit breuitas, & quam clare in sacramentum vnitatis recurrit. Patrem in domino, verbi significatione filium ponens, spiritum sanctum altissimi ex ore nuncupauit. Et ne vocis ædicio acciperetur in verbo, cælos per eum asserit esse firmatos. Ne autem flatus in spiritu reputetur, cælestis in eo virtutis plenitudinem demonstrauit. Nam ubi virtus, ibi necesse est persona subsistens. Vbi omnis, non ablata à patre & filio, sed consummata significatur in spiritu sancto, non ut solus habeat quod in patre & filio est, sed ut totum habeat cum utroque. Et iterum cum de vocatione gentium dominus

loqueretur, intra vnū diuinitatis nomen spiritū sanctū prædicans, ait: Euntes docere omnes gentes, baptizantes eos in nomine patris & filij & spiritus sancti. Et iterum cœlestia Corinthiis precatus apostolus, hæc subdidit: Gratia domini nostri Iesu Christi, & charitas dei, & communicatio sancti spiritus, cum omnibus vobis. Et vt apertius in hac Trinitate vnitatem substantiæ fateamur, illud etiam nobis est intuendum, quomodo deus cum de mundi & hominis creatione disponderet, sacramentum Trinitatis ostenderet, dicens: Faciamus hominem ad imaginem & similitudinem nostram. Cum dicit nostram, ostendit vtique non vnius. Cum vero imaginem & similitudinem profert, æqualitatē distinctionis personarum insinuat, vt in eodem opere sit aperta cognitio, in quo nec pluralitas cassa est, nec similitudo dissentiens, dum & consequentia sic loquuntur: & dicit deus, & fecit, & benedixit deus. Et necesse est vt creationis totius auctor, deus vnus sit. Quam fidei rationem antiqua denique per Moysen benedictio pandit & comprobatur, qua benedicere populum sacramento trinx inuocationis iubetur: ait enim deus ad Moysen: Sic benedices populum meum, & ego benedicam illos. Benedicat te dominus, & custodiat te. Illuminet dominus faciē suam super te, & misereatur tui. Attollat dominus faciem suam super te, & det tibi pacem. Quod hoc ipsum propheta Dauid affirmat, dicens: Benedi-

cat nos deus deus noster, benedicat nos deus, & metuant eum omnes fines terræ. Quam Trinitatis vnitatem superne angelorū virtutes hymno venerātur, & ter numero, Sanctus, Sanctus, Sanctus dominus deus sabaoth indefinēti canentes ore in vnus fastigium dominationis gloriam eius exaltant. Quod vt adhuc apertius fidelium sensibus inculcetur, cœlestium mysteriorū consciū producimus Paulum. ait enim: Diuisiones autem donationum sunt, idem autem spiritus: & diuisiones ministracionum sunt, idem autem dominus: & diuisiones operationum sunt, idem vero deus qui operatur omnia in nobis. Et certè has diuisionum differentias pro qualitate ac merito participantium, spiritum sanctum docuit operari. Cum ipsarū gratiarū differentias partiretur, in vltimis intulit, dicens: Hæc autem omnia operatur vnus atque idē spiritus, diuidēs propria vnicuique prout vult. Vnde nullius ambiguitatis relinquitur locus, quin clareat spiritum sanctum & deū esse, & suæ voluntatis autorem, qui cuncta operari & secundū propriæ voluntatis arbitrium diuinæ dispensationis dona largiri apertissime demonstratur. Quia vbi voluntaria distributio prædicatur, nō potest videri conditio seruitutis. In creatura enim seruitus intelligenda est, in Trinitate vero dominatio ac libertas. Et vt adhuc luce clarius vnus diuinitatis esse cum patre & filio spiritum sanctum doceamus, Ioannis Euangelistæ tēsti-

monio comprobatur, ait namque: Tres sunt qui testimonium perhibent in cœlo, Pater, verbum, & spiritus sanctus, & hi tres vnum sunt. Nunquid ait tres indifferenti æqualitate seiuncti, aut quibuscumque diuersitatum gradibus longo separationis interuallo diuisi? Sed tres, inquit, vnum sunt. Vt autem magis magisque sancti spiritus cum patre & filio vna diuinitas in creandis rebus omnibus demonstraretur. habes creatorem spiritum sanctum in lib. Iob primo. Spiritus, inquit, diuinus est qui fecit me, & spiritus omnipotentis qui docet me. & Dauid dicit: Emitte spiritum tuum & creabuntur, & renouabis faciem terræ. Si renouatio & creatio per spiritum erit, sine dubio & principium creationis sine spiritu non fuit. Post creationem igitur ostendamus quia viuificat etiam spiritus sanctus, sicut pater & filius. Equidē de persona patris refert apostolus: Testor in cōspectu dei qui viuificat omnia. Vitam vero dat Christus. Oues, inquit, meæ vocem meam audiēt, & ego vitā æternā do illis. Viuificamur vero à spiritu sancto, ipso dicente domino: Spiritus est qui viuificat. Ecce vna viuificatio patris & filij & spiritus sancti aperte monstrata est. Præscientiam rerū omnium in domino esse & occultorum cognitionē licet nemo Christianus ignoret, tamē ex Danielis libro monstrandum est. Deus, inquit, qui occultorū cognitor es, qui præscius es omnium antequam nascantur. Hæc eadem præscientia in

Christo est, sicut refert euangelista. Ab initio autē sciebat Iesus quis esset cum traditurus, vel qui essent non credentes in eum. Quod sit autē occultorum cognitor ex hoc manifestum est, cū obscura consilia Iudæorum traducens, dicebat: Quid cogitatis nequam in cordibus vestris? Similiter præscire omnia spiritum sanctum, ipse manifestauit dicens ad apostolos: Cum venerit spiritus veritatis docebit vos omnia, & ventura annuntiabit vobis. Qui ventura nuntiare perhibetur, præscire omnia non dubitatur, quia ipse scrutatur altitudines dei, & nouit omnia quæ in deo sunt: sicut memorat Paulus dicens: Spiritus enim omnia scrutatur, etiam altitudines dei: itē in eodem loco: Sicut nemo scit hominum quæ sunt hominis, nisi spiritus eius qui in ipso est: ita nemo scit quæ sunt dei nisi spiritus dei. Ad intelligendam vero potentiam spiritus sancti, pauca de terribilibus proferamus. Vendiderat possessionem vt scriptum est in Actibus apostolorum, suppressa parte pecuniæ dolosus discipulus, reliquum pro toto ante pedes ponens apostolorum. Offendit spiritum sanctum quem putabat latere. Sed quid ad eum dixit continuo B. Petrus: Anania, quare satanas repleuit cor tuū, vt mentireris spiritui sancto? & infra: Non es mentitus hominibus, sed deo. Atque ita percussus virtute eius cui mentiri voluerat expirauit. Quid hīc vult beatus Petrus intelligi spiritum sanctum? Vtrique clarū est, cū dicit: Non es mēti

tus hominibus, sed deo. Manifestum est ergo quoniam qui mentitur spiritui sancto, deo mentitur: & qui credit in spiritum sanctum, credit in deum. Tale aliquid imò fortius quiddam dominus in euangelio ostendit: Omne peccatum & blasphemia remittitur hominibus: qui autem blasphemat in spiritum sanctum, non remitteretur ei neque in hoc seculo, neque in futuro. Ecce terribili sententia inremissibile dicit esse peccatum ei qui in spiritum sanctum blasphemauerit. Compara huic sententiae illud quod scriptum est in libro Regnorum: Si peccando peccauerit vir in virum, orabunt pro eo: si autem in dominum peccauerit, quis orabit pro eo? Si ergo blasphemare in spiritum sanctum, & peccare in deum simile, id est inextinguibile crimen est, iam quantus sit spiritus sanctus vnusquisque cognoscit. Deus quod ubique sit praesens, impleat omnia, ore discimus Esaiæ: Ego, inquit, deus approximans, & non de longinquo. Si absconditus fuerit homo in absconditis, ergo ego non videbo eum? nonne caelum & terram ego impleo? Quod autem deus sit ubique, saluator in euangelio: Vbicunque ait fuerint duo vel tres collecti in nomine meo, ibi & ego sum in medio eorum. De spiritu itaque sancto quod adsit ubique, dicit propheta ex persona dei: Ego in vobis, & spiritus meus stat in medio vestrum. & Salomō ait: Spiritus domini repleuit orbem terrarum, & hoc quod continet omnia scientiam habet vocis. Itē Dauid dicit: Quo ibo à spiritu tuo, & à

facie tua quò fugiam? Si ascendero in cœlum tu illic es, si descendero in infernum ades. Si sum-
 psero pēnas meas in directū, & habitauero in ex-
 tremis maris. Etenim illic manus tua deducet
 me, & cōtinebit me dextera tua. Habitat deus in
 sãctis suis secundū promissionē qua dixerat: Ha-
 bitabo in illis. Quod vero domin⁹ Iesus dicit in
 euāgelio: Manete in me, & ego ī vobis: pbat hoc
 Paul⁹ dicēs. An nescitis q̃a Iesus Christus est in
 vobis? Hoc autē totū in spiritus habitatione ad-
 impletur, sicut memorat Ioānes: Ex hoc, inquit,
 scimus quia in nobis est, quia de spiritu suo de-
 dit nobis. similiter & Paulus: Nescitis quia tem-
 plum dei estis, & spiritus dei habitat in vobis?
 Et iterum dicit: Glorificate & portate deum in
 corpore vestro. Quem deum? vtique spiritum
 sanctum, cuius templum esse videmur. Nā quod
 arguat pater, arguat filius, arguat spiritus sanct⁹,
 ita probandum est. In psalmo quadragesimo no-
 no legitur: Peccatori aut dicit deus. Et infra: Ar-
 guam te, & statuam contra faciem tuam. David
 similiter orans dicit ad Christum: Domine ne in
 ira tua arguas me, quia ipse venturus est arguere
 omnem carnem. Quod vero de spiritu sancto
 saluator in euangelio: cum venerit, inquit, para-
 clit⁹, ille arguet mundū de peccato, & de iustitia
 & de iudicio. Hoc prouidēs David clamabat ad
 dominum: Quo ibo à spiritu tuo, & à facie tua
 quo fugiam? Nam & quod bonus sit pater, bo-
 nus filius, bonus spiritus sanctus, sic proba-

tur. Dicit propheta: Bonus es tu domine, & in bonitate tua doce me iustificationes tuas. De se autem ipse vnigenitus: Ego sum pastor bonus. De spiritu æque sancto David in Psalmo dicit: Spiritus tuus bonus deducet me in terram rectam. Quis autem illam dignitatem spiritus sancti possit tacere? Antiqui enim prophetae clamabant: Hæc dicit dominus. Hanc vocem Christus adueniens in suam personam. reuocauit dicens: Ego autem dico vobis. Noui autem prophetae quid clamabant? sic Agabus propheta in Actibus apostolorum: Hæc dicit spiritus sanctus. Et Paulus ad Timotheum: Spiritus inquit manifeste dicit. Quæ vox omnino demonstrat indifferentiâ Trinitatis. Dicit se Paulus à Deo patre & Christo vocatū fuisse & missum. Paulus inquit apostolus nō ab hominibus neque per hominem, sed per Iesum Christum & dominum patrem. In actibus autem apostolorum, quod ab spiritu sancto sit segregatus & missus. Sic enim scriptum est: Hæc dicit spiritus sanctus. Segregate mihi Barnaban & Saulum in opus quo vocaui eos. Et paulo post: Ipsi inquit missi ab spiritu sancto, descenderunt Seleuciam. Item in eodem loco: Attendite vobis & vniuerso gregi, in quo vos spiritus sanctus constituit episcopos. Ne quis autem spiritum sanctum, quia paraclitus dictus est, contempnibile aliquid æstimet. Paraclit⁹ enim aduocatus est, vel positus consolator, secundum Latinā

linguam . Quæ appellatio etiam filio dei communis est, sicut dicit Ioannes: Hæc, inquit, scribo vocis, ne peccetis. Sed si quis peccauerit, paraclitum habemus apud patrem Iesum Christum. Nam & ipse dominus cū dicit ad apostolos, alterum paraclitum mittet vobis pater : sine dubio cum dicit alterum paraclitum, se quoque paraclitum manifestat. Sed neque à patre hoc nomen paracliti alienū est. Beneficētiæ enim nomē est, nō naturæ. Deniq; ad Corinthios Paul⁹ ita scribit: Benedict⁹ deus & pater domini nostri Iesu Christi, pater misericordiarū, & deus totius consolationis, qui nos cōsolatur. Et cū cōsolator dicitur pater, cōsolator dicitur fili⁹, cōsolator etiā spiritus sanctus, vna tamen nobis cōsolatio à Trinitate præstatur, sicut & vna remissio peccatorum, apostolo affirmante: Abluti, inquit, estis & iustificati, & sanctificati estis in nomine domini nostri Iesu Christi, & spiritu dei nostri. Possemus plura adhuc de diuinis scripturis proferre testimonia, quæ iuxta baptismi sacramentum, trinitatem vnus gloriæ, operationis ac potentiae manifestant. Sed quia ex his plenus est sapientibus intellectus, multa præteriuimus studio breuitatis. Faciamus ergo recapitulationem dictorum nostrorum . Si de patre procedit spiritus sanctus, si liberat, si dominus est & sanctificat, si creat cum patre & filio, & si viuificat, si præscientiam habet cum patre & filio, si vbique est & implet omnia, si habitat in electis,

electis, si arguit mūdū, si iudicat, si bon⁹ & rect⁹ est, si de eo clamatur, Hæc dicit spūs s̄ctus, si pphetas cōstituit, si apostolos mittit, si episcopos præficit, si cōsolator est, si cūcta dispensat prout vult, si abluir & iustificat, si tētatores suos interficit, si is q̄ cū blasphemauerit nō habet remissionem neque in hoc seculo neque in futuro, quod vtrique deo proprium est: Hæc cum ita sint, cur de eo dubitatur quod deus non sit, cum operū magnitudine quod est ipse manifestet? Non vti- que alienum esse à patris & filij maiestate, qui non est ab opere virtutum alienus. Frustra illi nomen diuinitatis negatur, cuius potestas non potest abnegari. Frustra prohibeor eū cum patre & filio venerari, quem exigor cum patre & filio confiteri. Si ille mihi cum patre & filio confert remissionē peccatorum, confert sanctificationem & vitam perpetuam, ingratus sum nimis & impius, si ei cum patre & filio non refero gloriam. Aut si non est cum patre & filio colendus, ergo nec confitendus in baptismo est. Si autem omnimodo cōfitendus secundū dictum domini & traditionem apostolorum, ne semiplena sit fides, quis me poterit ab eius cultu prohibere? In quem enim credere iubeor, ei etiam deinde supplicabo. Adorabo ergo patrem, adorabo & filium, adorabo & spiritum sanctum vna eadē que veneratione. Quod si quis durum hoc putat, audiat quomodo Dauid ad culturam dei fideles hortatur. Adorate, inquit, scabellum

pedum eius. Si religionis est adorare scabellum pedum eius, quanto magis religiosum si eius spiritus adoretur? Ille utique spiritus quem beatus Petrus in tanta sublimitate prædicauit, dicens: Spiritu sancto misso de cælis, in quem concupiscunt angeli prospicere. Si angeli cum cupiunt aspicere, quanto magis nos homines mortales despicere non debemus, ne forte & nobis dicatur, sicut dictum est ad Iudæos: Vos semper spiritui sancto restitistis, sicut & patres vestri. Quod si hæc tanta & talia non inclinant animum ad venerandum spiritum sanctum, accipe adhuc aliquid fortius. Sic enim Paulus iustruit prophetas ecclesiæ, in quibus utique & per quos spiritus sanctus loquebatur. Si, inquit, omnes prophetauerint, intret autem aliquis infidelis aut idiota, conuincitur ab omnibus, examinatur ab omnibus, occulta quoque cordis eius manifesta sunt: & tunc cadens in faciem adorabit deum, pronuntians quia vere deus in vobis est, & utique in eis spiritus sanctus est qui prophetant. Si ergo infideles cadunt in faciem, & adorant spiritum sanctum perterriti & confitentur inuiti, quanto magis fidelibus expedit, ut voluntarie & ex affectu adorent spiritum sanctum? Adoratur autem spiritus sanctus, non quasi separatim more gentilium, sicut nec filius separatim adoratur, quia in dextera patris est: sed cum adoramus patrem, credimus nos & filium & spiritum sanctum adorare: quia & cum filium inuocamus,

a trem nos credimus inuocare, & cum patrem
 rogamus, à filio nos exaudiri confidemus, sicut i-
 pse dominus dixit: Quicquid petieritis patrem
 in nomine meo, ego faciam, vt honorificetur pa-
 ter in filio. Et si spiritus sanctus adoratur, ille vt
 que adoratur cuius est spiritus. Illud autem nul-
 lus ignorat, quia diuina maiestati nec addi quic-
 quam nec minui, humanis supplicationibus po-
 test, sed vnusquisque secundum popositum vo-
 luntatis suæ, aut gloriã sibi acquirit fideliter ve-
 nerando, aut confusionem perpetuam, pertina-
 citer resistendo. Certum est enim, quia conten-
 tio & superbia damnat: honorificentia vero fru-
 ctum deuotionis expectat. Quare autem fideles
 non honorificent integre Trinitatem, ad quam
 se pertinere confidunt, cuius nomine serenatos,
 cuius seruos se nominari gloriantur? Nam sicut
 ad nomen dei patris homines dei appellantur,
 vt Helias homo dei dictus est, vt Moses homo
 dei appellatus est: sic à Christo Christiani nun-
 cupamur, sic etiam ab spiritu spiritales appella-
 mur. Si igitur vocetur quis homo dei & non sit
 Christianus, nihil est. Qui si Christianus vocetur, &
 non fuerit spiritualis, nec sibi satis de salute confi-
 dat. Sit ergo vobis secundum salutaris baptismi cõ-
 fessionem fides integra trinitatis, sit vna deuotio
 pietatis, nec more gentiliũ, potestatum diuersitates
 opinemur, aut creaturam quantum ad deitatem in
 trinitate suspicemur: sed nec Iudæorum scandalo
 moueamur, qui filium dei negant, qui spiritum sanctum

non adorant : sed potius perfectam trinitatem adorantes & magnificantes, sicut in mysteriis ore nostio dicimus, ita conscientia teneamus: Sāctus, sanctus, sanctus domin⁹ deus sabaoth. Ter dicentes sanctus, vnam omnipotentiam confitemur, quia vna est religio, vna glorificatio trinitatis. Vt audiamus ab Apostolo, sicut audierunt Corinthij : Gratia domini nostri Iesu Christi, & dilectio dei, & communicatio spiritus sancti cū omnibus vobis. Hęc est fides nostra, euangelicis & apostolicis traditionibus, & omnium quæ in hoc mundo sunt catholicarum ecclesiarum societate fundata, in qua nos per gratiam dei omnipotentis permanere vsque ad fidem vitæ huius confidimus & speramus. Directa XII. Kalendarum Maiarum, per Ianuarius Zattarensem, Villaticum à Casis medianis, episcopos Numidiæ, Bonifacio Foratianensi, & Bonifacio Gatiannensi episcopis Byzacenis.

LIBER TERTIVS.



VI cū noster libellus legeretur oblat⁹, veritatis lumen nequaquā sufferre cæcis oculis potuerunt, insaniētes vocibus inferēdis, grauitérq; ferētes quare nos nomine nostro catholicos dixerimus. Statimque mentietes suggerunt regi de nobis, eo quod strepitum fecerimus, audientiam fugientes. Qui eadem

hora accensus & credens mendacio, festinauit facere quod volebat. Et iam conscriptum habens, & occulte cum eodem decreto per diuersas prouincias suos homines dirigens, episcopis Carthagine positis, vna die vniuersæ Africæ ecclesias clausit vniuersamque substantiam episcoporum & ecclesiarum, suis episcopis munere condonauit. Nesciens quoque quid loqueretur, neque de quibus affirmabat, legē quā dudū Christiani imperatores nostri contra eos & contra alios hæreticos pro honorificentia ecclesiæ catholicæ promulgauerunt, aduersum nos illi proponere non erubuerunt, addentes multa de suis sicut placuit tyrannicæ potestati. Hæc est enim series datæ & propositæ legis.

Rex Hunnericus Vandalorum & Alanorum, vniuersis populis nostro regno subiectis. Triumphalis & maiestatis & regis probatur esse virtutis, mala in autores consilia retorquere. Quisquis enim aliquid prauitatis inuenerit, sibi imputat quod incurrit. In qua re nutum diuini iudicij elementia nostra secuta est, quod quibusque personis prout eorum facta meruerint, seu bona seu forte talibus contraria dum facit expendi, simul etiam prouenit compescari. Itaque his prouocantibus qui præceptionem inclytæ recordationis patris nostri, vel mansuetudinis nostræ crediderint esse temnendam, censurâ seueritatis assumimus. Auctoritatibus enim cunctis populis fecimus innotesci, vt in sortibus Vanda

dalorum nullos conuentus omouſiani ſacerdo-
tes aſſumerēt, nec aliquid myſteriorū quę magis
polluunt ſibimet vindicarent. Quod cum videremus eſſe neglectū, & plurimos eſſe re-
perſos, dicentes ſe integrā regulam fidei retinere, poſt-
modum vniuerſos conſtat fuiſſe cōmonitos ſpa-
cio tēporis pręrogato menſium, nouęque con-
tentionis, ſi quid ab eorum propoſito poſſet ap-
tari, vt ad Calēdas Februarias anni octauī regni
noſtri, ſine metu aliquo conuenirent. Qui dum
huc ad Carthaginēſem cōfluerent ciuitatē poſt
moram temporis pręſtituti, aliam quoque dila-
tionem aliquātorū dierū dediffe cognoſcimus.
Et dum ſe conſlictui paratos aſtruerent, primo
die à venerabilibus episcopis noſtris eis videtur
eſſe propoſitum, vt Homouſion ſicut admoniti
erant ex diuinis ſcripturis proprie approbarent,
aut certe quod à mille & qui id excurrunt pon-
tificibus de toto orbe in Ariminenſi cōſilio, vel
apud Seleuciam amputatum eſt, prædānarent.
Quod nequaquam facere voluerūt, vniuerſa ad
ſeditionem per ſe concitati populi reuocantes.
Quinimò & ſecunda die dum eis mandarem, vt
de eadem fide ſicuti propoſitū fuerat, reſpon-
derent, hoc euidenter aſſumpſere temeritate trā-
facta, vt ſeditione & clamoribus omnia pertur-
bantes, ad cōſlictū facerent minime perueniri.
Quibus hoc prouocantes, ſtatuim⁹ vt eorū eccle-
ſię clauderentur, hac illis conditione præſcripta,
vt tandiu eſſent clauſæ, quādiu malēt propoſitū

peruenire, q̄ ea obstinatione facere noluerūt, q̄
 prauis videtur assumpsisse cōsiliis. Adeo in hos
 est necessarium ac iustissimū retorquere, q̄ ipsa-
 rum legum cōtinentia demonstratur, quas indu-
 ctis secū in errorem imperatoribus diuersorum
 tunc contigit promulgari. Quatū illud videret
 tenere conceptio, vt nulla super exceptis institu-
 tionibus suis antistibus ecclesia paruisset, nulli
 liceret aliis aut conuictus agere, aut exercere cō-
 uetus, nec ecclesias aut in vrbibus aut in quibū
 dam paruissimis locis penitus obtinere neque
 cōstruere, sed præsumpta fisci viribus iungeren-
 tur: sed etiam & eorum patrimonia ecclesiis suæ
 fidei sociata, suis antistitibus prouenissent, nec
 cōmemorare quæcūque loca talibus licētia pa-
 tuisset: sed extorres omnibus vrbibus redderē-
 tur & locis, nec baptismatis haberēt omnino ali-
 quam facultatem, aut forte de religione disputa-
 rent, & nullā ordinandi haberent licentiam, siue
 episcopos, siue presbyteros, vel alios quos ad cle-
 ros pertinere contingeret, proposita seueritate
 vindictæ: vt tam hi qui se paterentur huiusmodi
 honores accipere, quā etiā ipsi ordinatores, de-
 nis libris auri singuli multarentur, eo adiecto, vt
 nullus eis locus esset vel aditus supplicandi, sed
 etiam si qua specialia meruissent, minimè præ-
 ualerent. Et si in hac perniciē perdurarent,
 & de proprio ablati in exilium sub prosecu-
 tione idonea mitterentur: in populōs quoque
 præfati imperatores similiter sequentes, quod eis

nec donandi libertas, nec testandi, aut capiendi, vel ab aliis derelictum penitus subiaceret, nō fidei commissæ nomine, non legati, non donationibus, aut relictione quæ mortis causa appellatur, vel quolibet codicello aliisue forsitan scripturis: ita ut etiam qui suis palatiis militarent, condemnationi grauissimæ pro dignitatis merito facerent subiectos, ut omni honoris priuilegio expoliati, infamiam incurrerent, & publico crimini huiusmodi personæ se cognoscerent esse subiectos, officialibus etiam iudicum diuersorum, xxx. argenti pondo pœna proposita: quam si quinque vicibus in errore perdurantibus contigisset inferre, tum demum tales conuicti atque subiugati verberibus, in exilium mitterentur. Deinde codices vniuersos sacerdotū quos persequerentur, præceperant ignibus tradi. Quod de libris huiusmodi, quibus sibi nominis illius errorem persuasit iniquitas, præcipimus faciendum. Hæc enim, ut dictum est, pro singulis quibusque personis illi obseruanda præceperant, ut Illustres singillatim auri pondo quinquagena darent, Spectabiles auri pondo quadragena, senatores auri pondo tricena, populares auri pondo vicena, sacerdotales auri pondo tricena, decuriones auri pondo quina, negociatores auri pondo quina, plebeiij auri pondo quina, circumcelliones auri pondo dena. Et si qui forte in hac perniciē permanerent, confiscatis omnibus rebus suis, exilio multarentur. Ordī,

nes autem ciuitatum, sed & procuratores & conductores possessionum, tali pœna videbantur affligere, vt si forte tales celare diligerent, & minime publicassent, & retentos iudicio non facerent præsentari, ipsi tenerentur ad pœnam: conductoribus etiam regalium prædiorum hac multa proposita, vt quantum domui regis inferrent, tantum etiam fisco pœnæ nomine cogerentur exsoluere. Id generaliter in omnibus conductores vel possessoribus qui in eadem superstitione crediderint perdurandum, constituerunt obseruari: iudicibus etiam qui huic rei instantissime non imminebant, pœna proscriptionis & sanguinis supplicium poneretur. Sed & de primatibus officiorum tres numero punirentur, aliis xx. librarum auri condemnatione multandis. Quare his necesse est constitutionibus obligari omniūianos omnes, quos huiusmodi mali persuasionis constat tenuisse & tenere materiam. Quos ab hominibus supradictis abstinere decernimus, in prosecutione vêturis per ordines cunctarum urbium. Sed etiam iudices qui superioribus neglectis, dira supplicia diuersis non intulisse monstrantur, omnes supradictæ fidei omniūsiou erroribus implicatos, quæ cuncto prædamnata est concilio tantorum numero sacerdotum, vniuersis rebus prædictis & contra-ctibus præcipimus abstinere, quod nihil sibi no-uerint esse permissum, sed vniuersos similis pœna maneat & astringat, si ad veram religionem

quam veneramur & colimus, intra diem Kalendarum Iuniarum anni octauī regnī nōstri conuerſi nō fuerint. Diem autem praeſtitutum idem pietas noſtra conſtituit, vt praeſdamnaris errorū indulgentia non negetur, & obſtinatos animos ſupplicia digna coerceant. Qui autem in eodem errore permaſerint, ſeu domus noſtræ occupati militia, ſeu forſitan diuerſis titulis neceſſitatibusque praeſpoſiti, pro gradibus ſuis dictarum ſuperius multarum illariones cogantur excipere, nihil valituris quæ forſitan per ſurreptionem quemquam talium contigit promereri. In priuatos etiam vel cuiuſcunque gradus & loci perſonas, hoc noſtra promulgatio praecepit obſeruandum, quod circa tales ſupradictis legibus videbatur expreſſum, vt poenæ congruæ ſubderetur. Iudices autem prouinciarum quod ſtatutum eſt negligentes exequi, ſuperiori poenā quæ talibus eſt praeſcripta conſtituimus obligandos. Veris autem maiestatis diuinæ cultoribus, id eſt ſacerdotibus noſtris Eccleſias vniuerſas, vel totius cleri nominis ſupradicti quibuſcunque terris & regionibus conſtitutas, quæ propitia diuinitate imperij noſtri regimine poſſidentur, vnā cum rebus quæ ad eaſdem pertinent, hoc decreto ſta- tuimus debere proficere, non dubitantes plus alimoniae inopum proficere, quod ſacroſanctis pōtificibus iuſte collatum eſt. Hanc ergo legem fonte iuſtitiae profluentem, cunctis praeſcipimus innotefcere, quatinus nullus ſibi ignotum eſſe

quod præceptum est possit obtendere. Optamus vos bene valere. Data sub die V I. Kalend. Mart. Carthagine.

Post hæc edicta feralia veneno toxicato transfusa, iubet cunctos episcopos qui Carthagine fuerant congregati, quorum iam Ecclesias domos & substantiam ceperat, in hospitiiis quibus erant expoliari, & expoliatos foras muros propelli, non animal, non seruus, non muranda quæ ferebant vestimenta penitus dimittuntur, addens adhuc, vt nullus quempiam illorum hospitio reciperet, aut alimoniam præstaret. Qui autem hoc miserationis causa facere tentasset, cum vniuersa domo sua incendio cremaretur. Sapienter tunc etiam proiecti episcopi fecerunt, vt licet mendicantes exinde non abirent, quia si recederent, non tantum violenter omnino reuocarentur, sed & mentirentur eos sicut mentiti sunt fugisse conflictum, maxime quia vbi reuerteretur, iam nequaquam fuerat Ecclesiis substantia, vel domibus occupatis. Dum ergo gementes in circuitu murorum nudo sub aëre iacerent: factum est vt rex impius ad piscinas exisset. Cui vniuersi occurrere maluerunt dicentes: Vt quid taliter affligimur? pro quibus malis forte commissis ista perpetimur? Si ad disputationem congregati sumus, quare expoliati? quare traducimur? quare differimur? & sine Ecclesiis & domibus nostris foras ciuitatem fame & nuditate laborantes, mediis stercorebus volutamur? Quos

ille toruis oculis aspiciens, priusquam suggestio-
 stionem eorum audisset, iussit super eos cum ses-
 soribus equos dimitti, vt tali violentia possent
 non solum conteri, verumetiam necari. Quorū
 tunc multi contriti sunt, & præcipue senes & in-
 firmi. Tunc deinde iubentur ad quendam locū
 qui dicitur ædes Memoriarum illi viri dei occurre-
 re, fraudem sibi nescientes aptatam. Vbi cum ve-
 nissent, charta eis ostenditur inuoluta, diciturq;
 illis ista subtilitate serpētis. Dominus noster rex
 Hunnerichus, licet doleat quod fueritis contē-
 ptiores, & adhuc eius voluntati obedire tardetis
 vt eius efficiamini religionis cuius est ipse, nunc
 tamen bonum de vobis cogitauit. Si iuraueritis
 ita, vt quod ista charta continet faciatis, dimittit
 vos Ecclesiis & domibus vestris. Ad quod vni-
 uersi episcopi responderunt: Semper dicimus &
 diximus, & dicturi sumus: Christiani sumus, epi-
 scopi sumus, apostolicam fidem vnam & veram
 tenemus. Factoque post confessionem fidei silē-
 tio modico, illi qui à rege fuerant destinati, fe-
 stinabant extorquere episcopis sacramentum.
 Tunc beati viri Hortulanus & Florentinianus
 episcopi, pro omnibus & cum omnibus dixerūt:
 Nunquid animalia nos irrationabilia sumus, vt
 nescientes quid charta contineat, facile aut te-
 mere iuremur? Accelerauerunt quoque illi à re-
 ge destinati scripturę eis propalare tenorem, qui
 huiusmodi sermonibus fuerat coloratus. Sic
 enim calumniosa series cōtinebat. Iurate si post

obitum domini nostri regis, eius filium Hilderichum desideratis esse regem: vel si nullus vestrum ad regiones transmarinas epistolas diriget: quia si sacramentum huius rei dederitis, restituet vos Ecclesiis vestris. Cogitavit tunc multorum pia simplicitas, etiam contra prohibitionem diuinam sacramentum dare, ne dei populus in posterum diceret, quod vitio sacerdotum qui iurare noluerunt, non fuerint Ecclesiæ restitutæ. Alij quoque astutiores episcopi sentientes dolum fraudis, nequaquam iurare voluerunt, dicentes prohibitum fuisse euangelica autoritate, ipso domino dicente: Non iurabis in toto. Quibus ministri regis, secedant in parte, inquit, qui iurare disponunt. Qui cum secederent, notariis scribentibus quis quid diceret, & ex qua ciuitate fuisset exceptum est. Similiter factum est & de illis qui minime iurauerunt. Statimque pars vtraque custodiæ mancipatur. Post vero fraus quæ celabatur apparuit. Iurantibus dictum est: Quare contra præceptum euangelij iurare voluistis? Iussit rex vt ciuitates atque Ecclesias vestras nunquam videatis, sed relegati, colonatus iure ad excolendum agros accipiatis: ita tamen vt non psallatis neque oretis, aut ad legendum codicem in manibus gestetis. Non baptizetis, neque ordinetis, aut aliquem reconciliare præsumatis. Similiter non iurantibus ait: Quia regnū filij domini nostri non optatis, idcirco iurare nolulistis. Ob quam causam iussi estis in Corsica-

nam insulam relegari, vt ligna profutura nauibus dominicis incidatis. Addidit itaq; bestia illa, sanguinem sitiens innocētum, episcopis necdum adhuc in exilium directis, per vniuersas Africanæ terræ prouincias, vno tempore tortores crudelissimos destinari: vt nulla remansisset domus & locus, vbi non fuisset eiulatus & luctus, vt nulli ætati, nulli parceretur sexui, nisi illis qui eorum succumberent voluntati. Hos fustibus, illos suspendio, alios ignibus concremabāt. Mulieres & præcipue nobiles contra iura naturæ nudas omnino in facie publica cruciabant. Ex quibus vnā nostrā Dionysiam, cursim ac breuiter nominabo. Cum viderent eam non solum audacem, sed etiam matronis cæteris pulchriorem, ipsam primo nisi sunt fustibus expoliata aptare. Quæ cum peteret, diceretque de domino suo secunda, qualiter libet cruciate, verecunda tamen membra nolite nudare: Amplius illi magis furientes, celsiori loco vestimentis exutam consistūt, spectaculum eam omnibus facientes. Quæ inter ictus virgarum dum riuuli sanguinis toto iam corpore fluitarent, libera voce dicebat. Ministri diaboli, quod ad opprobrium meum facere computatis, ipsa est laus mea. Et quia erat scripturarum diuinarum scientia plena, artata pœnis, & ipsa iam martyr, alios ad martyrium cōfortabat. Quæ suo sancto exemplo vniuersam suam patriam liberauit. Quæ cum suum vnicum filium admodum adhuc teneræ ætatis & deli-

DE PERSEC. VANDALO. LI. III. 40
catum, timore pœnarum formidolosum conspi-
ceret, verberans eum nutibus oculorum, & in-
crepans autoritate materna ita confortauit, vt
matre multo fortior redderetur. Cui inter cru-
delia verbera constituto, ita dicebat: Memento
fili mi, quia in nomine trinitatis in matre catho-
lica baptizati sumus, non perdamus indumen-
tum nostræ salutis, ne veniens inuitator, vestem
non inueniat nuptialem, & dicat ministris: Mit-
tite in tenebras exteriores, vbi erit fletus oculo-
rum, & stridor dentium. Illa pœna timenda est
quæ nunquam finitur. Illa desideranda vita, quæ
semper habetur. Talibus itaque filium solidans
verbis, velociter martyrem fecit. Venerabilis ve-
ro adolescens Maioricus nomine, in certamine
confessionis spiritum reddens, cursum palmife-
rum consummauit. Amplexansque illam ho-
stiam suam, quantis potuit vocibus domino gra-
tias agens, ad gaudium spei futuræ in sua domo
maluit sepelire, vt quotiens super sepulchrum
eius trinitati preces effundit, alienam se à filio
nunquam esse confidat. Quanti igitur per eam
in illa ciuitate vt fati sumus, acquisiti sunt deo,
longum est enarrare. Nam & eius germana no-
mine Datiua, atque Leontia filia sancti Germa-
ni episcopi, cognatusque Datiuæ venerabilis E-
melius medicus, religiosus quoque Tertius tri-
nitatis confessione præclatus, vel Sibidensis Bo-
nifacius quanta pertulerint, qualibuscumque crucia-
tibus euisceratur vel euiscerati sint, qui valet ex

ordine dicar. Serui quoque Tuburbitanæ ciuitatis maioris generosus & nobilis vir pro Christo quas pertulit quis explicet pœnas? Qui post cædes innumerabilium fustium, trocleis frequentibus eleuatus, dum tota præ vrbe penderet, nunc in sublime se tollente ictu celeri, dimissis iterum cannabinis, super filices platearum pondere corporis veniens, ut lapis super lapides corruerat. Sed & sapius tractum, & lapidibus acutissimis defricatum, & cutibus separatis, pelles corporis lateribus dorsoque videres & ventre pendere. Iste iam temporibus Geiserici non valde dissimilia pertulerat, ne amici cuiusdam sui secreta nudaret: quanto magis nunc ut suæ fidei sacramenta muniret? Et si hominis gratiæ fideliter exhibuit fidem, quantum debet illi, qui redditurus est pro fide mercedem? In ciuitate vero Culusitana non valco quæ gesta sunt nuntiare, quia & ipsam quantitatem martyrum vel etiam confessorum impossibile est homini supputare. Vbi quædam matrona auctrix sui nominis Victoria, dum in conspectu vulgi continuato suspendio cremaretur, à marito iam perduto filiis præsentibus taliter rogabatur: Quid pateris coniunx? Si me despicias, vel horum quos genuisti miserere impia paruulorum. Quare obliuisceris vteri tui, & pro nihilo ducis quos cum gemitu peperisti? Vbi sunt fœdera coniugalis amoris? Vbi societatis vincula quæ inter nos dudum honestatis iure tabulæ conscriptæ fecerunt? Respice quæso
filios

filios ac maritum, & regis iussionis implere festina præceptum, ut & imminetia adhuc tormenta lucreris, simul & mihi doneris & liberis nostris. Sed illa nec filiorum fletus, nec serpentis audiens blandimenta, affectum multo altius eleuans à terra, mundum cum suis desideriis contemnebat. Quam cum iam continuatione suspendij vultis humeris, etiam qui cruciabant conspiceret mortuam, deposuerunt prorsus omni parte exanimem. Quæ postea retulit quandam sibi virginem astitisse, atque tetigisse membra singula, & ilico fuisse sanata. Qualiter autem Aduentinæ ciuitatis ciuem Victorianum tunc proconsulem Carthaginis prædicem, nescio deficientibus verbis. Quo in Africæ partibus nullus ditior fuit, qui etiam apud impium regem pro rebus semper sibi commissis fidelissimus habebatur. Mandatur ei à rege familiariter diciturque, quod cum habiturus esset præ omnibus, si eius præcepto facilem commodasset assensum. Sed ille vir dei missis ad se tale dedit cum fiducia magna responsum: Securus de deo & Christo domino meo, dico quæ regi dicatis. Subrigat ignibus, adigat bestiis, excruciet generibus omnium tormentorum, si consensero, frustra sum in ecclesia catholiqua baptizatus. Nam si hæc præfens vita sola fuisset, & aliam quæ vere est non speraremus eternam, nec ita fecissem ad modicum atque temporaliter gloriari, & ingratus existere, qui tuam fidem mihi contulit creditori. Ad quod

tyrannus excitatus, quantorū temporū, & quantis eum affluerit pœnis, humanus sermo nō poterit explicare. Qui tripudians in domino feliciterque consummans, martyrialem coronā accepit. Apud Tambaiensem quoque ciuitatem gesta, quis queat certamina martyrum explicare? Vbi duo germani Aquisregiensis ciuitatis, sibi securi de domino inuicem iurauerunt, & rogauerunt tortores, vt vna pœna parique supplicio torquerentur. Et dum primo suspendio molibus lapidum pedibus alligatis tota die penderent, vnus illorum periuit sese deponi, & sibi inducias dari. Cui frater alius metuēs ne fidē negaret, de suspēdio clamabat: Noli noli frater, nō ita iurauimus Christo. Accusabo te cū ante thronū eius terribilē venerimus: quia super corpus eius & sanguinē iurauimus, vt pro eo inuicē patiamur. Ista dicens & alia multa, confortauit germanum ad prælium passionis. Qui clamans ingenti voce dicebat: Adigite suppliciis quibus vultis, & pœnis Christianos artate crudelibus. Quod frater meus factururus est, hoc etiam ego. Quantis iam laminis ignitis adusti sunt, qualibus vngulis exarati, quibus cruciatibus torti, ipsa res docet, & quod eos ipsi tortores à sua facie proiecerūt dicentes: Istos imitatur vniuersus populus, vt nullus ad nostram religionem penitus conuertatur, & præcipue quia nulli liuores, nulla pœnatum vestigia in eis penitus videbantur. In Typasensi vero quod gestum est Mauritaniæ maioris ciui-

rate, ad laudem dei insinuare festinemus. Dum
 suæ ciuitati Arianum episcopū ex Notario Cy-
 rillam ad perdendas animas ordinatū vidissent:
 omnis simul ciuitas euectione nauali de proxi-
 mo confugit, relictis paucissimis qui aditum nō
 inuenerant nauigandi. Quos Arianorum epis-
 copus primo blandimentis, postea minis com-
 pellere cœpit, vt eos faceret Arianos. Sed fortes
 in domino; non solū suadentis insaniam irrise-
 runt, verumeriam publice mysteria diuina in do-
 mō vna congregati celebrare cœperunt. Quod
 ille cognoscens, relationem occulte Carthaginē
 aduersus eos direxit. Quæ cum regi innotuisset,
 comitem quendam cum iracundia dirigens, præ-
 cepit vt in medio foro congregata illuc omni
 prouincia; linguas eis & manus dexteris radici-
 tus abscidisset. Quod cum factum fuisset, spiritu
 sancto præstante, ita loquuti sunt & loquuntur,
 quomodo antea loquebantur. Sed si quis incre-
 dulus esse voluerit, pergat nunc Constantino-
 polim & ibi reperiet vnum de illis subdiaconem
 Reparatum, sermones politos sine vlla offensione
 loquentem. Ob quam causam venerabilis ni-
 mium in palatio Zenonis imperatoris habetur,
 & præcipue regina mira eū reuerētia veneratur.
 Sed quis cōgruo sermone possit exequi aut co-
 ceruare diuersitates pœnarū, quas ex iussu regis
 sui, etiam ipsi Vandali in suos homines exercue-
 runt? In ipsa quoq; quæ gesta sunt Carthaginē, si
 nitatur scriptor singillatim astruere: etiam sine

ornatu sermonis, nec ipsa nomina tormentorū poterit edicere. Quę res hodięque posita in prōptu demonstrat. Alios sine manibus, alios sine oculis, alios absque pedibus, alios trūcos naribus auribūque intendas, aliōsque videas nimio suspendio pilis euulsis, caput quod eminere solebat in medio scapularum fuisse demersum, dum iugiter in altis ædibus suspendio cruciantes, impulsione manuum funibus agitati, per vacuum aerem huc atque illuc faciebant vagari pendentem. Qui nonnunquam diruptis funibus de illa altitudine suspensionis ictu valido corruentes, plurimi arcem cerebri cum oculis amiserūt: alij contractis ossibus spiritum continuo reddiderunt, alij post paulum exhalauerunt. Sed qui hoc fabulosum putat, Vranium Zenonis legatum interroget, cuius præsentia præcipue gesta sunt, illa scilicet causa, quia veniens Carthaginem, sese pro defensione ecclesiarum catholicarū venisse iactabat. Et vt illi ostēderet tyrannus neminem formidare, in illis plateis vel vicis plures tortores & crudeliores statuit, in quibus legatis moris est ascendendo ad palatium & descendendo transire ad opprobium videlicet reipublicæ ipsius, & in nostri iam deficientis temporis fecem. Tunc igitur & quædā vxor cuiusdā cellaritæ regis nomine Dagila, quę réporibus Geiserici multoties iā confessor extiterat, matrona nobilis ac delicata, flagellis & fustibus omnino debilirata, exilio arido & inuio relegatur, vbi nullus homi-

num forte consolationis gratia veniendi haberet accessum, relinquens cum gaudio domum, maritū, simul & filios. Cui postea oblatum esse dicitur, vt in mitiorem heremū translata, frueretur si vellet solatio sociorū. Illa vero ingens sibi adesse credens gaudium, vbi nullus humanus esset cōsolantis affectus, ne fieret supplicauit. Tūc etiam Eugenio pastore iam in exilio constituto, vniuersus clerus ecclesiæ Carthaginis eade inediaq; maceratur, ferè quingenti vel amplius. Inter quos quāplurimi erant lectores infantuli, qui gaudentes in domino, procul exilio crudeli traduntur. Sed libertatē tunc dum media vrbe crederentur, Murittæ diaconi, cæteris liberiorē tacere non debeo. Fuit quidā Elpidoforus nomine. nimiū crudelis & ferox, cui fuerat delegatum mēbra confessorum Christi suppliciis grassantibus laniare. Hic enim dudum fuerat apud nos in Ecclesia Fausti baptizatus, quem venerabilis Muritta diaconus de alueo fontis susceperat generatum. Post vero dū apostataret, tantæ exitit feritatis aduersus ecclesiā dei, vt superior omnibus executor persecutionis fuisset inuentus.

Quid multa? Dum primo presbyteri supplicii macerandi ordine citarentur, post archidiaconū Salutarem, artatur pœnis memoratus Muritta. Fuit enim secundus in officio ministrorum. Qui cum Elpidoforo sedente & tremante, honorabilis senior cœpisset extendi, priusquam exueretur, clam furtō nescientibus cunctis, illa quibus

eum suscipiens de fonte dudum texerat sabana
 baiulabat. Quibus ventilatis, simulque in osten-
 sione cunctorum extentis, in his verbis totam
 ad fletum & lachrymas commouisse dicitur ci-
 uitatem. Hæc sunt lintheamina Elpidosore mini-
 ster erroris quæ te accusabunt, dum maiestas ve-
 nerit iudicantis, custodiente diligentia mea ad
 testimonium tuæ perditionis, ad demergendum
 te in abyſſo putei sulphurantis. Hæc te immacu-
 latum cinxerant de fonte surgentem. Hæc te a-
 crius persequentur, flammantem gehennam cū
 cœpetis possidere, quia induisti te maledictio-
 nem sicut vestimentum, scindens atque amit-
 tens veri baptismatis & fidei sacramentū. Quid
 facturus es miser, cum serui patrisfamilias ad
 cœnam regiam congregare cœperint inuitatos?
 Tunc te aliquando vocatum, terribiliter indi-
 gnatus exutum stolâ rex conspiciet nuptialem,
 dicetque tibi: Amice, quomodo huc venisti ve-
 stem non habens nuptialem? Non video quod
 contuli, non nosco quod dedi. Perdidisti militiæ
 chlamydem, quâ in tela virginorū mēbrorum
 decem mensibus texi, & rendiculas crucis quas
 extendens aquam mundaui, & purpura mei san-
 guinis decoraui, non conspiciunt oculi mei: ca-
 racterem non video trinitatis, talis interesse non
 poterit epulis meis, ligate eum pedibus & ma-
 nibus funiculis suis, quia se ipse voluntarie se-
 parare voluit à catholicis dudum fratribus suis.
 Ipse funes extendit continuatos in laqueum,

quibus & semetipsum vinxit, & aliosne ad istud venirent conuiuium impediuit. Iuxta semitam multis scandalum posuit, quem nūc cum robore perpetuo, & dedecore sempiterno de conuiuium meo proieci. Hæc & alia Muritta dicente: igne consciētiae ante ignem æternum obmutescens Elpidoforus torrebatur. Parantes itaque vniuersi dorſa sua verberibus, alacres ad exilium pergunt. Quibus adhuc in itinere longioris viæ constitutis, destinantur episcopis Arrianorum suggerentibus homines immisericordes ac violenti, vt illud quod eis forte miseratio Christiana victui contulerat profuturum, crudeliter auferretur, quando vnus quisque eorum libentius forte cantabat: nudus exiui de vtero matris meę, nudum me oportet ad exilium pergere, quia dominus nouit esurientibus cibum porrigere, & in deserto vestire. Vandali nanque duo sub Geisericho sæpius confessores, comitante matre contemptis omnibus diuitiis suis, cum eisdem clericis ad exilium perrexerunt, De multitudine autem pergentium confessorum, id est, ecclesiis Carthaginis clericorum, suggerente quodam ex lectore Teuchatio perduto, quos ille nouerat vocales, strenuos atq; aptos modulis cātilenæ, designatione sua debere dicit duodecī infantulos separari, quos ipse dum catholicus esset tūc discipulos habuit. Statim illo suggerente, sub festinatione vito dimittuntur, & vi barbarici furoris bis senus numer⁹ puerorū de itinere renocatur.

Segregantur corpore nō spiritu à grege sanctorum. Qui timentes præcipitium, cum suspiriis lachrymarū ne diuellerentur costringebant manibus genua sociorum. Quos violentia tamen hæretica minacibus separans gladiis, Carthagini reuocauit. Sed cum eis quasi cum tali ætate non blanditiis ageretur, superiores suis inuenti sunt annis, & ne obdormirent in morte lucernam sibi euangelici luminis accenderunt. Indignantur ob hoc grauius Ariani, & se superatos à pueris erubescunt. Vnde accensi subditi fustibus iubent, quos iam ante paucissimos dies variis verberibus dissipauerant. Imprimuntur vulneribus vulnera, & rursum pœna restaurata crudescit. Factum est domino confortante, vt nec ætas minor deficeret in dolore, & magis animus cresceret roboratus in fide. Quos nunc Carthago miro colit affectu, & quasi duodecim apostolorū, chorum conspicit puerorum. Vnà degunt, simul vescuntur, pariter psallunt, simul in domino gloriantur. Illis diebus & duo negotiatores Frumentius & alius Frumentius & eiusdem vrbs, egregio martyrio coronati sunt. Tūc & septem fratres nō natura sed gratia, simul in monasterio commanentes, confessionis certamine expleto, immarcescibilem peruenerunt ad coronam, id est, Liberatus abbas, Bonifacius diaconus, Seruus subdiaconus, Rusticus subdiaconus, Rogatus monachus, Septimus monachus, & Maximus monachus. Nam illo tempore crudelius Aria-

norum episcopi, presbyteri & clerici, quam re-
 ges & Vandali sæuiebant. Nam ad persequen-
 dum ipsi cum suis clericis vbique gladiis accin-
 cti currebāt: sicut quidam episcopus inter illos
 cæteris crudelior Antonius nomine, qui tam ne-
 faria & incredibilia in nostros exercuit, vt narra-
 ri non queant. Fuit iste in quadam ciuitate pro-
 xima eremo, quæ Tripolitanæ prouinciæ vici-
 natur. Qui vt bestia insatiabilis, catholicorum
 sitiens sanguinem, huc illucque ad rapiendum
 fugientes excurrerat. Nam impius Hunnericus
 sciens Antonij ferocitatem, in ipsis heremi par-
 tibus voluit sanctum Eugenium relegare. Quē
 dum custodiendum Antonius accepisset, ita
 eum artiori custodia cinxit, vt nullum ad eum
 introire permitteret: insuper variis insidiarum
 atque pœnarum suppliciis extinguere cogita-
 uit. Sed Eugenius sanctus dum nostræ persecu-
 tionis defleret incommoda, & asperitate cili-
 cij senile attereret corpus, nudamque super
 humum cubitans, stratum sacci sui rigaret imbri-
 bus lachrymarum, aliquando sensit infestum pa-
 ralysis morbū, Quo nuntio in gaudia conuersus
 Arianus, pergīt festinus ad cubile eximij homi-
 nis dei. Et cum videret vrgente passione verum
 pontificem balbutientia verba producere, co-
 gitauit simul extinguere, quem superesse nole-
 bat. Præcepit vt acetum asperum nimisque acer-
 rimum quæreretur. Cui cum fuisset allatum, ve-
 nerabilis senis recusantibus & nolentibus fauci-
 bus ingerebat. Nam si communis dominus qui

ad hoc venerat vt potaret, cum gustasset noluit bibere, quanto magis iste seruus & confessor fidelis omnino nollet, nisi hæretica feritas ingessisset? Ex quo aceto præsertim ille passionis noxiæ morbus, accipit augmentû. Cui pietas Christi misericorditer subueniens, postea sanum exhibuit. Alio autem nostro episcopo Habetdeû similiter relegato, Tamallumensis ciuitatis in qua Antonius fuerat, quantum potuerat infestari res ipsa demonstrat. Nam cum diuersis eum persecutionibus affligeret, nec posset eum facere Arrianum, videretque Christi militem semper in confessione constantem, promiserat suis dicens: Nisi eum nostræ fecero religionis, non sit Antonius. At vbi in sua promissione minor inuentus est, suggerente sibi diabolo cogitat aliud. Pedibus manibûsque ligatis, vinculis ingentibus artat episcopum, orêque obturato ne lingua clamaret, aquam corpori vt putabat rebaptizationis spargit: quasi valeret conscientiam ligare cû corpore, aut non adesset qui audit gemitus compeditorum; & cordis secreta rimatur, vel superare posset aqua mendax, tantæ voluntatis propositû, quod iam homo dei merantibus lachrymis miserat legatum in cœlum. Exiit statim virum vinculis, & tali quasi gaudens prosequitur voce. Ecce iam frater Habetdeum noster Christianus effectus es, Quid vltra facere poteris, nisi vt volutari consentias regis? Cui Habetdeum. Illa est impie Antoni mortis dānatio, vbi voluntatis tene-

DE PERSEC. VANDAL. LI. III. 46
tur assensio. Ego fidei meæ tenax, vocibus cōfi-
tens crebris quod credo & credidi, clamādo de-
fendi. Sed & postea quān catenis vinxisti, & o-
ris ianuam oppilasti in prætório cordis violētiæ
meæ scribentibus angelis gesta confeci, & lecti-
tanda imperatori meo transmissi. Erat quidē ge-
neralis ista violentia tyrannorum. Nam Vandali
pro hac re vbique fuerant destinati, vt transeun-
tes itinera sacerdotibus suis adducerent iugulan-
dos. Ac vbi eos fallacis aquæ gladio peremissēt,
indiciū eis perditionis scriptura teste tradebāt,
ne alibi sua violentia traherentur, quia nō lice-
bat siue priuatis, siue negociatoribus alicubi tra-
sire, nisi scriptam characteris indicio, suam miseri
ostenderent mortem. Quam per reuelationem
seruo suo Ioanni olim ostenderat Christus, vbi
dicit: nulli licebit aliquid emere vel vendere, ni-
si qui habuerit characterem bestię in fronte sua,
& in manu sua. Nam & episcopi atque presby-
teri illorū cum armatorum manu nocturnis tē-
poribus vicos & oppida circuibant, & sic despi-
catibus ianuarum aquam gladiumque gestātes,
animarum prædones intrabāt: & quos domi re-
pererant, alios forte in lectulis soporatos imbre
igneo atque fulmineo respergentes, dæmonica
vociferatione christianos suos ipsi pariter vocita-
bāt, vt ludū prorsus suæ hæreseos, quān aliquā
religionē ostēderēt. In quo minus capaces & i-
gnavi, impletum in se pollutionis sacrilegium:
putabāt prudētiores vero nihil sibi q̄ nolētibus

atque dormientibus ingestum est, obesse gaudebant. Nā & multi eadem hora cinerem capitibus suis iniecerunt, alij sese vel quia factum est cilicio lugubri texerunt, nonnulli cæno fœtido linierunt, & linteamina violenter imposita per fila consciderunt, & que in latrinis fœtidisque locis manu fidei proiecerunt. Tali violentia nobis videntibus, ibi Carthagine filius cuiusdam nobilis annorum circiter septem, iussu Cyrillæ à parentibus separatus est, matre sine verecundia matronali solutis crinibus post raptores tota vrbe currente, infantulo clamante vt poterat: Christianus sum, Christianus sum, Christianus sum. Cui & os obturantes, in fontem infantiã in suũ gurgitem demerferunt, Ita de filiis medici venerabilis Liberati, factum esse probatur. Nam cum iussu regis cum vxore & liberis ad exilium mitti iuberetur, cogitauit impietas Arriana à parentibus filios paruulos separare, quo posset per pietatis affectum, etiam virtutem prosternere genitorum. Disiunguntur tenera pignora filiorum. Qui cum vellet lachrymas emittere, autoritate vxoria increpatur, & in ipso meatu exitus sui illico lachrymæ siccauerunt. Ait enim ei coniunx: En propter filios Liberate perditurus es animã tuam? Computa eos nō fuisse natos. Nam & ipsos omnino vindicaturus est Christus. Nōne vides eos clamantes & dicentes, Christiani sumus? Sed hæc mulier quid in conspectu iudicũ egerit, tacendum non est. Nā cū ipsa & maritus li-

cet seorsum, carceris tamē custodia tenerentur, ita vt se penitus non viderent: mandatur mulieri, diciturque illi: Solue iam duritiam tuam. Ecce vit tuus paruit imperio regis, & noster factus est Christianus. Atque illa: Videam illum, & faciam ego quod voluerit deus. Educta igitur de carcere, inuenit vitum suum stantem cum ingēti multitudine pro tribunalibus connexum: & verum estimans quod fecerant inimici, iniecta manu apprehendens oram vestimentorum eius gutturi proximam, videntibus omnibus suffocabat eum dicens: Perdite & reprobe, gratiæ dei & misericordiæ eius indigne quare voluisti ad modicum gloriari, & in æternum perire? Quid tibi proderit aurum? quid argentum? nunquid liberabunt te de camino gehennæ? Dixit & alia multa. Cuius maritus respōdit: Quid pateris mulier: quid tibi videtur? aut quid forte de me audire potuisti? Ego in nomine Christi catholicus permaneo, nec amittere potero aliquādo quod teneo. Tunc heretici mendacij sui conscij & detecti, fallaciam suā colorare minime potuerunt. Et quia superius de violentia immanitatis eorū breuiter diximus, hanc plurimi metuentes, alij se in speluncis, alij in desertis locis viri vel fœminæ nullo sibi conscio sese claudebant, & ibidem nulla succurrente sustentatione ciborum, fame vel frigore victi, contritū & contribulatū spiritū exhalabāt inter hæc afflictionis incōmoda inuiolatæ secū fidei securitatē portantes. Sic

enim Cresconius presbyter Myzétinæ ciuitatis, in spelunca Ziquensis montis repertus est, putrescente iam solutus cadauere. Et quia de sancto Habetdum præfati iam sumus, pergit tunc ad Carthaginem, adire censuit nefarium regem, ut conscientiam suam quam semper familiarem trinitas habuit & amicam, etiam hominibus faceret manifestam. Nec cum retinere potuit Antonius, propter verecundiâ suam. Offert impiissimo regi libellum in hac similitudine verborum. Quid quæso iam cum proiectis habetis? quid cum eis quos exilio relegastis quotidie dimicatis? Abstulistis substantiam ecclesiis, patria domibûsque priuatis, sola anima remansit, quam captiuare contenditis. O tempora, ô mores, vniuersus hæc mundus intelligit, & ipse qui persequitur videt. Si fides dicitur quam tenetis, quid veræ fidei membra tantis persecutionibus agitaris? Quid vobis cum exilio nostro? quid vobis cum egenis in seculo, quorum est vita semper in Christo? Liceat saltem gaudere consortio bestiarum, eis quos abiecistis à facie omnium populorum. Dum hæc & his similia pôtifex dixisset, sceleratus tyrannus, hoc ei mandasse perhibetur. Vade ad episcopos nostros, & quod tibi dixerint sequere, quia ipsi huius rei habere noscuntur per omnia potestaté. Sed neque Antonium hæc res ab insania potuit reuocare, sciens se magis imperio regis ob hoc multum posse placere, Habetdum vere episcopum gaudentem bo-

no conscientiarum suarum, ad locum exilij maluit remeare. Ea repente facta est incredibilis fames, & cepit Africam totam vix depopulatione vastare. Nullus tunc adfuit imber, nulla prorsus gutta de caelo profluxit. Nec frustra, sed vero & iusto iudicio dei, ut ubi persecutoribus cœnoscitur gurgitis aqua ignis & sulphuris bulliebat, indulgentiarum cœlestis quæ semper affluenter aderat pluuia negaretur. Lurida remanserat terræ facies omnis; non vitis tegebatur æstate pampineis opacata virgultis, non sata respersa vultus cespitum viridabant, non olea semper viridis foliisque repleta iucundis, decoris sui consuetum tegmen habebat, non pomorum virgulta maritante tellure gemmas produxerant florum, postea fructus ut assolent editura. Tristia fuere tetræque omnia, ut par pestilentiarum clades Africam confunderet omnem. Non hominibus, non iumentis germinantes herbas ediderat tellus, omnino virores aruerant. Dudum currentium impetu precipiti aluci fluminum, fontiumque crispantes perennitate subtracta pariter siccauerant venæ. Oves & boues vniuersi, insuper & pecora campi, simulque bestiarum sylvarum, inedia consumente nusquam penitus viscebantur. Et ubi forte graminosus cespes humida tunc in valle locatus; pallentem potius quam virentem nascens fœni ceperat proferre colorem; illico vrens & igneus flatus aderat totum torrendo desiccans, quia puluerea tempestas arido subere decoquens cuncta omne nebulauerat locum. Nullum

gestum est tempore illo commercium : nullum
 cespitem terræ iuuenis trahentibus scindens
 vertit aratrum, quia nec boues suberant, nec ca-
 stra omnino remanserant. Sed & rusticorū ma-
 nus alia interierat, & subinde quæ forte super-
 erat iam sepulturam quærebat. Et quia urgente
 famis incommodo neque commercia, vt fati su-
 mus cōsuetudini, neque cultura reddebatur de-
 bita terris, iuuenum, senum, adolescentium, at-
 que adulescentularum, puerorum, vel etiā puel-
 larum, agmina simul & funera, vbi potuerant,
 quomodo poterant passim diffundeabantur cir-
 cūeuntes oppida, vicos, vel singulas vrbes. Con-
 uersi enim in arcum peruersum, atque irritantes
 deum ad aquam cōtradictionis, famem patiebā-
 tur vt canes, non vt comederent panem, sed vt
 infensam sentirent quam negauerāt trinitatem.
 Alij diffusi per campos, alij sylvarum secreta pe-
 tebant, antiquas radices herbarum, vel quisqui-
 lias alias requirentes. Nonnulli cum domo nite-
 rentur egredi, ipso limine corruentes, caterua-
 tim fame debellante cadebant. Strata vero vel
 semitæ cadaueribus repletæ, exhalatium fœtore
 mortuorum, gradientes viuos omni ex parte
 necabant. Nec deerant quotidie vbique expiran-
 tium funera, & non fuerat vittus, quæ miseratio-
 nis impēderet sepulturam. Neque enim suffice-
 bant ad sepeliendum viui fame dominante, &
 ipsi post paululum morituri. Cupiebant singuli
 libertatem suam filiorūque suorum perpetuæ
 serui-

seruituti redigere, & non poterāt inuenire. Mō-
tes & colles, plateæ ciuitatum, viæ vel semitæ v-
num omnibus fecerant vbique sepulchrū, qui-
bus inedia depascens denegauerat victū. Vanda-
li autē ipsi quos & postea frequētia multarū p-
uinciarum spolia & retētio Africæ primo fece-
rant diuites, maiore magis inopia torquebātur.
Et quanto sibi videbantur seruorum aggestione
superbi, tanto amplius deficiebant fame torquē-
te defecti. Nullus filiū, null⁹ coniugē, nullus pro-
prium tenuit seruum, sed exiens vnusquisq; non
vbi voluit sed valuit, aut statim defecit, aut nū-
quam omnino rediuit. Vrgebatur infelix multi-
tudo, ad ipsam se urbē Carthaginem cōgregare.
Et dū illuc cateruatim adhuc animata cadauera
confluerent, vbi rex inferendarum mortium vi-
dit strages, pelli vrbe omnes ilico iubet, ne con-
ragio deficientium, cōmune pararet etiam exer-
citu ei⁹ sepulchrū. Suis ergo prouinciis & do-
mibus singulos imperat reuocari, sed nec erat
qui reuerteretur, dum vtique sepulturā suam in
vultu portaret. Et idcirco forte maior rebapti-
zatorū perditio potuit prouenire, quia dū pro-
mittitur ab Arrianis pręsentis trāfactio vitę, nec
illud obuēnit, & mors sequens prima, secundam
præuenit. In tantum sibi deuastans vindicauit
fames dominium. vt loca nōnulla & admodum
populosa habitatoribus extinctis, alto nunc silē-
tio parietibus solis extantibus conquiescant.
Sed quid ego iamā immoror in hoc, quod expli-

care non queo: Nam si nunc superessent, vel eis fari de talibus rebus licuisset, & Tulianę eloquętię fluuius siccaretur, & Salustius elinguis omnı modis remaneret. Et vt alienos indignos rei tantę pręterea, si Cæsariensis surgeret Eusebius ad hoc opus idoneus, aut eius translator gręcę facundia, latinıque floribus Ruffinus ornatus. Et quid multa? non Ambrosius, non Hieronymus, nec ipse noster sufficeret Augustin^s. Audite hęc omnes, aurib⁹ percipite omnes qui habitatis orbem, quique terrigenę & filij hominũ simul in vnum diues & pauper. Nõnulli qui barbaros diligitis, & eos in condemnationem vestram aliquando laudatis, discutite nomen, & intelligite mores. Nunquid alio proprio nomine vocitari poterant, nisi vt barbari dicerentur, ferocitatis vtique crudelitatis & terroris vocabulum possidentes? Quos quantiscunque muneribus foueris, quantiscunque delinieris obsequiis, illi aliud nesciunt nisi inuidere Romanis, & quantum ad eorum attinet voluntatē, semper cupiunt splendorem & genus Romani nominis nebulare, nec vllum Romanorum omnino desiderāt viuere. Et vbi adhuc noscuntur parcere subiectis, ad vtendum seruitiis illorum, nam nullum dilexerūt aliquādo romanũ. Si disputare nitebatur de fide nobiscũ barbara ferocitas & hęcesis Ariana, ratio nabiliter disputaret. Sed quādo tenuit rationē, quā a patre deo deũ filiũ separat saluatorē? Quare dolis & calumniis egerūt, & velut spirit⁹ tēpe

statis procella sui furoris totū subuertere voluerunt? Si disputatio necessaria fuerat episcopalis, quare suspēdia, quare ignes, quare vngulæ, simul & cruces? quare Arianorum serpentina proles, contra innocentes genera talia tormentorū inuenit, qualia nec ipse Mezentius exquisiuit? Dimicauit contra innocentia cupiditas furoris, & auaritia crudelitatis, vt& animas pderet, & substantiam harpagaret. Si collatio desiderabatur, quare rapinæ rerum alienarum, non tantum sacerdotum, verumetiam omnium laicorum? Sed illi expoliati lætati sunt, & rapinam rerum suarū cū gaudio susceperunt. Assit iam quæso omnis ætas, oīs sex⁹, omnisq; cōditio. Assit obsecro omnis turba catholici nominis, quæ gremio materno toto orbe gestatur, quæ sola germanum commodare nouit affectum, quæ didicit à Paulo magistro, & gaudentibus collætari, & cum lugentibus lamentare. Conueniant simul ad domū nostri doloris, & paribus oculis fundamus flumina lachrymarum, quia causæ & fidei nostræ vnum est negotium. Nullum volo ad condolendum mecum hæreticum conuenire, qui forte addere concupiscit super dolorem vulnerum meorum, & gratulatur quotidie malis meis. Nolo nolo ego extraneum, sed fraternum quæro affectum. Nolo aliquem filiorum alienorum, quorum os locutum est vanitatem, & dextera eorum dextera iniquitatis: quia filij alieni semper mentiti sunt mihi, qui inueterauerunt &

claudicauerūt à semitis suis. Isti dicūt mihi quotidie: Vbi est deus tuus dum affligitur populus precioso agni sanguine comparatus. Inter quorum opprobria ego ad flagella paratus, cantare non desisto domino flagellāti: Amoue à me flagella tua, quia defeci nō à fortitudine man⁹ tuar, sed à persecutione hæresis Ariianæ. Adueniant omnes qui mecum angustæ viæ carpunt iter, & propter verba labiorum dei vias custodiunt duras, & videāt si est dolor sicut dolor meus. Quoniā vindemiata sū in die furoris domini, aperuerūt super me os suū omnes inimici mei, sibilauerūt & fremuerūt dentibus, dixerūt deuorauim⁹ eam. En ista est dies quam expectauimus, inuenimus, vidimus. Adestote angeli dei mei, qui nunquā deestis constituti in ministerio vestro, propter eos quī hæreditatem capeßuri sunt æternæ salutis, & videte Africam totam dudum tantarū ecclesiarum cuncis fultam, nūc ab omnibus desolatam, tantis ordinibus sacerdotum ornatam, modo sedentem viduam & abiectam. Sacerdotes eius & seniores in desertis locis & insulis defecerunt quærendo sibi escas ad manducandum, & non inueniunt. Considerate & videte, quia Sion ciuitas dei nostri facta est vilis, facta quasi polluta menstruis inter inimicos suos. Manum suam misit hostis ad omnia desiderabilia eius, quia vidit gentes inuadere & ingredi atria sua, de quibus præceperas ne introirent ecclesiam tuam. Viæ eius lugent, co

quod nemo veniat in die festo. Egressus est à facie eius omnis decor & deliciae, didicerunt vias asperas ambulare, virgines & iuvenes ei⁹ in aulis educati monasteriorum, abierunt in captiuitatē Maurorū, dum lapides sancti eius disperguntur, non tantum in capitibus omnium platearū, sed etiam in locis squalidis metallorum. Dicite deo nostro susceptori, & habentes fiduciam supplicandi quoniam tribulatur, & venter illius turbatus est à fletu eius, quia sedit inter gentes, & requiem non inuenit, nec est qui consoletur eā. Quæsiuit à patribus orientis qui simul cōtristaretur, & non fuit: consolantem, & non inuenit: dum manducaret in esca sua fel, & in siti sua potaretur aceto, sponsi & domini sui passiones imitando, qui idcirco passus est pro ea, vt sequatur vestigia eius. Deprecamini patriarchæ de quorū stirpe generis nata est, quæ nunc laborat in terris. Orate sancti prophetæ, cognoscētes afflictā, quā antea vaticinante præconio cecinistis. Estote apostoli suffragatores eius, quam vt congregaretis, vniuersum orbem ascendente in vobis domino, vt equi velocissimicursitastis. Præcipue tu Petre beate, quare siles pro ouibus & agnis, à cōmuni domino magna tibi cautela & sollicitudine commendatis? Tu sancte Paule gentium magister, qui ab Hierusalem vsque ad Illyricū prædicasti euangelium dei, cognosce quid Vandali faciunt Ariani, & filij tui gemunt lugēdo captiui. Vniuersiq; ingemiscite sancti simul pro no-

bis apostoli. Sed scimus quia indignum est vobis pro nobis orare, quia ista quæ venerunt nobis non ad probationem quomodo sanctis, sed malis meritis supplicia debebantur. Sed & pro malis orare iam filii, quia & Christus oravit etiam pro inimicis Iudæis. Sufficiant castigationi quæ iuste illata sunt nobis, & iam iamque delinquentibus venia postuletur. Dicatur angelo percutienti, sufficit: iam cohibe manum tuam. Quis ignoret hæc nobis probrorum nostrorum scelera, procurasse aberrantibus à mandatis dei, & in lege eius nolentibus ambulare? Sed prostrari rogamus, ut non spernatis vestros miseros peccatores, per eum qui vos ad apostolicum culmen prouexit humiles pisces. Tenuit sceleratissimus Hunnericus dominationem regni annis septem, mensibus decem, meritorum suorum mortem consumans. Nam putrefactum & ebulliens vermibus, non corpus, sed partes corporis eius videntur esse sepultæ. Sed & ille legis dator & transuersor ex Donatianorum hæresi ad eos veniens quondam Nicasius, in breui simili morte periit.

FINIS.

52

PASSIO BEATISSIMORVM
martyrum, qui apud carthaginem passi
sunt, sub Imperio Regis Hunnerici
VI. NON. IVLII.

Rædicaturus triumphos martyrum
beatorum, ad enarranda quæ gesta
sunt, auxilium exposco diuinum,
vt qui illis præstitit superandi vi-
ctoriam, mihi indigno & immeri-
to quantulacunque verborum porrigat orna-
menta. Tunc etenim valebo quæ desiderata sunt
indicare, si ipsi dignentur pro me misero, domi-
no supplicare. Septimus namque agebatur an-
nus crudelissimi atque impiissimi regis Hūnerici,
& ecce antiquus hostis veternosus vtique an-
guis, trisulcæ linguæ venena vibrās Chirila quo-
dam Arriomanitarum episcopo ministro vsus
est, subuertens & obtinens animū regis cruenti,
vt ita suaderet non posse eum pacatum atque
longæuū obtinere regnum, nisi nomen perde-
ret innocentum. Qui tamen dei iudicio post nō
multos dies turpissima morte præuentus, scatēs
vermibus expirauit. Insectari cœpit ore cruento
omnem catholicorum multitudinem, quæ per
totam prouinciam Africanam in modum sicut
prædictum est Abrahæ patriarchæ arenæ maris
fuerat multiplicata: vt eam rebaptizationis sau-
ciaret machæra, atque stolam illam singularis &
puri baptismatis, quam Christus vino carnis suæ

purificans, prælo exprimens crucis fecerat deal-
 batam tetræ nigredinis turparet illuue sordidu-
 lenta. Accipiens quoque tyrannus vt erat du-
 cibilis & ferus serpentinam suggestionem, feralibus
 edictis vno tempore totâ cœpit Africam
 commouere. Primo sacerdotū & ministrorum
 copiosissimam & maximam turbam, in longin-
 quis & extremis regionibus exilio crudeli de-
 trusit. Quibus bis acutum genus frumenti, quod
 iumentis solis edere concessum est, nequaquam
 industria molari contritum, sed manente furfu-
 ris cortice loriatum, pro miseratione dare præ-
 cepit. Post vero crescente impietatis insania, e-
 tiam hoc auferri crudelissimus imperauit. Post
 modicum quoque temporis, vniuersas simul ec-
 clesias præiudicatis venerabilibus portis, ce-
 mentis ingentibus claudi mandauit. Vniuersa
 nanque monasteria virorum vel puellarum san-
 ctarum, gentibus, id est, Mauris cum habitatori-
 bus donare præcepit. Vnus fuit omnibus eiula-
 tus, vnus pro Christo moriendi integer & ple-
 nus affectus. Paria currebant flumina lachryma-
 rum, quia permiserat dominus cibari eos pane
 lachrymarū, & potari eos in lachrymis mēsurarum,
 aut forsitan sine mensura. Et si reperta est
 exiens de arca inhians cadaueribus mortuis pars
 aliqua pereuntium coruorum, maior est tamen
 in nomine trinitatis numerus feliciū colum-
 barum. Quanti nobiles & optimi viri, ampli &
 lati cespitis domini, terram cum cœlo commu-

tauerunt, & simul corpus cum substantia traderunt: atque delicatæ & nobilissimæ fœminæ contra verecūdiam naturæ spectante vulgo virgis cæfæ, variisque tormentis cruciatæ, victricia trophæa portarunt. Quanti infantuli irridentes edicta feralia, ante mundū contempserunt, quā illecebrosam eius semitam introirent. Tunc apprehensi sunt & septem fratres, quantum pertinet ad concordiam dominicæ seruitutis, in monasterio habitantes in vnum: quia bonum est & iucundum, habitare fratres in vnum. Id est Bonifacius diaconus, Seruus subdiaconus, Rusticus subdiaconus, Liberatus abbas, Rogatus monachus, Septimus monachus, & Maximus monachus, in numero scilicet Machabæorum germanorum. Quos vna mater ecclesia catholica genuerat, & per viscera fontis æterni salubriter pepererat, de territorio Capsensis ciuitatis, cui præfuit sanctus Vindemialis sacerdos egregius, & Christi fidelis antistes. Quibus attractis ad urbem Carthaginensem, primo eis illecebrosis blandimentis serpens voluit sibilare, promittens honores caducos, & diuitias ingentium voluptatū, necnon & regis amicitias, vel alia multa quæ solent insipientium animas occupante diabolo, visco mundiali captare. Sed hæc omnia milites dei ac si contagia respuerunt, clamantes vno ore: Vnus dominus, vna fides, vnum baptisma. Nec poterit in nobis adiuuante domino iterari, quod in sancto euangelio semel præceptum est dari:

quia qui semel lotus est, non habet necesse iterum lauari, quia mundus est totus. Facite quod vultis, inferte pœnas corporibus nostris. Melius est temporalia ad modicum sufferre supplicia, quàm æterna pendere & subire tormenta. Habere quæ promittitis, cum ipsis diuitiis post paululum perituri. Nobis vero nullus de postibus frontium valebit euellere, quod in vno baptismo artifex trinitatis dignatus est titulare. Quid multa? Dum tali constantia diuinitus munirentur, iussi sunt carcerali custodiæ m̃cipari. Et ita crudelius onerati ferri ponderibus, tenebrosis deputati sunt locis, vbi nulla miseratio arrideret lenitatis. Sed populus ille memoratæ vr̃bis in domino semper fidelis, dato munere carcerariis, die ac nocte Christi martyres frequentabat, & ita ab eis doctrina & virtute fidei roborabatur, talia etiam ipsi pro Christi nomine plena delectatione perferre cuperēt, & capulo persequētis facilia supponerēt colla. Hoc autem tyrannicas peruenit ad aures. Qui ebrietate furoris accēsus, iubet eos adhuc inauditis suppliciis adigi, & maioribus vinculis onerari, nauimq; imperat lignorū aridorū manipulis adimpleri, atque in eadem omnibus alligatis in medio pelago igne subposito concremari. Eductisq; illis de custodia, multitudo populi dei, bellatores trinitatis quasi agnos innocuos ad victimam deducebat, & rigentium pondera catenarum quasi quædā monilia peruidebat, quia non fuerunt illa vincula,

sed potius ornamenta. Incedebant itaque cum fiducia ad supplicium, quasi ad epulas concurrentes, vna voce per ambitus platearum domino decantantes: Gloria in excelsis deo, & in terra pax hominibus bonæ voluntatis. Votiuia nobis hæc dies est, & omni festiuitate festiuior. Ecce nunc tēpus acceptabile, ecce nunc dies salutis, quando pro fide dñi dei nostri perferimus præparatum supplicium, ne amittamus acquirētē fidei indumentū. Sed & populus publica voce clamabant: Ne timeatis ô populi dei, neq; formidetis minas atq; terrores præsentium tribulationum, sed potius moriamur pro Christo, quomodo ipse mortuus est pro nobis, redimens nos precio sui sanguinis salutaris. Vnū tamen vehementi conatu qui inter eos infantul⁹ videbatur, nomine Maximū, cupiebant autores malorū à sanctorum consortio separare dicentes: Infantule quid festinas ad mortē? dimitte eos, infaniunt, & audi consiliū nostrū, vt possis inuenire vitæ remedium, & tanti regis adire Palatium. Tunc ille ætate quidem puerili, senili tamen maturitate clamabat: Nemo me separat à sancto patre meo Liberato abbate, & fratribus meis, qui me in monasterio nutrierunt. Cum ipsis sum in timore dei conuersatus, cum ipsis desidero passionem suscipere, cum quibus credo me & futuram gloriam inuenire. Nolite putare, quia potestis seducere pueritiam meā. Simul nos dominus septem voluit congregare, simul

dignabitur omnes vno martyrio coronare. Quomodo nemo perire potuit de septenario illo numero felicitum Machabæorum, ita etiam septenus nostræ congregationis numerus, nullū inueniet detrimentum. Nam si negauero eum, & ipse negabit me, quoniam ab ipso dictum est: Qui me negauerit coram hominibus, negabo & ego eum coram patre meo qui est in cælis. Et qui me confessus fuerit coram hominibus, confitebor & ego eum coram patre meo qui est in cælis. Perducti itaque cum festinatione ad nauale supplicium pro voluntate infandi regis, vel crudelium ministrorum, extēsis manibus & pedibus clauati feruntur potius quàm ligati. Qui dum ignis fuisset lignis iniectus, statim imperio diuino videntibus cunctis extinctus est. Et dum sæpius renouaretur nutrientibus pabulis, iterum atque iterum exinguebatur rogos globo flammarum, Et cum exinde magis tyrannus furore simul esset & rubore repletus, iussit eos remorū vectibus enecari, & ita singulos in modum canum cerebris comminutis extinguere. Qui tali genere mortis, debitum spiritum feliciter domino reddiderunt. Nec expauerunt lignis quatientibus mortificari, quibus semper fuit spes omnis in ligno. Sed cum in mari venerabilia corpora iactarentur, ilico quod contra naturā est æquoris, eadē hora illæsa corpora pelagus littori reddere maturauit: nec ausum fuit, vt moris est, triuana dilatione in profundo retinere, ne præ-

DE PERSEC. VANDAL. LI. III. 55
 cepto dominico minime paruisset. Ad quod mi-
 raculi genus, & ipse tyrannus licet impœnitens,
 vt fertur expauit. Gaudēs autē quæ aderat mul-
 tudo, corpora sanctorum martyrum diligenti
 tradidit sepulturæ præcūte clero venerabili Car-
 thaginensis ecclesiæ. Vbi etiā & prædicandi dia-
 cones, tertio iam confessores effecti, Salutaris &
 Muritta, geruli reliquiarum affuerunt. Humatæ
 sunt igitur cum hymnis solennibus lipsanæ bea-
 tæ sanctorum, in monasterio Biguæ cōtinuo ba-
 silicæ quæ dicitur Celebrinæ. Et sic in confessio-
 ne trinitatis beatissimi martyres passi sunt, & spe-
 ciosum cursum certaminis sui coronante domi-
 no perfecerunt. Cui est honor & gloria, in secu-
 la seculorum, Amen.

FINIS.
















A Tab.ⁿ II. n^o 28